


# পালিশ কাহিনী

পথানন ঘোষাল

দ্বিতীয় খণ্ড



গ্রন্থালয় বুক হাউস ॥ ৭৮।১, মহাত্মা গান্ধী রোড ॥ কলিকাতা-৯

প্রথম প্রকাশ  
জ্যৈষ্ঠ ১৩৬৭  
প্রকাশক  
শ্রীসুশীল মণ্ডল  
৭৮/১. মহাত্মা গান্ধী রোড  
কলকাতা-৯  
প্রচ্ছদপট  
শ্রীগণেশ বসু  
প্রচ্ছদ মুদ্রণ  
ইম্প্রেশন হাউস  
৬৪ সীতারাম ঘোষ স্ট্রীট  
কলকাতা-৯  
মুদ্রক  
শ্রীরনজিৎ কুমার মণ্ডল  
লক্ষ্মীজনার্দন প্রেস  
৬ শিবু বিশ্বাস লেন  
কলকাতা-৬।

দশমটাক

## আমার মহান ঊষ তন সপ্তপুরুষকে

রাজা

দোলগোবিন্দ ঘোষাল

|

পণ্ডিত

রঘুদেব ঘোষাল

|

রাজা

বামশঙ্কর ঘোষাল

|

কুমার

বাধাকান্ত ঘোষাল

|

দেওয়ান

নবরুঞ্চ ঘোষাল

প্রাণরুঞ্চ ঘোষাল

ত্রিনোকা সুন্দরী দেবী

|

রায় বাহাদুর

কমলাপতি ঘোষাল

[ ১৮২০ — ১৯০৯ ]

জগন্নারিনী দেবী

|

রায় সাহেব

কালিসদয় ঘোষাল

আশুতোষ ঘোষাল





## প্রথম অধ্যায়

পুস্তকের প্রথম খণ্ডে বর্ণিত হয়েছে ঊনবিংশ শতাব্দীর শেষার্ধ্বে পঞ্চ পলিশী সম্প্রদায়ের ইতিহাস। এই খণ্ডে বর্ণিত হবে বিংশ শতাব্দীর সূত্র থেকে পলিশী ব্যবস্থার কাহিনী। কিন্তু—এ-ছাড়া মধ্যবর্তীকালে শহর-সমূহে পলিশী-ব্যবস্থা অক্ষয় থাকলেও গ্রামাঞ্চলগুলি কিছুকাল ব্রিটিশ পুলিশের প্রভাব-মুক্ত ছিল।

এই ভাংসার জমিদার শাসকদের সেনাবাহিনীর অবলম্বিত ঘটনা। লর্ড হেল্‌সলি সাহেব তাঁদের বিচার-ব্যবস্থা বিলুপ্ত করেন। কর্ণওয়ালিশ অতঃপর রদ করলেন বাংলার জাতীয় পুলিশ। কিন্তু তার জায়গায় জমিদারী পুলিশের মতো গ্রাম-ভিত্তিক কোন পুলিশী ব্যবস্থা থাকে নি। কলে বহুকাল গ্রামাঞ্চলে ব্রিটিশ পুলিশের কোন প্রভাব ছিল না। জনগণের জমিদারী পুলিশের মতো গ্রাম রক্ষার কোন ব্যবস্থা করা হয় নি। অল্প দিকে স্বাস্থ্য-সংক্রান্ত দৌলতে পলিশী জমিদার বেশ গুলি মৃতপায় হয়েছে। তাই শহরগত ব্যবসায়ী জমিদাররা গ্রাম সম্পর্কে নিস্পৃহ। এতে মধ্যবর্তীকালে গ্রামাঞ্চলে বর্ধিত পরিবারগুলির নেতৃত্বে একপ্রকার রক্ষণব্যবস্থা গড়ে উঠে। সেই সঙ্গে শিক্ষা, পুষ্টি-প্রভৃতি জনহিতকর কাজ গ্রামের লোক নিজেদের করেছে।

এই পার্থক্যের বর্ণনায় বিবরণ মধ্যবর্তীকালে গ্রামের পুলিশ-বিহীন অবস্থার নিখুঁত ঘটনাবলী। রাষ্ট্রীয় ব্যবস্থার অঙ্গ-বদলে গ্রামীণ সমাজে কিছু বিপ্লবের সৃষ্টি হয়। এর অত্যন্ত কারণ শহরমুখী হয়ে শিক্ষিত ধনীদেব দলে দলে গ্রাম পরিত্যাগ। জনগণের ক্ষমতার অতিরিক্ত ক্ষমতা পুলিশের নেই। একমাত্র অসাধু পুলিশ-কর্মীরাই অতিরিক্ত ক্ষমতা দাবী করে। জনগণের করণীয় কার্যই পুলিশ সম্পন্ন করে থাকে। জনসাধারণের কর্মব্যস্ততা ও সমস্যাভাবের জন্য একটি বেতনভুক্ত গোষ্ঠীকে উদ্ভূত করে পুলিশী দায়িত্ব দেওয়া হয়েছে। এর জন্য প্রয়োজনীয় শিক্ষাদিও তাদের দেওয়া হয়ে থাকে। [ অবশ্য মানব-মনে 'বিবেক'ই প্রথম পুলিশের কাজ করে। ] গৃহতন্ত্রসী প্রভৃতি কয়েকটি দায়িত্ব ছাড়া পুলিশের সকল ক্ষমতাই জনগণের আছে। কোন অপরাধ সম্মুখে ঘটলে রক্ষীদের মতো জনগণও অপরাধীকে গ্রেপ্তার করতে সক্ষম। আদালতের করণীয় কার্য স্বহস্তে গ্রহণ করলে জনগণের মতো পুলিশকেও দণ্ড পেতে হয়। যত অপরাধীকে তৎক্ষণাৎ ধানায়

পাঠাতে হয়। কিন্তু, পুলিশ প্রয়োজনবোধে অপরাধীকে ২৪ ঘণ্টা পর্যন্ত নিজেদের হেফাজতে রাখতে পারে।

পুলিশ স্বীয় দায়িত্ব পালনে অবহেলা করলে জনগণ প্রাইভেট পুলিশ হস্তি করতে বাধ্য হয়। কারণ, পৃথিবীতে ভ্যাকুয়াম বা শূন্যস্থান বলে কিছু নেই। পুলিশ নিষ্ক্রিয় হ'লে একপ-ঘটনা বারে বারে ঘটেছে। যথার্থ শিক্ষার অভাবে এ-সব ক্ষেত্রে জনগণের বহু ভুলভ্রান্তি হয়ে থাকে এবং কখনো কখনো এতে সমাজ-বিরোধীদের অহুপ্রবেশ হয়েছে।

বাঙালীর জাতীয় পুলিশের বিলুপ্তি ঘটালেও ব্রিটিশ রাজশক্তি গ্রামাঞ্চলে অহুপ্রবেশ দৃষ্টি পুলিশ তৈরী করতে পারে নি। জমিনদারী থানাগুলির এলাকা ক্ষুদ্র ক্ষুদ্র ছিল। চৌকিদার, দফাদার, ঘাটীয়াল এবং থানার নায়ক নায়েব ও পাইকদের দ্বারা গ্রামগুলি পরিবেষ্টিত থাকতো। ফলে ওদের অভাবে গ্রামের মানুষ স্বীয় সমাজ-ব্যবস্থা ও মানসিকতার আয়ুর্ন পরিবর্তন ঘটায়। তাতে গ্রামবাসীরা নিরাপত্তার ব্যাপারে রাষ্ট্রীয় পুলিশের সহায়তার কিছুনা প্রয়োজন অহুপ্রবেশ করে নি। উহার প্রমাণ স্বরূপ আমার শৈশব-স্মৃতি থেকে একটি ঘটনার উল্লেখ করছি। “মাতুলালয় থেকে পিতৃগৃহে ফিরছি। তিরিশ মাইল পথ গরুর গাড়িতে করে যেতে হবে। গাড়িতে বসে আছি মার কোল ঘেঁষে। দিদিমা গরুর গাড়ির পিছন পিছন হাঁটছেন। গ্রামের সীমান্তে এসে থমকে দাঁড়ালেন তিনি। চলমান গাড়ির ফোকরে দিদিমার মুখাবয়ব ক্রমশঃ ক্ষুদ্র হতে ক্ষুদ্রতর হতে থাকে। তারপর এক সময় পথের বাঁকে অদৃশ্য হলেন তিনি। আমি ‘দিদিমা গো’ বলে মার কোলে মুখ লুকোলাম। উচু-নিচু কর্দমাক্ত মেটে রাস্তার তখন গরুর গাড়ি ঠাণ্ডানামা করছে। গাড়োয়ান এজাহার আলি সম্ভার আগে আমাদের বাড়ি পৌছবে। পথে চোর-ডাকাত আর ঠেঙাড়ের ভয়। গাড়ির সামনে দেনালী ও মমতাজ মঞা। আর দুপাশে লম্বা লাল লাঠি হাতে মহীন্দ্র বাগদী ও ফকর দুনে। ভাগতে বেশ অবাক লাগে বাড়ির লোকদের মুগ্ধিম প্রজাদের প্রতি কি অগাধবিশ্বাস ছিল। সালসারী বৃদ্ধদের রক্ষার ভার সেই কালে ওদের ওপরই নিশ্চিত দেওয়া যেত।

[ বিঃ দ্রঃ—সামাজিক প্রথাভ্রাসারে তৎকালে বধূরা প্রতিবৎসর কিছু কালের জন্য পিত্রালয়ে বাস করতেন। মাঝে মাঝে স্বামী-স্ত্রীর পৃথকভাবে থাকার বৈজ্ঞানিক প্রয়োজনীয়তা সমাজ-কর্তৃক স্বীকৃত ছিল। তাই আমাদেরও কিছুকাল মার সঙ্গে মাতুলালয়ে থাকতে হতো। ঐ-সময় পিতৃগৃহে বাঙালী বধূরা তাঁদের পূর্বের স্বাধীনতা ফিরে পেতেন। ]

বেলা দ্বিপ্রহরে দুইটা বলবান বলদ গাড়ি নিয়ে মাঠের পথে চলেছে। হঠাৎ একদল

কাঁকড়াচুলো লোক পথ আগ্লেবলে উঠলো—‘কেডা যায় রে!’ মা সভয়ে অফুট কণ্ঠে তখন আমাকে বললেন, ‘খোকা’ ওরা বোধহয় ডাকাত।’ মার গায়ে মূল্যবান জ্বরত ও স্বর্ণালঙ্কার। গাড়োয়ান এজাহার আলি গাড়ির বিচুলির গদির তলা থেকে একটা ধারালো কাতান বের করল। দেনালী মিঞা তখন ওদের সকলের নেতা। সে গাড়ির ছই’এর ভেতর মুখ বাড়িয়ে সে মাকে বললে, : ‘না, এখানে আমরা চার ভাই। দেনালী, মমতাজ, মহীন্দ্র ও ফকির। তোমার এই চার বেটা জ্ঞান কবুল করবে। তবে আগে জিজ্ঞেস করি, ওরা কোন্ দলের। এজাহার আলি রইল আমাদের পাহারায়।’ অত্ পক্ষ ওদিকে হুঙ্কার দিয়ে উঠল। দুই পক্ষ তখন পরস্পরের মুখোমুখি। জ্ঞাত জমিদারের রক্ত আমার ধমনীতে। আমি যুদ্ধ দেখবার জন্য উদ্গ্রীব হলাম। ওদের মধ্যে কি কথা হ’ল শুনতে পেলাম না। একটু পরে সামনে কাঁকড়াচুলো কপালে সিঁদুর লোকটা এগিয়ে এসে নত হয়ে মাকে বললো, ‘মা’ ভয় নেই, আমরা তোমাদেরই প্রজা।’ সে মার পায়ে একটা রৌপ্যমুদ্রা রেখে প্রণাম করল। ডাকাতগুলোর ওপর খুব রাগ হচ্ছিল আমার। মাঝখান থেকে আমার মৃদুটা দেখা হ’ল না।

[ আশ্চর্য,—সেই মেটে পথ এখন বাস-চলা পিচের রাস্তা। হুঁধারে ইলেকট্রিক পোস্ট। মাঝে মাঝে টিউব ওয়েল। কৃষকদের পর্ণকুটিরের বদলে সর্বত্র টিনের ছাউনি। ] রাত আটটায় আমরা পিতৃগৃহে পৌছলাম। কাণী পুঞ্জের অমা রাজি। সব মহল আলো ঝলমল। ঘরে ঘরে ঝাড়লগুন। দেয়ালে দেয়ালে দেয়াল-গরি বাতি। জুউচ ঠাকুর দালানে সুবিশাল মুনময়ী নীলবর্ণের কালীমূর্তি। ওদিকে আমি মাতৃকোড়চ্যুত হয়ে ক্রোড় থেকে কোড়ান্তরে কাঁপিয়ে খাড়াছি। ততক্ষণে সেই নতুন পরিবেশে আমি দিদিমার কথা সম্পূর্ণ ভুলে গিয়েছি।

[ বিঃ দ্রঃ—জমিনদারী পুলিশের আমলে ঐ সব সংযোগ রক্ষাকারী রাজপথগুলি ঘাটিয়ালি পুলিশের রক্ষণাধীনে ছিল। ১ম খণ্ড দ্রঃ। তারা ঘাঁটিতে ঘাঁটিতে থেকে ঐ সমস্ত পথে টহল দিত। লর্ড কর্ণওয়ালিস জমিনদারী পুলিশ রাষ্ট্রায়ত্ত্ব করে ঘাটিয়ালি পুলিশ ও থানাদারী পুলিশ বাতিল করেন। কিন্তু ব্রিটিশ থানাদারী বা অত্ পুলিশ দিয়ে ওগুলির কোন রক্ষণ ব্যবস্থা করা হয় নি। ]

সমস্ত ঘটনা অবগত হয়ে অশীতিপর পিতামহী দেনালী মিঞাকে ডাকলেন ও কাছে বসালেন। তাদের মুড়ি-গুড় ও নিঠাই খেতে দিয়ে ছুকুম দিলেন, ওদের প্রত্যেককে যেন গোলা থেকে চার মন করে ধান দেওয়া হয়। তারপর উনি ওদের একজনকে ডেকে বললেন, ‘বটে, ৭টা গোপীনাথের দল! গোপীনাথকে কাল ডেকে আনবি। শুকে আমি নিজে ধমকে দেব।’

আশ্চর্যের বিষয়, এতো বড়ো একটা ঘটনা জিলা হাকিম বা পুলিশকে কেউ জানাবার প্রয়োজনে মনে করলো না। অস্তঃপুরচারিণী পিতামহী বাড়িতে বসেই প্রয়োজনীয় ব্যবস্থা গ্রহণ করলেন।

[ তৎকালীন গভর্নমেন্ট পুলিশের মতো প্রাইভেট পুলিশদেরও পুরস্কার ও তির-স্কারের ব্যবস্থা ছিল। আশ্চর্যের ব্যাপার, পিতামহীর মতো অতি বৃদ্ধাও এই কার্যে স্বেচ্ছা ছিলেন। গভর্নমেন্ট ও প্রাইভেট পুলিশের কার্যধারা প্রায় একই প্রকারের ছিল। তার ওপর প্রাইভেট পুলিশের এলাকা সম্পর্কিত কোন বাহ্যবিচার না থাকায় পরস্পরের মধ্যে সহযোগিতা ছিল। জনগণের যে-কোনও অংশ প্রয়োজনে প্রাইভেট পুলিশের স্বাভাবিক হয়ে ছে।

আস্তঃজিলা ও আন্তঃপ্রদেশ সড়কগুলি পূর্বে বিভিন্ন জমিনদারী পুলিশ পরস্পরের সহযোগিতায় রক্ষা করতো। জমিনদারী পুলিশ বাতিল হওয়ার পর ঐগুলি রক্ষার ভার কারও ওপর গুস্ত হয় নি। ফলে তীর্থযাত্রী ও বণিকদের পক্ষে ঐ পথ বিপক্ষ-সংকুল হয়ে ওঠে। ঐ সময় তীর্থযাত্রীরা যাত্রার পূর্বে উইল করে পথে বেরুতেন। শুনেছি, পিতামহী একবার তীর্থে বেরুলে বাঁড়িতে কান্নাকাটি পড়ে যায়। উনি তাঁর যাবতীয় অঙ্গকার বস্তুদের মধ্যে ভাগ করে দেন। ভবিষ্যৎ শরিকী বিবাহ এড়াতে পুত্রদের মধ্যে বিষয়-সম্পত্তি ভাগ করে দেওয়া হোল। সেকালে তীর্থে গেলে লোকে প্রায়ই জীবিতাবস্থায় ফিরে আসত না। কিন্তু পিতামহী স্বস্থ শরীরেই গ্রামে ফিরে এসেছিলেন। তাঁর দুজনে বলিষ্ঠ লাঠিয়াল প্রজা তাঁর নিরাপত্তার জগা তাঁর সাথে নিযুক্ত ছিল। যারারক্ষা করে তাদেরই রক্ষা তথা পুলিশ বলা হতো। কিছুক্ষণ একটা কক্ষে একটা পালকে ঘুমিয়েছিলাম আমি। হঠাৎ বাজনার তীব্র শব্দে ঘুম ভাঙল। অগ্ন্যদের সঙ্গে ছুটে গেলাম ঠাকুর দালানে। একটু পরেই বলি-দান হবে প্রশস্ত প্রাক্ষণে। বিশাল যুপকাঠের চতুষ্পার্শ্বে মশালের উজ্জ্বল আলো। চতুর্দিকে অপেক্ষমাণ ভগবত বিশ্বাস জনতা। একটা মহিষ-শিশুকে টানতে টানতে সেখানে আনা হোল। কিছুতে বাগ মানানো যাচ্ছে না পশুটাকে। দুবার দাঁড়ি ছিঁড়ে পালাল—দুবারই তাকে ধরে আনা হোল। শেষ পর্যন্ত বাঁশ দিয়ে ওর ষড় চোপে গলাটা রাখা হোল যুপকাঠে। আমি মশালের আলোয় স্পষ্টই দেখতে পেলাম নির্বাক ঐ মহিষ-শিশুর চোখ দিয়ে জল গড়াচ্ছে। আমার খুব রাগ হচ্ছিল। মা-কালী খাঁড়া নিয়ে ওদেরকে তাড়াকরছেন না কেন! ঠাকুর দালানের উঁচু রোয়াকে দাঁড়িয়ে সবাই স্তব্ধ হয়ে মা-মা ডাকছে। সেই প্রার্থনার উদ্দেশ্যে যাতে বলিদানে কোন বাধা না পড়ে। হঠাৎ জগ্নাদের খাঁড়া জল জল করে ওপরে উঠল। সঙ্গে সঙ্গে আমিও মেঝেতে পড়ে জ্ঞান হারালাম।

জখন আর মাতৃপূজার দিকে কারও মন রইল না। আমি বাড়ির জ্যেষ্ঠ পৌত্র। সকলেই ব্যস্ত হয়ে পড়ল আমাকে নিয়ে। ঠাকুয়ার হুকুমে পর বৎসর থেকে মহিষ-বলি বন্ধ। এরপর থেকে ঠাকুমা অন্দরমহলে ঠাকুর ঘরে নিরামিষাশী দেবতা মারায়ণের সেবাতে মন দিলেন।

[ কিন্তু—ঐ কালী পূজার বলি বন্ধ কারও পছন্দ নয়। পারিবারিক পূজায় গ্রামের আবাল-বৃদ্ধবনিতা ও বাইরের গ্রামের বহু ব্যক্তিও সংশ্লিষ্ট ছিলেন। কিন্তু গণ-বিক্ষোভ দমনে ব্রিটিশ পুলিশ ডাকা হয় নি। ঠাকুমা নিজেই ওদের ধমকে ও বুঝিয়ে সংযত করলেন। ]

শহরে হলে এইরূপ অহুষ্ঠানে রাষ্ট্রীয় পুলিশের পাহারা থাকতো। কিন্তু গ্রামে প্রত্যেকেই প্রত্যেকের পুলিশ হওয়াতে তার কোন প্রয়োজন ছিল না। তখনো গ্রামে সমঝোতাবোধ, আত্মগত্যা ও লোকবলের অভাব মনে হয় নি। আমাদের বিপুলায়তন গৃহের চারপাশে দৌহিত্র সম্মান ও পুরোহিত বংশের বসবাস। গ্রামের সীমানা বরাতে অসংখ্য কৃষক ও লড়াই প্রজাদের বসতি। সমগ্র গ্রামটাই যেন একটা দুর্ভেদ্য দুর্গ। এক ডাকে যৌথ পরিবারগুলি থেকে এবং প্রজাদের মধ্য থেকে বহুলোক বয়োবৃদ্ধদের আদেশ পালনে তৎপর হয়। সেখানে রাষ্ট্রীয় পুলিশের উপস্থিতি নিতান্তই নিম্নপ্রয়োজন।

[ লোকবলের জ্ঞাত তৎকালে প্রথা ছিল, জমিজমা সহ বাস গৃহ প্রদান করে কন্যা জামাতা নিকটে রাখা। গ্রামে আমাদের বহু প্রতিবেশী বংশ ঐভাবে প্রতিষ্ঠিত। ভগিনীপতি জনসম্মুখে নেতা হরিপদ ভারতী ঐ প্রথা পুনঃপ্রবর্তনের জ্ঞাত বলেন। কিন্তু আর্থিক সংগতির অভাবের সঙ্গে সেদিনকার মানসিকতা ও সোচ্চারিতা আজ আর নেই। ]

ষোড়শ বাড়িতে নৈকষ্য-পুল্লীন ব্রাহ্মণকন্যা চাই। পঞ্চমবর্ষীয়া কন্যা পিতামহীকে এক উভয় পক্ষীয় আত্মীয়ের মাধ্যমে ভুলিয়ে এনে পিতামহের সঙ্গে বিবাহ দেওয়া হোল। কন্যা পক্ষ দক্ষ লাঠিয়ালদের ভয়ে পিছিয়ে গেলেন। ইহা ছিল শক্তিদর্মীয় পাত্রের সহিত বৈষ্ণব ধর্মীয় বধুর আত্মবর্মীয় বিবাহ। কিন্তু এজ্ঞাত পাত্রীদের মাধ্যমে ইংরাজ হাকিমের নিকট গুঁরা দরবার করে নি। শেষ পর্যন্ত উভয়পক্ষ ব্যাপারটা মিটমাট করে নিলেন। কিন্তু ঠাকুমা এজ্ঞাত কখনো অপমান বোধ করেন নি। সেই ঠাকুমা এখন এ-বাড়ির মতো সমগ্র গ্রামের মহা কুর্ভী। আমাকে সঙ্গে নিয়ে উনি প্রজাদের বাড়ি বাড়ি গিয়ে খবরাখবর নিতেন। একদিন জুনলায়, ঠাকুমা এক কৃষক বধুকে বলছেন,—“ই্যা রে বৌ, তোর সোয়ামী তোকে ঘারে ? তা, তুই আমাকে তো বলিস্ নি।” প্রত্যুত্তরে কৃষক বধু সলজ্জভাবে বলে-

ছিল,—‘তা, মারুক্ মা। না মারলে ও আমাকে ভালবাসে কিনা তা আমি বুঝবো কেমন করে!’ পারস্পরিক বিবাহে পুলিশ কিম্বা আদালতের শরণাপন্ন হওয়া তখনো অকল্পনীয়।

সমস্ত কাজকর্ম সমাধা করে ঠাকুমা সন্ধ্যাবেলা অন্দরমহলের উঁচু রোয়াকে আমাকে কোলে নিয়ে বসতেন। উঁচু দালানের লম্বা মাটির নলের ওপর দুটো ধব্ধবে সাদা পাখি। ও দুটো ঠাকুমার অতি আদরের লক্ষ্মী পেঁচা। এ-ছাড়া ঠাকুমার আরো দুটি প্রিয় প্রাণী ছিল। সে-দুটি বাস্তু সাপ। ওরা পুরুষানুক্রমে এখানে আছে। এ-বাড়ির কোন ক্ষতি করে না ওরা। জ্যেৎম্বা রাতে কখনো কখনো ওদের দেখা যায়। কদাচিৎ বাড়ির উঠোনে ওদের শব্দ লাগে। উর্ধ্বকণী হয়ে ওরা পরস্পরকে আলিঙ্গন করে। সিঁদুরমাথানো চেলি ওদের দিকে ছোঁড়া হয়। ওগুলোর মধ্যে কিছুক্ষণ ক্রিড়া করে ওরা বলে গেলে ঐ চেলি পবিত্র দ্রব্যরূপে গৃহীত হতো।

পুরুষানুক্রমে মাহুষের সঙ্গে একত্রে বাস করলে জন্তুরা হিউমান ইনস্টিংক্টে প্রাপ্ত হয়। তারা বোঝে যে এ-বাড়ির কেউ তাদের কিছু ক্ষতি করবে না। সর্পজীব আসলে ভীতু প্রাণী। ভয় পায় বলেই আত্মরক্ষার্থে ওরা ছোবল দেয়। এখানে তাদের কাউকে ভয় নেই। বৌদ্ধ মাঠে পাখি মারা নিষেধ। তাই পাখিরা সেখানে নির্ভয়ে ঘুরে বেড়ায়। এজ্ঞে মৃত্যুভয়ে ভীত বানররা পুরীর মন্দিরে আশ্রয় নেয়। এ’কারণে বগ্ন শূকররা পাকিস্থানে ও নীল গাই ভারতে বাসা নেয়।

ঠাকুমার একটা নিজস্ব পুরানো কাঠের সিন্দুক ছিল। তার ভেতরে সংগৃহীত ছিল কয়েক শতাব্দীর ঐতিহাসিক সামগ্রী। কবে পরিবারের কোন্ এক বধু মৃত পতির চিতায় আত্মবিসর্জন করে সতী হন। তাঁর রক্তাভ পদচিহ্ন একটা পুরাতন তুলট কাগজের উপর আমি দেখেছি। শুভ কাজে যাত্রাকালে শুটা কপালে ঠেকানো হ’ত। ঐ সিন্দুকে ঠাকুমার প্রচুর মোহর ছিল। ঠাকুমা ওগুলো হাত-ছাড়া করতেন না কিছুতে। এ-বিষয়ে অহুযোগ করলে তিনি বলতেন,—‘পরে যদি তোরা আমাকে না দেখিস ?’ ঠাকুমার ঐ কাঠের সিন্দুক থেকে প্রহরে প্রহরে কট্ কট্ করে শব্দ উঠতো। বাড়িতে অনেক ঘড়ি থাকা সত্ত্বেও ঠাকুমার ওর ওপরেই বিশ্বাস ছিল বেগী। পরে বুঝেছিলাম, তাপমাত্রার উত্থান-পতনে ঐ কাঠের সঙ্কোচন প্রসারণ হওয়াতে ঐরূপ শব্দ হোত।

[ঠাকুরমাতা তাঁর শশমাতা জ্বালোকীমন্দিরীর মুখে শোনা বাড়িতে ডাকাত পড়ার একটা পুরনো কাহিনীর বর্ণনা করেছিলেন। ঐ কাহিনী থেকে পুরানো দিনের জমিদারদের আত্মরক্ষা-ব্যবস্থা সম্বন্ধে কিছুটা অবহিত হওয়া যায়। একবার

সন্ধ্যা পাওয়া গেল, রাত দুটোয় ডাকাতরা ডাকাতি করতে আসবে। সেই কালে সূর্য ঘড়ি ছাড়া অন্য ঘড়ি সৃষ্ট হয় নি। ঠিক রাত দুটোর সময় ঐ সিন্দুকটা থেকে কট্‌কট্‌ আওয়াজ উঠেছিল। ডাকাতরা জ্বেনেছিল, এ-বাড়িতে অটেল মোহর আছে। ইংরাজ রাজত্ব এদেশেতে বহুকাল স্থাপিত হয়েছে। আমাদের পুলিশ ও বিচার-ক্ষমতা ওরা কেড়ে নিলেও কিছু বড় াস্ত পাইক-বরকন্দাজ তখনো আমাদের অন্তর্গত ছিল। একজ্ঞা এখনো এ-বাড়ির দাপট কিছুমাত্র কমে নি। আমরা তখন চক্ৰিশ পরগণার ক্ষুদ্র জমিদার। ক্ষুদ্রদের দায়িত্ব কম হওয়াতে ক্ষমতা বেশী হয়।

একদিন একটা রক্ত বস্ত্র ও রুদ্রাক্ষের মালা পরিহিত ঝাঁকড়াচুলো লোক কর্তা-মশাই এর কাছে নত হয়ে ভূর্ধ্বপত্রে লেখা একটি পত্র দিল। ওদের চাহিদা সামান্য। বাৎসরিক সিধা—‘বিগমন ধান, দুশো একারটি কড়ি এক দুখানি আকবরী মোহর। প্রতি বছর কালী পূজোর রাতে তারা এসে তা নিয়ে যাবে। দূত সন্ধ্যা, সন্ধ্যাতে লোস্টা ভৎসিত হয়ে ডেরায় ফিরল।

কালী পূজার অমানশা। রাত্রি দ্বিপ্রহর। নিশিপূজা সবে শেষ হয়েছে। হঠাৎ দেখা গেল অনন্থা মশালের আলো। হারে-রে-রে শব্দ! তখন নিজস্ব পাইক-বরকন্দাজের দল আমাদের নেই। বহু পূর্বেই তারা বিদায় নিয়েছে। ঘারিদের প্রধান অন্তর্গত ডাকাত রথ তখন দূর দেশে স্বকার্ষে গেছে। অবশ্য বাড়ির তরুণরা স্তরবারি হস্তে যুদ্ধের জন্তে প্রোদ্রণে প্রস্তুত। শুদিকে ঘোড় সওয়ার সদরে খবর দিতে গিয়েছে। বাড়ির চাপা সিঁড়িগুলির লোহার কপাট বন্ধ করে দেওয়া হোল। পুলিশারীরা আশ্রয়স্থার জন্ত চোরা কুঠামিতে ঢুকলেন। বাকি দিন দেউড়ীর ঘরবান্ধরা। ডাকাতরা টেকিকলের সাহায্যে দেউড়ীর দরজা ভাঙলো। কয়েকটি হত্যাকাণ্ডের পর ওরা বাঁকা সিঁড়ির পথে উপরে উঠতে লাগল। বস্তা বস্তা সরষে ছিল সিঁড়ীর চাতালের ওপর। বাড়ির গিন্নিরা সেগুলো সিঁড়ির ওপর ছড়িয়ে দিলেন। ডাকাতরা অন্ধকারে পা পিছলে নিচে পড়তে লাগল।

বাড়ির চিলের ছাদের ওপর একটা মিনার ছিল। অন্তঃপুরিকারা ওখান থেকে দূরের গঙ্গা দেখত। কর্তামশাই ওখানে দাঁড়িয়ে শিঙে ফুঁকে দূরের প্রজাদের জানিয়ে দিলেন ডাকাত পড়ার খবর। হৈ-হৈ করে ছুটে এল বাগ্‌দী পাড়ার দুশো ঘর প্রজা স্ত্রী-পুরুষে বহ্নম, লাঠি, আশবঁটি ও রাম দা হাতে। গোরে বেদে ডাকাতের সেই প্রথম পরাজয়। স্ত্রী-পুরুষের সমবেত সাহসিকতা পূর্ণ প্রচেষ্টায় উহা সম্ভব হয়েছিল।

কিছু ডাকাতকে ওরা পিটিয়ে মাটির তলায় গুম করলেন। বাকি গুলোকে সজ্ঞা

স্বীকার করার পর পূর্বপুরুষদের খনন করা দীঘির বাকি কাজ সমাধার জন্ত বেগার দেওয়া হোল। অপরাধীদের মেয়াদ না দিয়ে পুকুরিণী ও বাঁধ তৈরীর কাজে নিয়োগ করা পুরানো প্রথা। অবাধ্যদের গুম করার জন্ত ভূগর্ভে বহু কক্ষ আমি নিজেদের বাড়িতেও দেখেছি। তৎকালে ইংরাজ-নিযুক্ত উৎপীড়ক দারোগাদের গণ গ্রামে গুম করা হয়েছে।

চার শ' বছর পূর্বে তৈরী মাদরান দীঘির মতো বড়ো দীঘি যুক্ত বাংলার প্রেসিডেন্সী ডিভিসানে আর একটিও নেই। এর চারদিকের পাড়গুলো দেড়-তলার মতো উঁচু। প্রশস্ত বকচরের মধ্যবর্তী একশ বিঘার উপর জলাশয়। ওপারের মাছুষকে এপার থেকে ছোট দেখায়।

আজ হতে চার শ' বছর আগে মুন্সুফর জমিদার শিয়াকে জলকষ্ট নিবারণের জলে একটা সায়র তৈরীর নির্দেশ দিয়েছিলেন। প্রমাদ গুণে জমিদার রাজা তাঁকে বললেন, ঠাকুরমশাই, আপনি এক নিশ্বাসে ষতদূর দৌড়বেন ঠিক তত দূর পর্যন্তই খোঁড়া হবে। ঐ বৃদ্ধ ব্রাহ্মণ প্রাণপণে ভূমির শেষ প্রান্ত পর্যন্ত দৌড়ে জ্ঞানহারী হয়ে আর চোখ ঝুললেন না।

[ এই বিশাল দীঘির পাড় ক'টি মাত্র আমার অধিকারে আছে। প্রশস্ত বকচর পূর্বে জনগণের গোচারণ-ভূমি ছিল। গ্রামের লোক এ-থেকে বদুচ্ছাত্রমে মৎস্য আহরণ করেছে। বালকেরা ওখানে মীতার কার্টে ও নৌকো বাইতে শেখে।

পাড়ের মধ্যস্থলে একশ দশ ফুট উচ্চ আমাদের প্রস্তর-নির্মিত মন্দির আছে। এই সর্বজনীন মন্দিরের বিগ্রহ সর্বশ্রেণীর ব্যক্তিকে স্পর্শ করতে দেওয়া হয়। পৃথক কোন পুরোহিতের ব্যবস্থা সেখানে নেই। বাংলাদেশে বৃহদায়তন বহু মন্দির আছে। কিন্তু কারুকার্যখাচত এতো উঁচু মন্দির কোথাও নেই। মন্দির-সংলগ্ন আবাসিক উচ্চ বিদ্যালয় ও কলেজের আমি প্রতিষ্ঠাতা সভাপতি। ভট্টপল্লীর একটি উচ্চ বালিকা বিদ্যালয়েরও আমি প্রতিষ্ঠাতা। উপরন্তু এখনকার একমাত্র গ্রামীণ পার্কটিও আমার তৈরী। কৃষি বিদ্যালয়ের জন্তেও সেখানে প্রচুর জমি আমি আলাদা করেছি। ওখানকার দুটি প্রাইমারী বিদ্যালয়ও আমার প্রতিষ্ঠিত। এই নূতন অট্টালিকা ও পৈত্রিক বাড়ি-জমিজমা এই কাজে দান করেছি।

[ বিঃ দ্রঃ—এখানকার আবাসিক উচ্চ বিদ্যালয়ে দুইশত বালকদের ভর্তি করা হয়। এদের জন্ত আমার 'ডাইভারসহাল' চিকিৎসার ব্যবস্থা আছে। এদের বিপথ-গামী হওয়ার সকল সম্ভাবনাই এখানে বন্ধ করা হয়। অধিকন্তু অকৃতকার্য হওয়া ছাত্রদের এখানে প্রথমে ভর্তি করা হয়। কিন্তু আজও শেষ পরীক্ষাতে একজন ছাত্রও অকৃতকার্য হয় নি। এরা পালানো করে নিজেদের পুলিশী কার্য নিজেরাই করে।



এখানে আত্মজীবনী লেখা আমার উদ্দেশ্য নয়। জীবনী যত্নের অন্ততঃ পঞ্চাশ বছর পরে লেখা সম্ভব। জীবনে এমন অনেক ঘটনা ঘটে যা প্রকাশ করা যায় না। তাই নিজেদের বিষয়ে কিছু না লেখাই আমি সমীচীন মনে করেছি।

আমাদের পারিবারিক জীবনে এতোদিনে অধঃপতন হ্রস্ব হয়েছে। অবশিষ্ট জমিদারীগুলি একে একে বিক্রয় হয়ে গিয়েছে। কয়েকজন শরিকী তরুণের স্থির বিশ্বাস, তাদের অধিকারভুক্ত অংশে গুপ্তধন পোতা আছে। রাত্রে মাটি খুঁড়ে তারা দুই জালা গুপ্তধন পেল। কিন্তু সেগুলো মূল্যহীন অচল কড়িতে ভর্তি। এখন গোপনে তাড়াতাড়ি এ গত বুজিয়েফেলাতে হবে। তাদের অধিকারভুক্ত এলাকায় রক্ষিত ছিল বহু সংস্কৃত ও পার্শী গ্রন্থ। এর মধ্যে ছিল পূর্বপুরুষ রাধকান্ত ঘোষাল প্রণীত চার'শ বছরের পুরানো কয়েকটি পাঁচালি কাব্য। সেগুলি তারা তাড়া-তাড়ি এ গতে ফেরে মাটি চাপা দিল। মাটি চাপা পড়লেও এ ঘটনাটি চাপা থাকে নি।

নৈহাটি থেকে ছুটে এলেন সেই দিনের তরুণ ঝটুখ হরপ্রসাদ শাস্ত্রী। উনি কয়েকটা নক্সা ঘাটা কাঠের মলাট মাঝ উদ্ধার করতে সক্ষম হন। স্থানত্যাগ কালে উনি বাটার ভরণদের বলে গেলেন : বাবাজীবনরা ! তোমাদের উর্দতন সপ্ত পুরুষ পাণ্ডিত ছিল। কিন্তু অধস্তন সপ্ত পুরুষের শিক্ষাদীক্ষা সম্বন্ধে আমার সন্দেহ হইল। এলেন প্রমথনাথ তর্কভূষণ পঞ্চানন তর্করত্ন ও সুলগুরু কমলকৃষ্ণস্বর্গাতীর্থ। তাঁরা সব শুনলেন, দেখলেন, বুঝলেন ও আশীর্বাদ করে চলে গেলেন।

সেই মহাপাণ্ডিত ব্রাহ্মণদের বাক্য আংশিক সত্য হয়েছিল। আমরা দুই ভাই ও এক খোন ডক্টরেট। অল্প ভাগিনীরা ও এক ভ্রাতা এম, এ বি-এল। কিন্তু যারা গ্রামে রইল, তারা স্কুলের গাঁও পেকস না। এরা কেউকেউ 'এর তলায় ফুটকি দিলে কি হয় তাও বলতে পারে না।

আমাদের ঠাকুরার আমাদের দত্ত এটি অমূল্য উপদেশ ছিল তাঁর মতে যাচা কল্যাণ ও সাধা পান ফেরত দিতে নেই। তাঁর এই দুর্বলতার সুযোগে কেউ কেউ তাদের অনুচর কল্যাকে বাড়িতে রেখে চলে গেছে। এই বাড়িতে স্ত্রী চুকলে বেঁকতে নেই। অগত্যা বাড়ির কোন উপযুক্ত পুত্রের সঙ্গে তার বিবাহ হত। ফলে পূর্বের মতো দীর্ঘদেহী হলেও আমাদের কারও কারও গাত্রবর্ণ পূর্বের মতো গৌরবর্ণ নয়। ঠাকুরার আর একটি অপূর্ব উপদেশ ছিল : সবাই মিলে নিজ নিজ গ্রাম গড়লে দেশ আপনই গড়ে উঠবে। জর্নৈক বালক আম গাছে উঠে আম পাড়ছে শুনে ঠাকুরা বলেছিলেন, 'স্ববরদার ওদিকে কেউ যাবি না।' সে ভয়ে গাছ থেকে পড়ে যাবে। ঠাকুরা কাউকে অপরাধী বলে অপরাধিনী হতে চাইতেন না।

এক শ' বছর বয়সে ঠাকুমা একদিন বললেন যে তাঁর আর বাঁচার ইচ্ছে নেই। তাঁর অন্তিম সময় সমাগত। তাড়াতাড়ি তাঁকে গন্ধার ঘাটে নিয়ে যেতে হবে। সেখানে তিনি তে-রাস্তির বাস করবেন। উনি বাচ্চাদের তখন তাড়াতাড়ি খাইয়ে দিতে ছকুম দিলেন। সবাইকে সাবধান করে দিলেন ও বললেন যে বাসনগুলো না তুললে চুরি যাবে। আমরা তাঁর শেষ সময়সঙ্গে ছিলাম। গভীর রাতে অন্তর্জ্বলির অন্তে তাঁর পায়ে বড়ো আঙুল গন্ধার জলে ডুবোনো হলো। উনি হারিবোল বলে আঙুল ঘুরিয়ে দেহতাগ করলেন। তাঁর প্রিয় পৌত্রদের প্রাতি তিনি একবার ফিরেও তাকালেন না।

[ হোমিওপ্যাথী চিকিৎসকরা বলেন, এটা ঠিক ইচ্ছামৃত্যু নয়। এটা একপ্রকার মৃত্যু-ভয়। হোমিওপ্যাথী ঔষধ প্রয়োগে উনি কিছুদিন বাঁচতেন। আমার মতে দিবসের শেষে নিত্রাকাজ্জা আসার মতো জীবনের শেষে মানুষ মৃত্যুকে আকাজ্জা করে। ]

কিন্তু—ঐ অবোধ মহিষ-শিশুর কান্না বার্থ হয় নি। সেই বিরাট ঠাকুরদালানের অধিকাংশই আজ বিধ্বস্ত। তার স্তম্ভগুলির পোড়ামাটির অলংকরণে মুগ্ধ হয়ে তা লোকে সংগ্রহ করে। সেখানে আজ আর কোন মাতৃপুঞ্জার আদোজন নেই। কুল-নারীরা প্রতিমার কানে কানে বলে না : ‘মা সামনের বছর আবার এসো।’ শরিকী মামলায় সিদ্ধকগুলি রোপা মৃত্যুর বদলে মায়লার নশিতে ভর্তি। ঠাকুমা চেষ্টা করেও এ-সমস্তের অবসান ঘটাতে পারেন নি। একে একে ভেঙে পড়ল রাজা রামশঙ্কর নির্মিত সাতটু মহল। জমিদারী বিলুপ্ত হওয়াতে বৃহৎ আট্টালিকার মেরামত সম্ভব নয়। শরিকরা ঐ বাড়িরই ইট ও কড়ি তুলে দূরে দূরে পৃথক গৃহ নির্মাণ করেছেন। শিক্ষিত স্বচ্ছল ধারা তাঁদের সবাই যুরোপ ও ভারতের বিভিন্ন স্থানেতে বাস করে। ইটের ভগ্নস্তুপের ভেতর শিশুদের [রাম ছাগল টানা] পাড়ির চাকা, ভাঙা পাখীর কাঠ, বর্মার ফলক, তরবারী ও খাঁড়ার লোহখণ্ড, হাতীদের লৌহ ডাঙস, ঘোড়ার সরঞ্জামের টুকরো এখনো পাওয়া যায়। উৎসাহী গুপ্তধন-সন্ধানীরা ভূগর্ভের কক্ষ ভেঙে খুঁজে পায় নরকঙ্কাল ও করোটি। পল্লীর লোকেরা সেখান থেকে ইট তুলে উল্লু বানায় ও রাস্তা তৈরী করে। তবুও ইটের পাহাড় একটুকুম না। বাটীর কিছু দ্বিতল ও ত্রিতল এখনো সগর্বে মাথা উঁচু করে আছে। ঠাকুমার লক্ষ্মী পেচারা এখন আর নেই। তবে তাঁর বাস্তু-সাপগুলির যথেষ্ট বংশ বৃদ্ধি হয়েছে। ওদের ভয়ে সম্প্রতি ঐ ভগ্নস্তুপের ক্ষতিসাধন করতে কেউ সাহসী হয় না। দারোয়ান আর পাইকদের অবর্তমানে ওরাই এখন ঐ প্রাচীন ভগ্ন প্রাসাদের রক্ষক।

পিতামহের মাতৃদেবী ত্রিলোকীসুন্দরী দেবী কর্তৃক তিনশো বছর পূর্বে প্রতিষ্ঠিত অশ্বখ বৃক্ষটি ঐ ভগ্নস্থলের অদূরে দাঁড়িয়ে এখনো নীরব বিষয়ে বিধবস্ত প্রাসাদের দিকে তাকিয়ে আছে। এরই তলায় কয়েক পুরুষ গ্রাম্য বালকেরা কপাটি, ডাঙুলি খেলেছে। কিন্তু তারা ঐ বিরাট বৃক্ষের প্রতিষ্ঠাতার নাম জানে না।

[সমগ্র বাংলার বর্ধমান পরিবারগুলির পতনের একই ইতিহাস। এখানে একটিমাত্র উদ্বাহরণ দেওয়া হোল। অগচ এ-গুলিই একসময় গ্রামীণ সমাজ-ব্যবহার ঠিল ফ্রেম বা লৌহ-কাঠামো ছিল। স্বাভাবিক নিয়মে নদীর এক কূল ভাঙলে অন্য কূল গড়ে। এখানে ভাঙার ব্যাপার থাকলেও গড়ার ব্যাপার নেই। এদের অভাবে গ্রামীণ সমাজ কিছুকাল অভাবকালীন হয়ে পড়ে ছিল।]

পূর্বপুরুষদের রাধাবল্লভজীউর বিগ্রহ পান দেহিহিত্র বংশের বঙ্কিমবাবুরা এবং নারায়ণ ঠাকুরের বিগ্রহ পান আমাদের পৌত্র বংশ। রাধাবল্লভজীউর ভাগ্য ভালো। উনি এখনো বঙ্কিম ভবনে সাড়বরে পূজিত। কিন্তু আমাদের বাস্তুচ্যুত নারায়ণ ঠাকুর এখন পুরোহিত গৃহে। বাল্যে বয়স্কদের দেখেছি অন্তঃশরণ হয়ে নারায়ণ মন্দিরে মাথা ঠুকতে। বিগ্রহের রূপের সিংহাসন ও সোনার ছত্র। রূপের ঞ্চারিতে স্নানের ব্যবস্থা। মধ্যমলের গদিতে শয়ন। মূল্যবান তাম্র ও রৌপ্যের বাসন-কোসম। দকাল-সন্ধ্যায় ভোগ ও বৈকালিক জলপানের ব্যবস্থা। নিত্য-পূজা ও বহুজনে প্রসাদ বিতরণ তখনও অব্যাহত। এখন মন্দিরদহ দেবোত্তর সম্পত্তিও বিক্রিত। কিন্তু এজ্ঞে দেবতা কারও বিরুদ্ধে আদালতে মামলা রুজু করেন নি। এখন তিনি পরাশ্রয়ী, পরভোজী, গৃহচ্যুত দেবতা। হিসেবমত চার'শ বছরের প্রাচীন বিগ্রহ। সোদান গ্রামে গেলে পুরোহিত পুত্র অনুযোগ করে বললেন 'দুখানি বাতাসা-ভোগের জন্যে মাসে পাঁচটা টাকা তো দেবেন।'... গাড়ির পেট্রোল কেনার পর দু'টাকা বেঁচে ছিল। অধোমদনে টাকা দুটো তার হাতে তুলে দিয়ে কলিকাতার নতুন তৈরী বাড়িতে ফিরলাম। জনৈক ব্যক্তি পাশ থেকে সব শুনে কিছু টিপ্পনি করলেন। 'দুশো বছর আগে হলে এজ্ঞা এখানেই স্তার গর্দান যেত।'

বাড়ির একজন দ্বি-মা আমাদের ভূত-পেঙ্গীর গল্প শোনাত। ভূত-পেঙ্গীদের পায়ের চেটো পেছন দিকে থাকে। ছেলেদের পেঙ্গী, মেয়েদের ভূত এবং ব্রাহ্মণ-বিধবাদের ব্রহ্মর্ষিত্য ভর করে। এ-ছাড়া গরাখাদা, গো-ভূত ও মামদো ভূতও আছে। তাঁর মতে মানুষের রূপ ধরেই ওদের আনাগোনা।

ঠাকুমা এ-সব বিষয় জেনে একদিন তাকে ধমকে দিলেন। ঠাকুমার মতে ওরা জীবন্ত দুই লোক ও তন্দর। চৌর্যকার্যের সুবিধের জন্য ওরা রাত্রে মানুষকে ভয়

দেখায়। তিনি বলতেন, ‘আলোয়া জলাভূমিতে গ্যাসের আলো।’ আবার চাবী-বধূরা মাঝে মাঝে পিড়ালয়ে পালায়। মাথায় মালসাতে আগুন ছেলে তারা ধুনো দেয়। ফলে তা থেকে দপ্ দপ্ করে আগুন জলে। তা দেখে অহুসন্ধানকারীরা ভয় পেয়ে মাঠে নামে না। ভূত-টুত সব—ব্যাকমা-ব্যাকমীর গল্পের মতো বাজি গালগল্প। জীবনে বারো খুব আপনার জন্ম মরণান্তে তাদেরই কেউ চায় না। তাই তাদের নামে প্রিয়জনেরা ভয় পায়। মানুষ ও গরু মরে ভূত হলেও পিঁপড়া, বেজী বা সাপ ম’রে হয় না। কিন্তু আমি ভূতে পাওয়া লোককেও দেখেছি।

[ পরে বুঝেছিলাম, ভূতে-পাওয়া একপ্রকার যৌনজ্ঞ হিষ্টিরিয়া রোগ-। অবদমিত যৌনাকাজ্জা থেকে এর উৎপত্তি। তাই পুরুষকে পেত্রীতে ও নারীকে ভূতে পায়। তাই রোজাদের মধ্যে অগ্নীল শব্দ থাকে। রোগীরা ওগুলো শুনে একটু একটু করে ভালো হয়। ভূত ভাড়ানোর সময় হুমারী কথাদের কানে আঙুল দিয়ে ভূতে-পাওয়া ব্যক্তির দাননে বসানো হ’ত। ]

তৎকালে পুস্তক পাঠ, বাক্যলাপ প্রভৃতি কৃত্রিম উপায়ে যৌন স্পৃহা উপশমের চেষ্টা ছিল না। তাই বলপূর্বক যৌন অবদমনের ফলে মানুষের স্বাভূতত্বের ওপর প্রবল চাপ পড়ত। বৌদি, ঠাকুমা ও ঞ্জালিকাদের ঠাট্টার সম্পর্ক যৌনাকাজ্জা প্রশমনের সহায়ক হয়। [ যুরোপে যুগ্ম নৃত্যের মাধ্যমে এ-উদ্দেশ্য সফল হয় ] মতুবা সে-যুগে ভূত-পেত্রীর সংখ্যা আরও বেড়ে যেত। তবে বেগীর ভাগ ভূতের গল্প অগ্নীক কাহিনী মনে হয়। নিজে এক বুকের মুখে শোনা এ-ধরনের একটি কাহিনী উদ্ধৃত করা গেল। -

“বছ বছর পরে পশ্চিম দেশ থেকে পিসিমার সঙ্গে দেশের বাড়িতে ফিরে দেখলাম ভেতর-বাড়ির প্রাঙ্গণে আতা-গাছের জঙ্গল। বাইরের দিকের একটা ঘর পরিষ্কার করে আমরা দুজনে থাকি। ইতিমধ্যে একটা স্থলেও ভর্তি হয়েছি। একদিন পিসিমার আর্গনাদে উঠোনে গিয়ে দেখি আতা পাড়ার আকশি হাতে পিসিমা অজ্ঞান হয়ে গেছেন। পিসিমাকে তুলে নিয়ে এসে ঝি-এর জিম্মায় রেখে ফিরে এসে দেখি, ডালের ওপর বসে আছে একটা ফর্সা টুকটুকে মেয়ে। তাকে যত্ন হাসতে দেখে আমি বললাম, ‘আরে, তুই পুঁটি না! তুই ত মরে গেছিস শুনলাম।’ যুতা পুঁটির সঙ্গে আমার বাল্যপ্রণয় ছিল। পুঁটি আমাকে তিনতলায় নিয়ে গিয়ে একটা ভাঙা সিঁদুরের ওপর বসাতো। আর সে নিজেও সেখানে বসে আমাকে জ্বাদির করত। স্থল থেকে ফিরে থাবার হাতে ওপরে গিয়ে সেগুলো আমরা ভাগা-ভাগি করে খেতাম। একদিন পুঁটি বললে, এবার তার সময় হয়েছে। তার এইহলোকে দিন ফুরিয়েছে। আমার কাঁধে নোখ দিয়ে চিরে একটা ওষুধ ঢুকিয়ে

দিয়ে বললে যে ওটা থাকলে ভূতে কোন ক্ষতি করতে পারবে না। এই কটা কথা বলে হঠাৎ অদৃশ্য হয়ে হাওয়াতে মিলিয়ে গেল।”

অশরীরীদের মতে অলীক দেবতাদের কিছু উৎপাতও গ্রামে ছিল। হিষ্টিরিয়া রোগীরা অল্লীল গালিগালাজ করলে তাদের বলা হ’ত ‘ভূতে-পাওয়া’ [ Possessed ]। আর দেব-দেবীর জবানিতে উচ্চাঙ্গের বাক্য প্রয়োগ করলে বলা হ’ত ‘ভর হওয়া’ [ inspired ]। কিছু পুণ্যস্থানের উৎপত্তির মূলে আছে এইরূপ প্রবঞ্চনা। উপরোক্ত ভূতের কাহিনিটি একটি প্যাথোলজিক্যাল মিথ্যা ভাষণের দৃষ্টান্ত। ঐরূপ মিথ্যা বলে ওরা একপ্রকার পুলক শিহরণ অল্পভব করে। জনৈক সাধক গহন বনে ও শ্রাণানে গভীর রাত্রিতে কালীপূজা করত। একটি গ্রাম্য বালক পূর্বেই বৃক্ষাকৃঢ় হয়ে ছিল। সাধক চক্ষু মুজিত করার পর সে প্রসাদী ফলমূল ও মিষ্টাদি তুলে নিয়ে উধাও হ’ল। চক্ষু উন্মীলিত করে সাধকটি কেঁদে ফেলেছিল। তার বক্তব্য, মা সবকিছু খেয়ে নিয়েছেন। এক কথাও প্রসাদ রাখেন নি। আর একজন প্রবঞ্চক মাটির তলায় শুকনো ছোলা রেখে তার ওপর শিবলিঙ্গ প্রতিষ্ঠা করে। তার ঘোষণারুযায়ী গ্রামের লোকেরা মাটির ওপর জল চালতে থাকে এবং ব্যোম্ ব্যোম্ ধ্বনি তোলে। যথারীতি ছোলা ভিক্ষে ফুলে ওঠে এবং শিবলিঙ্গও উপরে প্রকটিত হয়।

গ্রামে নারীর বিরুদ্ধে অপরাধমূলক কাজ অনন্তব ছিল। সেই কালে গ্রামাণ-নারীরা আত্মরক্ষায় সক্ষম। ভূমিহরণকে লোকে মাতৃহরণ মনে করতো। নারী নির্ধাতনের অপরাধ ক্ষমাহীন বলে গণ্য হত। থানা-কোর্ট গ্রাহ্য না করে অপরাধীকে পিটিয়ে মেরে তার মৃতদেহ মাটির নিচে পুঁতে ফেলা হ’ত। গৃহহারা ঐ ধরনের সম্ভানদের মুখ দর্শন করাও পাপমনে করতেন। এই ‘পীর কেউ কেউ দেশ ত্যাগ করে ফেরার হয়ে এক জাতীয় সম্মাসীর সৃষ্টি করেছে। জনগণই এক্ষেত্রে একই সঙ্গে তদন্ত-বিচার ও দণ্ডবিধানের দায়িত্ব পালন করতো। ব্রিটিশের শাসন-ব্যবস্থা বহুকাল গ্রামীণ মানুষকে প্রভাবিত করতে পারে নি। কোনও অপরাধপ্রবণা চরিত্রহীনা নারী গ্রামে স্থান পেত না। তবে গোপন ব্যভিচারের নজির সেখানে ছিল। নিজের কাহিনী থেকে বক্তব্য-বিষয়টি পরিস্ফুট হবে। অশীতিপর এক বৃদ্ধের কাছে বাল্যকালে আমি এই ঘটনাটি শুনেছিলাম। তাঁর ভাষায় : ‘দাদা ও বৌদি খোলাছাদে ঘুম’চ্ছিলেন। আমি কষায় বস্ত্র পরিধান করে মোটা পৈতে গলায় খড়ম পায়ে খট্ খট্ করে এগুলাম। তারপর বেল গাছ বেয়ে পাশের বাড়ির পাঁচিলের ওপারে গেলাম। যেতে যেতে শুনলাম, বৌদি দাদাকে বলছে—‘ওগো, দেখছো!’ দাদা তখন বৌদিকে ধমক দিয়ে বললেন, ‘চুপ।

কর। ঠেকে আমি রোজ দেখি। উনি আমাদের ছোড়-দাছ। খবরদার, কেউ যেন না এ-সব জানতে পারে।' [এতে গ্রামে নিশ্চয় হবে] ওদিকে আমি নির্বিক্রে গোয়াল ঘরে ঢুকলাম। ও-বাড়ির মেজবাবুর চাকরীর ক্ষেত্র লক্ষ্যে। তিন বছর অন্তর তিনি একবার বাড়ি আসেন। ও বাড়ির শাস্ত্রী ঠাকরুণ তাঁদের বাঁকা সিঁড়িতে কুম-কুম ঘুঙুরের শব্দ শুনলেন। তিনি ভক্তিভরে কপালে হাত ঠেকিয়ে বললেন : 'হে মা লক্ষ্মী' তুমি এমনি করে এ-বাড়িতে অচলা থেকো।' আমরা প্রতিদিন যথারীতি ওদের গোয়াল ঘরে মিলিত হতাম। পরের দিন ওদের বাড়িতে পান চাইতে এসে সেখানে এলাহী ব্যাপার দেখলাম। ওদের বাঁকা সিঁড়িতে শাস্ত্রী ঠাকরুণ লক্ষ্মীর পায়ের একটি ঘুঙুর কুড়িয়ে পেয়েছেন। ওটাকে নারায়ণের নিঃহাসনে রেখে পূজা শুরু হয়ে গিয়েছে।'

বধূরা জল নিতে এসে পুকুর পাড়ে পরিত্যক্ত হাঁড়ির তলায় প্রেমপত্র রাখতো। জীউর মৃত্যুর পর ঐ সমস্ত ফেলে দেওয়া ওষুধের হাঁড়ি-কুঁড়ি ছুঁলে লোকে স্নান করত। তাই ওগুলোর তলাই ছিল সর্বাপেক্ষা নিরাপদ স্থান। ওঁদিকে প্রেমাস্পদরা ষণা সময়ে এসে পত্রগুলি হস্তগত করত। তবে গ্রামেতে এ ধরনের সাহসিকতার নাজির সংখ্যাতে নগণ্য ছিল।

[সে-কালের ভূত-পেত্নীরা বিলুপ্ত হয় নি। সেকালে যাদের রাতের অন্ধকারে বেলগাছ কিম্বা শ্যাওড়া গাছে দেখা যেত; এখন তাদের দেখা যায় প্রকাশে রেষ্টুর। বা লেকের ধারে। এ-সব ভূত-পেত্নী চিরদিনই রক্ষীদের ধরা-ধোঁয়ার বাইরে। অধুনা এদের সংখ্যা ক্রমাগত বেড়েই চলেছে। সীমিত ক্ষেত্রে অল্পপ্রকার অপরাধ গ্রামে দেখা যেত। জনৈক অশীতপর বৃদ্ধের নিম্নোক্ত বিবৃতি থেকে তার কিছুটা আভাস পাওয়া যাবে।]

'আমার পিতামহ ৪০টি বিবাহ করলেও আমার পিতার মাত্র ১২টি বিবাহ। পিতার পত্নীদের মাত্র দুজনে তাঁর স্বগৃহে স্থান পায়। আমি মা-র সঙ্গে মাতুলালয়ে থাকায় জ্ঞান হওয়ার পর পিতাকে কখনও দেখি নি। একদিন গ্রামান্তরে যেতে যেতে তাঁর মনে পড়ল, ঐ গ্রামে তাঁর এক স্ত্রী থাকে। আমাকে সম্মুখে পেয়ে তিনি নাম জিজ্ঞেস করলেন। তারপর আমার বয়স জেনে খাতা খুলে পরিচিতি মিলিয়ে বললেন,—'বাবা, আমি তোমার পিতা।' ঐ অদ্ভুত চেহারার লোকটির অবশিষ্ট উক্তি শুনে আমি তাকে গ্রহণ করলাম। পরে মা ছুটে আসায় আমি গ্রহণ বন্ধ করে গৃহত্যাগ করি। এখনো পর্যন্ত আমি অবিবাহিত আছি। মহাকুলীন ব্রাহ্মণ-সন্তান হওয়া আমার কাছে অত্যন্ত লক্ষ্যের ব্যাপার।'

অত্যাচার হতে অপরাধ এবং অপরাধ হতে পাপের সৃষ্টি হয়। অত্যাচার ও অপরাধ

পাপের প্রথম ও দ্বিতীয় ধাপ। তাই অপরাধ দূরীকরণে গ্রামীণ সমাজ অন্ত্য-  
কারী এবং পাপীকে প্রথমে দমন করতো। সমাজে অপরাধ নগণ্য থাকলে  
পুলিশেরও প্রয়োজন হয় না। সামাজিক বিধান কেউ সামান্য লঙ্ঘন করলে তাকে  
কঠোর শাস্তি পেতে হত। দুর্দান্ত জমিদারদেরও সমাজ ভয় না করে বিচারপূর্বক  
দণ্ডবিধান করত। তিন প্রকার দণ্ড ব্যবস্থা ছিল—সামাজিক, কায়িক ও আর্থিক।  
তৎকালে সমাজে শাস্তিবিধান অত্যন্ত কঠোর ভাবেই হ'ত। দুর্বৃত্ত জমিদার-  
দেরকেও সমাজ নিভয়ে দণ্ডদান করেছে। গ্রামীণ সমাজ কোন অন্যায় বা  
অপরাধের লেশমাত্র কাউকে জিইয়ে রাখতে দেয় নি।

বাড়ির এক চতুর্দশী বিধবা বীণা দেবী খান পরেন না। তার ওপর হাতে দু-গাছি  
পাতলা চুড়ি পরেন। একাদশীতে উপোস করেন না। মাছ বাদ দিয়ে মাছের  
ঝোল খান। তাঁকে খোলা ছাদে বেড়াতে দেখা যায়। গ্রামের তরুণদের সঙ্গে  
তীর কথাবার্তা চলে। [জনপ্রবাদ—তীর ওরূপ আচরণেতে পিতামহীর অনুরাগ  
ও সমর্থন ছিল।] গ্রামের মাতব্বররা বীণাদেবীকে শাসন করবার স্বযোগ খুঁজ-  
ছিলেন। একটি সামাজিক নিমন্ত্রণ উপলক্ষে সে স্বযোগ এল। তাঁরা সঠিক খবর  
সংগ্রহ করলেন যে বীণা দেবী হৈসেলে ঢুকেছেন। তাঁদের দাবী—ওকে রান্নাঘর  
থেকে বেরিয়ে আশেপাশে হবে। [তৎকালে ধনী রমণীদের স্বহস্তে রান্না করার  
রেওয়াজ ছিল।] মনীষী বাক্সমচন্দ্র ছিলেন নিমন্ত্রিতদের একজন। উনি পিতামহকে  
বললেন, 'বীণার রান্নাই সবাইকে খেতে হবে। তা না হলে উনি নিমন্ত্রণ রক্ষা না  
করে চলে যাবেন।' সেদিন কৃষক প্রজারাই কেবল আহ্ব্য বস্তু গ্রহণ করে ছিল।  
ক্ষোভে শোকে বীণাদেবী শুকিয়ে যেতে থাকেন এবং একদিন তাঁর মৃত্যু ঘটে।

"বাক্সমবাবুর গ্র্যাজুয়েট হওয়ার পরের বছর বাড়ির এক তরুণ গ্র্যাজুয়েট হন।  
এক বাগ্‌দী প্রজার বাড়িতে গুর যাতায়াত ছিল। বাগ্‌দী কণ্ঠ ক্ষান্তমণির হাতের  
রান্না খেতেও তাঁর সমাপত্তি নেই। তবে তিনি ছিলেন উদার-হৃদয় জমিদার  
পুত্র। বহু প্রজার খাজনা তিনি মুহূব করে দিতেন এবং তাদের আর্থিক সাহায্যও  
করতেন। তাঁর আচরণে শিথিল সামাজিক প্রতিক্রিয়া সৃষ্টি হ'ল। তিনি গৃহত্যাগী  
হয়ে অল্পত্র বাসা নিলেন। তাঁর সঙ্গে রইল কৃষক-কণ্ঠ ক্ষান্তমণি। ডেপুটী  
ম্যাজিস্ট্রেটের চাকরী পেয়েও তিনি নিলেন না। ধীরে ধীরে স্বরাসক্ত হলেন।  
অবশেষে একদিন ক্ষান্তমণির হাতে এক টোকা জল খেয়ে তিনি চোখ বুজলেন।  
এবাড়ি থেকে খবর পেয়ে সবাই ওখানে যেতেই ক্ষান্তমণি বেরিয়ে যায়। সেদিন  
থেকে তাকে আর কোথাও দেখা যায় নি।"

কিন্তু অল্প একটি দোষে আমরা কিছুকাল এক ঘরে হলাম। অপরাধ—পিতামহীকে

এক মিশনারী মেম কিছুদিন পড়িয়েছে। কোনও বিদেশীর সংস্পর্শ গ্রামীণ সমাজে সহ্য করত না। আমাদের ক্ষমতা লোপ ও পড়ন্ত দশার ওয়া। সুযোগ নিয়েছিল। তবে গ্রামের ধোপা নাপিত ও প্রজার দল আমাদের সঙ্গে রইল। সেদিন খাঁরা আমাদের এক ঘরে করেছিল তাঁরা জীবিত থাকলে তাঁদের উত্তর পুরুষদের আচার-আচরণ দেখে স্তম্ভিত হয়ে যেতেন। আমাদের বাড়ির কয়েক ভ্রাতার যুরোপীয় বধু। কিন্তু তাদের আমরা বাড়িতে স্থান দিই নি। অতীতকে ওদের বংশধরদের মধ্যে অসবর্ণ বিবাহ স্বীকৃত হয়ে গিয়েছে।

জমিদার শাসক ও পণ্ডিত কুলের অভাবে যে কুসল দেখা দিয়েছে তা হ'ল— সমাজের চতুর্দিকে নানা কুসংস্কার ও নৈতিক অধঃপতন। পাঠশালা, সংস্কৃত টোল ও চতুর্পাঠগুলির ভগ্নদশা। গ্রামে ইংরাজী শিক্ষার তেমন সুযোগ ছিল না। ব্রিটিশ শাসকদের এই অব্যবস্থার ফলে গ্রামগুলি কুসংস্কারাচ্ছন্ন হয়ে পড়ে। সেগুলির দশা ঠিক হালহীন নোকো বা চালকহীন শকটের মতো হয়ে যায়। এ-অবস্থা বহুদিন পর্যন্ত বাংলার কিছু গ্রামকে আচ্ছন্ন করে রাখে।

পণ্ডিতদের অনেকের আচরণের মধ্যে নানা অসংগতি, স্বার্থপরতা ও অত্যাশ্রয় আফসোস লক্ষিত হত। কেউ কেউ ক্রুদ্ধ হলে উল্টো তুলনী দেবার ভয় দেখিয়ে বলতেন : 'অর্বাচীন, যুর্থ, স্ব-পল্লীতে প্রাপ্তহলে পাত্রচর্ম স্থলিত করবো।' আবার সামনে কেউ খেজুর রসের ভাঁড় দিলে ওঁরা বলতেন : 'বাবা জীবন, তাত্ত্বিকমতে আত্মিক সেয়ে নিই।' তারপর নামাবলীর তলায় ধানিক আঙুল খুরিয়ে রস-ভাঙে চুমুক দিতে তাঁদের বাধা নেই। পংক্তিভোজনে দৈবাৎ কোন অত্রাক্ষণ বসলে ওঁরা সত্তর দধি ও মিষ্টার মুখে পুরে দিয়ে বলেছেন : 'নাঃ, খাবো না। আমার জাতঃপাত হবে,' ইত্যাদি। কোনও শিষ্য গুরুগৃহে এসে হঠাৎ বৃহৎ মংস্ত রান্না হতে দেখলে, নিরামিযাশী-মত্ত স্বপাক-ভোজী গুরুদের বলে উঠেছেন— 'এসো, বাবা জীবন এসো, এখানে মংস্ত-যজ্ঞের আয়োজন হয়েছে। এ-যজ্ঞ ঘাদশ বংসর অন্তর মদগৃহে অনুষ্ঠিত হয়ে থাকে। তা বাবা, জীবন! অত্র গৃহে প্রসাদ গ্রহণ করবে।' মেথর অস্পৃশ্য হলেও এঁদের অনেকের কাছে তব্বী মেথরানী অস্পৃশ্য নয়। দুই বাগ্মী পণ্ডিতে ঘুসো-বুসি হলে জনৈক ব্যক্তি অভিযত দিলেন : 'দন্ত ভয়ে চ পপাতঃ। অতীতনে তীত্র প্রতিবাদ করে বললেন : 'উহ, মিথ্যা বাক্য। দণ্ড ভয়ে চ তিষ্ঠায়মান।' বাত্রা প্রভৃতিতে নটীদের গানে মুগ্ধ হয়ে তাঁরা পুনরাবস্থান গানটি শ্রীত হওয়ার অন্তে 'পুনারোপী গাহিতম্' বলেছেন। কেউ কথা ভাষা প্রয়োগের পক্ষপাতী ছিলেন না। বিদ্যা আহির করে তাঁরা বলেছেন : 'গবাক্ষ-পথে হত প্রসারিত করে বৃষ্টি পতিত হচ্ছে কিনা দেখ।' কোনও মঠের সন্ন্যাসীর



নিকট অল্প সন্ন্যাসীর সংবাদ জানতে চাইলে মুখ থেকে চাদর না তুলে তিনি বলেছেন ‘ওঁর সঙ্গে আমার বাক্যালাপ নেই।’ ব্রাহ্মণদের একত্রে দেখলে ‘ব্রাহ্মনেভ্য নমো’ বলা সেই কালে একটি সভ্য সম্মত রীতি ছিল।

[ পূর্বে নিমন্ত্রণ বাটিতে গৃহকর্তা অভ্যাগতদের বলতেন : ব্রাহ্মণরা এদিকে ও অন্তেরা ওদিকে বসুন। এ যুগে ওঁরাই ঐ ক্ষেত্রে বলে থাকেন : ভদ্রলোকেরা এদিকে এবং ব্রাহ্মণরা ওই রোয়াকে বসুন। ]

ব্রাহ্মণ পণ্ডিতরা সমাজের পথপ্রদর্শক না হয়ে স্বস্থান হতে বিচ্যুত হয়ে ধীরে ধীরে চাকুরীজীবী হয়েছেন। সন্ন্যাসী ও জ্ঞানী গুণীরা তাঁদের স্থলাভিষিক্ত না হলে জনগণ আরও অধঃপতিত হ’ত। তবে গ্রামের অধিকাংশ মহিলা নিরক্ষর হলেও অশিক্ষিতা ছিলেন না। যাত্রা গান, পুতুল নাচ, কথকতা ও রামায়ণ-মহাভারত পাঠ শ্রবণে তাঁরা নানা শিক্ষা লাভ করতেন। আমাদের জাতীয় সংস্কৃতির ধারক ও বাহক হিসেবে ওঁদের গুরুত্বকে খুব অস্বীকার করা চলে না। গুরুমশাইদের সাপ্তাহিক ‘সিদ্ধ্যা’ পাঠিয়ে ওঁরাই পাঠশালাগুলোকে রক্ষা করে এসেছেন। কারণ, জমিদার গৃহ থেকে তাঁদের অর্থদান বন্ধ হয়ে গিয়েছিল।

বৃত্তিভিত্তিক সমাজ ভেঙে চুরমার হয়ে গেল। স্ব-বৃত্তিতে অধিষ্ঠিত থাকা কারও গছন্দ নয়। কেবল কৃষক সমাজ গ্রামের মেরুদণ্ড হয়ে রইল। এক কৃষককে ডন বৈঠক সেরে তাল গাছে ধাক্কা মেরে বলতে শুনেছি, ‘মা, একটু ছাই দাও তো, এটাকে উপড়ে আবার পুঁতি।’ ম্যালেরিয়ার প্রচণ্ড প্রভাব সত্ত্বেও এদের বৃকের ছাতি ও বাহুর পেশী ঈর্ষার বস্ত্র ছিল। এক মধ্যবিত্ত তরুণকে নারকেল গাছের মাথায় বসে ইতিহাস মুখস্থ করতে দেখেছি।

তৎকালে তরঙ্গা গায়ক দল জাতীয় সমালোচকের ভূমিকা গ্রহণ করত। এই শ্রেণীর তরঙ্গা গায়করা গ্রামে গ্রামে তরঙ্গা গান পরিবেশন করে বেড়াত। কিন্তু তার আগে তারা গ্রামের বহু আভ্যন্তরীণ সংবাদ সংগ্রহ করত। অতঃপর গানের মাধ্যমে প্রতিটি দোষ-গুণ জনসমক্ষে প্রকাশ করত।—কোন পরিবারের কে কাকে প্রবঞ্চনা করেছে, কার পুত্র কেন বিপথগামী হবে, কার কোথায় সংশোধন যোগ্য ত্রুটি আছে ইত্যাদি প্রকাশ করে তরঙ্গা গায়করা একপ্রকার সংশোধনী পুলিশের কাজ করত।

সে-সময় মাদরাল থেকে কাঁকিনাড়া একটি মাত্র রাস্তা। পূর্বপুরুষরা এ পথ তৈরী করে স্টেশনগামী অন্নদা ব্যানার্জী রোডে যুক্ত করেন। [এঁর প্রথমা, পিতা-মহের ভগিনী।] কিন্তু নৈহাটী থেকে মাদরাল গ্রামে কোন রাস্তা না থাকায় তরঙ্গা গায়করা গাইল—‘গ্রাম মাদরাল, রাস্তা নাইকো থালি—আল খেতে দিল

ডালে চাল।' বয়োপ্রাপ্ত হয়ে নৈহাটী থেকে মাদরাস পর্বত দু'মাইল রাস্তা আমিও তৈরী করি। আমার নিজস্ব ধানক্ষেতগুলি এতে ভাগ হয়ে ক্ষতিগ্রস্ত হয়। কিন্তু এর জন্তে আমি কোন সুনামের অধিকারী হলাম না। বয়স্কদের অভিমত—এ পথ দিয়ে গুওরা এসে সূটপাট করে আর সেই সঙ্গে বাড়তি উৎপাত রূপে আসে গাড়ি বোঝাই পুলিশ। প্রথম রাজপথটি পূর্বপুরুষদের চেষ্টায় এবং দ্বিতীয়টি আমার চেষ্টায় তৈরী হল। গ্রামের লোক স্বথ পেলেও তাদের শাস্তি হ'ল বিঘ্নিত। কল্যাণ রোড সমাপ্ত হলে মোটর ডাকাতির সম্ভাবনা দেখা দেয়, অক্ষয় সাফ করে আমার তৈরী পার্ক গুওদের আসার সুযোগ করে দেয়—উপরন্তু গ্রামের লোকদের স্বাভাবিক শোচাগার নাকি এতে নষ্ট হ'ল। একজনর স্থপ অগ্নজনের দুঃখের কারণ হয়।

আজও মনে পড়ে সেদিনের সেই বৌ-কথা কও আর দুদোয়েল পাখির গান। গত মহাঘটকের সময় আমাদের শরিকরা বাগানের গাছ আর বাঁশ ঝাড় বিক্রি করে দেন। এর জন্তে অনুযোগ করলে তাঁরা বলেন—‘এত বড়ো দুর্ভিক্ষ গেল, তোমরা কি আমাদের দেখেছো?’ ফাঙনে আর আগুন জলে না বাঁশে; তবু শুকনো পাতার মর্মর ধ্বনি আজো কানে বাজে। আজো মন ছুটে যায় গো-হাড়গিলেদের পেছন পেছন। স্মৃতিতে ইচ্ছে করে সেদিনের সেই পাঠশালার পড়ুয়াদের ছুটির আগের—‘দুই কড়া আধা গণ্ডা’ ডাক। শহরবাসী পুত্রটি পারিবারিক ঐতিহ্যকে স্বীকার করতে নারাজ। তার মনে ভয়, বন্ধুরা তাকে এতে বুজোঁয়া বলে উপহাস করবে।

[এ-জীবনে বারংবার দেখেছি, মানব-মনের পরিবর্তন কিভাবে ঘটে। প্রথম জীবনে বিপন্ন হওয়ায় শবুর বাড়িটি বিশেষ অবলম্বন ছিল। বহু বৎসর ওদের সংস্পর্শ থেকে অতীতকে ভুলেছিলাম। ওরা প্রথমে বড়ো বড়ো রসগোল্লা নিয়ে আসতো। পরে গুওলো আকারে ছোট হতে থাকে। একদিন ওরা রসমুণ্ডি এনে দিল। কিন্তু—বৌদের জন্তে আমি আর অপেক্ষা করি নি। ওরা আর আমার সংবাদ নেয় না। আমিও আর ঘাই না ওদের গুথানে। এমনটি যে হবে তা স্নেহীলা শান্তড়ী ঠাকরুণ ব্রহ্মতে পেরেছিলেন। তাই মৃত্যুর পূর্বে তিনি আমাকে পুনর্বিবাহ করালেন। কিন্তু সেও বেগীদিন পৃথিবীতে রইল না। ওদের ল্যান্ডডাউন রোডের ঝাড়ির পাশ দিয়ে মাঝে মাঝে ঘাই। বাড়িটা যেন আমাকে ডাক দিয়ে বলে,—‘ব্রাদার, তোমাকে আমি চিনেছি, তুমি কি আমাকে চিনতে পারো?’ ক্ষত গতিতে মোটর গাড়ি দূরে সরে যায়।]

[ আজও সেই ছায়া শীতল পল্লীর স্মৃতি বারংবার অন্তরকে ব্যথাতুর করে তোলে।

কলকাতায় থেকে উচ্চ শিক্ষা ও উচ্চপদ লাভ করে যে সম্মান আমি পেয়েছি তার চেয়ে বহুগণ বেশী সম্মান গ্রামের দরিদ্র অল্পশিক্ষিত শরিকরা পেয়ে থাকে। বংশ পরিচয়ের গুণে তাদের এই সম্মান লাভ। সাত পুরুষ একসঙ্গে বাস করে সবাই যেন এক পরিবারভুক্ত হয়ে গিয়েছিল। কেউ অনাহারে থাকলে অন্য কেউ না কেউ সাহায্যের জন্তে এগিয়ে আসত। এখন বহিরাগতদের ভীড়ে জনবহুলতার জন্ত তারা যে নিজবাসভূমে পরবাসীর মতো।]

উপরে রাষ্ট্রীয় পুলিশ-বিহীন গ্রামীণ সনাজের যে চিত্র তুলে ধরা হ'ল তা প্রায় সাম্প্রতিক কালের হলেও ব্রিটিশ কর্তৃক জমিদারী পুলিশ উচ্ছেদের সময় থেকে কিংবা শতাব্দীর প্রারম্ভ পর্যন্ত একই রকম ছিল। একে গভার্নমেন্ট অব্ দি পিপ্পল, বাই দি পিপ্পল এ্যাণ্ড ফর দি পিপ্পল বলা যায়। গ্রামীণ প্রশাসনে গ্রামের প্রতিটি ব্যক্তি সমান অংশীদার ছিল—প্রতিটি বয়স্ক ব্যক্তির অভিভাবকত্বে গ্রামের শিশুরা বড়ো হ'ত।

পঞ্চাট ও যানবাহনের উন্নতির সাথে সাথে গ্রামগুলিতে পুলিশের অল্পপ্রবেশ তথা ব্রিটিশের বিচার-ব্যবস্থার প্রচলন হয়। বর্তমান শিক্ষা-দীক্ষার প্রভাবে সংস্কারময়তার ভেতর দিয়ে গ্রাম্য সমাজ ভগ্নদশা প্রাপ্ত হলে এ-কাজ আরও সহজসাধ্য হয়ে ওঠে। ফলে গ্রামের মানুষ আত্মরক্ষার জন্ত এতদিন রাষ্ট্রীয় পুলিশের ওপর নির্ভরশীল হয়।

[শৈশবকালে মনুষ্যশিশু তার ইচ্ছানুরূপ কাজ করতে এবং ইচ্ছানুরূপ দ্রব্যাদি লাভ করতে চায়। কিন্তু বয়স বাড়ার সঙ্গে সঙ্গে সে উপলব্ধি করে যে, স্বীয় বাসনানুসারে কিছু পেতে হলে তা সংভাবে পরিশ্রম দ্বারা উপার্জন করতে হয়। নতুবা চতুর্দিক থেকে প্রচণ্ড বাধা আসে। পরে অস্তুরের নিক থেকে আসা বাধাকে নিজের ওপর আরোপ করতে দেখা যায়। কখনো অক্ষমতা ঢাকার জন্ত 'ম্যাল-এ্যাড্জাস্টমেন্ট' প্রভৃতি উচ্চধনিব্যঞ্জক শব্দাদী প্রয়োগে এর ব্যাখ্যা করা হয়। পরবর্তী অবস্থা মানিয়ে নিতে গ্রামীণ সমাজ শিশুদের সাহায্য করতে সক্ষম। এজন্ত গ্রামে অপরাধীর সংখ্যা সাধারণত কম। কিন্তু জনপদ নয়, গ্রাম বা শহরের পর্যায়েও ফেলা যায় না এসব ক্ষেত্রে অবস্থা সংকটজনক হয়।]

পুলিশ ছ'ধরনের হয়ে থাকে, যথা—(১) শাসক আরোপিত পুলিশ (২) জনগণ-সৃষ্ট পুলিশ। প্রথমটি ওপর থেকে শাসকগণ কর্তৃক আরোপিত হয়। এ হ'ল সমগ্র দেশ বা প্রদেশের জন্ত একই রূপ সংঘটন-সহ কেন্দ্রীভূত পুলিশ। স্বাসক-নিয়োজিত পুলিশ সম্প্রদায় শাসকদের স্বার্থে কাজ করায় তেমন জনপ্রিয় হতে পারে না। ভারত, ব্রহ্মদেশ, ইন্দোনেশিয়া প্রভৃতি পূর্বতন কলোনিয়ান কাণ্ট্রিতে

এদের প্রাধান্য। কিন্তু দ্বিতীয়োক্ত জনগণ-স্বষ্ট পুলিশ বিকেন্দ্রীকরণের ফলে হান ভেদে বিভিন্ন প্রকারের হয়। এরা জনগণের নিয়ন্ত্রণে জনগণের স্বার্থে কার্য করায় জনপ্রিয় ওঠে। আমেরিকা ও যুরোপের বহু শহরে ও দেশে তাদের মিউনিসিপ্যালিটির অধীনে জনগণ-স্বষ্ট বিকেন্দ্রীভূত পুলিশ এখনো আছে।


ব্রিটিশ শাসনের ফলে ভারতবাসী জনগণ স্বষ্ট পুলিশ শাসকও আরোপিত পুলিশ-গণ কর্তৃক অপসারিত হয়। পরবর্তী পরিচ্ছেদে ঐ শাসক কুল-আরোপিত কেন্দ্রীভূত পুলিশের ইতিবৃত্ত বিবৃত করা হবে।

[ প্রাচীন গ্রামীণ সংস্কৃতির কিছু কিছু নিদর্শন গ্রামে থেকে গেছে। যেমন, বিশেষ তিথিতে গহন বাগিচায় গিয়ে মহিলাদের পুরুষ বর্জিত বনভোজন। এটা বাংলা দেশের একটি প্রাচীন প্রথার নিদর্শন। পূর্বকালে গ্রামের মহিলারা নৃত্যশিল্পে পারদর্শিনী ছিলেন। বরবধু ও প্রতিমা বরণে ওঁদের হস্ত সঞ্চালন থাকলেও তৎসহ পদ সঞ্চালন আজও পরিত্যক্ত। আল্পনা ও কাঁথার ওপর নক্সা তোলার কাজে আজও এঁদের পারদর্শিতা লক্ষ্য করা যায়। সে-সময় গ্রামে অনাবিল শান্তি না থাকলে এ-সব সম্ভব হত না।

তরবারি, লাঠি খেলা প্রভৃতি আজো গ্রামের পুরুষদের কাছে অতি প্রিয়। বঙ্কিম-চন্দ্র চট্টোপাধ্যায় বাল্যকালে আমাদের বাড়িতে তরবারি চালনা শিক্ষার জ্ঞা প্রায়ই আসতেন। তাঁর ব্যবহৃত তিন শ' বছরের পুরনো দুখানি তরবারি আমাদের অধিকারে আছে। এ-সব শিক্ষা প্রাচীন প্রজাদের কাছ থেকে গ্রহণ করতে ঠর আপত্তি ছিল না।

কলিকাতা ও এর শিল্পাঞ্চল বাংলাকে নিজ দেশে প্রায় পরবাসী করেছে। মনে হয় এখন বাকি কাজটুকু চিত্তরঞ্জন, দুর্গাপুর, ও হলদিয়া সমাধা করবে। আশ্চর্য এই যে, বাঙালী মস্ত্রীদের নির্দেশে বাঙালী পুলিশের কর্মতৎপরতার এ-কাজ সংঘটিত হবে। বাঙালিরা নিজেরা নিজেদের জ্ঞা এ-সব গঠন করতে অক্ষম হলে তাদের বলতে হবে ও বলা উচিত—“দাও ফিরে সে অরণ্য।”—বুখা চাষের ভূমি হারাতে আমরা রাজী নই। কয়েক শতাব্দীর রণক্লান্ত বাঙালীর আত্মসংরক্ষণের প্রয়োজন সর্বাধিক।

বাংলার শিল্পাঞ্চলগুলি চাষের ভূমি নষ্ট করে ইন্ডাস্ট্রিয়াল ক্রাইম সৃষ্টি করেছে। এর ফলে সামাজিক আবহাওয়া দূষিত হয়েছে। অপরাধীর সংখ্যা বেড়েছে। কিন্তু স্থানীয় লোকেদের কর্ম সংস্থান হয় নি। এমন কি থাণ্ডারস অফিসের আকার ধারণ করেছে। এদিকে বাঙালী নিজেদের অস্তিত্ব রক্ষার কথা চিন্তা করে আত্মরক্ষার রাজনীতির চর্চায় মত্ত হয়ে আছে।



ব্রিটিশ শাসকরা প্রায়ই বলতেন—ভারতের হিতার্থে তারা ঈশ্বর-প্রেরিত দূত। বস্তুতঃ চন্দ্রগুপ্ত, অশোক, সমুদ্রগুপ্ত, বিজনগরের মহারাজা দেবপাল, মহীপাল ও আকবরের স্বপক্ষে তারা বাস্তবে রূপায়িত করে সমগ্র ভারতকে একত্রে গ্রথিত করেন। মানস-সরোবর সহতিব্বত জয় করার পর তা ত্যাগ না করে ভারতের সঙ্গে যুক্ত করলে আজ ব্রহ্মদেশের মতো তিব্বত স্বাধীন দেশ থাকতো। ইংরাজ পণ্ডিতরাই ভারতীয় বেদ ও ব্রাহ্মীলিপির পাঠোদ্ধার করেন। এমন কি জাতীয় কংগ্রেসের মূল ভিত্তি ওঁদেরই একজন স্থাপন করেছিলেন। ভারতবর্ষকে নানা দিকে সুসংগঠিত করে আমাদের হাতে তারা তুলে দেন। সে-সময় নেপাল, ভূটান, সিকিম ও সিংহল ভারতের অন্তর্ভুক্ত হতে পারত। অবশ্য 'ইকনমিক এন্ডপ্রয়টেশন'-এর বিষয় এখানে উল্লেখ করবো না। ভারতের একটুকরো ভূমিও তারা বেদখল হতে দেয় নি। বহুকালের উৎপীড়িত ও রণক্লান্ত জাতি প্রথম শান্তি পেল। তাই বহু পূর্বে কলহরত গ্রাম-বালকেরা পিতা ও পিতৃব্যের মতো পরস্পরকে বলতো—'কোম্পানীর রাজত্ব বাস করি—ভয় করি না বাপু! এটা মগের মূলফ নয়।'

[ আমি পুলিশে চাকরী করে একটা অদ্ভুত বিষয় লক্ষ্য করতাম। এ্যাংলো সার্জে-টরা দেশীয় ইন্চার্জ কর্মীদের অধীন হলেও মেথর শ্রেণীর উৎপীড়িত বালকেরা ঐ লালমুখাদেরই স্বাবচারার্থে বেছে নিত। তখনো তাদের ধারণা, বাবুদের চেয়ে ওরা ভালো বিচার করবে। ]

একজন ইউরোপীয় ও একজন ভারতীয়ের বিচারে কিছু তারতম্য হত। কিন্তু একজন ভারতীয়ের সঙ্গে অল্প ভারতীয়ের তাবা চুলচেরা সিঁচা করেছে। ইউরোপীয় অপরাধীরাও সব সময় রেহাই পেত না। তবে তাদের ক্ষেত্রে লঘুদণ্ড হত। ইংরাজ নাগরিকরা স্বভাবতঃই দেশীয়দের সঙ্গে সংঘাত এড়িয়ে চলত। তারা লক্ষ্য করেছিল যে দেশীয়রা ধর্মীয় কারণে বিদ্রোহী হয়। তাই তারা ধর্মীয় অধিকারে হস্তক্ষেপ করার পক্ষপাতী ছিল না। মূল সাম্রাজ্যের পতন ও সিপাহী বিদ্রোহের মূলে ছিল এই ধর্মীয় চেতনা। দোষে-গুণে ওঁদের যে সাম্রাজ্যের স্বচনা হয়েছিল তার শেষভাগে কেবলই 'ভেদনীতি'। এতে ব্রিটিশ ও ভারতীয় উভয়েরই সর্বনাশ ঘটে।

যেভাবে স্থল পথে রুশিয়ার [ Russia ] সাম্রাজ্য বিস্তার করেছে জনপথে সেই একইভাবে ব্রিটিশরা তা করেছে। ব্রিটিশ সাম্রাজ্য ভয়দশাপ্রাপ্ত হলেও রুশ সাম্রাজ্য ভাঙে নি। বহুভাষা ও জাতিসম্বলিত রুশ সাম্রাজ্য আজও অল্প নামে অক্ষুণ্ণ আছে। বিশাল ব্রিটিশ সাম্রাজ্যের একাংশ থেকে অত্যাংশে প্রেরিত খাণ্ড ও

বন্ধ স্থলভ ছিল। ভারতের বিভিন্ন দেশীয় নৃপতিদের সঙ্গে তারা ক্ষমতার ভাগাভাগি করে। কিন্তু বাংলার তুঁইয়ার শাসকদের সঙ্গে অল্পরূপ চুক্তিতে তারা সম্মত হয় নি। তাই তাদের বিচার ক্ষমতা কেড়ে নিয়ে ফৌজ ও পুলিশ ওরা ভেঙে দেয়। এ-ভাবে বাঙালীদের একাংশের সঙ্গে তাদের চির বিরোধ ঘটে। লর্ড কর্নওয়ালিশের সময় থেকেই তার সূত্রপাত। [ প্রথম খণ্ড দ্রষ্টব্য ] বাঙালীরাই ওদের ডেকে এনে ভারতের রাজতন্ত্রে বসিয়ে ছিল। আবার বাঙালীরাই ওদের সাম্রাজ্যলোপের বীজ বপন করে। তা না হলে এত শীঘ্র ওদের এ-দেশ থেকে বিদায় নিতে হ'ত না। তবুও বেশ কিছুকাল স্বাধীনতাকামী বাঙালী তথা ভারতীয়দের মধ্যে একটা স্থমুপ্তির অবস্থা তথা 'লুসিড্ ইন্টারভ্যাল' বিরাজ করে। এই স্থযোগে ব্রিটিশরা অনেক কিছু গুছিয়ে নিতে সক্ষম হয়।

কিন্তু শ্রমের মহাশাস্তি যে কাম্য নয় তা বাংলায় বঙ্কিমচন্দ্র চট্টোপাধ্যায় প্রথম উপলব্ধি করলেন। উনি লক্ষ্য করলেন যে, সাম্রাজ্যরক্ষার প্রয়োজনে রেলপথগুলি স্থাপিত হ'ল সমুদ্রের কিনারা ধরে। পরে এগুলি সৈন্য চলাচলের সুবিধার্থে সমগ্র দেশকে শৃঙ্খলিত করলো। এই রেলগাড়ি, ষ্টিমার এবং টেলিগ্রাফ প্রাস্তিক বিদ্রোহ দমনে সহায়ক হবে। ভারতকে চিরপরাধীন রাখাই এর অগ্রতম উদ্দেশ্য। উনি আরও লক্ষ্য করলেন যে ওরা প্রাচীন ভারতীয় ঐতিহ্যকে যথা সম্ভব ভুলিয়ে দিতে চায়। এ্যাংলো ইণ্ডিয়ান সমাজ পূর্বেই সৃষ্টি হয়েছিল। অতঃপর এ্যাংলো-বাঙলো নামে এক নতুন ইংরাজীনবিশ দল সৃষ্টি হচ্ছে। এরা সগর্বে বলতে সুরু করেছে—'উই থিঙ্ক ইন ইংলিশ, উই স্পিক্ ইন ইংলিশ, উই ড্রিম্ ইন ইংলিশ।' উপরন্তু ইংরাজ পণ্ডিতরা 'বিভেদ-পন্থী' গবেষণায় নিরত। একীভূত হিন্দু-সমাজকে নৃ-তত্ত্ব ও সমাজতত্ত্বদ্বারা বহু ভাগে বিভক্ত করাই ওদের ইচ্ছা। ওরা চায় না, মুসলিমরা নিজেদেরকে ধর্মে মুসলিম হয়েও জাতিতে হিন্দু ভাবুক। অথচ চিরকাল বাদশারাও তাদের দেশকে হিন্দুস্থান বলে এসেছে।

[ বঙ্কিমচন্দ্র বিশ্বাস করতেন, আর্যরা আদি মানব-গোষ্ঠীরই একটি উন্নত শাখা। তাঁর মতে আদি মানবজাতির উদ্ভব হিমালয়ের পাদদেশে। কাশ্মীর ও হিমালয় থেকে আর্যরা পাঞ্জাব ও অগ্নি স্থানে পারস্ত ও ইউরোপে বসবাস করে। ভারতের ঐ সমস্ত অঞ্চল শীত-প্রধান হওয়ায় তাদের গাত্রবর্ণ উজ্জল ছিল। নিগ্রোয়িটরা ভেলায় করে সমুদ্রপথে ভারতে এসেছিল। আর্যরা অগ্নি স্থান থেকে এলে বেদে তার উল্লেখ থাকতো। ভারতে স্থানভেদে জলবায়ু আলাদা হওয়ায় মানুষও ভিন্ন ধরনের হয়েছে। পরে সকলে একত্রিত হয়ে অভিন্ন হিন্দু জাতি ও হিন্দু সভ্যতার

সৃষ্টি করে। এই অভিন্নতা ইংরাজরা শুরু করে দিতে চেয়েছিল। এটাই ইংরাজদের বিরুদ্ধে তাঁর প্রধান অভিযোগ।]

তাঁর মতে ইংরাজী শিক্ষা দেশের কোন উপকার করে নি। সামান্য সংস্কৃত জ্ঞানে সমগ্র ভারত ভ্রমণ সম্ভব ছিল। সরল ও কথ্য সংস্কৃত তৈরী শুরু হয়েছিল। জাপানী ও আরবরা ইংরাজী শিক্ষা ব্যতিরেকে জ্ঞানচর্চায় অনগ্রসর নয়। পাদ্রীরা আইন ও ডাক্তারী শাস্ত্র পর্যন্ত অনুবাদ করতে আরম্ভ করে। কিছু ইংরাজের হস্তক্ষেপে তা বন্ধ হয়ে যায়। কিছু সংখ্যক ইংরাজের সুবিধার্থে ইংরাজী ভাষার প্রচলন হয়। বঙ্কিমচন্দ্র এর কুফল বুঝে বাঙলা ভাষা তথা বাঙলা সাহিত্যের উন্নয়নে সচেষ্ট হন।

সংস্কৃত ছাড়াও আস্তঃরাজ্যে ব্যবহার্য কিছু মিশ্র ভাষাও মধ্য যুগেই তৈরী হচ্ছিল। বাঙলার রাজা কেরার রায়ের রাজ্য আক্রমণ কালে মানসিংহ উভয়ের বোধগম্য এ-ধরনের এক মিশ্রভাষায় তাঁকে চরম পত্র পাঠিয়েছিলেন। “মানসিংহ বিষম সমর সিংহা প্রযাতি। স্তভরাং ত্রিপুর সম বাঙালী চাকলী সকল পুরুষমেতং ভাগী যাও পলাপয়ী!”

বঙ্কিমচন্দ্র এ-সমস্ত উপলব্ধি করে উদাত্ত কণ্ঠে গজ্ঞে উঠেছিলেন—“তুলে নাও তোমাদের রেলপথ ও টেলিগ্রাফের স্তম্ভ।” [ বঙ্কিম রচনা ভঃ ] উপরন্তু তিনি ইংরাজ গবেষকদের ও এর খড়গহস্ত হয়ে উঠলেন। স্নাতক হওয়ার পর তিনি পিতার আদেশক্রমে ডেপুটি ম্যাজিস্ট্রেটের পদ গ্রহণ করেছিলেন। নতুবা হয়তো তাঁর নেতৃত্বেই দেশে স্বাধীনতা যুদ্ধ শুরু হতো। তাঁর প্রণীত পুস্তকাবলীর মধ্যেই স্বাধীনতা যুদ্ধের পরিকল্পনার বিষয় লিপিবদ্ধ আছে। উপযুক্ত প্রস্তুতির অভাবে তিনি স্বয়ং উহা রূপায়িত করতে পারেন নি। উহা ছত্রে ছত্রে শিশু বিরোধী স্বাধীনতা যুদ্ধের প্রচ্ছন্ন আত্মন উচ্চারিত। তিনি একটি জাতীয় সংগীতও সৃষ্টি করে গেছেন। পরবর্তীকালে তাঁরই প্রদর্শিত পন্থায় স্বাধীনতা যুদ্ধের সূচনা হয়। শত সহস্র তরুণ তাঁরই সৃষ্ট “বন্দেমাতরম” ধ্বনি উচ্চারণ করে দেশের স্বাধীনতার জন্য জীবন উৎসর্গ করে।

বঙ্কিমচন্দ্র চট্টোপাধ্যায় ছিলেন আমাদের ঘোষাল পরিবারের দৌঃঃঃ বংশোদ্ভূত সন্তান। রায় বাহাদুর বঙ্কিমচন্দ্র আমাদের পিতামহ রায়বাহাদুর কমলাপতির মাসতুতো ভ্রাতা। রামেন্দ্রচন্দ্র ত্রিবেদী প্রণীত বঙ্কিম-প্রসঙ্গ পাঠে জানা যায়, বঙ্কিমচন্দ্র পিতামহ কমলাপতির নিকট ইংরাজী শিক্ষা লাভ করেছিলেন। পিতামহ ফোর্ট উইলিয়ামের জুনিয়র ও সিনিয়র স্কলারশিপ পরীক্ষায় উত্তীর্ণ হন। বঙ্কিমচন্দ্র কলিকাতা বিশ্ববিদ্যালয়ের প্রথম স্নাতক। রাজা দোলগোবিন্দ কর্তৃক

পরিত্যক্ত সম্পত্তি তাঁর উত্তরাধিকারী রঘুদেব ঘোষালের মাধ্যমে উভয় পরিবারে বিভক্ত হয়।

আমাদের কুলপুরোহিত তাঁর হাতে-খড়ি দেন অর্থাৎ অক্ষর পরিচয় করান। এ-জন্ম তিনি তাঁকে যথেষ্ট সমীহ করে চলতেন। এই মহাপণ্ডিত নিত্য গঙ্গা স্নানান্তে বন্ধিম ভবন হয়ে স্বগ্রামমাড়ালে ফিরতেন। সেখানে কিছুক্ষণ অবস্থান পূর্বক বন্ধিম-চন্দ্র এবং তাঁর বন্ধুদের মুখে মুখে কবিতা শোনাতে। একদিন তিনি অনুরোধ করে বন্ধিমচন্দ্রকে বললেন—“আচ্ছা, বন্ধিম! অক্ষয়, দীনবন্ধু প্রভৃতি সকলেই নানা বিষয়ে আমাকে জিজ্ঞাসাবাদ করে। কিন্তু তুমি কোনদিন আমাকে কিছু প্রশ্ন কর না কেন?” তদুত্তরে বন্ধিম বলেছিলেন : “ঠাকুর মশাই, আমার প্রশ্নের উত্তর দেওয়া কঠিন হবে। আচ্ছা, তাহলে আপনি এই ছত্রটির পাদ পূরণ করুন তো।

‘আকাশেতে শিবা হয়। হয়। করে।’

পণ্ডিত মশায় তখনই কবিতায় তার উত্তর শুনিয়া সকলকে চমৎকৃত করে দিলেন।—জ্যোৎস্নালোকিত রাত্রিতে গৃহছাদে দম্পতি নিদ্রামগ্ন। হনুমান সে সময় অরণ্য সমাবিষ্ট গন্ধমাদন পর্বত স্বর্গে আকাশপথ অতিক্রম করছেন। হঠাৎ বধূটি জাগ্রত হয়ে স্বামীকে ডেকে বলল : “ওগো শুনছ! আকাশেতে শিবা হয়। হয়। করে, ইত্যাদি। উত্তর শুনে বন্ধিমচন্দ্র সর্বপ্রথম তাঁর পিতামাতা ব্যতিরেকে অতিরিক্ত একজনের পদধূলি গ্রহণ করলেন।

বন্ধিমচন্দ্রের প্রচ্ছন্ন ব্রিটিশ বিদ্রোহের উপর লক্ষ্য রাখার জন্ম ভারতে সর্বপ্রথম গোপন নথি রক্ষা [ C. C. Role ] প্রথার সৃষ্টি হয়, এতে অগাধ বিষয়ের সন্দেহ এ-কথাও লেখা ছিল যে, ঐ অসীম প্রতিভাধর পুরুষ ইংল্যান্ডে জন্মগ্রহণ করলে নামী ব্যক্তি হতেন। পরে এই গোপন নথিরক্ষা প্রথা সমগ্র পৃথিবীতে গৃহীত হয়। তাঁর জীবদ্দশাতে গ্রামাঞ্চলে আধি-ব্যাধির প্রকোপ পরিলক্ষিত হয়। রেল লাইন স্থাপনের জন্মে খালগুলির মুখ ছিল বন্ধ। বন্ধিমচন্দ্র বুঝেছিলেন যে এরূপ অবস্থায় বাঙালীর লাঠি বেলীদিন তাদের ধন-প্রাণ-মান রক্ষণে সক্ষম হবে না। উনি স্বগ্রাম কাঁঠাল পাড়া, সংলগ্ন গ্রাম দেউল পাড়া, কুটুমগ্রাম মাদরাল ও স্বস্তুরালয় নারায়ণ-পুর গ্রাম চতুষ্টয়কে একত্রিত করে সেখানে একটি স্যানিটেশন কমিটি নামক সংস্থা স্থাপন করেন। পুষ্করিণী সংস্কার, জঙ্গল পরিষ্কার ও পথ ঘাটের ব্যবস্থা সদস্যদের প্রদত্ত চাঁদায় সমাধা হতো। মাদরাল গ্রামে আমাদের বাড়িতে এর অফিস ছিল। জ্যেষ্ঠতাত রায়বাহাদুর কালিদাস পাঠ্যদশায় এর শেষ সেক্রেটারী ছিলেন। এই



বেসরকারী কমিটির একটি বাৎসরিক রিপোর্ট পেয়ে জেলা হাকিম গভর্ণমেন্টকে প্রতিবেদন পাঠালেন। এরই কিছুকাল পরে সমগ্র বাংলাদেশে বন্ধিমচন্দ্র-নির্দেশিত পথে গভর্ণমেন্ট প্রবর্তিত ইউনিয়ন কমিটিগুলি স্থাপিত হ'ল। কিন্তু এর ফলাফল সামগ্রিকভাবে শুভ হয় নি। ভোটভুটির ফলে গ্রামে স্বতঃস্ফূর্ত নির্বাচন বাতিল হ'ল। এর দ্বারা দলাদলি বৃদ্ধি পায় ও গ্রামীণ চিরাচরিত শান্তি বিঘ্নিত হয়।

কিন্তু ইউনিয়ন বৈষ্ণবুলি সে-সময় এদের উপকারে আসে। তিনজন মানীশুণী ব্যক্তি অবৈতনিক হাকিম মনোনীত হতেন। প্রাথমিক বিচার সম্পর্কে তিনজন বা পাঁচজন বিচারকের একত্রে বিচারকার্য পরিচালনা প্রাচীন ভারতীয় প্রথা। তিন ব্যক্তিকে একত্রে প্রভাবিত করা সম্ভব নয়। এ'রা সম্ভবমতো মামলা মিটমাট করতে বাধ্য করাতেন। এদের বিচারের বিরুদ্ধে কম ক্ষেত্রেই আপীল হয়েছে। নগরে গ্রামে গঞ্জে পল্লীতে এগুলি পুনঃপ্রবর্তিত হলে উৎকোচ গ্রহণের পরিমাণ হ্রাস পাবে। বহুক্ষেত্রে এরা একত্রে সরজমিন তদন্ত করে সত্যমিথ্যা প্রমাণ করতেন।

[ শিঃ—] মৌর্যপু'বে গ্রন্থকার বৃহস্পতির গ্রন্থে বিবৃত আছে যে ভারতে জনৈক বিচারক তিনজন মানীশুণীর সাহায্যে বিচার করতেন। উপরন্তু সেনানিবাসে সৈনিকদের বিচারের জন্য পৃথক বিচারালয় ছিল। ভারতকোষে উল্লিখ্য। বিচার করা অপরাধী, দোষী বা নির্দোষ বলে দি'লে রাজা তাদের কম বেশী দণ্ড দান করতেন। ]

[ বাংলাদেশে জমিদারী শাসনকালে দু'ধরনের আদালত ছিল; যথা—গ্রাম পঞ্চায়েত বা নিম্ন আদালত এবং ভ্রাম্যমাণ ব্রাহ্মণ উচ্চ আদালত। জমিদারদের 'প্রধান দেওয়ান' শেষ আপিল শুনতেন। হংরাজ প্রশাসকরা বিচারঅধিগ্রহণ করে কিছুকাল এই ভ্রাম্যমাণ দেওয়ানী ও কোজদারী আদালত অক্ষুণ্ণ রেখেছিল। পরে এরা নির্দিষ্ট স্থানে একক বিচার-পদ্ধতির প্রচলন করে বিচার-বিভাগের সৃষ্টি করে। অনুপোযুক্ত হওয়া সত্ত্বেও এখনো সেই বিদেশী বিচার পদ্ধতি এ-দেশে পরিত্যক্ত হয় নি। ]

গ্রামের স্ব-নির্ভর লোকেরা কিন্তু দেশে কাদের রাজত্ব চলেছে তার কোন খবরই রাখতো না। গ্রামে ব্রিটিশ পুলিশ তদন্তে এলে কিম্বা কেউ ওদের আদালতে বিচারপ্রার্থী হলে সমগ্র গ্রামের অপমান বলে ধরে নেওয়া হ'ত। ব্রিটিশ পুলিশ গ্রামে এলে কোন সাক্ষী পেত না। তখনো দ্বন্দ্বক সমাজের একটি চিরাচরিত অভ্যাস ছিল, গ্রামীণবিবাদ গ্রামেতেই মিটিয়ে নিতে বাধ্য করা। গ্রামীণ সমাজ তখনো শক্তিহীন নয়। কেউ আঘাত হানলে তার প্রতিঘাত করার ক্ষমতা ছিল।

গ্রাম্য সমাজ-ব্যবস্থার রদবদল না হওয়ায় বাংলা প্রদেশ-পুলিশের কোনও পরিবর্তন হয় নি। এরা কিছুটা নবাবী আমলের ঘাঁটি দখলকারী পুলিশের মতো থেকে যায়। দশ বিশ মাইল দূরে দূরে স্থাপিত ব্রিটিশ থানার জন বারো ঘাঁটি দখলকারী পুলিশ অতি অকিঞ্চিৎকর। আত্মরক্ষার জন্য গ্রামের মানুষ তাদের শরণাপন্ন হওয়া অবাস্তব মনে করতো। কিন্তু শহরগুলির ক্ষেত্রে এ-ধারণা পোষণ করা যেত না। নগর-পুলিশ ক্রমান্বয়ে জটিল হয়ে ওঠে। কেউ শহরে এলে বুঝতে পারতো যে তারা পরাধীন জাতি। গ্রামীণ সমাজে পুলিশের কোনও প্রয়োজন ছিল না। তারা বিনা পুলিশে আত্মরক্ষা করতে সক্ষম ছিল।

### গ্রামীণ পুলিশ

চৌকিদার ও দফাদার প্রভৃতি গ্রামীণ পুলিশ নামে অভিহিত হ'ত। জমিদারদের পুলিশী ব্যবস্থা ব্রিটিশরা ভেঙে দিলেও চৌকিদারদের বহাল রাখে। ওরা স্থানীয় লোক হিসেবে গ্রামবাসীদের সমীহ করে। স্থানীয় ইউনিয়ন কমিটিগুলি এদের সামান্য বেতন দিত। কিন্তু ঐ চৌকিদার ও দফাদারগণ থানা ইন্সপেক্টরের হুকুম শুনতে বাধ্য। সমগ্র ভারতের পরিসংখ্যান তৈরির ভার এরা নেয়। এদের প্রেরিত পরিসংখ্যানের ওপর নির্ভর করে রাষ্ট্রীয় ভাবনা নির্ধারিত হ'ত। বরং উচ্চ বেতন, ভোগী রাজপুরুষদের সংগৃহীত পরিসংখ্যান বিশ্বাসযোগ্য হ'ত না। এজন্য ওদের উপহাস করে নিম্নোক্ত গণ-গল্পটির সৃষ্টি হয়।

“কোন এক জেলা হাকিমের ওপর তার এলাকার গাধার সংখ্যা নিরূপণের হুকুম হ'ল। কিন্তু ঐ পরিসংখ্যান পাঠানোর তারিখে ইংরাজ সাহেবের এ-কথা স্মরণে এলো। কৈফিয়ৎ এড়াতে উনি তার হেড ক্লার্কের শরণাপন্ন হলেন। ঐ হেড ক্লার্ক দশ মিনিটে সমগ্র জেলার গাধার সংখ্যা তাঁকে জানালেন এবং বললেন, ‘গত সেনসাসে (Census) ধোপার সংখ্যা এত ছিল। ওদের মধ্যে ত্রিশ শতাংশ ধোপার গাধা না থাকার কথা। বাকি সত্তর শতাংশ ধোপার গাধার সংখ্যা এত হবে।’ সাহেব এতে খুশী হয়ে তাঁর ঐ হেড ক্লার্ককে বলেছিলেন, ‘চমৎকার!’ তারপর উনি নিজের দিকে অঙ্গুলি নির্দেশ করে বললেন—‘এ্যাড্‌ এ্যানাদার’। অর্থাৎ আমিও আর একটি গাধা। এমন সহজ পন্থাটি তাই বুঝতে পারি নি।”

প্রতি সপ্তাহে একদিন চৌকিদার থানায় এসে নিজ নিজ গ্রামের জন্ম মৃত্যু, জনসংখ্যা, উল্লেখ্য ঘটনা ও শস্ত উৎপাদনাদির সংবাদ জানাতো। এদের প্রদত্ত পরিসংখ্যানের ওপর নির্ভর করে বহু সরকারী পলিশি নির্ধারিত হয়েছে। ল্যাট-সাহেবের স্পেশাল ট্রেন পাহারা দেবার জন্যে এদেরকে দিবারাত্রি রেল লাইনের

ধারে থাকতে দেখা গেছে। এর জন্তে এদের অনেকে সর্প দংশনে বা ব্যাঘ্রের আক্রমণে প্রাণ হারিয়েছে। কেউ কেউ তন্দ্রাচ্ছন্ন অবস্থার জন্তু ট্রেনের দ্বারা চাপা পড়েছে। এভাবে এদের বাৎসরিক ভাগ্য নির্ধারিত হত।

[ তৎকালে গভর্ণর তথা লাটবাহাদুররা প্রায়ই কলিকাতা থেকে নদী পথে ঢাকা পরিদর্শনে যেতেন। বাংলা পুলিশের দারোগাবাবুদের শফরের আগে মাসাধিক-কাল নিরাপত্তা নিরূপণের জন্তু স্টিমারে কিংবা বোটে হুন্দরবনের জলপথে ঢাকা থেকে কলিকাতা যাতায়াত করতে হত ]

দিনের বেলা চৌকিদার'রা নিছ নিছ গ্রামের শস্ত পাহারা দিত; গ্রামের ছাড়া গরু খোঁয়াড়ে দিয়ে সরকারের আয় বাড়াতো। রাত্রে চোর-বাতি হাতে এরা গ্রাম পাহারা দেওয়ার সময় চিংকার করে বলতো—“ছোট বাবু! জাগলো-হো-ও-ও। ও ভট্টাচার্যমশাই! আপনি জেগে আছেন? ভয় নেই বাবু! আমরা পাহারায় আছি।” ওরা জমিদারী পুলিশে থাকাকালে নীলে ডোবানো পোশাক পরতো। এখনো তারা সেই নীল রঙা পোশাক পরে। আজও ওদের সেই আগেকার হাঁক ডাক আছে।

রেল প্রভৃতি যানবাহনের উন্নতির ফলে প্রদেশ-পুলিশের দক্ষতা সম্ভবত বেড়ে যায়। এতে মূল কেন্দ্রের সঙ্গে ছেলাগুলির যোগাযোগ সহজ হয়। তার ফলে গ্রামীণ পুলিশের স্ব-নির্ভর দিকে দ্রুত চরিত্র ধীরে ধীরে বিলুপ্ত হল। প্রদেশের অভ্যন্তরে তারা বহুকাল অশ্ব, নৌকা বা পদযাত্রাকেই যাতায়াতের মাধ্যম হিসেবে গ্রহণ করেছে। ওদের পুলিশী পোশাক ছিল থাকী হাফ্‌ প্যান্ট ও মোলার শ্যার্ট। কলিকাতা পুলিশদের যানবাহনের অস্থবিধা ছিল না। বাংলা পুলিশকে একটি ঘোড়া এবং কলিকাতা পুলিশকে একটি সাইকেল দেওয়া হত। উপরন্তু কলিকাতার পুলিশদের জমকালো মনিফর্ম ছিল।

কলিকাতা শহরে উল্লেখ্য রাজপথের সংযোগগুলিতে ফিক্সড পয়েন্ট [ Fixed point ] কনস্টেবল কোমনে ব্যাটনসহ ডিউটি দিত। অধিকন্তু রাত্রে দুটি ফিক্সড পয়েন্টের মধ্যবর্তী পথে দুজন সিপাই পদচারণা করত। বিটগুলির অলিগলিতে কিছু সিপাহী ঘোবাকেরা করত। প্রয়োজনে একজন অগ্নজ্ঞকে হাঁক দিত—“জুড়িদার হো!” বড় রাস্তার প্রত্যেক দোকানের তালি তারা টেনে পরীক্ষা করত। গভীর রাত্রে জেগে উঠে লোকে শুনতে পেত টহলদারী, শাস্ত্রীর ভারী বুটের শব্দ। অগ্নদিকে তাদের অফিসাররা দারারাত পালি কত্রে বিটে বিটে রাউণ্ড দিয়েছে ও তাদের পকেটবুক চেক করে সই দিয়েছে। জমাদারগণ প্রায় পল্লীর ঝগড়া-বিবাদে মেটাতো। লাল পাগড়ী ও শ্বেত পোশাক পরা ষষ্টিধারী●

সিপাইদের বেন্ট বা পেটী ছিল গর্বের বস্তু। কেউ সামপেণ্ড হলে তাকে তাদের ঐ নম্বর যুক্ত বেন্ট খুলে দিতে হ'ত। এই স্বন্দর পাহারার ব্যবস্থা স্বাধীনতার কিছুকাল পূর্ব পর্যন্ত অব্যাহত ছিল। প্রয়োজন হলে লোকে বিট থেকেও সিপাইদের ঘটনা স্থলে ডেকে নিয়ে যেত।

কলিকাতা শহরের তৎকালীন আরও কয়েকটি হৃদয় অধুনা অন্তর্হিত। প্রতিটি বিকেলে একদল কর্পোরেশন কর্মী লম্বা পাইপযোগে পথিপার্শ্বে হাইড্রেনগুলি থেকে জল তুলে সমগ্র পথ ধৌত করে ধূলি মুক্ত করত। ঐ সকল কর্মী এবং হাইড্রেনগুলি এখন কোথায়? পথের ধারে দমকল ডাকার টেলিপোস্ট বসানো ছিল। কোথাও আগুন লাগলে লোকে ওদের মুখের কাঁচ ভেঙে ভিতরের হাওল ঘোরাতো। পথের গ্যাস-বাতি জালানোর জন্ত কর্মীদের মই ঘাড়ে ছোট্ট ছুটি নিত্যকার দৃশ্য ছিল। পোর্ট কমিশনারের মতো কলিকাতা কর্পোরেশনেরও ময়লা ফেলার জন্তে নিজস্ব রেলপথ ছিল। লোক জাগার আগে ঐ গাড়ি ময়লা নিয়ে ধাপার পথে পাড়ি দিত। ওদের পরিপূরক ঘোড়ার টানা ময়লার গাড়ি-গুলোর বিকল হবার সম্ভাবনা ছিল না। ওগুলোর পুনঃপ্রবর্তনের বিষয় ভেবে দেখা উচিত। রাস্তা ঘাটের সংখ্যা প্রায় একই আছে। এদের ট্যাক্স (tax) বেশি গুণ বেড়েছে। তৎকালে ভদ্রনারীরা জানলার খড়খড়ি তুলে ঘোড়ার গাড়িতে খাতায়ত করত। পুরুষের অবর্তমানে গৃহতল্লাশীর কাজ সাধারণতঃ এড়িয়ে যাওয়া হ'ত। নিতান্ত প্রয়োজনে পুরুষের সাহায্যে পুলিশ মহিলাদের সঙ্গে কথা বলেছে। মহিলাদের সাক্ষী বা আসামীরূপে আদালতে নেওয়া হ'ত না। হিন্দুনারীর এবং দেবতার সম্মান রক্ষণে ইংরাজ রাজপুরুষরা তখনো তৎপর ছিল। এ-দুটি গুণের জন্ত ওদের জনপ্রিয়তাও ছিল অপরিসীম।

### কলিকাতা

পশ্চিম ভারতে ও অল্প কানপুর, লক্ষ্ণৌ, মিরটি, এলাহাবাদ, আগ্রা, বেনারস, পাটনা, রাঁচী, গয়া প্রভৃতি প্রতিটি শহরই সর্ব বিষয়ে কেউ কারও চেয়ে ছোটো বা বড়ো নয়। এজন্ত এদের চারপাশের গ্রামগুলি ক্ষতিগ্রস্ত না হয়ে লাভবান হয়েছে। কিন্তু রাঁচী বঙ্গের দুর্ভাগ্য এই যে কলিকাতা একটি মাত্র বৃহৎ নগর। চতুঃপার্শ্বের গ্রামগুলির রক্ত শোষণ করে এই বিরাট মহানগরী সৃষ্টি হল। এতে লাভ অপেক্ষা সেখানে দীর্ঘস্থায়ী ক্ষতির পরিমাণই বেশী। বহিরাগতদের পাণ্ড ও স্তম্ভ যুগিয়ে সম্ভারণ বাঙালী নিঃস্ব হল।

ইংরাজদের প্রথম দেওয়ান গোবিন্দরাম তৎকালীন কলিকাতা নগর রাষ্ট্রে তাঁর ঐতিহ্য নায়ক দেওয়ানের অধীনে স্থল ও জল পুলিশ, বিচার ব্যবস্থা ও পৌরসভা

গড়ে তোলেন। অবশ্য ইউরোপীয়দের বিচার ব্যবস্থা স্বাধীনভাবে বণিকদের এজেন্ট ও প্রেসিডেন্ট ও পরে কলিকাতার গভর্ণরের দ্বারা সমাধা হতো। পরে কলিকাতায় প্রেরিত ইংরাজ মেয়র ও তাঁর অলডারম্যানরা ইংরাজদের বিচারের ভার নেন। ঐ সময়ে কলিকাতাতে ক্ষুদ্র ক্ষুদ্র পৌরসভা কেন্দ্রীয় পৌরসভার অধীনে থানা ওয়ারী ভাবে বিকেন্দ্রিত ছিল। প্রতিটি পল্লী তার থানা, পুলিশ, বিচার ও পৌরসভা সংক্রান্ত ব্যাপারে স্বয়ংসম্পূর্ণ ছিল। আজও কলিকাতার প্রেসিডেন্সী হাকিমরা থানা পুলিশে নথি পাঠানোর সময় লিখে থাকেন—‘A’-টাউন বা ‘B’ টাউন টু এনকোয়ার। ‘A’ টাউন অর্থে শ্যামপুর থানা। ‘B’ টাউন অর্থে জোড়াবাগান থানা। ঐ ভাবে আজও বিভিন্ন টাউন অর্থে ‘C’=বটতলা, ‘D’=বড়বাজার, ‘E’=জোড়াসাঁকো, ‘F’=আমহার্স স্ট্রীট, K=পার্ক স্ট্রীট প্রভৃতি থানাকে বোঝানো হয়। অবশ্য এগুলির সঙ্গে যোগাযোগের জন্য উর্ধ্বতনদের অধীনে কেন্দ্রীয় সংস্থাগুলি ছিল। সর্ববিষয়ে বিকেন্দ্রিত প্রশাসন প্রাচীন ভারতীয় প্রথা। তৎকালে থানা, পুলিশ, অগ্নিনির্বাপণ, পশু নিধন ও ধৃতিকরণ বিচার ব্যবস্থা প্রায়ঃ অভিন্ন ছিল। এ বিষয়ে এই পুস্তকের প্রথম খণ্ডে বিস্তারিত আলোচনা করা হয়েছে।]

পলাশীর যুদ্ধের পর কলিকাতা সহ সমগ্র বাংলার প্রশাসন লর্ড ক্লাইভের প্রধান দেওয়ান রাজা নবকৃষ্ণের অধীন হয়। যুদ্ধকালে পলাতক ইংরাজ মেয়র ও তাঁর অল্ডারম্যানগণ ফিরে এলে সমগ্র বাংলার শাসক দেওয়ান নবকৃষ্ণের অধীনে নিযুক্ত হন। কলিকাতার পুলিশের বিচার ও পৌরসভা এঁদের অধীনস্থ হলেও প্রকৃত নিয়ন্ত্রণ রাজা নবকৃষ্ণের হাতে থাকায় ওঁরা অনাস্বাদী হন নি। কিন্তু বাংলার প্রধান দেওয়ান মহারাজা নবকৃষ্ণের বিদায়ের পর ওঁরা ত্যাগচরী হলেন। গণ-বিক্ষোভের ফলে ওঁদের বিদায় নিতে হয়েছিল। ওঁরা বিদায় নিলে কলিকাতা পুলিশ, বিচার ও পৌরসভা জনৈক ইংরাজ চেয়ারম্যান ও তাঁর সহকর্মীদের তদারকিতে একটি কনসারভেটর অধীন হ’ল। চব্বিশ পরগণার জমিদারী ও তার পুলিশ অধিগৃহীত হলে চব্বিশ পরগণার মতো কলিকাতা শহরকেও একটি ম্যাজিস্ট্রেটের অধীন করা হ’ল। এই ম্যাজিস্ট্রেটের নিয়ন্ত্রণে ‘জাস্টিস অব্ পিস’-দের তিনটি সংস্থার অধীনস্থ পুলিশ, বিচার ও পৌরসভা থাকে। পরে পৃথক পৃথকভাবে ম্যাজিস্ট্রেটদের অধীনে বিচার শাখা, জনৈক চেয়ারম্যানের অধীনে কলিকাতা করপোরেশন এবং পুলিশ কমিশনরের অধীনে কলিকাতা পুলিশ নির্দিষ্ট হয়। এই পুস্তকের প্রথম খণ্ডে এ-বিষয়ের ধারাবাহিক বিষয় বিবরণ উল্লিখিত হয়েছে।

[ বি. অ.—বাঙালী জমিদার তথা ভূঁইয়া শাসকদের ফৌজ লর্ড ক্লাইভ বাতিল করে দিয়েছিলেন। তাদের বিচার-ব্যবস্থা লর্ড হেস্টিংস এবং তাদের জাতীয় পুলিশ লর্ড কর্নওয়ালিশ রহিত করেছিলেন। এইভাবে ধীরে ধীরে বাঙালীদের সম্পূর্ণ পরাধীন জাতিতে পরিণত করা হয়। ]

## ট্রাফিক পুলিশ

কলিকাতায় প্রথম স্থল ও জল পুলিশের স্রষ্টা বাবু গোবিন্দরাম। কিন্তু উনবিংশ শতাব্দীতে শহরে পৃথক ট্রাফিক পুলিশ না থাকায় ঐ সময় থানা পুলিশই স্ব স্ব এলাকায় ট্রাফিক নিয়ন্ত্রণ করত। প্রধানতঃ ঘোড়ায় টানা ট্রামই তৎকালে শহরে পরিবহণের কাছে ব্যবহৃত হ'ত। ধর্মতলার মোড়ে গাড়ির অস্টেলিয়ান হর্সগুলি বদল করা হ'ত। ঐ সময়ে কিছু পুশ-পুশ ( Push ) যান, ঘোড়ার গাড়ি, স্টেজ-কারেজ ও পালকী ছিল।

১৯০৪ খ্রষ্টাব্দে ইংল্যান্ড থেকে ৫০টি মোটরকার কলিকাতায় আমদানি হ'ল। কিছু পরে ঘোড়ায় টানা ট্রাম প্রথমে বাষ্পচালিত হয়। শহরে ইলেকট্রিক ট্রামের প্রচলন হয় অনেক পরে। গ্যাসবাতির আলো ম্যাটেল যুক্ত করে আরো উজ্জ্বল হ'ল। ক্রমশঃ শহরে বৈদ্যুতিক পাখা ও আলোর ব্যবহার হতে থাকে। পুলিশের থানাগুলিতে রেডীর তেলের প্রদীপ উঠে গেল। তার জায়গায় গ্যাসবাতি ও ইলেকট্রিক হ'ল। উচ্চশ্রেণীর লোকদের বাড়িতে ঝাড় লঠনের বদলে ইলেকট্রিক এ'ল। তাদের কক্ষস্থিত টানা পাখাগুলির স্থান অধিকার করল বৈদ্যুতিক পাখা। কলের জলের কল্যাণে গৃহস্থ বাড়িগুলির মতো থানার পাতকুয়াগুলি বুজিয়ে ফেলা হয়। ইলেকট্রিক ট্রাম সম্পর্কে নিয়োক্ত গাল গল্পটি ঐ কালে রচিত হয়েছিল :—

‘চারজন মজুপ ধনী তরুণ ঘোড়ার বগী গাড়ি করে বাড়ি ফিরছিল। হঠাৎ ঝড়-বৃষ্টিতে ঐ গাড়ির চাকা চারটি ট্রামের ছুটি লাইনে আটকা পড়ে বসে গেল। ও-দিকে বন্যা ছিঁড়ে গাড়ির ঘোড়াটিও গড়ের মাঠে দৌড় দিয়েছে। সহিস ও কোচ-ম্যান তাকে ধরবার জন্যে মাঠে নামল। মজুপ তরুণ চতুষ্টয় নীচে-নেমে গাড়িটি ঠেসতে থাকে। কিন্তু গাড়ি এখোয় না একচুলও। এক বৃহৎ টিকি তথা শিখা-ধারী ব্রাহ্মণ নামাবলী পায়ে চৌরঙ্গীতে হাঁটছিল। ঐ চার মাতাল তাকে বল-পূর্বক গাড়ির ছাদে তুলে দাঁড় করাল। অতঃপর তারা ব্রাহ্মণের মস্তকের শিখাটি ওপরে ঝোলানো ট্রামের ইলেকট্রিক তারে ঠেকাতে চেষ্টা করল। তাদের ধারণা, ছাদে দণ্ডায়মান ব্রাহ্মণের শিখাটি ট্রামের বৈদ্যুতিক তারে ঠেকালে ঐ গাড়ি

ট্রামের মতো চলবে। গ্রহরারত পুলিশ ব্রাহ্মণের পরিব্রাহী চিংকারে ছুটে এসে তাকে উদ্ধার করে।

খৃষ্টান পাদ্রীরা ইংরাজী শিক্ষাপ্রাপ্ত ব্যক্তিদের খৃষ্টধর্মে দীক্ষিত করতে তৎপর হ'ল। নব সৃষ্ট ব্রাহ্মধর্মের দ্বারা প্রভাবিত না হলে শিক্ষিত ধনীরা খৃষ্টান হ'ত। অতীতকালে ইংরাজী শিক্ষার প্রভাবে অনেকে মতপানে অভ্যস্ত হয়। ফলে থানায় পেটি কেসের সংখ্যা বেড়ে যায়। এর প্রতিবাদ স্বরূপ নিম্নোক্ত গণগল্পটির সৃষ্টি হয়।

‘এক জমিদারের ইংরাজী শিক্ষিত পুত্র স্বগৃহে মতপান শুরু করল। জমিদার প্রমাদগুণে তাঁর কুলগুরুকে পুত্রের সংশোধনার্থে গৃহে আনলেন। ঠিক হ'ল পুত্র মতপান ত্যাগ করলে উনি এক সহস্র মুদ্রা পাবেন। লোভাসক্ত ব্রাহ্মণ তাকে নানা শাস্ত্রের বাণী শুনিয়ে মতপানে বিরত করিতে চাইলেন। শেষ পর্যন্ত তাকে পায়ে ধরে সাধলেন। ঐ তরুণ কুলগুরুর প্রতি দয়াপরবশ হয়ে তাঁর সঙ্গে শর্ত করলেন—গুরুদেব তিনদিন তিনরাত তরুণের গৃহে বসে মতপান করলে তিনি মতপান ত্যাগ করবেন। ঐ তরুণ মতপান থেকে বিরত হলেও গুরুর পক্ষে পান-পাত্র ত্যাগ করা সম্ভব হয় নি।

### স্মার সুরেন্দ্রনাথ

বৃহৎ বঙ্গভঙ্গ আন্দোলনে সুরেন্দ্রনাথ পুরোভাগে এসে নেতৃত্ব দেন। সিভিলিয়ান বৃত্তিতে ইত্তফা দিয়ে তিনি দেশবাসীর মাঝখানে ঋজু বলিষ্ঠ পদক্ষেপে এগিয়ে এসে—উদাত্ত করে গর্জে উঠলেন, ‘আই উইল সেক্ দি নাউগেণ্ডস অব ব্রিটিশ এম্পায়ার,’ অর্থাৎ ‘আমি ব্রিটিশ সাম্রাজ্যের মূল ভিত্তি নড়াই।’ তাঁর হাত থেকে ‘নেশন ইন মেকিং’ গ্রন্থটি নেওয়ার সময় মহাত্মা গান্ধী স্বীকার করেছিলেন যে, বাল্যে ও যৌবনে তাঁর বক্তৃতা পাঠে তিনি দেশাত্মবোধে উজ্জ্বল হন। অসহযোগ ও সশস্ত্র বিপ্লব দু'টিই বাক্ষ্যমাত্র প্রদর্শিত পন্থা ছিল। ক্রমে বিলাতী বস্ত্র বর্জন ও দহন এবং ইংরাজ পীড়ন শুরু হ'ল। আমি বিচিত্রা সম্পাদক উপেন্দ্রনাথ গাঙ্গুলীর মুখে শুনেছি যে, একদিন সুরেন্দ্রনাথ সংবাদ শোনার জন্তে সবকু এক স্থানে অপেক্ষা করছিলেন বঙ্গভঙ্গ রদের সঙ্গে খবর এল যে, রাজধানী কলিকাতা থেকে দিল্লীতে স্থানান্তরিত হ'ল। উপরন্তু বাংলার উল্লেখ্য অংশ বিহার ও আসামের অন্তর্ভুক্ত। এই বাতী শুনে সুরেন্দ্রনাথ ব্যাকুল হয়ে ‘হায় হায়’ করে উঠেছিলেন। সুরেন্দ্রনাথ বুঝলেন, তাঁদের সংঘত হয়ে ধীর পদক্ষেপে অগ্রসর হতে হবে। সম্মুখের পক্ষাশ বছরে কি ঘটবে তা বুঝতে পারা ব্যক্তিরাই প্রকৃত রাজনীতিবিদ,®

উনি বুঝেছিলেন যে, সাম্প্রদায়িক ভেদনীতির দ্বারা ব্রিটিশ বাংলাকে পঙ্গু করে দেবে। এছাড়া সাময়িক ভাবে রাজ-নীতিতে মধ্যপন্থা দ্বারা সম্ভব মতো ক্ষমতা করায়ত্ত করা দরকার। কিন্তু উগ্রপন্থীরা তা না বুঝে তাঁর নেতৃত্বকে অস্বীকার করে বাঙালী হিন্দুদের চরম ঘৃণা ঘটায়। তিনি বুঝেছিলেন যে, অর্থসংখ্যক জনগণের দ্বারা প্রকাশ্য বিদ্রোহ সহসা ফলপ্রসূ হবে না। তাঁরই প্রচেষ্টায় নতুন কর্পোরেশন আইনে কংগ্রেসীরা কর্পোরেশন দখল করেন। কিন্তু অকৃতজ্ঞ বাঙালীরা তাকে ভোট পর্যন্ত দেয় নি। বাঙালীরা চোখের জলে সে পাপের প্রায়শ্চিত্ত করেছে। তিনি ধৈর্য সহকারে উপযুক্ত সময়ে অগ্রসর হওয়ার পক্ষপাতী ছিলেন। তাঁরই চেষ্টায় ভারতকে কিছু ক্ষমতা ইংরেজরা হস্তান্তরিত করে। দৈতশাসনের মন্ত্রীরূপে কলিকাতার মেয়র পদটি তিনি পুনঃ প্রতিষ্ঠিত করেন।

বঙ্গভঙ্গ রদের পূর্বে ব্রিটিশ সুরেন্দ্রনাথ প্রবর্তিত স্বদেশী আন্দোলনকে প্রচণ্ড দাপটে দমন করেছিল। কিন্তু তার ফল তাদের পক্ষে শুভ হয় নি। প্রকাশ্য আন্দোলন বন্ধিমের পরিকল্পনা মতো গুপ্ত সশস্ত্র আন্দোলনের রূপ পরিগ্রহ করে অনতি-বিলম্বে। সে-সময় উহা প্রস্তুতির পর্যায়ে থাকলেও বেশ কিছু পরে তার ক্ষমতা বোঝা যায়।

[ লালবাজারে তখন কেবল পূর্ব ও উত্তর দিকের বিল্ডিং দুটি ছিল। প্রাচীর ঘেরা প্রশস্ত প্রাঙ্গণে পুলিশ ও দমকলের প্যারেড হ'ত। লর্ড কারমাইকেল অস্থারোহণে এসে ঐ প্যারেড দর্শন ও স্ট্রালুউট গ্রহণ করতেন। 'এর বহু পরে পশ্চিম দিকের বিল্ডিং তৈরী হয়। ]

সংযুক্ত তথা স্বা বাংলায় পুলিশ ট্রেনিং কলেজটি প্রথমে ভাগলপুরে ও পরে রাঁচীতে ছিল। সেখানে বাংলা-বিহার-উড়িষ্যার কর্মীদের সাথে কলকাতার পুলিশদেরও একত্রে ট্রেনিং দেওয়া হ'ত। উর্ধ্বতন পুলিশকর্মীদের প্রশিক্ষণ ব্যবস্থাও একই সঙ্গে ছিল। নিম্নপদী দেশীয় ইন্সপেক্টরদের উপর উচ্চপদী ইংরাজদের শিক্ষা হলেও উভয়ের মধ্যে প্রভু-ভূত্যের সম্পর্কের হেরফের হয় নি। এ-সম্পর্কে তৎকালে মধ্যপদী অফিসারদের দ্বারা বানানো একটি গণ-গল্প নিয়ে উদ্ধৃত করা গেল।

‘এক দেশীয় রাজ্যের রাজপুত্রকে শিক্ষাদানের জন্য গুরুমশাই নিযুক্ত হলেন। রাজপুত্র রাজছত্রের তলায় সিংহাসনে সমারূঢ় হয়ে পা দোলাতেন। গুরুমশাই নিম্নে হাঁটু গেড়ে রসৈ করষোড়ে তাঁকে বলতেন, ‘মহারাজ, ‘ক’ বলিতে আজ্ঞা হউক।’ দেশীয় অধীনকর্মীদের দ্বারা উচ্চপদীদের পড়ানো ঐ-রকমই হ'ত।

[ কিন্তু এতে খুব ক্ষতি বৃদ্ধি ছিল না। কোন এক অনগ্রসর শ্রেণীর তরুণ দৈবাৎ



গ্রাজুয়েট হয়। গভর্নমেন্ট ভেবেই পায় না, তাকে কি পদ দেওয়া হবে। প্রথমে তাকে এক সরকারী কলেজের অধ্যাপক করা হ'ল। অনতিবিলম্বেই সব দিক থেকে তার অক্ষমতা প্রমাণিত হ'ল। তখন তাকে কর্তৃপক্ষ ডেপুটী ম্যাজিস্ট্রেট করলেন। হাইকোর্ট থেকে পুনঃ পুনঃ স্ট্রিকচার হলে তাকে পুলিশ সুপার করা হ'ল। তখন তার কাজ হ'ল চিবিয় চিবিয় ইংরাজী বলা, শিকার ও ভ্রমণ করা এবং কয়েকটা টাইপ করা কাগজে সই করা। এ'বার আর চাকুরী রক্ষার অসুবিধা নেই। সাধারণতঃ বলা হ'ত, দেশীয় ধনীদে'র মূর্থ পুত্র সাব রেজিস্ট্রার ও ইংরাজ ধনীদে'র মূর্থ পুত্র পুলিশ সুপার হয়। অবশ্য এখানে মূর্থ বলতে অল্প-শিক্ষিত। ]

[ বিঃ দ্রঃ—সাম্রাজ্য রক্ষা ও স্বজন পোষণে'র জন্য পুলিশ এদেশে তিনটি অর্ডার অফ্ সার্ভিস তৈরি করেন। যথা—(১) অল ইণ্ডিয়া তথা ইমপিরিয়াল (২) প্রভিন্সিয়াল সার্ভিস (৩) সাব অর্ডিনেট সার্ভিস। ভারত ব্যতীত অন্য কোথাও এ ধরনের কর্ম-বিভেদ নেই। অগ্রত্ৰ সমগ্র পুলিশ মাত্র পুলিশ অফিসার ও পুলিশম্যান বিভক্ত। একই রূপ শিক্ষা-দীক্ষা ও বংশ গরিমার ব্যক্তিদে'র এ-ধরনের শ্রেণী বিভাগ নিরর্থক ও উদ্দেশ্য প্রণোদিত। ইউরোপীয় তরুণদে'র উচ্চ-পদ দেবার জন্যই এই নিয়ম সৃষ্টি হয়। ]

বঙ্গভঙ্গ রদ হওয়ার পরে বিহার উড়িষ্যা থেকে দিচ্চির নতুন বাংলাদেশ সৃষ্টি হ'ল। তখন বাংলা প্রদেশ পুলিশে'র প্রশিক্ষণ কেন্দ্র স্থাপিত হ'ল পন্নাপারে সারদাতে এবং কলিকাতা পুলিশে'র প্রশিক্ষণ শিবির হ'ল পূর্বতন ডুলাগা গ্রামে'র পাগলা-গারদ ডুলাগা হাউসে।

বিঃ দ্রঃ—মোটর ভিহিক্যাল ও হা'কনিক্যারেজ ডিপার্ট তখনে, কলিকাতা পৌর-সভার অধীনে ছিল। গুঁরাই গাড়িগুলি রেজিস্ট্রেশন করতেন এবং আয়ের জন্তে লাইসেন্স ফিস্ গ্রহণ করতেন। পরবর্তীকালে কতিপয় পৌরপিতা এঁদে'র বন্ধুবর্গ বহু লাইসেন্স ফিস্ বাকি রাখেন। ফলে অন্য নাগরিকরাও তাঁদে'র পদাঙ্ক অনুসরণ করে। পৌরকর্মীরা লক্ষ লক্ষ টাকা ফিস্ আদায় করতে অনিচ্ছুক বা অক্ষম। বাধ্য হয়ে গভর্নমেন্ট করপোরেশনে'র কাছ থেকে মোটর ভিহিক্যাল ও হা'কনিক্যারেজ ডিপার্ট অধিগ্রহণ করে সেগুলির ভার কলিকাতা পুলিশে'র হাতে অর্পণ করেন। কলিকাতা করপোরেশন তার আয়ের একটা প্রধান অংশ থেকে বঞ্চিত হ'ল। অবশ্য পূর্বে'র মতো গরুর গাড়ি ও ঠেলা গাড়ির লাইসেন্স করপোরেশনে'র অধীনেই থাকে।

[ এ-সময় বর্তমান বাংলার স্রষ্টা ডঃ বিধানচন্দ্র রায়ের সঙ্গে পুলিশী কর্মকৃত্যে'র

একটি স্কন্ডর সম্পর্ক গড়ে ওঠে। তখন ডাক্তার বিধানচন্দ্র কিছুদিন কলিকাতা পুলিশ ট্রেনিং কলেজে ফার্স্ট এইড পড়াতেন। লর্ড কিচনারের বাঙালী ড্রাইভারকে তিনি নিজ ড্রাইভার রূপে গ্রহণ করেন। পরে ব্রিটিশ বিরোধী আন্দোলনে যোগ দান করলেও স্বাধীনোত্তর বাংলায় তিনি পুলিশেরই ভারপ্রাপ্ত মন্ত্রী হন। কলিকাতা কর্পোরেশনের সঙ্গে তিনি বিশেষভাবে যুক্ত ছিলেন।]

স্বদেশী আন্দোলন দমনের জন্য ইউরোপীয় কনস্টেবলদের সার্জেন্ট পদ দেওয়া হ'ল। ওদের সংখ্যা বাড়িয়ে দেশীয় মধ্যপদী অফিসারদের সমান করা হ'ল। বর্ণবিদ্বেষ ব্যুড়াবার জন্যে দৃশ্যতঃ তাদের অধিক স্বযোগ-স্ববিধা দেওয়া হয়। অথচ এদের প্রায় সকলেই অশিক্ষিত ও অর্ধশিক্ষিত ছিল। সামগ্রিক বিধানের জন্য দেশীয়দের ইন্সপেক্টিং স্টাফ ও এ্যাংলোদের নন-ইন্সপেক্টিং স্টাফ নামে অভিহিত করা হয়। ইউরোপীয় ও এ্যাংলো সার্জেন্টদের রিভলবার থাকলেও দেশীয় কনস্টেবল ও অফিসারগণ তা থেকে বঞ্চিত হলেন। দ্বিতীয় বিশ্বযুদ্ধের সময়েও থানায় লাঠি ছাড়া অন্য অস্ত্র ছিল না। সার্জেন্টদের মূল দলটিকে লালবাহারের হেড কোয়ার্টার্সে রাখা হয়। তবে প্রত্যেক থানায় একজন করে সার্জেন্ট বহাল হ'ল। সেখানে তাদের পদমর্যাদা হেডকনস্টেবল ও A- S- I-দের উপরে এবং দেশীয় সাব ইন্সপেক্টরদের নিম্নে। বহু থানার ইন্চার্জ অফিসার এবং সাব ইন্সপেক্টরগণ এ্যাংলো ও ইউরোপীয় ছিলেন।

থানায় নিযুক্ত এ্যাংলো সার্জেন্টদের অত্যন্ত কাজ ছিল কনস্টেবল ও হেডকনস্টেবলদের খবরদারী করা ও রাজপথের বেওয়ারিশ কুকুরদের বিষ প্রয়োগে হত্যা করা। এজন্য ওদের প্রতি সপ্তাহে কিছু হালুয়া ও বিষ ষোগানো হতো। নাগরিকদের কুকুর কামড়ালে ঐ কুকুরসহ দুই সপ্তাহ ডেপুটিদের নিকট হাজিরা দিতে হ'ত। উদ্দেশ্য, কুকুরের দাঁতে বিষ ছিল কিনা সে সম্পর্কে নিশ্চিত হওয়া। কুকুর-দংশিত লোকদের চিকিৎসা করানোর সকল দায়িত্ব তখন কলিকাতা পুলিশের। দেশীয় অফিসারদের ওপর গোপনে এদের কেউ কেউ লক্ষ্য রাখতো এবং তাদের মধ্যে ব্রিটিশ-বিরোধী ভাব দেখলে তারা ইংরাজ উর্দ্বতনদের স'বাদ দিত। ফলতঃ প্রমোশনে বাধা কিম্বা মন্দ স্থানে বদলীর ব্যবস্থা হ'ত। কাশীপুর ও গার্ডেনরীচ থানা দুটি তখন পানিশমেন্টের স্থান। ওখানে বদলী হলে বাড়িতে কানাকাটিপড়ে যেত।

বাংলায় ব্রেনসাঁসের যুগ শেষ হয়ে গিয়েছিল। এ-সময় দেশে একটা সন্ধিক্ষণ চলেছে। দিকে দিকে অধঃপতন ও আত্মপ্রসঙ্গী রাজনীতি। পূর্বে বড়ো সাহেব বলতে বাঙালীকে বোঝাতো। ইংরাজরা রাজ্য জয় করলে তা চালানোর ভার

বাঙালীর। সমগ্র ভারতে ও বহির্ভারতে বাঙালীরা উচ্চপদে অধিষ্ঠিত। বাঙালীরা যেখানে গেছে সেখানে তারা কালীবাড়ি ও স্থানীয় লোকদের জন্তে লাইব্রেরী ও নাট্যাভিনয়ের ব্যবস্থা করবেই। তাদের জনহিতকর কার্যগুলি ইংরেজদের জন-প্রিয় করে তোলে। কিন্তু মূলকী আইনে ভৎপ্রদেশ থেকে ধীরে ধীরে দেশে ফিরে বাঙালী দেখল, যে তাদের পরিত্যক্ত বাণিজ্য অপরের শক্তিগত। বঙ্গভঙ্গ আন্দোলনের পর ইংরাজরা চাইল বাঙালীর ধ্বংস।

এ-সময় নবীন ইংরেজদের মপ্যেও অধঃপতন প্রকট হয়ে ওঠে। তাদের পূর্বপুরুষরা দেশীয়দের গৃহে দিবারত, উপনয়নে, অন্নপ্রাশনে ও পূজাপার্বণে নিমন্ত্ৰণ রক্ষা করতো। ছোটলাটবাখার পর্বন্ত হঠাৎ রবিবারে বাঙালী ছাত্রদের মেসে এসে কথাবার্তা বলতেন। পরদিন সংবাদপত্র পাঠে জানা যেত ছাত্রদের মেসে হঠাৎ আসা সাহেব আসলে ছোট লাটি। পাদ্রীরা সাইকেলে চড়ে গ্রামে গ্রামে বালকদের লজ্জা দিয়েছে। কিন্তু নবীন ইংরেজদের পৃথক বসবাস ও দেশীয়দের সংসর্গ ভাগ তাদের সামসিক অগ্রদূততাকেই প্রকট করে। দেশীয়দের প্রতি তাদের গবজ্ঞা ও দস্তভাব অসংখ্য হয়ে ওঠে। ওদের ব্যবহার কিভাবে শিশুমনকে পর্বন্ত কলুষিত করেছিল তা আমার নজেরই শৈশব স্মৃতি থেকে উদ্ধৃত করে বোঝাতে পারবো।

দ্বিম্বীতে কোন এক বড়লাটি শিশুদের বোমা থেকে অল্পের জন্তে বেঁচে গেলেন। এজন্তে উৎসব উপলক্ষে ইংরাজ ও দেশীয় রাজপুরুষদের শিশুরা লাটিভবনে নির্মিত হ'ল। অল্প শিশুদের সঙ্গে আমিও সে-উৎসবে উপস্থিত ছিলাম। টবের ভেতর কাঠের কুচির মধ্যে লুকানো চকোলেট তোলার সময় ইংরাজ শিশুদের সঙ্গে হটোপাটি শুরু হ'ল। ওরা খুঁসতে দক্ষ হলেও চড়ে কাবু। পরদিন ঐ অভিযোগে দেশী অফিসারদের পুত্রদের ওখানে খাওয়া নিষেধ হয়ে গেল। বাড়িতে পিতামহ ছোষ্টতাতকে অহুযোগ করে বললেন, 'ছোটরা ওরকম কত মারপিট করে থাকে তাই জন্তে তোকে কৈফিয়ত দিতে হবে কেন? ফরাসী, ওলন্দাজ ও দিনেমাররা তো ওরকম ছিল না; বাঙালীরা ওদের তক্তে বসাল। দেখিস, ঐ বাঙালীরাই ওদের বিদেয় করবে।'

'বড়লাটি শোভাযাত্রাসহ রেসকোর্সে আসবেন। তাঁকে দেখবার জন্তে ইংরেজ বালকদের সঙ্গে আমরাও রেলিঙের ওপর চেপে য়সলাম। হঠাৎ এক দেশীয় কনটেবল তেড়ে এসে বলল : 'উতারো'। আমরা ইংরেজ বালকদের দেখালো সে থেকিয়ে উঠে বলল : 'উ লোককো রাজ হায়। তুহোর কি রাজ আছে?' দূরে এক এ্যাঙলো সার্জেণ্ট কলের গুতো মেরে দেশীয় লোক নামাচ্ছে। আমার

ছোটো ভাইটি তখন সবেমাত্র ছোটদের মহাভারত শেষ করেছে। সে সব দেখল, বুঝল এবং পরে বলল, ‘ত্যাগ দাদা, আজ ভীম আর অর্জুন বেঁচে থাকলে ওদের একবাণে শেষ করতে।’

‘বড় গীর্জার পাশে পাঁচিলঘেরা জায়গায় ইংরেজ বালকরা ক্রীড়ারত। ওখানে ফটকে লেখা আছে—‘ডগ্‌স্‌ এ্যাণ্ড ইণ্ডিয়ানস্‌ নট্‌ এ্যালাউড।’ আমরা একটু উকি দিতেই ওরা মারমুখী হ’ল। জনৈক বাঙালী ভদ্রলোক আমাদের দূরে সরিয়ে এনে বলল, ‘ঝগড়া কোরো না। বড়ো হয়ে তোমরাও ক্লাব তৈরি করে ছুয়ারে লিখে রেখো : ‘ইউরোপীয়ানস্‌ এ্যাণ্ড বুলস্‌ নট্‌ এ্যালাউড।’

ভারতীয়রা শিক্ষা করলে আইনে তারা ভ্যাগাবণ্ড। ইউরোপীয়রা শিক্ষা করলে তারা হয় ভেগরেণ্ট। ওদের তখুনি ধরে এনে ভেগরেণ্ট হোমে আশ্রয় দিতে হবে। এজন্তে পুলিশের অধীনে ভেগরেণ্টহোম স্থাপিত হয়েছিল। মার্জেন্টদের স্থবিধার্থে ‘আমহাস্ট’ স্ট্রীট থেকে পুলিশহাসপাতাল বেগীনন্দন স্ট্রীটে নির্মিত গৃহে স্থানান্তরিত হ’ল। ইউরোপীয়দের গৃহে বারগলারী হলে উর্ধ্বতন কর্মীদের তদন্তভার নিতে হবে। এই হুকুম দ্বিতীয় বিশ্বযুদ্ধ ও তার পরেও অব্যাহত ছিল।

কিন্তু তা সত্ত্বেও দেশে রাজভক্তের অভাব হয় নি। যুবরাজ অষ্টম এডওয়ার্ডের ভারত আগমন উপলক্ষে তাঁর সংবর্ধনার আয়োজন করা হয় গড়ের মাঠে। তাঁর মনোরঞ্জনার্থে সেখানে ‘সা-রে-গা-মা’ লাক্ষিত সাতটি গাড়িতে রাগ ও রাগিণীদের মূর্ত্ত করা হয়। একজন রাজার দুই দিকে ছয় রাগী। (এক রাগ ছয় রাগিণী) শেষ গাড়িতে সর্বাস্থে শ্বেত বিভূতিমাখা জটাছুটধারী ভৈরবরাগ। ওগুলোর পেছনে এক এক দল গায়ক সানাই বাদনরত। অভিনেতা ও অভিনেত্রীরা সকলেই অভিজাত বাঙালী পরিবার থেকে সংগৃহীত। ঐ তরুণ চঞ্চল যুবরাজ রেসকোর্সে নিজেই ঘোড়ায় চড়বার জগ্গে ব্যস্ত হয়ে উঠলেন। তাঁর অবিভাবক জনৈক লর্ড তাঁকে বাধা দিলেন। অবশ্য এর বিপরীত দৃশ্যও কিছু কিছু দেখা যায়। যাদের পিতারা কুইন ভিক্টোরিয়ার মৃত্যুকে মাতৃবিয়োগ মনে করে গলায় কাছা নেন তাদের পুত্র ও পৌত্ররা ‘বন্দেমাতরম্’ শ্রবণি তোলে এবং ইংরাজ নিধনে মত্ত হয়।

একবার এক গোরা সৈন্তের সঙ্গে মারামারি করে বাড়ি এলে ছোটো কাকু বললেন, “ওরা ব্যবসায়িক স্বার্থে এ-দেশে আছে। ওদের মিল, ফ্যাক্টরীর পাশে মিল, ফ্যাক্টরী বানাও। তাহলেই ওরা এদেশ থেকে বিদায় নেবে।” ছোটো কাকু এই হুকুম দিয়ে বায়োস্কোপ দেখতে গেলেন। কিন্তু আমরা ভেবেই পেলাম না যে, কি ভাবে তা কার্যকরী করা যাবে।

[ বিঃ দ্রঃ—এ-দিক থেকে বিচার করলে মাড়ওয়ারী ব্যবসায়ীরা ধন্বাদার্ব। পুলিশের লোকদেরও বোধহয় এজন্ত প্রশংসা প্রাপ্য। ভারতবাসী জাগছে না। ওরা ঠেঙিয়ে তাদের জাগিয়ে দিল। বন্ধুভাবে যেমন শত্রু ভাবেও তেমনি ভগবান লাভ হয়। প্রকৃতপক্ষে ওদেরই দ্রুত তাড়নায় দুটি বিশ্বযুদ্ধ সংঘটিত হয়। ]

### প্রথম বিশ্বযুদ্ধ.

ব্রিটিশ স্বপারিকল্পিতভাবে বাঙালী জাতিকে ততদিনে অসামরিক সম্প্রদায়ে পরিণত করেছে। বাঙালীর প্রতিভা তখন সাহিত্য, বিজ্ঞান ও রাজনীতিতে। বহুধা বিকীর্ণ। ঠিক এই সময় বিশ্বজুড়ে প্রথম যুদ্ধ আরম্ভ হ'ল। কিন্তু নতুন সেনাদলে বাঙালীদের তখনও স্থান নেই। এই যুদ্ধে বাঙালীরা এগিয়ে এলেও মাত্র এ্যান্ডুলেন্স বাহিনীতে তাদের স্থান হয়।

আদালতে এ-দলি বিখ্যাত ব্যারিস্টার রামবিহারী ঘোষকে কলিকাতাহাইকোর্টের প্রধান-বিচারপতি জিজ্ঞাসা করলেন, 'ওয়েল! মিঃ রামবিহারী, জার্মানরা কলিকাতায় উপস্থিত হলে তোমরা কি করবে?' রামবিহারী ঘোষ একটু ভাবলেন তারপর উত্তর দিলেন, 'ম. লর্ড! আমরা তাড়াতাড়ি একটা সভা করব। তারপর সকলে মালা-হাতে চাঁদপান ঘাটে গিয়ে তাদের অভ্যর্থনা জানাবো।' বিচারপতি বিস্মিত। তিনি আবার জিজ্ঞাসা করলেন, 'আর ইউ শিরিয়াস?' উত্তরে বাগ্মী ব্যারিস্টার বলেছিলেন, 'এছাড়া আমাদের আর কি করবার আছে? বিগত দেড়শো বছর রাজত্বে তোমরা এইটুকু মাত্র আমাদের শিখিয়েছে।'

এই বাদাহুবাদে তৎকালীন কর্তৃপক্ষ একটু সচেতন হলেন। তারা বুঝলেন যে বাঙালীদের যুদ্ধস্পৃহা গতাদিকে বার করে না-দিলে পরে তা ব্রিটিশদের বিরুদ্ধেই উদ্দীপিত হবে। আপাতত ওদের সেনাবাহিনীতে ভর্তি করা দরকার। তবে বাঙালী বিপ্লবীদেরও সেই সঙ্গে ভর্তি হওয়ার ভয় ছিল। ইতিমধ্যে ফরাসীরা চন্দননগরে বাঙালী সৈন্যবাহিনী তৈরি করে ফ্রান্সের রণক্ষেত্রে পাঠাচ্ছে। ফরাসীরা কিছু বাঙালীকে বিমান-বাহিনীতেও নিযুক্ত করেছিল। ব্রিটিশরা এবার বাঙালী-পদতন তৈরি করে মেসোপটেমিয়ায় পাঠালো। ভেদবুদ্ধিখ্যাত ব্রিটিশ তাদেরকে তুর্কিদের বিরুদ্ধে নিযুক্ত করলো। আশ্চর্য ৫.ই যে মুসলিম-সম্প্রদায় এতে কোনো আপত্তি করে নি।

বহু বাঙালীর সঙ্গে কলিকাতা ও বাংলা-পুলিশের কিছু তরুণ এই বাহিনীতে নাম লেখায়। আমাদের পরিবারের হুজুন তাতে যোগ দিয়েছিল। কাজী নজরুল.

ইসলাম প্রভৃতি কবি-সাহিত্যিকও তাতে যোগ দেয়। কলিকাতা-পুলিশের জনৈক ডেপুটি-কমিশনার ক্যাপটেন উড্ তাদের নেতৃত্ব দেন। পরে তিনি কর্নেলরূপে খ্যাত হন। এই বাঙালী-দরদী ডেপুটি পুলিশ-কমিশনার মেসোপটেমিয়ার রণক্ষেত্রে প্রাণ দিয়েছিলেন। বুদ্ধিমান বাঙালীদের সেনাবাহিনীতে গ্রহণ করা বহু ইংরাজের পছন্দ ছিল না। প্রতিবাদ স্বরূপ ওদের ক্যাম্পে ক্যাম্পে নিয়ন্ত্রিত গুল্লিট শোনা যেত। কারো কারো মতে ঘটনাটির মধ্যে কিছু সত্যতা ছিল।

ইংরাজ মেজর বাঙালী সেনাবাহিনীকে হুকুম দিলেন, ‘বিশ কদম সামনে এগিয়ে, গুলি হোঁড়া।’ বাঙালী সৈন্যরা তাতে তর্ক জুড়ে দিলো, বললে, ‘গার, এটা ঠিক কমাও নয়। সামনে এগোবার প্রয়োজন নেই। এখানেই এডজাস্ট করে রাইফেলের রেঞ্জ বাড়ালেই তো হয়।’ মেজর-সাহেব সেইরকম কমাও করতে অবশ্য পারতেন। কারণ রাইফলে এডজাস্টমেন্টের ব্যবস্থা ছিল। কিন্তু এই তর্ক বিতর্কের মধ্যে অহেতুক মূল্যবান সময় চলে যাওয়ায় প্রতিপক্ষ ভূকিদল এসে ওদের সবাইকে খতম করে।

[ বাঙালীদের এই অহেতুক মগজ-ব্যবহার অণু প্রদর্শণেও প্রবাদ হয়ে ওঠে। এক হিন্দিভাষী প্রৌঢ়ব্যক্তি তার পৌত্রসহ নদীতীরে গাছের তলায় বসেছিলেন। এক সময় তিনি পৌত্রকে বললেন, ‘দেখো, এই গাছের পাতা জলমে পড়বে তো। শের, আর ডাঙ্গামে পড়বে তো কুমীর হোবে।’ তাঁর পৌত্র বিষয়ে চোখ ছানাবড়া করে চূপ করে রইলো। কিন্তু জনৈক বাঙালী তরুণ তা শুনে জিজ্ঞাসা করলো, ‘লেকিন, ওহী পাতা আধা-ডাঙ্গামে আউর আধা পানিমে পড়বে তো ক্যা হোগী?’ প্রৌঢ় তখনই বলে উঠেছিল, ‘বাপস্! তুম এতনা বুদ্ধি ধরতা? তব তুম জরুর বাঙালী হোগী।’ ]

মগজ-ব্যবহারকারী বাঙালীরা নিজেদের বিকল্পেও কম আটায়ার তৈরি করে নি। মধুসূদনের অমিত্রাক্ষর ছন্দকে উপহাস করে তারা লিখলো, ‘টেরিলিল সূত্রধর কাঠালেরই কাঠে।’ জগদীশ্বর বসুর ‘বৃক্ষের প্রাণ’ সম্পর্কিত গবেষণাকে কটাক্ষ করে তারা লিখলো, ‘বেলফুলকে উদ্দেশ্য করে মল্লিকা ফুল বললে, দিদি, ফুটবো নাকি?’ এমন-কি রবীন্দ্রনাথকেও তারা বাদ দেয় নি। মনীষীদের ব্যঙ্গ করা এদের বহুদিনের অভ্যাস। বিশ্বযুদ্ধ সম্বন্ধে বাঙালীরা নিয়ন্ত্রিত গুল্লিট ক্যাম্পে প্রায়ই বলতো।

এক ভদ্রলোক ডাক্তারের কাছে গিয়ে বললে যে তার ব্রেনটা খারাপ হয়ে গিয়েছে। ডাক্তার তার ব্রেনটা বার করে স্পিরিটের বোতলে রেখে বললেন, ‘ঠিক আছে। এটা আমি মেরামত করে রাখবো। সাতদিন পরে এসে নিয়ে যেও।’

কিন্তু সাতমাস পরেও ও লোকটি তার ব্রেন নিতে এলো না। একদিন বাজারে তাকে দেখে ডাক্তারবাবু জিজ্ঞেস করলেন, ‘আরে, তোমার ব্রেনটা মেরামত করে রেখেছি। কই, তুমি তো নিতে এলে না?’ ‘আজ্ঞে ওটা আমার আর দরকার নেই, লোকটি নির্লিপ্ত স্বরে উত্তর দিলে, ‘কারণ ইতিমধ্যে আমি মিলিটারিতে চাকরি পেয়েছি।’

“সেবার আমাদের অফিসর হবার পরীক্ষা হচ্ছিল। কর্নেল ঘোড়ায় চড়ে পরীক্ষা নিতে এলেন। আমাকে বলা হ’ল একটা সেকসনকে কম্যাণ্ড করতে। কিন্তু কিভাবে কম্যাণ্ড দেব তা বুঝতে পারছি না। হঠাৎ ছুটে গিয়ে একটা সিপাহীর মাথা চেপে ধরে খেঁকিয়ে উঠলাম, ‘উজবুক কাঁহাকে! তুম শির হিলাত।’ আভি তুহর শির তোড়েগী। আউর দাঁত উতর লেগী।” কর্নেল আমার দৌড় ঝাঁপে খুশি হয়ে বললেন, ‘ঠিক হায়। যাও, পাশ।’ অর্থাৎ—সে খতো বড়ো বুলি, সে ততো ভালো অফিসর।

বিঃ দ্রঃ—কলিকাতাতে টেরিটোরিয়াল কোর্স স্থাপিত হলে বছরে একমাস বেতন-সহ গড়ের যাঠে ক্যাম্পে বাঙালী তরুণদের ট্রেনিং দেওয়া হ’ত। কিন্তু বহু বাঙালীর এই মামুলি ধরনের সমর-শিক্ষা পছন্দ নয়। বহু ক্রমক শহরে গরু কিনতে এলে ওই ট্রেনিং-র ভিত্তি হয়ে একমাস পরে গরু-কেনার খরচ তুলে গ্রামে ফিরতো। এজন্য পরে শিক্ষিত বাঙালীদের জন্য যুনিভারসিটি ট্রেনিং-কোর্স খোলা হয়। আমি তখন ওই বাহিনীতে যোগদান করে ওদের একজন অফিসর হয়েছিলাম।

লালদীঘির জলে বিরাট একটা হাঁস ভাসছে। তার পিঠে বড়ে ‘ডা ছুটো ডিম। হাঁসের গায়ে বাংলায় লেখা : ‘ওয়ার-বণ্ড কেনো।’ অর্থাৎ ‘তাহলে ডিম্বাভ হবে।’ বহু ব্যক্তির আশা যে ভবিষ্যতে হোমরুল পাওয়া যাবে। দেশীয় পত্রিকায় হোমরুলকে ভীমরুল বলা হ’ত। যুদ্ধ থামলো। ওদেরই ভবিষ্যত-বাণী সত্য হ’ল। হোমরুল এলো না। বাঙালী বিপ্লবীরা এই যুদ্ধ কাজে লাগিয়েছিল। তাদের আশা, জার্মান ডুবোজাহাজ অ্যামডেন তাদের জন্য হুমকি বনে অস্ত্র নামাবে। কিন্তু এই অ্যামডেন বঙ্গোপসাগরে কয়টি ব্রিটিশ-জাহাজ ডুবিয়ে নিজেও ডুবলো।

স্বদেশী-আন্দোলন বাংলাদেশে ও অচ্যুত থেমে গেল। বিদেশী বস্ত্র বর্জনে গুজ-রাটের মিল-মালিকরা লাভবান। তারা আপ-স্বার্থে কংগ্রেসকে চাঁদা দেয় ও তাকে শক্তিশালী করে। তখনও কংগ্রেসের আশা, আলোচনা দ্বারা দেশ স্বাধীন হবে। ওদিকে কিন্তু বাংলাদেশে গুপ্ত-বিপ্লবীরা তখন শক্তিশালী হতে থাকে।

দেহচর্চার অজুহাতে এখানে-ওখানে খুব আখড়া স্থাপিত হচ্ছিল। আখড়াগুলিতে দাদারা প্রথমে কিশোরদের বিবেকানন্দের লেখা ও অত্যাশ্চর্য বই পড়তে দিতো। এ ভাবে তাদের দেশাত্মবোধ উদ্বুদ্ধ হলে তাদেরকে দলে নেওয়া হ'ত। শাস্ত্র প্রকৃতি অথচ চতুর সভ্যদের উপর ইনটেলিজেন্সের কাজ থাকতো। তারা পত্রবহন, অস্ত্র-সংগ্রহ, নতুন কর্মী রিক্রুট ইত্যাদি কাজ করতো। যারা অতি-সাহসী ও উগ্র-প্রকৃতি তাদের হত্যা ও ডাকাতি প্রভৃতি কাজে নিযুক্ত করা হ'ত। সভ্যদের মনোবল রক্ষার জন্তে দাদারা বলতো যে সুন্দরবনে তাদের বহু ঘাঁটি আছে এবং সেখানে অজস্র তরুণকে অস্ত্রশিক্ষা দেওয়া হচ্ছে। তারা দেহের রক্ত দিয়ে ভূজ-পত্রে প্রীতিজ্ঞাবাণী লিখতো। কেউ-কেউ ডাকাতের পর রসিদ দিয়ে বলেছে যে দেশ স্বাধীন হলে ওই অর্থ ও অলংকারাদি ফেরত দেওয়া হবে। এভাবে সংগৃহীত অর্থ বেহাত হলে নিজেদের মধ্যে খুনোখুনি হয়েছে। ফরাসী চন্দননগর ও জাহাজীদের নিকট হতে অস্ত্র সংগ্রহ করা হ'ত। তারা বোমা বানাতো ও বোমার দল তৈরি করতো। পুলিশের চর সন্দেহে ওরা নিজেদের লোককে ও গুলি করেছে ?

প্রমাদ বুঝে ব্রিটিশ-সরকার সাম্প্রদায়িক বোধ সৃষ্টি করতে এজেন্ট-প্রপাগেটর নিযুক্ত করলেন। তখনও ইন্দোনেশীয় মুসলিমদের মতো বহু বাঙালী-মুসলিমদেরও ভারতীয় নাম ও আচারবিচার। উভয়ের পালা-পার্বণে উভয়ে সানন্দে যোগ দিতো। মুসলিম-নারীরা তারকেশ্বরে হত্যা দেয়। হিন্দু-নারীরা পীরের দরগায় সিন্ধি চড়ায়। দুর্গাপূজার সময় উভয়-সম্প্রদায়ই কেনাকাটা করে ও ভাসান দেখতে বেরোয়। হিন্দুদের পৃষ্ঠপোষকতায় মহরমের জাঁক বাড়ে। মুসলিম-রুখকরা ব্রাহ্মণদের ঠাকুর বলে ডাকে ও শ্রদ্ধা করে।

দ্বিজাতিত্ব প্রমাণের জন্য ওই-সব পরিহার করার ব্যবস্থা হ'ল। মুসলিমদের বোঝানো হ'ল যে তাদের অনগ্রসরতার জন্য হিন্দুরাই দায়ী। তারা জানলো না যে অনগ্রসর হিন্দু ও বৌদ্ধরা মুসলিম হওয়াই তার কারণ। কিন্তু উন্নত হিন্দুরাও তৎকালে মুসলিম হ'ত। ফলে, তারা এখনও উন্নত। বিহার ও লখনউ-এর মুসলিমরা অর্থে, জ্ঞানে ও মর্যাদায় সেই প্রদেশের হিন্দু অপেক্ষা উন্নত। বিদেশী মুসলিম-শাসকরা ধর্মাস্ত্রিত মুসলিমদের একটুও সুবিধা দেয় নি। কারণ ধর্মের চেয়ে গুণের বিচারই তখন রীতি ছিল। ধর্ম তখনও পরিবর্তনশীল আচারমাত্র। নৃ-বিজ্ঞান, রক্ত-বিজ্ঞান ও সমাজ-বিজ্ঞান দ্বারা বোঝান হ'ল না যে ধর্মে মুসলিম গলেও মূলতঃ জাতিতে ওরা হিন্দু তথা ভারতীয়। তাদের বোঝানো হ'ল না যে হিন্দুদের মতো তাদের পূর্বপুরুষরাও বিদেশী সাম্রাজ্যবাদীদের রুখেছে। তাদের



এ-ও বলা হ'ল না যে বহু হিন্দুও তাদেরই মতো আজও অনগ্রসর এবং দরিদ্র। তাদের বলা হ'ল না যে ধনী-হিন্দুদের দ্বারা স্থাপিত গ্রামীণ উচ্চবিদ্যালয়ে তারা শিক্ষালাভের সুযোগ পেয়েছে। তারা জানলো না যে বিদেশী মৌলভীরাই তাদের ইংরাজি শিক্ষা-গ্রহণে বাধা দিয়েছিল।

[ মুসলিমদের উচুতে তুলে হিন্দুদের সমান না-করে হিন্দুদের নামিয়ে মুসলিমদের সমান করার চেষ্টা হ'ল। তাতে বাঙালী-হিন্দুদের অধিকাংশই বেশি করে ব্রিটিশ-বিদ্বেষী হয়ে ওঠে। ]

ভারতের অগ্রদূত মধ্যবিত্তদের বদলে কৃষক-শ্রেণী হতে শ্রমিক ও নিম্নপদস্থ সৈনিক ও পুলিশ ভর্তি করা হয়। এজন্য গ্রামে-গ্রামে রিক্রুটিং-স্কোয়াড পাঠানো হ'ত। চতুর ব্রিটিশরা শহুরে মধ্যবিত্ত বাঙালীদের দেখিয়ে প্রচার করে যে বাঙালী জাতি শ্রম-বিমুখ। ( অথচ প্রদেশের মধ্যবিত্ত ও ধনীরা কিস্তি তাই। ) বাঙালী কৃষকদের মতো ইন্টিঙ্গলে পাট কাচতে সক্ষম শ্রমিক-সম্প্রদায় পৃথিবীতে নেই। কাঁধে ভারী বোঝা নিয়ে দশ-বিশ ক্রোশ পথ হাঁটতে বাঙালীরাই সক্ষম। চতুর ব্রিটিশ এইভাবে ধীরে-ধীরে বাঙালীকে দুর্বল করে দিলো।

উপরোক্ত ওজুহাতে ব্রিটিশরা কিছুকাল আত্মবিস্মৃত বাঙালীদের পুলিশের নিম্নপদে ও আমউ ফোর্স-সহজেও ভর্তি করে নি। তবে মধ্যবর্তী পদগুলিতে শিক্ষিত বাঙালীকে তারা বাধ্য হয়ে নিতো। তাড়াতাড়ি ইংরাজি না-শিগলে এই-সব পদ থেকেও তারা বঞ্চিত হ'ত। বাংলা দেশে ভূমিস্বত্ব আইন প্রথম প্রণীত হয়। তাতে ভূমিহীন কৃষকের কিছুটা অভাব ঘটে। এদেশে তার ফল বিশেষ শুভ হয়নি। এ কারণে বাঙালীর বদলে স্টেশনের ক্লি ও মুটে-মজুরের কাজগুলি অগ্রপ্রদেশের লোক দখল করে নেয়। অপরদিকে জমি টুকরো-টুকরো হওয়ায় কৃষি-কাজও অ-লাভজনক হতে থাকে। ছোট-ছোট জমি-চাষের জন্য লাঙল ও বলদ রাখা তাদের পক্ষে সম্ভব নয়।

## পুলিশ-কমিশনার হেলিডে

কমিশনার হেলিডে ( ১৯১০-১৯১৫ ) কলিকাতা-পুলিশের কমিশনার ছিলেন। এই বিভাগ পত্তনের কাল থেকে যাবতীয় শাসনকর্ম বাংলায় সমাধা হ'ত। ইনি কর্মভার গ্রহণ করে বাংলার বদলে ইংরাজীতে উহা সমাধা করার লক্ষ্যে দিলেন। ইনি রিক্রুটিং-স্কোয়াড পাঠিয়ে বিহার ও উত্তরপ্রদেশ হতে কলিকাতা-পুলিশের জন্য কনস্টেবল ভর্তি করতেন।

তঁারই নেতৃত্বে শহর-কলকাতায় ও দেশের সর্বত্র বাঙালী বিপ্লবীদের দমনে পুলিশ সবিশেষ মনোযোগ দিয়েছিল। কমিশনার হেলিডে-র সময়ে কলিকাতা-পুলিশের সঙ্গে ছাত্রদের সর্বপ্রথম প্রত্যক্ষ সংঘর্ষ ঘটে। ১৯১৩ খ্রীঃ ইনি স্বয়ং হিন্দু হোষ্টেলে খানাতল্লাসীতে গিয়েছিলেন ভোররাত্রে। কিন্তু তৎকালীন ইংরাজ হোষ্টেল-স্থপা-রিনটেনডেন্টের নেতৃত্বে ছাত্ররা বাধা সৃষ্টি করায় তাঁকে সকাল না-হওয়া পর্যন্ত অপেক্ষা করতে হয়। পরে তাঁকে বিপ্লবী মনে-করা ছাত্রটির জবাবদি মাত্র তল্লাস করতে দেওয়া হয়েছিল। শুধু সন্দেহের কারণে ছাত্রটিকে গ্রেপ্তার করতে দেওয়া হয় নি। বিনা-অভ্যুত্থিতে বিশ্ববিদ্যালয়-হোষ্টেলে প্রবেশের জন্য তাঁকে ক্ষমা চাইতে হয়। ভুল সংবাদ-দাতার বিরুদ্ধে ব্যবস্থা গ্রহণের জন্যও তিনি প্রতিশ্রুতি দেন। হেলিডে পার্ক সম্ভবতঃ তাঁরই স্থাপত্যরক। তবে বাংলা ও কলিকাতার বিপ্লবী-দমনে ইনি ব্যর্থ হয়েছিলেন। এঁরই আদেশে এই কমনোপলিটন শহরে কাজের সুবিধার জন্য একজন করে কাবুলি ও পাঞ্জাবি এবং কিছু দেশওয়ালী অফিসর নিয়োগের ব্যবস্থা করা হয়। তৎকালে পাওয়া যায়ান বলে মাড়োয়ারী কর্মী নিযুক্ত করা হয় নি।

[এর মধ্যে কতো বোমার ষড়যন্ত্র-মামলা আদালতে উঠলো এবং নিষ্পত্তি হ'ল। কতো উল্লাসকর দীপান্তরে উদ্গাদ হ'ল, কতো বিপ্লবী কান্ডিতে ও সম্মুখ-যুদ্ধে প্রাণ দিলো। বারীন ঘোষ, ক্ষুদিরাম, শ্রীঅরবিন্দ প্রমুখের রাজনৈতিক ইতিহাস এখানে আলোচ্য নয়। পুস্তক-বোমা, কলম-পুস্তক প্রভৃতি বিপ্লবীদের ব্যবহৃত আগ্নেয়াস্ত্রদি ও তাঁদের তরুণ-বয়সের ফটোচিত্রগুলি কলিকাতা-পুলিশ মিউজিয়মে সংরক্ষিত আছে।]

বিঃ দ্রঃ—প্রথম মহাযুদ্ধ ১৯১৪-১৮ খ্রীঃ পর্যন্ত চলেছিল। বাঙালীদের পক্ষপাত সম্পূর্ণ জার্মানীদের পক্ষে ছিল। জার্মানীদের পরাজয়ে বহু বাঙালী বিমর্ষ হয়েছে। সরকারী খরচে পুলিশ-কোয়ার্টারগুলি আলোকমালায় সজ্জিত করা হয়। বাল্যে আমরাও না-বুঝে ছাদের উপর বিরাট বোর্ডে লিখেছিলাম : 'ব্রেভো দা এলাইস'। প্রথম বিশ্বযুদ্ধে গান্ধীজী ইংরাজদের সাহায্য করেছিলেন আফ্রিকা থাকাকালীন। তাঁর আশা ছিল, ইংরাজরা ভারতকে স্বায়ত্তশাসন দেবে। কিন্তু তা হ'ল না। উনি আশাহত হয়ে অহিংস-সংগ্রামে লিপ্ত হলেন। রাউলট এ্যাক্টের বিরুদ্ধে তাঁর প্রথম সংগ্রাম-ঘোষণা। এই এ্যাক্টকে উনি 'রাফ্‌সী আইন' আখ্যাবিশ্রুতিত করলেও এরকম আইন কিন্তু সাধারণ-আইনেও ছিল। এই উপলক্ষে গড়ের মাঠে সর্বপ্রথম লক্ষাধিক লোকের প্রতিবাদ-সভা হয়। ফলে কলকাতায় যে-আন্দোলনের উৎপত্তি তার নিষ্পত্তি হ'ল পাঞ্জাবে জালিয়ানওয়ালাবাগের হত্যাকাণ্ডে। এই

সময় থেকে কলিকাতা-পুলিশকে রাজনৈতিক আন্দোলন-দমনে অধিক মনোযোগী হতে হ'ল।

গান্ধীজী কংগ্রেসকে আবেদন-নিবেদনের পথ ত্যাগ করতে নির্দেশ দিলেন। তাঁর কয়েকটি অহিংসা-আন্দোলন সমগ্র ভারতকে প্রভাবিত করেছিল। ১৯২১-২২ খ্রীঃ অসহযোগ-আন্দোলনে তিনি ভাবপ্রবণ বাঙালীদেরই বেছে নিলেন। তিনি জানতেন যে বাংলার চেউ উঠলে তা সমগ্র ভারতে ছড়িয়ে পড়বে। উপরন্তু বাঙালীদের বিলাতী বস্ত্র বর্জনে ও দহনে অভিজ্ঞতা আছে। প্রথর মেধার 'অধিকারী' চিত্তরঞ্জন দাশ তাঁর শিষ্য গ্রহণ করায় সকলে বিস্মিত। এতে 'এক-দিনেই গান্ধীজী সমগ্র ভারতের স্বীকৃতি পেলেন। তাঁর 'মহাত্মা' উপাধিটিও বাঙালীদেরই দেওয়া।

[ গান্ধীজী সহিংস বিপ্লবের চির-বিরোধী। চট্টগ্রাম অস্বাধীন-দখলের সংবাদে উর্নি বললেন, 'চিটাগাও রিড্‌স এ স্যাড রিডিং।' চিত্তরঞ্জন প্রথমে শশস্র বিপ্লবের সমর্থক ছিলেন। হঠাৎ তিনি গান্ধীবাদী হওয়ায় লোকে রটালো যে ওঁরা ছুরাঙ্গি একত্রে কংগ্রেস-ক্যাম্পে ছিলেন, সেই সূযোগে গান্ধীজী তাকে সম্মোহিত করেছেন। বাংলাদেশে এই ছুঁ নেতার প্রচেষ্টায় অসহযোগ-আন্দোলন ও বিদেশী বস্ত্র-বর্জন তীব্র হ'ল। তকণেরা দলে দলে স্কুল-কলেজ ত্যাগ করে এই আন্দোলনে সামিল হোল। পার্কে-পার্কে মিটিং ও গ্রেপ্তার বরণ। বিলাতী বস্ত্র বর্জন এবং উহা দহনও চললো সেই সঙ্গে। ]

বিঃ দ্রঃ—চিত্তরঞ্জনের ডাকে অন্তদের সঙ্গে আম ও স্কুল হতে বেরোই। তার বাড়িতে গুর্থী দারোগান বিনা বাধায় ভিতরে ঢুকতে দিলো। আমরা প্রথমে বাগানের পিয়ারা গাছের সব কটি পাকা-ফল পেড়ে শেং-রি ও পরদিন স্কুলে ফিঁরি। আমাদের বহু বন্ধু ক্লাশে না-এসে সোজা স্কুজি আন্দোলনে লিপ্ত হ'ল। তবু চিত্তরঞ্জনের প্রতি আমাদের শ্রদ্ধা ও ভক্তি অটুট রইলো। উর্নি তখন স্থানে-স্থানে ছোট সভা করতেন। বানো এরকম এক সভায় তাকে নিকট হতে দেখি ও বক্তৃতা শুনি। তাঁর বক্তৃতা ছবছ উদ্ধৃত করা আজ মোটেই সম্ভব নয়। উহা মোটামুটি এই-রকম ছিল : নেতারা তোমাদের বিষয় ভাবেন। তোমাদের দেশের কথা ভাববার সময় নেই। তাই নেতাদের স্বাচ্ছন্দ্যে নির্দেশ তোমরা গ্রহণ করো। বহু সভায় তাঁর উগ্র বক্তৃতাও আমি শুনেছি।

[ দক্ষিণ-কলিকাতা হাজরা, পার্কে প্রথম আইন-অমান্য আন্দোলন শুরু হ'ল। একজন করে বক্তৃতা দিতে উঠলে উপস্থিত উর্ধ্বতন পুলিশ তাকে হাত্তের ইশারা করতেন। অমনি বক্তৃতাকারী নেমে এসে গ্রেপ্তার বরণ করতো। হঠাৎ সংবাদ

এলো, বাসন্তী দেবী গ্রেপ্তার! জনৈক তরুণ ক্ষেপে উঠে চীংকার করে বললে, 'এখনও চূপ করে কেন? প্রতিশোধ নিন ও ওদের রক্ত নিন।' হুশিক্ষিত কংগ্রেস কর্মীরা ছুটে এসে তাকে নিরস্ত করেছিল।]

এ সময় কংগ্রেসী তরুণদের অদ্ভুত নিয়মতান্ত্রিকতা ও ভদ্রতাবোধ দেখেছি। কটু-বাক্য ও প্রহারে তারা স্বিতহাস্ত করেছে। লোকমান্য তিলকের মৃত্যুকালে তারা পথচারীদের জুতো খুলে মুছে সশ্রদ্ধভাবে তাদের হাতে তা তুলে দিয়েছে। আন্দোলনের এই নব-শাস্ত প্রকৃতি পরবর্তী প্রতিটি ক্ষেত্রে অব্যাহত ছিল। অথচ তার মাত্র ক'বছর পরে বিয়াল্লিশের 'আগস্ট আন্দোলনে' তরুণরা পথচারীদের মাথার ছাট উপড়িয়ে গলার টাই ছিঁড়ে তাদেরকে দৌড় করাতেও দেখেছি। তাদের দুর্ভোগে বিজ্ঞাতীয় উল্লাসে অতেরা করতালি দিয়েছে।

আন্দোলনের জ্ঞাত গান্ধীজীর বাংলায় আসা কিছু বাঙালীর পছন্দ নয়। তাদের মতে গান্ধীজী বাঙালী জাতির ভাবপ্রবণতার সুযোগ নিতে চান। আগেও উনি তাই নিয়েছেন। এবার তিনি এলে ব্রিটিশদের রোষ বাঙালীদের আরও ক্ষতি করবে। সত্যাগ্রহ করে তারা বাড়ি ফিরে দেখবে যে অতৃণদের সঙ্গে পুলিশের। একযোগে সর্বস্ব লুণ্ঠ করেছে। নারীদের সম্মান ও মর্যাদা নেই। তাদের অভিযোগ শুনে লাটসাহেবের আবার বললেন, 'ওটা কলোসল হোকস।' সরোজিনী নাইডু ও অতৃণ-নেতারা আর-একবার টাউন-হলে মিটিং করবেন ও লাটসাহেবকে গাল পাড়বেন, তারপর চলে যাবেন। বাস, ওই পর্যন্ত। বহু ব্যক্তির আশঙ্কা, একটি সাম্প্রদায়িক দাঙ্গা এবারও বাধানো হবে।

[স্বাধীনতা অর্জন করার জন্য স্মার আশুতোষ মুখার্জির পরোক্ষ দান কম নয় তৎপূত্র সহপাঠী বামাপ্রসাদের মাধ্যমে আমি তাঁর সংস্পর্শে আসি। তিনি আমাদের মিত্র ইনস্টিটিউশন-এ এসে ছাত্রদের উৎসাহিত করতেন। বিশ্ববিদ্যালয়ের মাধ্যমেও তিনি অসংখ্য শিক্ষিত 'স্বাধীনতা-যোদ্ধা' সৃষ্টি করেছিলেন। কলিকাতা বিশ্ববিদ্যালয় সম্পর্কে আলোচনা প্রসঙ্গে গভর্ণরকে তিনি একবার বলেছিলেন, 'ফ্রিডম ফার্স্ট', ফ্রিডম সেকেন্ড, ফ্রিডম লাস্ট।']

স্মার আশুতোষের এই বিশ্ববিদ্যালয়টি অসংখ্য শিক্ষিত বেকার সৃষ্টি করেছিল। তাঁর ইচ্ছা, চাকুরীর অভাবে শিক্ষিত বেকারেরা ব্যবসায় নামবে। কিন্তু পরিবর্তে তারা রাজনীতিক্ষেত্রে যোগ দিতে থাকে।]

সুপারী গাছের বালদা হতে ও ছুন তৈরী করে ওরা আইন ভেঙেছে। এদিকে সুপরিপক্ক সাম্প্রদায়িক কর্মী-নিয়োগ সরকারী কাজে হিন্দুর সংখ্যা কমানো হয়েছে। ইংরাজ-সওদাগররাই শুধু তাদের কাজে বাঙালী নিয়োগ করতো। তা

না-হলে বাঙালীদের বেকারত্ব আরও বেড়ে গিয়ে ইংরাজ রাজত্বের পতন অসম্ভব করতো। বাঙালীদের কাজ-কর্মে নিযুক্ত না-করলে তারা অত্যাচারে নিযুক্ত হত। শহরের অত্যাচারী পার্কে সভা সেরে নেতারা হরিণ পার্কে এলেন। বাল্যে এই সভায় আমি উপস্থিত ছিলাম। গান্ধীজী বক্তৃতা-প্রদর্শন বললেন, ‘অফিস আদালত স্কুল ছাড়ে। বিদেশী দ্রব্য বর্জন ও স্বদেশী দ্রব্য গ্রহণ করো। সকলে টাক্স বন্ধ করো। ‘দেন্ স্বরাজ উইল বী অবটেণ্ড টু-ডে।’—মহম্মদ আলী ও শওকত আলী গর্জে উঠে বললেন, ‘ডর্জ ফিপ্ থ কিং অব ইংলণ্ড, পার্লামেন্ট স্টিল এম্পারার অব ইণ্ডিয়া।—অত্যাচার আরও বিশদভাবে বললেন ‘একটা কামানের গোলা বিশ মাইল মাত্র যায় ও সেই স্থান ধ্বংস করে। কিন্তু এই চরকা দশহাজার মাইল দূরে ম্যানচেস্টার ধ্বংস করবে।’ তারপর স্ক্রল হ’ল বিলাতী বস্ত্র দাহন। চিত্তরঞ্জন দাশ চিৎকার করে বললেন, ‘আরও চাই—আরও চাই। আধখানা বিলাতী বস্ত্র পরে থেকে বাকী আধখানা আগুনে ফেল।’ ভাবপ্রবণ তরুণের দল জামা ও গেঞ্জি আগুনে ছুঁড়িলে। আমাদের বাড়ির অভিভাবকদের বকুনির ভয় ছিল, তবু পকেটের দিন‘তী রুমালটা আগুনে ছুঁড়ে আমরা ছুঁড়াই বাড়ি ফিরে এলাম। [ কলিকাতা-পুলিশ এ্যাক্টি-এ পাবলিক প্রেসে কোনো ফায়ার নিষিদ্ধ। ওটা দোল-যাত্রার নেতা-পাড়া বন্ধের জন্য তৈরি। কিন্তু অন্ধানন্দ পার্কে বস্ত্র-দহনের জন্য গান্ধীজী অভিযুক্ত হলেন। তাঁর তরফে আদালতে এক অজ্ঞাত ব্যক্তি জরিমানা দিয়েছিল। ]

হাজরা পার্ক হরিণ পার্ক অন্ধানন্দ পার্ক ওয়েলিংটন স্কোয়ার শ্রাম পার্ক—এই কটি তখন রাজনৈতিক পীঠস্থান। রাউলাট বিল তথা রাস্ট্র আইনের প্রতিবাদে সর্বপ্রথম গড়ের মাঠে বিরাট মিটিং হয়েছিল। রাথীবন্ধন-খা-বিহারের লিডাকত হোসেন এবং বর্তমানে পণ্ডিচেরী আশ্রমবাসী অনিলবরণ তৎকালে বিশিষ্ট সুবক্তা। অনিলবরণ বাবু আশ্রমবাসী না-হলে বাংলার উল্লেখযোগ্য নেতা হতেন।

## রেজিনেণ্ড ক্লার্ক

সর রেজিনেণ্ড ক্লার্ক ( ১৯২০-২৫ ) কলিকাতার উল্লেখযোগ্য পুলিশ-কমিশনার হয়েছিলেন। দেশবাসীর প্রতি তাঁর অত্যাচার ও সহনশীলতা অত্যন্ত বেশি। এই সুযোগ বাংলার বিপ্লবীদের গ্রহণ করেছিল। তাঁর সময়ে গুঁরা কলকাতায় কয়েকটি উল্লেখযোগ্য ঘাঁটি করে।

এই ভদ্রলোকের পরিচ্ছন্নতা ও সৌন্দর্যবোধ আজও প্রবাদ। তিনি সকল শ্রেণীর

পুলিশ-কর্মীর উর্দীর ও আবাসের যথেষ্ট উন্নতি করেন। কোনো পুলিশ-কর্মীর নিকট একটি সুন্দর ফাউন্টেন পেন দেখলে তিনি প্রশংসা করতেন। তাঁর সময়ে থানাগুলি বেশ পরিচ্ছন্ন ও উদ্যানশোভিত হয়। তবে কিছু দেশীয় কর্মী ও কনট্রাক্টারদের যোগসাজসে অর্থব্যয় সত্ত্বেও কিছুসংখ্যক পুলিশ-কোয়ার্টার তাঁর মনোমত তৈরি হয় নি। তিনি কলিকাতা-পুলিশের বেতন বৃদ্ধি করে প্রায় ডেপুটি ম্যাজিস্ট্রেটের (তৎকালীন মান মতো) সমান করেন। এছাড়া বহু ব্যক্তি সাব-ডেপুটি না-হয়ে কলিকাতা-পুলিশে সাব-ইনস্পেক্টর হয়েছে। তিনি অভিজ্ঞতা পরিবারের গ্র্যাজুয়েট যুবকদের সাব-ইনস্পেক্টর নিযুক্ত করতেন। এছাড়া তিনি কলেজগুলির যুগোপীয় প্রিন্সিপালদের সঙ্গে স্বয়ং সংযোগ করতেন। তাঁর সময়ে উর্ধ্বতন পুলিশ-কর্মীরা (আই-পি) সকলেই ইংরাজ হতেন। তিনি গভর্ণমেন্টকে একজন দেশীয় ডেপুটি-কমিশনার নিয়োগে রাজী করালেন।

রায়বাহাদুর পূর্ণচন্দ্র লাহিড়ীকে সহকারী কমিশনার পদ হতে উন্নীত করে একমাত্র ভারতীয় ডেপুটি কমিশনার নিযুক্ত করা হ'ল। তখনও কলিকাতা-পুলিশে সহকারী পুলিশ-কমিশনার ও থানা-ইনচার্জের মধ্যে ইংরাজ ও অ্যান্টাই বোর্শ। কমিশনার ক্লাক এই পদগুলির দেওয় করণ করলেন। তিনি কলিকাতা-পুলিশে আভিজাত্য রক্ষার জন্য বঙ্গপারিকর। নিম্ন ও মধ্যপদগুলিতে বাংলা-পুলিশ অপেক্ষা কলিকাতা-পুলিশের বেতন, উর্দীর ওজ্জ্বল্য ও অগ্র স্বযোগ-সুবিধা বেশি হ'ল।

কলিকাতা-পুলিশে কনস্টেবল অফিসার নির্দেশে উদ্ভিদে সাদা জিনের ফুলপ্যান্ট, গলাবন্ধ কেট ও নিকেল বোতাম। মাথায় ক্রাউন-মার্ক। নিকেল ব্যাজ যুক্ত হেলমেট ও কাঁধে স্ট্রাপ-সহ ব্যাজ ও চিহ্ন। গ্রায়ে কালো বনাতের টিউনিক কোট ও ফুলপ্যান্ট। মাথায় সুদৃশ্য ব্যাজ সহ হেলমেট। প্রয়োজন হলে তাতে রৌপ্যোজ্জ্বল পাইক্স ও চেইন লাগানো হ'ত। ইনস্পেক্টরদের কাঁবে রৌপ্যোজ্জ্বল পাকানো কর্ড লাগানো থাকতো। অ্যাসিস্টেন্ট ও ডেপুটি-কমিশনারদের তরবারি সহ উর্দ প্রায় জেনারেলদের মতো ভ্রমকালো।

কমিশনার ক্লাক কলিকাতা-পুলিশে তিনটি অর্ডার অফ মার্ভিস (ইম্পিরিয়াল, প্রভিন্সিয়াল ও সাব-অরডিনেট) বাতিল করে লণ্ডন-পুলিশের মতো দুটি ভাগ যথা পুলিশ মেন [কনস্টেবল ও হেড-কনস্টেবল] এবং তহক্কদের অফিসর রূপে চিহ্নিত করতে চাইলেন। কিন্তু সেকালে ডেপুটি-কমিশনারগণ ইংরাজ হওয়ায় গভর্ণমেন্ট রাজী হয় নি। একই শিক্ষা-দীক্ষা ও বংশ-গরিমার কর্মীদের পদমর্যাদা-গত বিভেদ তাঁদের পছন্দ নয়। অধিকন্তু বয়স ও তদুজ্জ্বল অভিজ্ঞতার উপর 'তিনি প্রাধান্য দিতেন। তাঁর নির্দেশে তরুণ ইংরাজ-উর্ধ্বতনরা অধীনস্থ প্রধান

কর্মীদের কাছে পরামর্শ নিতেন। পুলিশ-কর্মীদের জনগণের প্রতি সামান্যতম অসং ব্যবহার করলে তিনি কঠোর দণ্ড দিতেন। পরিচ্ছন্ন, দক্ষ এবং জনপ্রিয় কর্মীদের খুঁজে বার করে প্রমোশন দেওয়া হ'ত।

পুলিশের নিজস্ব আদালত তথা রিপোর্ট রুমে বিবাদমান নাগরিকদের ডেকে তাদের বিবাদ মিটানোর জন্ত তিনি ডেপুটিদের নির্দেশ দিতেন। সেকালে আদালতও একই উদ্দেশ্যে প্রাইভেট মামলা সমূহের তদন্তের জন্ত পুলিশ-বিভাগে পাঠাতেন। সেগুলি পুলিশী স্তরেই মিটে যাওয়ায় আদালতের কাজ হালকা হ'ত। এবং পল্লীর শান্তি ও বন্ধুত্ব অটুট থাকতো। পুলিশী তদন্ত পছন্দ না-হলে হাকিমরা পুনরায় তদন্তের জন্ত পল্লীর মানী ওয়ার্নিকট সেগুলি পাঠাতেন। সরেজমিন তদন্তে সত্যমিথ্যা তখনই ধরা পড়তো। এতে মিথ্যা মামলায় কারো হায়রানি হয় না। প্রয়োজনীয় সাক্ষীদের তদন্তকারীরা নিজেরাই খুঁজে বার করতেন। তার ফলে মিথ্যা সাক্ষী তৈরি হ'ত না এবং সত্য সাক্ষীরাও দায়িত্ব এড়াতে পারতেন না। এই ব্যবস্থার নাগরিকরা নিরাপদ ও সুখী ছিলেন। পদনির্বিশেষে কোনো পুলিশ-কর্মীর বিরুদ্ধে অভিযোগ এলে উপতনরা তৎক্ষণাৎ তা তদন্ত করতেন। অসং ও পক্ষপাতভূত হাকিমদের উপর প্রধান-হাকিম স্বয়ং লক্ষ্য রাখতেন। দূর দূরান্তরে পুনঃ পুনঃ বদলী ও উচ্চ-আদালতের ভয়ে হাকিমরা সর্বদা সতর্ক থাকতেন। জুডিসারী সুবিধা দৃশ্যতঃ তাদের রক্ষাকবচ হলেও সর্বক্ষেত্রে কার্যকর হয় নি। [এজন্ড তারতীয়রা পূর্বে একক দিচার পছন্দ করে নি।]

কলিকাতা-পুলিশে তখন ট্রিবিজ চেকিং ব্যবস্থা বর্তমান। প্রত্যাহ সাক্ষ্যভিজিটে অ্যানিসটেট কমিশনাররা স্ব স্ব এলাকায় প্রতিটি থানা পরিদর্শনে বাধ্য ছিলেন। তাঁরা হাজতঘর, মালখানা, গার্ডরুম ও অফিস পরিদর্শন করতেন। প্রত্যেক আমানীকে তাঁর কাছে পেশ করা নিয়ম। আসামীদের প্রত্যেককে অভাব-অভিযোগ সপক্ষে তাঁরা ভিজ্জাসাবাদ করতেন। কারো বিরুদ্ধে তাদের অভিযোগ থাকলে তা তৎক্ষণাৎ ডায়েরীতে শিপিবদ্ধ করে তদন্ত করার নিয়ম। আহতদের হাসপাতালে না-পাঠানো বা জার্মানিযোগ্য অপরাধীদের জামীন দেওয়া না-হলে তার জন্ত থানা-ইনচার্জদের কৈফিয়ত লব হোত। জামীনযোগ্য অপরাধে জামীনের জন্ত পুলিশই তাদের বাড়ি হতে জামীনদার ডেকে আনতো। কাউকে গ্রেপ্তারের পর তার বাড়িতে সংবাদ দিতে পুলিশ বাধ্য ছিল। অফিসররা প্রতিটি মামলার ডায়েরী খুঁটিয়ে পড়ে মন্তব্য সহ নির্দেশ দিতেন।

উক্ত প্রাথমিক চেকিং-এর পর দ্বিতীয় চেকিং পরদিন সকালে ডেপুটি কমিশনারদের নিজস্ব আদালত তথা রিপোর্ট রুমে হ'ত। সেখানে ডেপুটি সাহেবদের রেলিং

ঘেরা নিজস্ব এজলাস। প্রতিটি থানার ইনচার্জ অফিসর আসামী ও নথীপত্র সহ সেখানে আসতেন। ডেপুটি কমিশনার তাঁর অ্যাসিসট্যান্ট কমিশনারের সাহায্যে সমস্ত মামলা বুঝতেন ও আসামীর পক্ষের বক্তব্য শুনতেন। তাদের সাক্ষী সেখানে এলে তাঁরা জিজ্ঞাসাবাদ করতেন। উভয় পক্ষের উকিলরা সেখানে থেকে সওয়াল করত। উচিত বুঝলে ডেপুটীরা আইন ক্ষমতার বলে আসামীদের তৎক্ষণাৎ মুক্তি দিতেন। সন্দেহ হলে, অল্প অফিসর দ্বারা মামলা পুনঃ তদন্ত করা হ'ত। এমনকি প্রয়োজনে নিজেরাও সরেজমিন তদন্তে বেরুতেন। অফিসারদের গাফলতি বা দোষ প্রমাণিত হলে তাঁরা শাস্তি পেতেন। থানার অফিসররা নিজেরা কোটে কোনো মামলা পাঠাতে পারেন নি। (এরপর তৃতীয় চেকিং আদালতে হ'ত।) কোনো নিরপরাধী ব্যক্তির হায়রানি ও অর্থকষ্ট তাতে সম্ভব ছিল না।

বিঃ দ্রঃ—প্রাথমিক, আকস্মিক ও জুভেনাইল অপরাধীরা অহুতপ্ত হলে পুলিশ-গ্রাহ্য মামলাতেও তাদের রিপোর্ট-ক্রমে পুওর-ফাওর জন্ম কিছু চাঁদা নিয়ে মুক্তি দেওয়া হ'ত। হেড-কোয়ার্টারসে একটি পুওর ফাও ছিল। সেই তহবিল হতে দুঃস্থদের মাসিক সাহায্য ও দরিদ্র ছাত্রদের পুস্তক দান করা হ'ত। দরখাস্ত পেলে পুলিশী তদন্তের পর ওই অর্থ হতে সাহায্য দেওয়া হয়েছে। বার্থ-আত্মহত্যাকামীদের রিপোর্ট এনে তাদের সাবধান করে ছেড়ে দেওয়া হ'ত। এই-সব ক্ষেত্রে জেলে পাঠানোর নিয়ম ছিল না। স্বাধীনতার পর বহু হিতকর ব্যবস্থার মতো এটিও পরিত্যক্ত হয়। সেকালে গৃহস্থ-বাড়িতে নাইট-সার্চ এড়ানোর নিয়ম ছিল। (ফ্রেঞ্চ চন্দননগরে তো বেআইনী)। পুরুষদের অবর্তমানে বাড়িতে প্রবেশ করা হ'ত না। মহিলাদের সাক্ষী বা আসামী করা হ'ত কম। প্রতিদিন থানা-প্যারেডের পুলিশ-কর্মীদের একত্রিত করে কর্তব্য সম্বন্ধে সচেতন করা হয়েছে। কোনো মামলা থানায় এলে দশ-মিনিটের মধ্যে তা গ্রহণ করা চাই। মামলা বার্কিং (Barking) বা এডানো জঘন্য অপরাধ। প্রতিটি উত্তম-কর্মের জন্ম পুরস্কার ছিল। মামলা মিথ্যা প্রমাণ করলেও তাঁরা পুরস্কার পেতেন। বিনা-প্রমাণে নির্বিচারে গ্রেপ্তার করলে পুলিশের দণ্ড হ'ত। শহরে পুলিশের জীবন তখন ময়ূর্ণ ছিল না। দুই রাত্রি দুই ঘণ্টার রাউণ্ডের পর একরাত্রি বিশ্রাম মিলতো। চক্রিণ ঘণ্টাই তাদের ডিউটি। সামান্যতম গাফলতি হলে তাদের ক্ষমা নেই। বাইরে বেরুলে তা লিখে বেরুতে হ'ত। ফেরার সময়টিও তারা লিখতে বাধ্য। মধ্যবর্তীকালে রুত কাজের হিসাবে দিতে হ'ত।

( ইংরাজ ডেপুটি-কমিশনার ও দেশীয় থানা-ইনচার্জরা সাধারণত কম বয়স্ক। এরাই দাঙ্গা-হাঙ্গামাকালে রাজপথে বার হ'ত। কিন্তু অ্যাসিসটেন্ট কমিশনারগণ



প্রমোটেড হওয়ায় সময়ের পরিপ্রেক্ষিতে মধ্য-বয়স্ক। এজ্ঞা তাদের বাইরের ডিউটিতে আত্মন করা হ'ত না। তবে এদের পরামর্শ সব সময় গ্রহণ করার নিয়ম ছিল। বয়স ও অভিজ্ঞতার সম্মান দেওয়া সেকালের রীতি। উর্ধ্বতনরা বয়স্ক ও অভিজ্ঞ হেড-কনস্টেবলেরও পরামর্শ নিতেন। ]

এই স্ববন্দোবস্তের জগ্রে ব্রিটিশ-শাসনের স্নহুগামীদের সংখ্যা বাড়ে। অসন্তোষের কোনো কারণ নেই। প্রয়োজনীয় দ্রব্যাদি তখনও স্থলভ। কর্মীরা জানতো যে তাদের মৃত্যু হলে একটি পুত্রের চাকরি নিশ্চয়ই হবে। বংশানুক্রমে সরকারী কর্মীরা স্বভাবতই দক্ষ ও অল্পগত। এজ্ঞা বিপ্লব-আন্দোলনে বেশি সমর্থক ছিল না। শান্তি ও নিরাপত্তাই সাধারণ মানুষের কাম্য। ভূমিস্বত্ব শ্রমিক-আইনে কৃষক ও শ্রমিক-স্বার্থ রক্ষিত। এটি কৃষক-সম্প্রদায় পূর্বে কল্পনাও করে নি। বেশি লোক জমির মালিক হওয়ায় বহিরাগত শ্রমিকদের প্রাধাণ্য ঘটে। অতীতকে ভাগ-বাঁটোয়ার ফলে ভূমির পরিমাণ সংকীর্ণ হয়ে যাওয়ায় কৃষির ক্ষতিও হয়। ( সাম্প্রতিক জ্বর-দখল জমি-বন্টনে ফল শুভ হয় নি। )

কিন্তু চিত্তরঞ্জন দাশ ও মতিলাল নেহেরু গান্ধীবাদ হতে সরে গিয়ে স্বরাজ দল গঠন করলেন। ওঁরা কাউন্সিলে ঢুকে কাউন্সিল ভাঙতেন। এই কাজে সংখ্যাগুরু সম্প্রদায়ের সাহায্য প্রয়োজন। চিত্তরঞ্জন সংখ্যাগুরু সম্প্রদায়কে খুশি রাখার জন্য বললেন, 'শতকরা পঞ্চাশটি চাকরি তোমাদের রইল।' কিন্তু লোভে লাভ ও হিংসায় হিংসা বাড়ে। একমাত্র ত্যাগ দ্বারাই স্বাধীনতা সম্ভব। চতুর ইংরাজরা তখন তাদের শতকরা আশি শতাংশ চাকরি দিতে প্রস্তুত। বিপ্লবীদল বুঝেছিল যে কতিপয় ত্যাগী তরুণই স্বাধীনতা আনতে সক্ষম। নইলে ভাগাভাগি ও রেযারেশির অন্ত থাকবে না। দেশের জ্ঞানমরৎ-পণ আত্মত্যাগে তারা এগিয়ে গেল। পথে-ঘাটে ইংরাজ ও দেশীয় রাজপুরুষরা নিহত হতে থাকে। গোয়েন্দা-বিভাগের কর্মীরা সকালে বেরুলে সন্ধ্যায় ফেরার নিশ্চয়তা নেই। উভয় পক্ষের বহু ব্যক্তি প্রতিদিন শহীদ হতে থাকে। ক্রমাগত নিহত হওয়ার সংবাদ। বাসস্থানের চতুর্দিকে তারের জালের বেড়া দেওয়া হ'ল। সামনে-পিছনে সশস্ত্র পাহারা। তাদের সঙ্গে সশস্ত্র ছদ্মবেশী রক্ষী। তবুও বিপ্লবীদের আক্রমণ হতে সবাইকে রক্ষা করা যায় নি।

হাতপাতাল হতে মধ্য-মধ্যে পুষ্পাচ্ছাদিত শবাধার বার হয়। সামনে-পিছনে উর্ধ্বতন ও অতীতের সশস্ত্র মিছিল। কোয়াটারের সামনে শবাধার কিছুক্ষণের জন্ত নামানো হয়। আলুখালু সত্ত্ববিধবা স্ত্রী ছুটে এসে শববক্ষে লুটিয়ে পড়ে। বাড়ির লোক অতিকষ্টে তাঁকে তুলে ভিতরে নিয়ে যায়। চতুর্দিকে বুক-চাপড়ানি ও

ফন্দনরোল। উর্দিপরা শবানুগামীদের চোখের পাতা সিক্ত হয়। শ্বাসানে লাস্ট বিউগিল বাজলে তারা একে-একে স্ট্রাউট করে ফিরে আসে। কিন্তু এতসঙ্গেও কোনো বাঙালী-অফিসর কর্মভ্যাগ করে নি। গোয়েন্দা-বিভাগ হতে বদলীর চিন্তাও নেই। ইংরাজরা ভীকু বলবে এ-অপবাদ তাদের অসহ্য।

[ পরে উপেন্দ্রনাথ বন্দ্যোপাধ্যায়, বিপিনবিহারী গঙ্গোপাধ্যায়, বারীজকুমার ঘোষ, মাখনলাল ঘোষ ও লোকনাথ বল প্রভৃতির মুখে শুনেছি যে এজ্ঞা তাঁরা দুঃখিত। পুলিশ-কর্মীদের বীরত্বে ও সাহসে তাঁরাও মুগ্ধ। তবে থানা-কর্মীরা তাঁদের লক্ষ্য ছিল না কখনও।...দুর্বৃত্ত দমনে উর্দিপরা পুলিশও নিহত হ'ত বটে কিন্তু তাদের পরিবারের সুযোগ-সুবিধা নেই। পূর্বোক্তদের কন্ঠার বিবাহ, পুত্রের শিক্ষা ও চাকুরি এবং বিধবার ভার সরকার নিতো। ]

জনৈক গোয়েন্দা-কর্মীর গৃহে এক মূর্খ তরুণ ভৃত্যরূপে নিযুক্ত হ'ল। এই কর্মীটির কন্ঠা ও পুত্রের নিকট সে ইংরাজি শিক্ষা করলো। ওদিকে বিপ্লবীরা যথারীতি গোপন সংবাদ পাচ্ছিল। এই-সব সংবাদের গোপন-কেন্দ্র হিসাবে, সন্দেহবশত, অবশেষে গোয়েন্দা-গৃহেই থানা-ভল্লাস। জানা গেল, ওই তরুণ গ্র্যাজুয়েট এবং ধনীপুত্র। বাড়ির কন্ঠাটি পরে তার বধু হয়।

এর বিপরীত ঘটনাও বহু ঘটেছে। গৃহস্থ বাড়িতে এক তরুণ পাচকরূপে নিযুক্ত হ'ল। বাড়ির বড়োমেয়ের পাতে সে বেশি করে মাছ দিতো। মেয়েটি এজ্ঞা ভৎসনা করে। সমবয়স্ক তরুণেরা কিন্তু তার অনূগত হয়ে পড়ে। প্রকৃতপক্ষে ওই ভৃত্য একজন গ্র্যাজুয়েট পুলিশ-কর্মী। মাতাবদ্ধ হয়ে সে দুর্বলতা স্বীকার করে এবং কর্মে ইস্তফা দেয়। তার পক্ষে ওদের সর্বনাশ করা সম্ভব নয়। পরে ওই কন্ঠার সঙ্গে তার বিবাহ হয়েছে।

বহু সরকারী কর্মীরবাড়িতে ছেলেরা গোপনে চরকা আনে। গান্ধীজীর ও আলী-ব্রাহ্মবরের ফটো ঘরে রাখে। কাজী নজরুলের 'অগ্নিবীণা' কিনে আনে। উচ্চপদস্থ পুলিশ-পিতা তাই দেখে চরকা আছড়ে ভাঙলেন। তারপর মুষ্টিবদ্ধ করে গান্ধীজীর ফটোর পানে দৌড়লেন। ফটোর কাছে গিয়ে মূর্তি শিখিল, খমকে দাড়াইলেন। আঘাত হানা সম্ভব হল না। ভুল্ললোক গজরাতে গজরাতে ঘর থেকে বেরিয়ে গেলেন।

এই রকম বহু বাড়িই প্রকাশে বা গোপনে আন্দোলনে সংশ্লিষ্ট। মাঝে-মাঝে 'আমরাও সংযুক্ত হয়েছি। কিন্তু অভিভাবকদের ভয়ে বেশিদূর অগ্রসর হই নি। পরীক্ষায় প্রথম ও দ্বিতীয় স্থানলাভ করা তরুণরাই সাধারণত ডেটিনিউ হ'ত। ফলে সর্বভারতীয় পরীক্ষায় বাঙালী পিছিয়ে পড়েছিল। কোনো-এক উর্দিপরা

পুলিশ-কর্মীর পুত্রের ধারণা হ'ল যে তার পিতা বিপ্লব-মন্ডল সহপাঠীদের উৎপীড়ন করছেন। প্রতিবাদ জানাতে গিয়ে সে পিতাকে একটি পত্র লিখে হোস্টেলে আত্মহত্যা করলো। সংবাদ পেয়ে ভদ্রলোক ছুটে এসে ওই পত্র দেখে রেগে বললেন, 'এঃ, বেটা আমার উপদেশ দিয়েছে!'...বলছেন আর গাল বেয়ে অশ্রু ঝরে পড়ছে। এই ভদ্রলোককে অবসর নেওয়ার পর কাশী বিশ্বনাথ-ঘাটে মালাজপ করতে দেখা যেতো।

এ সময়ে আমি ও আমার ভাই হিরণ্ময় সাহিত্য-সেবায় ব্রতী হই। স্বদেশ-প্রেমের এ-ও এক বিকল্প পন্থা। ভ্রাতৃবন্ধু প্রতুলচন্দ্র গুপ্তের হস্তলিখিত 'কণা' পত্রিকায় লিখলাম। এঁর পিতা অতুলচন্দ্র গুপ্তকে দেশভক্তির অপরাধে হাইকোর্টের দ্বায়ত্ব করিতে দেওয়া হয় নি। ওই বাড়ির কন্যাকে জর্নৈক সিভিলিয়ান বিবাহ করলে গভর্নমেন্ট বিরূপ হন। তখন সিভিলিয়ান-স্বামী বলেছিলেন যে স্বীকে তিনি যোগ্য-পত্নীরূপে গড়ে তুলবেন।

নিজেরাও পরে হস্তলিখিত পত্রিকা 'সাজি' বার করলাম। ততদিনে সৌরীন্দ্র-মোহন মুখোপাধ্যায়, নরেন্দ্র দেব, রাধারণী দেবী ও শৈলজানন্দ মুখোপাধ্যায় প্রভৃতি সাহিত্যিকের সংশ্রবে এসেছি। সাহস করে 'কল্লোল' পত্রিকায় একটি লেখা পাঠালাম। দীনেশরঞ্জন সেন ও গোবিন্দচন্দ্র নাগের লেখাটি (নীচের সমাজ) পছন্দ হওয়ায় পত্রস্থ করেছিলেন। উল্লেখ্য এই-যে একবার মহিলার ছদ্মনামে আমি লেখা পাঠাই। সেটি ছাপা হবে জেনে স্বনাম ব্যবহারের অনুরোধ জানাতে পত্রিকা-অফিসে গেলাম। এক সাহিত্যিক-ভদ্রলোক তাই শুনে বলে ওঠেন, 'থোকা, উনি তো তোমার দিদি...তাকে বোলো একদিন আ-শ করবো।' আমি প্রবলবেগে ঘাড় নেড়ে ওটা আমারই লেখা বলায় তিনি বেশ লজ্জিত হয়েছিলেন।

যারা সোভিয়েত দেশোদ্ধারে ব্রতী হ'ত সাহসী হতেন না। তাঁরাই সে-সময়ে বিকল্প পন্থা সাহিত্য-কর্মে আত্মনিয়োগ করতেন। (কিছুকাল পরে অচিন্ত্যকুমার, বুদ্ধদেব বসু ও প্রেমেন্দ্র মিত্র প্রমুখের সঙ্গেও পরিচিত হলাম।) ডঃ সত্যচরণ লাহা, বিমল লাহা, ডঃ নরেন লাহা ও ডঃ বিনয় সরকারের সঙ্গে আলাপ হয়। আমার বিজ্ঞান-সম্পর্কিত একাধিক প্রবন্ধ ডঃ লাহা সম্পাদিত 'প্রকৃতি'-তে প্রকাশিত হয়। এ সবই আমার দেশ-সেবার নিরাপদ প্রকাশ বলে মনে করেছি। সাউথ-সুবারবর্গ কলেজে (এখন আশুতোষ কলেজ) স্টুডেন্ট-ইউনিয়ন স্থাপিত হলে তার প্রথম সেক্রেটারি হই। তখন তা ছিল সাহিত্য ও দেহচর্চাতেই মাত্র সীমাবদ্ধ। তবুও আমি গোয়েন্দা-পুলিশের নজরে পড়ে গেলাম। সরকারী-

কর্মীদের ছেলেদের উপর দৃষ্টি রাখা তখন রীতি। আমার জ্যেষ্ঠতাত উচ্চপদস্থ পুলিশ-কর্মী হওয়া সত্ত্বেও তিনি তা জানতে পারেন নি। কিন্তু আমাদের কলেজের প্রিন্সিপ্যাল পঞ্চানন সিংহ মহাশয় তা জানতে পেরেছিলেন।

[ বহুপরে, এক-পয়সা ট্রামভাড়ারুদ্ধিকালে সশস্ত্র পুলিশ সহ ফুটের এপারে দাঁড়িয়ে আছি। ওয়ারলেসে আশুতোষ কলেজে প্রিন্সিপ্যালের সঙ্গে দেখা করার হুকুম এলো। তখন চতুর্দিকের ছাদগুলি হতে ইষ্টক বর্ষণ হচ্ছে। ছাত্ররা কিছু সংগত কারণে বিক্ষুব্ধ ও ত্রুদ্ধ। তাদের কাছে গেলে লাক্ষিত হওয়ার সম্ভাবনা। তবু হুকুম যখন এসেছে তখন ইষ্টক বর্ষণ ভেদ করেই কলেজের গেটে গিয়ে পৌঁছলাম। ছাত্ররা আমাকে ঘেরাও করে ফেললো। প্রিন্সিপ্যাল সোমেশ্বরবাবু তাড়াতাড়ি বেরিয়ে আমাকে জড়িয়ে ধরে ছাত্রদের উদ্দেশ্যে বললেন, ‘আরে, ইনি আমাদের কলেজের একজন প্রাক্তন রুতী ছাত্র। এই কলেজ-ইউনিয়নের ইনি প্রথম সেক্রেটারি।’ শুনে ছাত্রছাত্রীরা সমাদর করে আমাকে ভিতরে নিয়ে গেলেন এবং চা-পানে আপ্যায়ন করলেন। গুঁরা আমার সাহিত্য-রচনার সঙ্গে পরিচিত। এখন আমার পূর্ব বিবরণ শুনে তাঁদের মনে বিশ্বাস। আমি যে একজন পুলিশ-অফিসর তা তাঁরা বিশ্বাসই করতে চান না। ]

## ম্যালেরিয়া

স্বদেশী আন্দোলন বন্ধের ব্যাপারে ম্যালেরিয়া-রোগ ইংরাজদের প্রভূত সাহায্য এসেছিল। এই রোগের প্রবল প্রকোপে শহরাঞ্চল ব্যতীত গ্রামাঞ্চলে কোনো ব্রিটিশ-বিরোধিতা প্রসারলাভ করে নি। অন্তত পশ্চিমবঙ্গের গ্রামাঞ্চলকে এই রোগ বিশেষভাবে পঙ্গু করে রেখেছিল। এজন্য সেই সময়ে গভর্নমেন্টের পক্ষ হতে ম্যালেরিয়া-দমনে কোনও ব্যবস্থা গ্রহণ করা হয় নি।

বিঃ দ্রঃ—সড়ক নির্মাণকালে বর্ষমানে কিছু বাঙালী শ্রমিক এই রোগে আক্রান্ত হয়। পুরাতন জেলা-গেজেটে একে ‘বর্ষমান ব্যাধি’ বলা হয়েছে।

হাইটালি কমিশন তাঁদের রিপোর্টে মন্তব্য করেছিলেন : ম্যালেরিয়া প্রসীড়িত পশ্চিমবঙ্গ হতে শ্রমিক সংগ্রহ করা যেন না হয়। বাঙালী শ্রমিকের বদলে বহির্বঙ্গ হতে শ্রমিক আনা হ’ল। ব্রিটিশ সামরিক বিভাগের রিপোর্টে একাধিকবার উল্লেখ আছে যে ম্যালেরিয়া রোগগ্রস্ত অঞ্চল হতে সেনা-সংগ্রহ করা বন্ধ হোক।

‘[ এ-সব কিন্তু অজুহাত মাত্র ; তাঁরা জানতেন বাঙালী শ্রমিকদের উপর উৎপীড়ন

অসম্ভব। আত্মসম্মানবোধ তাদের প্রথর। সম্যাসী বিদ্রোহ, নীল, কৃষক ও পাইক-বিদ্রোহের স্মৃতি গুঁরা ভোলেন নি।]

এই ব্যাধির জন্ম বাংলাদেশে পরিবার-পরিকল্পনার প্রয়োজন হয় নি। ব্যবসায়ী জমিদারগণের চিন্তা : তারা মারা গেলে জমি খাস হবে। উপরন্তু, বাংলা প্রদেশ-পুলিশের কর্মীরাও এতে পর্যুদস্ত। ভয়ে রাজপুরুষরা জেলায় প্রবেশ করতে চান না। অবস্থাপন্ন ব্যক্তির গ্রাম পরিত্যাগ করে শংরে আশ্রয় নেয়। নেতৃত্বহীন গ্রাম-সমাজ অন্ধকারে ডুবে থাকে।—এই ব্যাধির অসহনীয় ভয়াবহতা নিম্নোক্ত ষণ-গল্পটিতে পরিষ্কৃত।

উলো-গ্রামের জমিদারের কুন্তীগীররা তখন ভারতে অপরাধেয়। কিন্তু এই সময় ম্যালেরিয়া রোগে তারা শক্তিহীন ও দুর্বল। এক নামী পশ্চিমী পালোয়ান গ্রামে এসে তাদের সংগ্রামে আত্মন করলো। জমিদার তখন প্রমাদ গুণে বলেন, 'ঠিক হায় পালোয়ানজি। হামার পালোয়ান মহাল মে গয়া। কুছ রোজ বাদ উনে লোটবে। আভি আপ খাও দাও আউর পুকুরমে আত্মন করো।'—কদিন পর ওই পালোয়ান সারে কাঁপতে-কাঁপতে এসে বললে, 'হজুর, এ মেরা ক্যা হয়?' একটু হেসে জমিদারবাবু বলেন, 'মেরি পালোয়ান আব তুমকো পাকড় লিয়া। আভি তুম জান তো পয়লা বাঁচাও।'

প্রত্যেক গ্রামিণ পারবারের আবালবৃদ্ধবনিতা পর্যায়ক্রমে জরে ভুগে কখন মৃড়ি দিয়ে ওষুধের শিশিহাতে কাঁপতে-কাঁপতে ডাক্তারবাড়ি দৌড়ায়। কোনও গ্রামে পাশ-করা ডাক্তার নেই। অতীতকে ডি. গুপ্ত কোম্পানীর মালিক ওষুধ বিক্রি করে লক্ষপতি হন। হাড়ভিঁরজিরে পেট-মোটা শিশুরা সংখ্যাহীন। নীল শিরায় তাদের দেহ ঢাকা। ক্ষীণ গলদেশে একরাশ মাতুলি। নোংরা টি মাতুলি মুখে পুরে তারা চোখে...বুড়োশিবের মাথায় ঢালা-জলচরণায়িত হয়ে নালা বেয়ে গর্তে জমেছে। মায়েদের দিশ্বাস ওই থকথকে পোকাপড়া পাদোদক শিশুদের পান করালে তারা ব্যাধিমুক্ত হবে। বহু গ্রামের নাম তখন তে-এঁটে গ্রাম। অর্থাৎ একজন মরলে পর-পর তিন ব্যক্তি মরবে। কলেরা-রোগীর কাপড় পানীয় পুষ্করিণীর জলে দৌত করতে বাধা নেই। বসন্তের টীকা নেওয়া বা দেওয়ার প্রশ্ন সেখানে ওঠে না।

বিঃ দ্রঃ—বাঙালী কিন্তু ওই মহামারীতে মরে নি। তাদের শরীরে জীবগুসম্পর্কিত ইমামিউনিটি তথা প্রতিষেধক ব্যবস্থা সৃষ্টি হয়। অবশ্য এজন্ম দু-পুরুষ অপেক্ষা করতে হয়েছিল। বহিরাগত ব্যক্তির গ্রামাঞ্চলে এলে মৃত্যু অনিবার্য ছিল।—  
ধন্যবাদ! ডাক্তার গোপাল চট্টোপাধ্যায়কে ধন্যবাদ। তিনি একক প্রচেষ্টায় গ্রামে-

গ্রামে ম্যালেরিয়া-নিবারণ-সমিতি স্থাপন করেন। ছাত্রাবস্থায় আমি এ কাজে তাঁর অগ্রতম সহকারী ছিলাম।

তাঁর পত্রিকা ‘সোনার বাংলা’র আমি অগ্রতম লেখক। নিজেদের গ্রাম সহ বহু গ্রামে ম্যালেরিয়া-নিবারণ-সমিতি স্থাপন করেছি। তরুণদের সংঘবদ্ধ করে জঙ্গল সাফ করেছি ও পুকুরে কেরোসিন তেল ঢেলেছি। এটিকে আমি আজও এক গর্বের বিষয় বলে মনে করি। ডাক্তার চট্টোপাধ্যায় গ্রামীণ সংস্কারগুলিতে বাধা দিতে মানা করতেন। তাঁর নির্দেশে শিবের চরণায়ুতের গহ্বর ও তৎসংলগ্ন নালা সিমেন্ট দিয়ে পাকা করে প্রতিদিন ওই জল বদলানোর ব্যবস্থা করা হয়। গ্রামে-গ্রামে দাই-ট্রেনিং ও কালাজ্বর নিবারণ-কেন্দ্র স্থাপন করি। কলেরা ও কালাজ্বরের ইনজেকশনের ব্যবস্থা হয়। ডাক্তার, ঔষধ ও আনুষঙ্গিক ব্যয়বাবদ যা-কিছু খরচ তার অর্থ ডাক্তার চট্টোপাধ্যায় নিজে বহন করতেন। বক্তৃতায় পারদর্শিতার জন্য আমাকে তাঁর পছন্দ হয়েছিল।

[ সেই কালে গুরুসদয় দত্ত মহাশয়ের সংস্পর্শে এসে বহু মহিলা-সমিতি স্থাপন করি। সরোজ-নলিনী ইনস্টিটিউটে স্বাধীনতার পূর্ব পর্যন্ত আমি কার্যনির্বাহক সমিতির সদস্য ছিলাম। ওদের পত্রিকা ‘বঙ্গলক্ষ্মী’-তে বেনামে লিখতাম। ডাক্তার চট্টোপাধ্যায়ের হোমক্র্যাফট এসোসিয়েশনেরও আমি কর্মী। এজ্ঞা কলেজ স্ট্রিট মার্কেটে সর্বজির দোকান নেওয়া হ’ত। প্রত্যেক গৃহস্থের বাগানের তরকারি ও পোলট্রি-জাত দ্রব্য এই দোকানে পাঠানো হ’ত। ]

এতেও কিন্তু প্রতিবন্ধকতার অন্ত ছিল না। পুকুরের পানি তুললে মালিক হুংকার দিয়েছে : ‘কার হুক্কে পানি তুলছে ? এ পানি আবার পুকুরে ফেল।’ ম্যালেরিয়ানিবারণী সমিতির সভার আলোচ্য বিষয় সমূহের আলোচনা এক-বাড়িতে না হয়ে অগ্র-বাড়িতে হ’ল কেন ? ইত্যাদি। ওই সময়ে আমি গ্রামে একটি নাইট স্কুল, কিছু টিউবওয়েল, গ্রন্থাগার ও দুটি প্রাথমিক বিদ্যালয় স্থাপন করি। এই স্কুল দুটির একটি পরে সরকার কর্তৃক অধিগৃহীত হয়। মাদরাল-নারায়ণপুর ইউনিয়ন বোর্ডের নাম পরিবর্তন করে মাত্র নারায়ণপুর করা হলে আমি ডিসট্রিক্ট বোর্ডের মেম্বারদের বাড়ি বাড়ি ঘুরে পূর্বনাম বহাল করি। তখন জানা যায় যে জয়নগর-মজিলপুর প্রভৃতি বহু যুগ্ম নামের পৌরসভা ও ডাকঘর আছে। ওই কালে আমার উল্লেখ্য কাজ : স্বগ্রাম মাদরাল হতে নৈহাটি পর্যন্ত দু-মাইল দীর্ঘ রাস্তা তৈরি। নিজেদের বিস্তীর্ণ ধানক্ষেত এজ্ঞা ভূ-দান রূপে আমাকে দিতে হয়।

সে সময়ে সামান্য ভুলে আমার জীবনের গতিপথ সম্পূর্ণ বদলে গেল। আমি ও

আমার ভ্রাতা হিরণ্য হুগলীতে কাজী নজরুলের সঙ্গে দেখা করি। আমরা জানতাম না যে কাজীর বাড়িতে পুলিশ-পর্ববেক্ষণ আছে। যখন কলকাতায় ফিরলাম, উচ্চপদস্থ পুলিশ-কর্মী জ্যোষ্ঠতাত চিৎকার করে বললেন, ‘আমি এখানে সশরীরে উপস্থিত রয়েছি, কাজীর বাড়ি যাবার আগে একবার জিজ্ঞাসা করতে পারলে না?’—পুলিশ কমিশনার চার্লস টেগার্ট স্বয়ং তাঁর কৈফিয়ৎ চান। জ্যোষ্ঠতাত বলেন যে ওদের দুজনকে আর গ্রামের বাড়িতে পাঠাবো না। টেগার্ট মন্তব্য করলেন, ‘নো নো। ওটা ডনট্ সল্ভ্ প্রবলেম। পুট্ দেম ইন্টু পুলিশ।’ [গ্র্যাজুয়েট হওয়ার পর আমি সর্বভারতীয় তৃতীয় হয়েছিলাম। কিন্তু সাম্প্রদায়িক নিয়োগে প্রথম ও দ্বিতীয় স্থানাধিকারী বর্ণহিন্দু চাকুরি পেলো। আমার বহু নিম্নস্থান হতে থ্রুটান, অ্যাংলো ও মুসলিমদের নেওয়া হ’ল। অথচ আমার তখন চাকুরি প্রয়োজন। তবে এম-এস-সি পাশ করে ডঃ গিরীন্দ্রশেখর বসুর অধীনে গবেষণা শুরু করেছি হেনকালে টেগার্ট সাহেবের ইচ্ছায় ও জ্যোষ্ঠতাতের নির্দেশে আমাকে কলিকাতা-পুলিশে ঢুকতে হ’ল। তবে ভ্রাতা হিরণ্য (পরে ডক্টর) সিভিলিয়ন ইন্সপেক্টর অজুহাতে রেজাই পেয়ে গেল।

তৎকাল পুলিশ-ট্রেনিং স্কুলে জাত-বিচার ছিল অত্যধিক। অ্যাংলো সার্জেন্টদের সঙ্গে দেশীয় অফিসরদের যথেষ্ট প্রভেদ। পুলিশ-ট্রেনিং স্কুলে অ্যাংলো উপতনরা শিক্ষার্থীদের নানাভাবে ক্রেশ ও জবকা গালি দিতো। দাস-মনোভাবে অভ্যস্ত করার ভল্টেই এ-সবের প্রয়োজন। শিক্ষার্থীদের প্রতিদিন দশ মাইল দৌড় করানো হ’ত। অ্যাংলোরা মৃত্যুপানধনিত বাড়তি এনার্জির অধিকারী। তাই তারা শারীরিক পরিশ্রম কিছু বেশি সহ্য করতে পারে। উপরন্তু তাদের আশুনা না থাকায় যথেষ্ট বিশ্রাম পায়। অত্যাচারের ফলে বহু দেশীয় কর্মী কাজ ইস্তফা দিতো। জাত ভুলে গালি দেওয়ার আমিও তাই করি এবং অভিযোগে মুগ্ধ হই। চার্লস টেগার্ট আমাকে ডেকে পাঠালেন এবং আত্মপূর্বিক সব শুনলেন। তারপর থেকে প্যারেডের ভার অ্যাংলোদের পরিবর্তে এক দেশীয় স্ববাদারের উপর অর্পিত হ’ল। কনডেমড ও সাস্টেনডেড শিক্ষক-অফিসরদের বদলে দক্ষ কর্মীদের আইনের শিক্ষক করা হ’ল। টেগার্ট সাহেব আমাকে সরাসরি বড়বাজার থানার অফিসররূপে বহাল করলেন। এই রকম প্রত্যক্ষভাবে আমার পুলিশী জীবন শুরু হল।

[একালে রায়বাহাদুর কালীসদয় ঘোষাল, বৈষ্ণবনাথ মুখার্জি, কুণ্ডবিহারী মুখার্জি, পান্নালাল ব্রহ্মচারী, নারায়ণ চ্যাটার্জি, গগনেন্দ্রনাথ, রায়বাহাদুর নলিনী মজুমদার, রায়বাহাদুর বনবিহারী মুখার্জি, খানসাহেব মহম্মদ ইসমাইল, শামসুদ্দীন

জোহা, রায়সাহেব জগৎ বাগচি প্রভৃতি উল্লেখ্য অফিসর। এঁদের অনেকেই তখন অবসরগ্রাহী ও অন্তেরা একে-একে অবসর নিচ্ছেন। এঁরা প্রায় সকলেই ডেপুটি ও অ্যাসিস্টেন্ট কমিশনার হন। ]

## চার্লস টেগার্ট

ইনি কলিকাতা-পুলিশের সর্বাপেক্ষা উল্লেখ্য পুলিশ কমিশনার ছিলেন ( ১৯২৫-৩২ )। এ সময় কলিকাতার সমস্তা অধিকতর জটিল হয়। বিপ্লবীদের গোপন সংগঠন আরও জোরদার। এই বিপ্লবীদের রুখতে শান্ত-প্রকৃতির পূর্বতন কমিশনার ক্লার্ক সাহেব সক্ষম হন নি। চার্লস টেগার্ট পুলিশ কমিশনার হওয়ার পর তাঁদের দমনে আত্মনিয়োগ করলেন। প্রদেশ-পুলিশের ( আই-বি ) বিপ্লবী দমন বিভাগও তাঁর আঙ্গাধীন। বাংলা-পুলিশের ইনস্পেক্টর জেনারেল লোম্যান সাহেবও তাঁকে সমীহ করতেন। বিপ্লবীরা এই লোম্যান সাহেবকে নিহত করে। কিন্তু বহুবার চেষ্টা সত্ত্বেও টেগার্ট সাহেবের মৃত্যু ঘটতে পারে নি। স্তর চার্লস টেগার্টের আকৃতি ও প্রকৃতি দেখে একটিমাত্র উপমা মনে আসে, পুরুষ-শাহুল। একটা অভূত-দর্শন কুকুর সর্বদা লেজ তুলে তাঁর সঙ্গে থাকে। এই ছীবিট তাঁর আগে-আগে চলে। বিপ্লবের গন্ধ পেলে সে তার লেজ নামায় এবং সকলকে সতর্ক করে দেয়। বাঙালী বিপ্লবীদের আক্রমণ থেকে এই কুকুর বহুবার তাঁকে রক্ষা করেছে।

তিনি মোর্গ-সাম্রাজ্যের সময় গুপ্তচর সংগঠনের পদ্ধতি ও প্রণালী সম্বলিত বহু ইংরাজি পুস্তক পাঠ করেন এবং তদানুযায়ী কলিকাতা-পুলিশে স্পেশাল ব্রাঞ্চে ও বাংলা-পুলিশে ইনটেলিজেন্স ব্রাঞ্চে পরিবর্তন আনেন। বিপ্লবীদের মধ্য হতে অর্থ দ্বারা চর-সংগ্রহের আধুনিক রীতির তিনি শ্রদ্ধা। গুণ্যচ করা তথা নজরবন্দী, ফলো করা তথা অহুসরণ, সোর্সদের সহিত গোপনে সাক্ষাতের রাজনীতি ডিসাই-কারিং বিভাগ, গুপ্তলিপি ও সংকেতলিপি প্রভৃতির তিনি প্রবর্তক। এই গুপ্ত-বিভাগর ফলিতজ্ঞান পুলিশ-কর্মীদের তিনি উৎসাহ দিতেন। বাঙালী অফিসরদের এ বিষয়ে মগজ-ব্যবহারের স্বীকৃতিও দিতেন। তদানীকালে কোর্টের নিচে লৌহবর্ম ও হস্তে ঢাল পিস্তল রাখার ব্যবস্থা তিনি করেন। অফিসরদের সহিত সশস্ত্র আদালি রাখা তাঁদের বাড়িতে সশস্ত্র গ্রহণ, বাড়ির জানালা লৌহজালে আবৃত করার সুবন্দাবস্ত করেন। গুপ্তচরদের প্রাপ্য অর্থ সংগ্রহকারী কর্মী ঠিকমতো দিচ্ছে কিনা তা তিনি নিজে পরীক্ষা করতেন। এই সংবাদ-সরবরাহকারী চরদের



নাম ও নম্বর সংশ্লিষ্ট অফিসর ( সংগ্রহকারী ) ও তাঁদের উর্ধ্বতন ডেপুটিরা মাত্র জানতেন। বিভিন্ন সোর্স ও বিভিন্ন স্তর হতে সংগৃহীত সংবাদ একরূপ হলে তা বিশ্বাস্য হ'ত। তখন তার উপর ভিত্তি করে সংশ্লিষ্ট বিপ্লবীকে আটক বা ডেট-নিউ করা হ'ত। একস্পোজড চরদের কিছু অর্থদান করে বাতিল করার নিয়ম। কখনও জেলে রেখে তাদের রক্ষা করা হয়েছে ( ভারত রক্ষা আইনে )। বিভিন্ন দিনে বিভিন্ন স্থানে গুপ্তচরদের সাথে সাক্ষাতের নিয়ম হয়।

এ বাদে আরও একটি উপায় টেগাট সাহেব আবিষ্কার করেছিলেন। তখন অল্প-শীলন ও যুগান্তর পাটি ছুটি পরস্পর বিবদমান ছিল। কোনো একদলের লোককে গ্রেপ্তার করা হ'ত না। কিংবা গ্রেপ্তার করেও তৎক্ষণাৎ জামীন দেওয়া হ'ত। ( জামীনে মুক্তির পর গোপনে তার অল্পসরণ করা হ'ত। ) কিন্তু অল্পদলের লোকদের প্রায়ই গ্রেপ্তার করা হ'ত এবং জামীন পেত না। এতে একদল অল্পদলকে গুপ্তসংবাদদাতারূপে সন্দেহ করতো এবং তার ফলে পরস্পর পরস্পরের প্রতি ক্রুদ্ধ হয়ে পুলিশকে সংবাদ দিয়েছে।

কিন্তু ও-রবম পন্থায় ফল শুভ হয় নি। কিছু ছুটে কর্মী একই সংবাদ স্ব স্ব সোর্সের মুখে দিতো। কিছু ক্ষেত্রে সোর্সরা ( এজেন্ট প্রপোগেটর ) নিজেরাই দল তৈরি দলের তরুণদের ধারিয়ে দিতো। নিজেদের আদর্শবান দলনেতাকে সন্দেহ কবে তারা পৃথক দল তৈরি করতো। তখন শত চেষ্টাতেও কর্তৃপক্ষ আর তাদের সংবাদ পেতেন না। একস্পোজড চরেরা চাকুরি না-পেলে পুলিশের গতিবিধি ও ঘরোয়া ভাষা বিপ্লবীদের জানিয়ে দিতো। এই ব্যবস্থায় কিছু নির্দোষী তরুণ বাঙালী ক্ষতিগ্রস্ত হতে থাকে। হিসাববিহীন সোর্স মানিই ( Score money ) অফিসরদের দুর্নীতিগ্রস্ত করে। এর প্রতিবাদে জনসাধারণ নিয়োক্ত গণ-শ্লোগানটি সৃষ্টি করেছিল।

ক-বাবু খ-বাবু গ-বাবু তিন গোয়েন্দা।  
ক-বাবু বললেন, 'ভাই খ, তুই প্রতিদিন কত সংবাদ সংগ্রহ করিস। আমি তো কিছুই পারি না।'  
খ-বাবু: 'তুই কফি-গানায় গেলে বহু সংবাদ পাবি।'  
ক-বাবু: 'আরে ভাই আমি ওখানে বহুবাস করেছি। কিন্তু আমাকে দেখলেই ওরা চূপ করে যায়।'  
খ-বাবু: 'আমাকে দেখেও ওরা তাই করে। কিন্তু আমি নিজেই বহু বিষয়ে কথা বলে ওদের দিকে তাকাই, জিজ্ঞাসা করি, 'কি মশাইরা, আমি ঠিক বলেছি?' যে ব্যক্তি হ' বলে আমি তার নামেই ওই কথাগুলি চালাই।'  
গ-বাবু চূপচাপ সব শুনছিলেন এবার তিনি বললেন, 'আমি কিন্তু অত কষ্ট করি না। সকালবেলা খবরের কাগজ পড়েই জানতে পারি কোন্ কোন্ নেতা শহরে উপস্থিত রয়েছে। তারপর তাদেরই' নম্রম সত্য-মিথ্যা সংবাদ উপরে পাঠিয়ে দিই। এতে আমি প্রতিমানেই বহু রিওয়ার্ড পেয়েছি।'

শ্রুত চার্লস টেগার্ট পোস্ট-অফিসে পত্র ইন্টারসেপ্ট প্রথার প্রবর্তক। ভেপারের সাহায্যে সন্দেহজনক ব্যক্তির খাম খুলে পত্র বার করে তা পড়ে আবার আঁটা হ'ত। এতে সংশ্লিষ্ট ব্যক্তির কিছু জানতে পারতো না, মাঝখানে চিঠি পড়া হয়ে যেতো। এই ব্যবস্থা ব্যাপক ভাবে চালু হলে অসন্তুষ্ট জনগণ নিম্নোক্ত গণ-গল্পটি প্রতিবাদস্বরূপ তৈরি করে।

আয়ারল্যাণ্ডে আইরিশ-বিপ্লবীদের ভয়ে ইংরাজরা অতিষ্ঠ। তবুও প্রথম বিশ্বযুদ্ধে (বাঙালীদের মতো) কিছু আইরিশ তরুণ ইংরাজপক্ষে ফ্রান্সের রণক্ষেত্রে লড়তে যায়। এক আইরিশ তরুণ-সৈন্য দেশ হতে স্বীয় পত্র পেলো। তাতে লেখা আছে যে সমর্থ যুবক প্রায় সকলেই যুদ্ধে চলে গেছে, আমরা মেয়েরা জমি চষতে তো পারি না শুধু চষা-জমিতে আলু বুনতে পারি। এবার আলুর চাষ করা সম্ভব হ'ল না।—আইরিশ স্বামী তৎক্ষণাৎ লিখে পাঠালো : 'খবরদার : জমি খোঁড়াখুঁড়ি কদাচ নয়। আমাদের ক্ষেতে বহুস্থানে বিপ্লবী-বন্ধুরা বোমা ও পিস্তল পুঁতে রেখেছে।' কদিন পরে স্বীয় নিকট হতে স্বামী ভদ্রলোক আবার এক পত্র পেলেন : 'ওগো মহাসর্বনাশ ! গতকাল ভোর হতে ট্রাকটার এনে পুলিশ সমস্ত জমি চষে বেড়াচ্ছে। আমরা ব্যাপার তো কিছুই বুঝি না।'—স্বামীর উত্তর : 'তোমাদের বোঝাবার কিছু দরকার নেই। ওরা চলে গেলে তোমরা জমিতে শুধু আলু বুনে দিও।'

বাংলার বিপ্লবীদের টেগার্ট সাহেব নির্মমভাবে প্রদমিত করেছিলেন। কিন্তু এর ফলাফল বিশেষ শুভ হয় নি। বহু বিপ্লবী গান্ধীবাদে বিশ্বাসী হন। প্রকৃতপক্ষে কতিপয় বিপ্লবীর কয়টি বোমা ও পিস্তলকে ব্রিটিশরা ভয় করেন নি। তাঁদের সাম্রাজ্যের বিপুল বাহিনীর নিকট তারা নগণ্য। ব্যক্তিগতভাবে মাত্র কজন ব্রিটিশ ও দেশীয় ক্ষতিগ্রস্ত। এতে ব্রিটিশরা উদ্ব্যস্ত হতে পারে, ভয় পেতে যাবে কেন ? গান্ধীজীর অহিংস-আন্দোলন ব্যাপকভাবে জনগণের মনে শিকড় গাড়লে দূরদর্শী ব্রিটিশ প্রভুরা ভয় পেলো। এই আন্দোলন সমগ্র দেশে প্রসার লাভ করতে বেশি দেরি হয় নি।

১৯২৬ খ্রীঃ কলকাতায় সাম্প্রদায়িক দাঙ্গা শুরু হ'ল। সেই সঙ্গে যা-কিছু রাজ-নৈতিক আন্দোলন নিস্তরঙ্গ। একটু সময় পেলে রাজনীতির ক্ষেত্রে সমস্ত দেশের চেহারা অগ্ন্যবকম হয়ে যেতো। কিন্তু ব্রিটিশ বিরোধীরা তখন আত্মরক্ষার্থে ব্যস্ত। আন্দোলনের তীব্র নেতৃবৃন্দ সাময়িকভাবে পিছু হটে এলেন। (এ রকম বাংলা-দেশে বহুব্যাপক ঘটেছে।) ইংরাজদের ইচ্ছা বিনা-আয়াসে সিদ্ধ হ'ত কিন্তু তাতে বাদ সাধলেন জনৈক দেশীয় উন্নতন পুলিশ-কর্মী।

[ গভর্নরের কাউন্সিলের প্রতিজন সদস্য পূর্বের মতো ইংরাজ সিভিলিয়ন। দুজন দেশীয় ব্যক্তিকে কাউন্সিলে কো-অপ্ট করা হয়। তাঁদের একজন কৃষ্ণনগরের মহারাজা এবং অজ্ঞান স্ত্রীর আবদার রহমান। শেষোক্ত ব্যক্তি ওই দেশীয় পুলিশ-উর্ধ্বতনের উপর বিরূপ হলেন। কৃষ্ণনগরের মহারাজা তাঁকে রক্ষা করতে অক্ষম। তাঁর একমাত্র সমর্থক স্ত্রীর চার্লস টেগার্ট। টেগার্ট সাহেব সাম্প্রদায়িক দাঙ্গা নিষ্পয়োজন মনে করতেন। তাঁর মতে উভয়পক্ষই এতে গভর্নমেন্টকে দায়ী করে। ]

## পূর্ণচন্দ্র লাহিড়ী

রায়বাহাদুর পূর্ণচন্দ্র লাহিড়ী কলিকাতা-পুলিশের প্রথম দেশীয় ডেপুটি কমিশনার। সমগ্র ভারতেও তিনি প্রথম উর্ধ্বতন দেশীয় পুলিশ সাহেব। তিনি কনস্টেবলের পদ হতে ক্ষুদ্র প্রমোশনে এতে উপরে ওঠেন। ওই যুগে এটা ছিল এক বিরাট বিশ্বাস। উত্তর-কলকাতার উত্তর-বিভাগে তিনি তখন কত ( শহরের সর্বাংশ )। তাঁর অধীন থানা পুলিশে তখন বন্দুক ছিল না। গভর্নমেন্টের মতামতের অপেক্ষা না-করে শুধু লাঠির সাহায্যে ওই দাঙ্গার মূলোচ্ছেদ করলেন। এমন-কি তিনি প্রকাশ্যে বললেন যে গান্ধী আন্দোলন দমনের জন্য ওই দাঙ্গা বাধানো হয়েছে। জ্যেষ্ঠতাত রায়বাহাদুর কালীসদয় ঘোষাল সেই একই প্রতিবেদন দিলেন। এতে পূর্ণচন্দ্র লাহিড়ীকে চট্টগ্রামের ( পদাবনতি ) অ্যাডিশনাল সুপার করা হ'ল। এই বরেন্দ্র ব্রাহ্মণ উদাত্তকণ্ঠে বললেন যে, চাকুরির শর্তানুযায়ী কলকাতার বাহিরে তিনি যাবেন না এবং পদাবনতি তিনি মানতে রাজী নন। তাঁকে পনসন নিতে না দিলে তিনি আদালতে যাবেন। তাঁকে অবসর গ্রহণে বাধ্য করা হ'ল। রায়-বাহাদুর কালীসদয়েরও ভবিষ্যৎ-প্রমোশন বন্ধ।

তদবধি সমস্তা সংকুল উত্তর কলকাতায় শুধু ইংরাজ ডেপুটি কমিশনার থাকতেন। পূর্ণচন্দ্রের পদে রায়বাহাদুর ভূপেন ব্যানার্জি প্রমোটেড হলেও তাকে দক্ষিণ-কলকাতার ডেপুটি করা হয়। ভূপেন ব্যানার্জি পণ্ডিত ও গবেষক ব্যক্তি। পূর্ব-সিভিলিয়নদের মতো কলিকাতা-পুলিশের ইতিবৃত্ত সম্বন্ধে নথী উদ্ধার করেন।

[ মধ্যে মধ্যে বাংলার অজ্ঞাত ও সাম্প্রদায়িক দাঙ্গা বাধানো হয়েছে। ফলে জাতীয়-তার বদলে বারে বারে সাম্প্রদায়িকতার সৃষ্টি হয়েছে। মুসলিমদের বোঝানো হয়েছে যে হিন্দুরা দেশ স্বাধীন করলে তাদের বিপদ। জাতীয়তাবাদী মুসলিমরা সংখ্যালঘু। অথচ হিন্দু সাম্প্রদায়িকতা হিন্দুদেরই পছন্দ নয়। এই সম্পর্কে প্রতিটি

প্রচেষ্টাতেই বাঙালী ক্ষতিগ্রস্ত হয়। এতে দেশ-বিভাগ প্রশস্ত হলেও স্বাধীনতা আটকায় নি।]

এই সাম্প্রদায়িক দাঙ্গার সময় বড়োবাজারের ব্যবসায়ীরা আত্মরক্ষার জন্য বহু মির্জাপুরী গুণ্ডা কলকাতায় আনে। প্রথম মহাযুদ্ধের ফলে তাদের হাতে বিপুল অর্থ। আমড়াতলা প্রভৃতি স্থানের মুসলিম ব্যবসায়ীরা একই উদ্দেশ্যে গাজীপুরী গুণ্ডাদের শহরে আমদানি করে। কিন্তু দাঙ্গা-উত্তরকালে তারা কেউই ওদের ভরণপোষণ করে নি। এবার উভয় সম্প্রদায়ের গুণ্ডাদের মধ্যে দারুণ ভাব। তারা দেশে না ফিরে পথচারীদের অর্থ ও দ্রব্য কেড়ে নেয় এবং নগর-জীবন বিপর্যস্ত করে তোলে। তাদের বিরুদ্ধে সাক্ষী বা ফরিয়াদী হলে নিশ্চিত মৃত্যু। নিম্নোক্ত ঘটনাবলী হতে তার ভয়াবহতা বোঝা যাবে।

জর্নৈক মীনার পেশোয়ারীর নামে গ্রেপ্তারী পরোয়ানা ও তৎসহ হলিয়া বার হয়। ব্যারিস্টার সুরাবাদি সাহেব তাকে টেগার্টের ঘরে আনলেন। অভিযোগ, ইনস্পেক্টর প্রভাতনাথ মুখার্জি তাকে উৎপীড়ন করেছে। প্রভাত মুখার্জি বললেন, ‘এই সেই জেলা খারিজ প্রক্রেমড অফেগার কৃত্যাত গুণ্ডা।’ গ্রেপ্তার এড়াতে মীনার পেশোয়ার দৌড়ে বার হ’ল। পশ্চাৎধাবনকারীদের উদ্দেশ্যে মুহুমুহ গুলিবর্ষণ করে নেমে সে অদৃশ্য হয়ে গেল। সুরাবাদি সাহেব (তাকে সংযুক্তি বলার জন্ত) ক্ষমা চান ও তা তিনি পান।

একদিন এক গুণ্ডা আইরীর নিরেট মাথার চুঁ মেরে জমাদানের মাথা ফাটিয়ে দিলো! পল্লীর গুণ্ডার বিরুদ্ধে এক মানী ব্যক্তি দরখাস্ত পাঠান। পরদিন ওই গুণ্ডা পুলিশ-অফিসে পাঠানো দরখাস্তটি তাঁর চোপের সামনে মেলে ধরে বললে, ‘বাবুসাব, এ কেয়া বাত? হামিলোক অপকা লেড়কা।’—এরা মাথার চুঁ ও পদাঘাতে পুলিশ কর্মীদের ধরাশায়ী করতো। নিভৃতে ছুরিহাতে এক গুণ্ডা জর্নৈক উকিলকে পাকড়াও করলো। কিন্তু তাকে উকিল বুঝে ব্যাগ সমেত ২০০ টাকা ফেরৎ দিলো। পরে সেই উকিলের বাড়িতে সে একদিন সাহায্যপ্রার্থী হয়। উকিলবাবু কি চাইলে সে বলে, ‘কী? কি তো সেদিন ময়দানে আপনাকে দিয়েছি।’

[কিন্তু নিজপল্লীতে কাউকে উৎপীড়ন না করে তাদের নিরুপদ্রবে রেখেছে। জেলাখারিজ হলে নিজ পল্লীর বাড়ি বাড়ি ঘুরে গলবস্ত্র হয়ে বিদায় নিয়েছে। কুলনারীদের ও শিশুদের তারা যথেষ্ট মর্যাদা দিতো। অল্পদিকে নিজেদের পল্লীর গৃহস্থদের রক্ষার্থে প্রাণপণ করেছে। এইজন্য মাণ্ডগণ্যদের নিকট হতে প্রায়ই তারা প্রশংসা-পত্র পেয়েছে।]

শ্রর চার্লস টেগার্ট বিপ্লবীদের মতো গুণীদেরও নির্মমভাবে প্রদমন করেন। একজন তিনি সরকার কর্তৃক গুণ্ডা-এক্ট পাশ করান। লালবাজারের প্রখ্যাত অফিসের প্রভাতনাথ মুখার্জির অধীনে গুণ্ডা-ডিপার্টমেন্ট স্থাপিত হ'ল। গুণ্ডা-আইনে সাক্ষীরা আসামীর অসাক্ষাতে গোপন সাক্ষী দেবার অধিকারী। অপরাধ প্রমাণিত হলে অপরাধীকে জেলা-খারিজ তথা একস্টিয়াণ্ড করে বাংলার বাইরে পাঠানো হ'ত। তারা বিনা অল্পমতিতে ফিরে এলে কঠোর সাজা।

এই গুণ্ডাদমনে টেগার্ট সাহেব জনগণের মধ্যে জনপ্রিয় হলেন। জব চার্নকের মতো তিনি বাঙালীর নিকট 'হিরো'। হঠাৎ চতুর্দিকে গুজব রটে তিনি ছদ্মবেশে ধূতি পরে ঘোরেন। কিন্তু এর মধ্যে সত্য ছিল না। তিনি এভাবে বেরুতেন না। অহেতুক বিপদের ঝুঁকি নেওয়া ট্যাক্টলেস কাজ। তবে প্রয়োজনে তিনি অসম সাহসিকতা দেখাতেন। একবার তাঁর রটে যে আইরিশম্যান হুগার তাঁকে গ্রেপ্তার করা হয়েছে, তিনি প্রতিবাদ করে বলেন যে তিনি আইরিশম্যান নন, গুণ্ডা দমনার্থে বহাল তবিত্তেই আছেন।

টেগার্ট সাহেব বিপ্লবীদের অর্থকরী প্রশিক্ষণের জন্য কয়েকটি কর্মপদ্ধতি ছকে রাখেন। দমদম ক্লাইভ-হাউসের ডেটিনিউদের ওরূপ কর্মশালা আমি নিজে দেখেছি। জেষ্ঠ্য কালীসদয় ঘোষাল অবসর গ্রহণের পর তাঁদের অধিকর্তা হয়েছিলেন। জার্মানী হতে মূল্যবান মেশিন এনে তাঁদের সেগুলির মালিক করা হয়। বহু বিপ্লবী তরুণকে উচ্চশিক্ষার জগ্রে তিনি স্বদূর ইউরোপেও পাঠান।

তিনি ওই-সব দেশপ্রেমিক বিপ্লবীদের বোঝাতেন, ভারত সাম্প্রদায়িক-দোষে ছুট্ট এক বিরাট দেশ। এক অঞ্চলের সৈন্যদ্বারা অন্য অঞ্চল দমনো যায়। একবার কেউ এদেশ দখল করলে তাদের হঠানো কঠিন। তাই এভাবে দেশের স্বাধীনতা আনা কোনদিনই সম্ভব নয়। তিনি তাদের এও বলেছিলেন যে তিনি ভারতীয় হলে এই একই কাজ করতেন।

টেগার্ট সাহেব ফরাসী-চন্দননগরে অবৈধ প্রবেশ করে পলাতক চট্টগ্রাম-বিপ্লবীদের ঘাঁটি দখল করেন। তাঁকে হত্যা করতে গিয়ে ভুলে এক নিরীহ ইংরেজকে হত্যা করেন বিপ্লবী গোপীনাথ। বিপ্লবীদের দ্রুত বিচারের জন্য ট্রাইব্যুনাল-প্রথা তাঁর আদেশেই সৃষ্ট হয়। এইরূপ আদালতের প্রেসিডেন্ট সর্বক্ষেত্রে একজন ইংরাজ হতেন।

[বিঃ দ্রঃ—একটি রিক্রুটিং বোর্ডের সভাপতি ছিলেন তিনি। আমি একবার তাঁর সাক্ষাৎপ্রার্থী হই। তিনি জিজ্ঞেস করলেন, 'হোয়াট ইজ ইওর থাশানাক সঙ?' —আমাদের জাতীয় সংগীত নেই কিংবা 'গড সেভস দি কিঙ'ই আমাদের জাতীয়

সংগীত বললে তিনি ধরে নিতেন আমাদের মধ্যে ব্যক্তিত্বের অভাব। তৎক্ষণাৎ উত্তর দিলাম : ‘ধন ধাত্তে পুস্পে ভরা আমাদের এই বহুস্ররা।’ আবার প্রশ্ন : ‘হোয়াই নট বন্দে মাতরম্ ?’ প্রত্যুত্তর : ‘ওটি একটি রাজনৈতিক পার্টির সংগীত। কিন্তু ‘ধন ধাত্ত’ সকল শ্রেণীর নাগরিকের গ্রহণযোগ্য।’—অতঃপক্ষে মেসারের মতামত তোয়াক্কা না করে তিনি বললেন, ‘ওয়েল বয়, আই হ্যাভ টেকেন ইউ।’ বস্তুতপক্ষে তাঁর ব্যক্তিত্ব অসাধারণ ছিল।

[ শীঘ্রই বৃহত্তর কর্মক্ষেত্রে তাঁর ডাক পড়ল। প্যালেস্টাইনে ইহুদী ও আরব বিপ্লবীদের দমনে তিনি নিযুক্ত হলেন। প্যালেস্টাইন বিভক্ত করার উদ্দেশ্যে তিনি উভয় সম্প্রদায়ের অবস্থান-ক্ষেত্রের মাঝামাঝি ‘টেগার্ট-ওয়াল’ তৈরি করেন। কিন্তু সম্প্রদায়কামী ইহুদীরা ওই টেগার্ট-ওয়াল বারুদের সাহায্যে উড়িয়ে দিলো। ]

টেগার্ট সাহেব বাংলায় ও প্যালেস্টাইনে বিপ্লবী দমনের জ্ঞাত্যাত। অন্যদের মতে হুই স্থানেই তিনি বিপ্লবী-দমনে ব্যর্থ হন। ভারত-ত্যাগের পূর্বে তিনি আমাকে কলিকাতা-পুলিশে পুনর্নিয়োগ করে যান।

[ বিঃ দ্রঃ—এইকালে মহিলা-পুলিশ অকল্পনীয় ছিল। অপরাধিনী স্ত্রীলোকের দেহ-তল্লাসীর কাজে পথ থেকে ভূজাওয়ালীকে ডাকা হ’ত। এ সময়ে বিপ্লবিনী তরুণীরা ও হত্যাকারী লিপ্ত হয়। চট্টগ্রাম ইংরাজ-ম্যাজিস্ট্রেটকে ওরাই হত্যা করে। কলকাতায় কনভোকেশন হলে গভর্নরকে লক্ষ্য করে বীণা দাস গুলি ছোঁড়েন। এই ঘটনার সময় আমি সেখানে উপস্থিত ছিলাম। বোঝা গেল যে তরুণী বীণা দাস পিস্তল ছোঁড়ায় ঠিক অভ্যস্তা নন কিংবা এই প্রথম পিস্তল ছুঁড়লেন। তাঁর হাত কাঁপছিল বলে পিস্তলের প্রতিটি গুলি লক্ষ্যভ্রষ্ট হচ্ছিল। এ অবস্থায় তাঁকে গ্রেপ্তার করার মধ্যে সাহসের বিশেষ প্রয়োজন হয় না। তবু বহু ব্যক্তি খেতাব অর্জনের জন্ত দাবীদার হয়। পুলিশের জনৈক উপতন কর্মীকে পুলিশ-কমিশনারের কাছে বলতে শুনেছিলাম, ‘আই হ্যাভ গট হার, স্যার!’—ভাইস-চ্যান্সেলর সুরাবর্দি সাহেব ওই গ্রেপ্তারের জন্ত দাবীদার হয়েছিলেন।

মহিলা-পুলিশ না-থাকায় পুলিশ-কর্মীদের আলোক-প্রাপ্তা কজন বধূকে পর বৎসর ওখানে ছাত্রী ও অন্য মহিলাদের মধ্যে বসানো হচ্ছিল। এঁরা ছাত্রী ও তরুণীদের পরিক্রমণের উপর লক্ষ্য রাখতো। এজন্ত প্রতি বৎসর এঁদের সরকার হতে এক-জোড়া করে সোনার দুল উপহার দেওয়া হ’ত। কিন্তু এত চেষ্টা সত্ত্বেও প্রভুদের রাজত্ব আমরা শেষ পর্যন্ত রক্ষা করতে পারি নি।

১৯৩০ খ্রিঃ কলিকাতা-পুলিশের এলাকা ৩০৮ স্কোয়ার মাইল। ১১,৬০,৪১০ ব্যক্তির সেখানে বসবাস। অফিসর ও কর্মীর সংখ্যা ৫৭৪৭ জন। তাদের জন্ত

বাৎসরিক ব্যয় ৪৬,১২,৩০৪ টাকা। একজন কমিশনার, ৭ জন ডেপুটিকমিশনার। ১০ জন অ্যাসিসট্যান্ট কমিশনার। ৬৫ জন ইনস্পেক্টর, ১১৬ জন সাব-ইনস্পেক্টর। ২১৮ জন অ্যান্ড্রো সার্জেন্ট। ১৫২ জন অ্যাসিস্টেন্ট সাব-ইনস্পেক্টর ৪৩৩ জন হেড-কনস্টেবল ( ৫ জন অশ্বারোহী ), ৪১৫৬ জন কনস্টেবল ( ৪৮ জন অশ্বারোহী ) দ্বারা কলিকাতা-পুলিশ গঠিত। দুটি করে ডিভিশন-সহ কলিকাতা-নর্থ ও সাউথ দুটি ডিসট্রিক্ট। তদতিরিক্ত ডিটেকটিভ ডিপার্টমেন্ট, স্পেশালব্রাঞ্চ, হেড-কোয়ার্টারস, ট্রাফিক ডিপার্টমেন্ট ও পোর্ট-পুলিশ পৃথক ডিসট্রিক্টরূপে বিবচিত। কলিকাতা-পুলিশের 'পুলিশ-পাইক' তথা কনস্টেবলের ১৭৫২ গ্রী: ২ টাকা, ১৮৪৫ গ্রী: ৫ টাকা মাসিক বেতন ছিল। প্রথম মহাযুদ্ধের প্রারম্ভে কনস্টেবলদের মাসিক বেতন ১১ টাকা এবং ১২৩১ গ্রী: তা বেড়ে ২৫ টাকা হতে ২৯ টাকা গ্রেড হয়। উর্বরতন পুলিশ-কর্মীরা কালাহুয়ারী ষথাক্রমে পালকি, টমটম, ঘোড়াগাড়ি ও মোটর-যোগে তদারকে যাবার জন্য ব্যবহার করেছেন। তাঁরা পূর্বে মাথায় খাটো পাগড়ি বা টুপি, ছোট বা লম্বা ঘণ্টি-বাঁধা কোর্তা, লাঠি ও তরবারি, বন্দুক পরে পিস্তল দ্বারা সজ্জিত হতেন। মধ্যবর্তী কর্মীদের কাঁধে রূপালি কর্ড বা স্ট্র্যাপের উপর নিকেল বোতাম, হেলমেট, নিকেল ও চেন-তরবারি দেওয়া হয়। আরও উর্বরতনদের উর্দি জেনারেলদের মতো জমকালে ছিল। এই ঐতিহ্য হতে কলিকাতা-পুলিশকে অধুনা বঞ্চিত করা হয়েছে।

এ সময়ে (১) কলিকাতা থানা-পুলিশ নর্থ ও সাউথ দুটি ডিসট্রিক্ট-এ বিভক্ত।—প্রতিটি ডিসট্রিক্ট একজন ডেপুটি-কমিশনারের অধীন। প্রতি ডিসট্রিক্ট-এর দুটি করে ডিভিশন—একজন অ্যাসিস্টেন্ট-কমিশনারের অধীন। (২) পোর্ট-পুলিশ ডিসট্রিক্ট—অনেক ডেপুটি-কমিশনারের অধীনে মাত্র দুটি থানা। (৩) হেড-কোয়ার্টারস রিজার্ভ ফোর্স। এর অধীনে পুলিশ-ট্রেনিং স্কুল। (৪) ট্রাফিক মাইন্টেড পুলিশ। (৫) ডিটেকটিভ ডিপার্টমেন্ট। (৬) স্পেশাল ব্রাঞ্চ (রাজনৈতিক), মিকিউরিটি কন্ট্রোল ( বিদেশী সম্পর্কিত )। (৭) আর্মড বা সশস্ত্র পুলিশ। (৮) আর্মড এ্যাক্ট বিভাগ—এরা অস্ত্রশস্ত্রের লাইসেন্স দেন। (৯) পাসপোর্ট বিভাগ।—বিদেশ-গমনেচ্ছুকদের ছাড়পত্র দেন। (১০) মোটর-ভিহিকল।—এঁরা ট্যাকসি কারেজ ও মোটর-গাড়ির হিসাব রাখেন ও তাদের লাইসেন্স দেন। (১১) মালখানা ও পাশ সেকসন।—এঁরা হোটেল ও ক্যাফেনার লাইসেন্স দেন। (১২) এনফোর্স-মেন্ট বিভাগ।—এঁরা মজুতদারী, ভেজাল ও মূনাফা বন্ধ করেন। (১৩) সিটি আর্কিটেক্ট—এঁরা বেআইনী গৃহনির্মাণ বন্ধ করেন। এ ছাড়া পুলিশের অধীন দুটি ডগ্ পাউণ্ড ও দুটি ক্যাটেল পাউণ্ড আছে।

## দ্বিতীয় অধ্যায়

ট্রেনিং স্কুলে অ্যাংলো-অধিকর্তার কটুক্তি সহ করতে না-পেরে চাকুরি ত্যাগ করি। কিন্তু বাইরে এসে দেখলাম একজনের বদলে বহুজনের কটুক্তি শুনতে হচ্ছে। আমার চাকুরি-ত্যাগের এত বড়ো বীরত্বের কেউ মর্যাদা দিলো না। সকলেরই অভিমত : চাকুরি পাওয়া সহজ কিন্তু রক্ষা করা কঠিন। সৌভাগ্য এই-ষেটেগার্ট সাহেব খবর পেয়ে আমাকে ডেকে পাঠালেন ও পুনর্বহাল করলেন। সেই সঙ্গে ট্রেনিং স্কুলে এদেশীয় লোকদের উপর দুর্ব্যবহার বন্ধেরও ব্যবস্থা করলেন। আমার দীর্ঘ স্মৃতি আমাকে টেগার্ট সাহেবের বিশেষ পছন্দ। আমার চেহারা যে ভালো তা বহুলোকের মুখে শুনেছি।

ছেলেবেলায় আমার চেয়ে বয়সে বড়ো বন্ধুকে মহিলারা আদর করে কাছে টেনে বলতেন, 'এসো বাবা এসো।' আর আমি বয়সে ছোট হওয়া সত্ত্বেও তাঁরা বলেছেন, 'একজন ভদ্রলোক এসেছে। ওঁকে বাইরের ঘরে বসতে দে।' বিবাহ উপলক্ষে কণ্ঠাপক্ষ বলেছে যে পাত্রের বয়সটা বেশি। কিন্তু পুলিশে ওই দোষটাই আমার মহা গুণ হিসাবে পরিগণিত হ'ল।

এইভাবে পুনর্বহাল না-হলে ও পুলিশে না-থাকলে অপরাধ-বিজ্ঞানের গবেষণা কাজে অপারগ হতাম। এই বিজ্ঞান-বিষয়ের বহু মূলমন্ত্র তাহলে অজ্ঞাত থেকে যেতো। এজন্য টেগার্ট-সাহেবের কাছে আমি কৃতজ্ঞ। তাঁর হাতে-লেখা একটি স্লিপ নিয়ে উত্তর-কলকাতার ডিসট্রিক্ট অফিসে এলাম। এখান হতে ডেপুটি কমিশনার আমাকে থানায় বহাল করেন।

আমার খোঁজে জ্যেষ্ঠতাত রায়বাহাদুর কালীসদয় ঘোষাল আসেন। তিনি বিপ্লবী ভূপতি মজুমদার ও বিপিন গাঙ্গুলির প্রতি সহানুভূতিশীল এই অপবাদে তাঁকে স্পেশাল-ব্রাঞ্চে ডেপুটি-কমিশনার করা হয় নি। প্রতিবাদস্বরূপ তিনি তখন লম্বা ছুটি নিয়েছেন। আমার খোঁজ পেয়ে উত্তর-কলকাতার ডিসট্রিক্ট-অফিসে বসে তিনি কয়েকটি উপদেশ দিয়েছিলেন। যেমন : ইচ্ছা করে বদলি হয়ো না। মদ ও নারী সর্বদা বর্জন করবে। এক কপর্দক ও উৎকোচ গ্রহণ কোরো না ইত্যাদি। পরে বলেছিলেন, ওরা আমাকে স্পেশাল ব্রাঞ্চার ডেপুটি-পদ থেকে বঞ্চিত করেছে, আশা করি দ্রুত প্রমোশন পেয়ে ওই পদে একদিন তুমিই বসবে।'



[ তাঁর উপদেশ আমি সারা জীবন আক্ষরিক অর্থে পালন করেছি। আমি স্পেশাল ব্রাঞ্চের ডেপুটি-কমিশনারও হয়েছি। কিন্তু তখন পূর্বের মতো ওই পদের মর্যাদা ও জৌলুস ছিল না। ]

## বড়বাজার থানা

ভারতের মধ্যে সর্বাপেক্ষা বড়ো থানা বড়বাজার থানা। এক-এক ম্যানসনে মহকুমার মতো লোকের বাস। সেখানে থানার ইনচার্জ গরহাজির। এই থানার কাজকর্ম এমনই যে এখানে তাল-ভাঙা, হার-চুরি, ছেলে-চুরি, গাড়ির ধাকা, কুলি হারানো, বিড-গ্যান্ডলিং, ব্যাংক ফ্রড, বহু অভিযোগ। বড়ো বড়ো থানায় ঘটিবাটি বা ছোটখাটো চুরি গৃহীত হয় না। ওগুলি নথিভুক্ত করে অভিযোগ-কারীদের বিদায় দেওয়ারই রীতি। পেটি থেপ্ট-এনকোয়ারি রিফিউজ করা হয়। দুজন লিগিয়ে-বাবু মামলা লিখে-লিখে হিমসিম।

হঠাৎ টেলিফোন বেজে উঠলো বড়োসাহেব ডায়েরি ও ডেলি-রিপোর্ট দুইই এখনই চান। তিনি রাত্রে কোথায় নিমন্ত্রণে যাবেন। শুক্ল-সাহেবের ডায়েরি লেখা তখনও শেষ হয় নি! কলমের গতি একটু বাড়িয়ে তিনি মুন্সীবাবুকে বললেন, ‘আরে ওঁকে বলে দাও, এখনই ডায়েরি আর ডেলি-রিপোর্ট পাঠাচ্ছি।’

টেলিফোন বেজে ওঠার বিরাম নেই তবু। আগুন লাগার খবর। সেখানে হান্না-বাহিনী ও অফিসর পাঠাতে হবে। ফের বড়োসাহেবের তাগিদ : ডায়েরি ও রিপোর্ট পাঠাও। টেলিফোনের ওপার হতেই তাঁর চিংকার শোনা যাচ্ছে : ‘কি হ’ল ? এখনও পাঠাচ্ছ না কেন ?’ শুক্ল-সাহেব ডায়েরি লেঃ থামিয়ে ছকুম দিলেন : ‘ওঁকে বলে দাও ডাক বহুক্ষণ আগে চলে গেছে। এদিকে শিগগির একজন সাইকেল অর্ডারলিকে তৈরি করো।’ আমি বুঝলাম আশ্বরক্ষার জন্তে এগুলো এক ধরনের কৌশল।

‘বাবুসাহেব : এক নোকর বিশ-হাজার রুপেয়া লেকে ভাগা।’—এক পাগড়িধারী মাড়োয়ারী থানায় ঢুকে বললে, ‘নগীজমে ষাট-হাজার রুপেয়া থে। লেকেন বুড়বাক কো উহো মালুম নেহি...’

‘তুম ক্যা বোলোত ?’—এক অফিসর ডায়েরি লিখতে-লিখতে মুখ তুললেন :

‘এইসেন বাত আছে ? নকোরকো ক্যা নাম ? ডনকো গাঁও কাঁহা ?’

‘উনকো নাম জুজুর’, মাড়োয়ারী লোকটি এইবার একটু বিব্রত হন : ‘উনে নাম বোলা থা...মতিহারী ইয়ে রামহরি। এতোয়ারী-ভি হো শেকথা। উনকো

গাওকো নাম বোলা খা...মতিহারী ইয়ে গাজীপুর। গাজিয়াবাদ-ভি হো শেকখা।’

তারপরই সেখানে একটি কুলি-হারানোর মামলা এসে গেল। চল্লিশ হাজার টাকার জিনিস-সমেত ট্রাক নিয়ে কুলি উধাও। তার নাম ঠিকানা ও নম্বর ফরিয়াদীর জানা নেই।

‘মশাই, মশাই, সর্বনাশ হয়েছে।’—এক প্রৌঢ় বাঙালী থানায় ঢুকে বললেন, ‘আমার নাবালিকা স্ত্রীকে পাওয়া যাচ্ছে না।’

একদল জুয়াড়ীকে ভেড়ার মতো তাড়াতে-তাড়াতে থানায় আনা হ’ল। হাত-গুলো জোড়ে-জোড়ে একসঙ্গে গামছা দিয়ে বাঁধা। দলে পরিচিত কিছু পুরনো পাপীও ছিল। থানার ভিতর ভীড় এবার আরও বাড়লো। গেটের পাহারাদার শাস্ত্রী চিংকার করে জানান দিলো : ‘বড়োবাবু—বড়োবাবু—বড়োবাবু আ গয়া’। এই, সবকোই মু’ সামালকে।’ অথাৎ এবার সবাইকে মুখ বন্ধ করতে হবে আর তিনি মুখ খুলবেন এবং গালাগালি দেবেন।

ইনচার্জবাবু ঘরে ঢুকে তাঁর চেয়ারে বসলেন। ঘরে জুয়াড়ীদের দেখে তাঁর মেজাজ গরম। ‘কে? কে এদের ঘরে এনেছে? আমাকে জিজ্ঞেস করা হয় নি কেন? জানো না যে নরম্যাল ওয়ার্কস সাসপেন্ডেড? শুধু কংগ্রেসী ও পিকেটরদের ধরার হুকুম।’—তারপর চেয়ার থেকে লাফিয়ে উঠে ওদের গালি দিতে শুরু করলেন। অশ্রাব্য গালির পর কিছু শ্রাব্য ভাষা শুরু হ’ল। তাঁর মুখ থেকে সেকেণ্ডে প্রায় কুড়িটি গালি বেরোয়। যেন অটোমেটিক পিস্তলের বুলেট। ফলে সব গালাগালি ফুরিয়ে গেল। তখন একটু দম নিয়ে বিচিত্র-সব শব্দ নির্গত হতে লাগলো : ‘ম্যাডাগাস্কার, ক্যামাসকাটা, হুলুলু’ ইত্যাদি। হঠাৎ একজন ইংরেজ মেমসাহেব ঢুকলেন সেই তোড়ের মুখে। তাঁর অভিযোগ এই-যে দোকানী তাঁকে কিছু পচা আঙুর বিক্রি করেছে।

তবে কখনো গাড়ি থামে, কিন্তু গালাগালি থামানো সহজ নয়। গালি আপন-বেগে পাগল-পারা। অতএব কমপক্ষে দশটি গালি বর্ষিত হ’ল সেই মহিলার উদ্দেশ্যেও। ভাষা সঠিক অনুধাবন করতে না-পারলেও ওটা যে গালি তা বুঝতে তাঁর বিলম্ব হ’ল না। মহিলার সাদা-মুখ রাগে লাল হয়ে উঠলো। এ যে রীতিমত অপমান! তিনি তৎক্ষণাৎ ফোনে ইংরেজ-ডেপুটিকে কিছু বলতে চাইলেন। ইনচার্জ-বাবু প্রমাদ বুঝে স্বর পালটে ফেললেন। তিনি বিনীত ভঙ্গিতে বুঝিয়ে বললেন যে সুব কাজ তো একসঙ্গে করা যায় না, তাই শ্রবণেন্দ্রিয় সজাগ রেখে ওঁর কথা তিনি ঠিকই শুনেছেন কিন্তু বাক-সংঘম করা যায় নি বলে দুঃখিত। প্রকৃতপক্ষে মেমসাহেব

মান্তো বড়ো বলে মুখ ছিল তাঁর দিকে কিন্তু মুখের বাক্যরাশি নির্গত হয়েছে ওই নেটিভগুলোর উদ্দেশ্যে। মাননীয়া মহিলা যেন ক্ষমা করেন।

মহিলা ক্ষমা করেছিলেন এবং ইনচার্জবাবুর দেওয়া লেমনেড পান করে ফিরে গিয়েছিলেন।

আমি সারাক্ষণ দাঁড়িয়ে তাঁর এই কাণ্ড-কারখানা দেখছিলাম। আমার আর বাক্যস্ফূর্তি হতে চায় না। এখান হতে সরে পড়াও সম্ভব নয়। অতএব নির্বাক বসেছিলাম। এবার তাঁর দৃষ্টি পড়লো আমার ওপর। ঘাড় কাত করে তিনি আমাকে দেখলেন এবং ষণ্মারীতি কর্তৃক চড়িয়ে বিবট গজ্ঞন : ‘কে মশাই আপনি ? এখানে কি চান ? কি জন্তে এসেছেন ?’—নির্দোষ স্বাভাবিক জিজ্ঞাসা, কিন্তু কর্তৃক এত চড়া আর উচ্চারণের ভঙ্গি এত কর্কশ যে চমকে যেতে হয়।

আমার আগমনের উদ্দেশ্য বলতে না-বলতেই উপরের কোয়ার্টার থেকে একটি বালক নেমে এসে অফিস-ঘরে ঢুকলো। তিনি চেঁচিয়ে এক অফিসরকে বললেন, ‘রমেশ, এখানে আমরা ‘মুখমিটি’ করছি, বাচ্চাদের অফিস-ঘরে ঢুকতে দাও কেন ? ওরা গোল্লায় যাবে যে ! এগনই ওপরে যেতে বলো।’—তিনি সমাদরে নিজের কাছের একটা চেয়ারে আমাকে ডাকলেন : ‘আসুন মশাই, এখানে বসুন।’

‘আজই গেজেটে আনান্য নাম দেপোছি।’—তিনি বললেন, ‘ডেপুটি-সাহেব ফোনে আমাকে সব বলেছেন। আমার কোয়ার্টারের পাশেই আপনার কোয়ার্টার। হুইপার দিয়ে পরিষ্কার করানো আছে। একটা কমবাইণ্ড হাও কুক বা চাকর রাখবেন। ফার্মিলি থাকলে না-আনাই ভালো। এই কদিন থানা বড়ো গরম। কংগ্রেসীদের পিকেটিং সম্প্রতি বেড়েছে। ডেপুটিদের মাথা তাতে দঃণ উত্তপ্ত। আপনাকে এই পিকেটিং-করা লোকদের ধরার ডিউটি দেওয়া হয়েছে। আপনি এবার জেনারেল ডায়েরিতে লিখুন : ‘জয়েন্ট দিস থানা ( পি. এন. )। মে গড্ হেল্প মী। আজকের দিনটা বিশ্রাম করুন, কাল সকাল ছটার সময় থানায় নামবেন।’

তাঁর নির্দেশমতো কোয়ার্টারের উপরে উঠে বারান্দায় দাঁড়িলাম। হঠাৎ নিচের অফিসে একটা সোরগোল : ‘বড়োসাহেব—বড়োসাহেব—বড়োসাহেব এসেছেন।’ গরুর পালে যেন বাঘ পড়লো। পরক্ষণেই নিচের অফিসে দারুণ চেঁচামেঁচি ও টেবিল ঠোকাঠুকি। বড়োসাহেব থানা-ইনস্পেকসন্স এসে কিছু ভুল ধরেছেন। একটা ছোট ছেনে উপর থেকে নিচে নেমেছিল। সে একবার থানার অফিস-ঘরে উকি দিয়েই দৌড়ে উপরে উঠে মা-কে বললে, ‘মা’ একজন সাহেব এসে বাবাকে বকছে।’—আমি কৌতুহলী হয়ে বড়োসাহেব-জীবটিকে দেখতে নিচ্ছে

নামছিলাম। হঠাৎ দেখি এক অফিসর নিচে হতে দৌড়ে ওপরে উঠছেন। বড়ো-সাহেব একটি থানা-পরিদর্শন সেরে বার হওয়া মাত্র সেখান হতে কোনে খবর এসেছে যে ওই থানার একজন কর্মীকে কাজে গাফিলতির জন্য সাসপেন্ড করা হয়েছে এবং তাঁর গাড়ি এইদিকে ঘুরেছে। তার মানে এখানেও ওই রকম কিছু ঘটতে পারে এই আশংকায় অফিসরটি জেনারেল ডায়েরিতে সিক্ রিপোর্ট লিখে উপরে উঠছিলেন। তাঁর কাগজ-পত্র ঠিকমতো তৈরি হয় নি। আমাকে নিচে নামতে দেখে পথরোধ করে বললেন, ‘মশাই, এখন নিচে নামবেন না। গুঁর সামনে পড়লে পানিসমেন্ট অবধারিত।’

[ কলিকাতা-পুলিশে অ্যাসিসটেন্ট কমিশনারদের বড়োসাহেব এবং তাঁদের উর্ধ্বতন ডেপুটি-কমিশনারকে ডেপুটি-সাহেব বলার রীতি। ওই যুগে বড়োসাহেবের চোখ দিয়েই উপরওয়ালারা অধীনস্থ অফিসরদের বিচার করতেন। ইংরাজ-ডেপুটির। এই দেশীয় অফিসরটির উপর নানা বিষয়ে নির্ভরশীল। নিয়মাত্মকতার নামে গুঁদের তদারকি কিছু কড়া ধরনের হ’ত। আশ্রয়ক্ষার জন্তে দিবারাত্র ব্যস্ত থাকতে হ’ত বলে অধীনস্থ কর্মীদের পক্ষে উৎপীড়ক হওয়ার বা উৎকোচ গ্রহণের সময় বা সুযোগ বিশেষ ছিল না। তবে এই পরিদর্শন প্রায়ই গঠনমূলক না-হয়ে ধ্বংসাত্মক হ’ত। ক্ষমা নামক শব্দটি সম্পূর্ণ অজ্ঞাত। ডেপুটি-সাহেবদের ক্ষমতা তখন বড়োসাহেবরা নির্বিচারে প্রয়োগ করতেন। তবে সেই-সব ক্ষেত্রে ভ্রাস্তি বা গণ-অভিযোগ থাকা চাই। নইলে উর্ধ্বতনরা নিম্নপদস্থদের আনীত অভিযোগেরও বিচারে বসবেন। ]

[ নিঃ স্রঃ প্রথম জীবনের এই-সব অসুবিধা, পদ্ধতি ও প্রকরণ আমার স্মরণ ছিল। আমরা ক্ষমতায় অসীম হলে এগুলি সম্পর্কে সচেতন হই। অধীনস্থ কর্মীদের ভুল শুধরে দিতে সাহায্য করতাম। তাঁদের সকলের প্রতি ব্যবহারের ক্ষেত্রে সৌজন্য-বোধ ফিরিয়ে আনি ও আচরণবিধি সৌষ্ঠবপূর্ণ করে তুলি। তাঁদের পারিবারিক বিষয়েও আমরা সাহায্য করেছি। পারিবারিক ক্ষেত্রে অশান্তি ও অসুবিধা থাকলে সরকারী কাজে কিছু ভুল-ভ্রাস্তি হওয়া সম্ভব। তাঁরা অসংকোচে অসুবিধার কথা আমাদের জানাতো এবং আমরা তাঁদের পরামর্শ দিতাম। ফলে পুলিশী কাজে সহযোগিতা ও দক্ষতা অনেক বেড়ে যায়। ]

সকালবেলা যুনিফর্ম পরে অত্নদের মতো নিচে নামলাম। অফিস-ঘরে জনগণের ভিড় আরও বেশি দেখলাম। একই রকম ঘটনাবলীর পুনরাবৃত্তি মাত্র। ওদিকে আইন-অমান্য আন্দোলন আরও বেড়েছে। থানার উর্ন্তোদিকে সত্ত গড়ে-ওঠা একটি নতুন থানা দেখা গেল। কংগ্রেসীরা ঘর-ভাড়া করে পান্টা থানা করেছেন।

পাবলিক প্রসিকিউটর তারক সাধুর মতামত তখনও আসে নি বলে ওটা ভেঙে দেওয়া হয় নি।

এক অ্যাংলো অফিসর চেষ্টায়ে জনৈক অভিযোগকারী ব্যক্তিকে বললেন, ‘যাও, গান্ধী মহারাজকো থানা যে যাও।’—অভিযোগকারী ভদ্রলোকের বাড়ি থেকে দশ হাজার টাকার গহনা চুরি গেছে। একজন বাঙালী অফিসর বিনয়ের সঙ্গে নতুন স্থাপিত কংগ্রেসী থানা দেখিয়ে দিলেন। (মেদিনীপুর ছাড়া অল্প কংগ্রেসী থানা সফল হয় নি।) পরে ফরিয়াদীর অভাবে সব থানাই আপনা হতে উঠে যায়। অল্প-এক দারোগাবাদু ভদ্রলোককে দরোয়ান রাখার উপদেশ দিলেন। ভদ্রলোক চলে যাবার পর আমি তাকে জিজ্ঞাসা করেছিলাম, ‘আচ্ছা, উনি দরোয়ান রাখার পরও যদি চুরি হয়?’—তিনি হেসে উত্তর দিয়েছিলেন, ‘তাহলে আমরা তাঁকে দরোয়ানের সংখ্যা বাড়াতে বলবো।’

সকলেই তখন ইংরাজ-প্রভুদের সাম্রাজ্য সামলাতে ব্যস্ত। সাধারণ চুরি-ডাকাতি ভদ্রস্তের ব্যাপারে তাঁদের সময় কই। কোন্‌ ফাও হতে জানি না, বাড়তি-কাজের জন্য অফিসরদের ওয়ার-টাইমও দেওয়া হচ্ছে। পদ-নিবিশেষে প্রত্যেক কর্মী তখন গতাস্ত ক্লাস্ত। ফলে, জতি-পরিশ্রমে অনেকেই অসুস্থ। আন্দোলন আরও বেশি-দিন চললে ওদের মনোবল ভাঙতো। একজন কর্তৃপক্ষ অফিসরদের রীতিমত আশ্বাস দিচ্ছেন। পূর্বে একরূপ গার্কলি খটলে তাঁরা বরখাস্ত হতেন। এই সময় অসাধুতা, চুরি, ডাকাতি, জুয়া ও কোকেন ব্যবসা বেড়ে যায়।

সন্ধ্যাকালে বড়োসাহেব যথারীতি থানা-পরিদর্শনে এলেন। প্রত্যেক বন্দীকে তাঁর স্বমুখে হাজির করা হ’ল। বন্দীদের কারো বিরুদ্ধে কোনও অভিযোগ থাকলে তিনি তা শুনতেন। অল্প থানাতেও তিনি এই-রকম সাক্ষ্য-পরিদর্শন করেন। এক থানার সংবাদ শুনে তিনি অল্প থানাকে ওয়াকিবহাল করেন। এভাবে অপরাধীরা পড়লে তিনি তাকে চিনে নিতেন।

আমার সঙ্গে তাঁর ব্যবহার খুবই ভালো। কথাপ্রসঙ্গে জানালেন যে তিনি আমার জ্যেষ্ঠতাতের অধীনে কিছুকাল কাজ করেছিলেন। এখন আমার আপাদমস্তক নিরীক্ষণ করে বুঝলেন যে জ্যেষ্ঠতাতের মতোই আমি বলবান ও দীর্ঘদেহী। আমাকে পছন্দ হওয়ায় তিনি খুশি হয়ে বললেন, ‘তোমাকে দিয়ে আমি উৎকোচ-গ্রহণ বন্ধ করে এই এলাকার নোংরা-আবহাওয়া দূর করবো। তোমার জ্যেষ্ঠতাতের মতো তুমি সন্দেহাতীত অনেকটাই হবে আশা করি। বড়বাজারে প্রথম ও ছোড়াসাঁকোতে দ্বিতীয়বার পোস্টেড হলে জীবনে উন্নতি হয়। তোমাকে এরপূর ছোড়াসাঁকোতে সত্যোনের কাছে পাঠাবো। এই দুই থানায় টিকে গেলে তোমার

উন্নতি অনিবার্হ ।’ তিনি ইনচার্জবাবুকে সম্বন্ধে কাজ শেখাতে বলে আমাকে পিকেটার ধরার ডিউটি দিলেন ।

[ নবীশ-অফিসরদের কাজ শেখানো ইনচার্জ-অফিসরদের পবিত্র দায়িত্ব । ইনচার্জ-অফিসররা তদন্তে বেক্ষবার সময় নবীশদের সঙ্গে নিতেন এবং ডিক্টেট করে ডায়েরি লেখাতেন । খুউব বাছা ও ছুঁদে ব্যক্তিকে থানা-ইনচার্জ করা হ’ত । নবীশদের উপযুক্তরূপে গড়ে তুলতে সক্ষম হলে ইনচার্জদের কৈফিয়ৎ তলব করা হ’ত । ]

পুরানো-যুগ সত্ত-বিদায়ের পর নতুন-যুগের সূচনা হয়েছে । তাঁর স্মৃতিস্বরূপ প্রবেশ-পথে হেড-জমাদারের পুরু তক্তাপোষ ও তার উপরের গদী তখনও দেখা যায় । গদীর উপর একটি নিচু ডেসকে নথী রেখে তাকিয়া ঠেসান দিয়ে গুঁরা গডগড়ায় মুখ রেখে বসতেন । এরকম ব্যবস্থা থানার অফিস-ঘরে অফিসরদের জগুও ছিল । ছোট জলচোকির উপর নথী রেখে ভূষি-কালি ও সরের কলমে তক্তাপোষে আসন-পিঁড়ি হয়ে বসে লেখালেখির কাজ হ’ত । এখন সেখানে কেদারা ও সেজ অর্থাৎ টেবিল-চেয়ারের ব্যবস্থা । সম্প্রতিকালেও এই সব লেখালেখি বাংলার বদলে ইংরাজিতে হয় ।

তখনও থানার কাজে বহু দেশজ শব্দের ব্যবহার ছিল । যেমন : পেটি অর্থাৎ বেল্ট, উর্দি, তদন্ত, দারোগা, কৈফিয়ৎ, গাফিলতি, সরেজমীন তদন্ত, থানা-তল্লাস, দায়রা-আদালত, টুলি অর্থাৎ ট্রুপ, সেরেস্তা, হাজতঘর, মেয়াদ, লালকেতাব অর্থাৎ স্ট্যাটিস্টিকস্, হাতকড়ি, মুন্সিবাবু, ময়না-তদন্ত অর্থাৎ পোস্টমর্টম, চেরাই-ঘর অর্থাৎ মর্গ, হুন্স, সোপার্দিকরণ, গ্রেপ্তার, অকুস্থল প্রভৃতি । এমন-কি ইংরাজি শব্দগুলিকেও সিপাহী জমাদাররা নিজস্ব ভাষায় আত্মসাৎ করেছে । যেমন : পিনসিন, রোঁদ অর্থাৎ রাউণ্ড সাসপিন, দলীল অর্থাৎ ড্রিল ইত্যাদি । প্রতিটি থানা-অঙ্গনে ওরা একটি বটগাছ, শিবলিঙ্গ ও কুস্তির আখড়া তুলবেই । এ বিষয়ে ওদের রুখবার ক্ষমতা কর্তৃপক্ষের কারোরই নেই ।

দরবার করে থানায় উৎকোচ বা উপদোকন গ্রহণের রীতি আর নেই । শুনলাম, পূর্বে কোকেন ও জুয়ার ডেন্ হতে টাকা তুলে বিচিত্র ভাগে শেয়ার ভাগ হ’ত । যেমন : লায়ন শেয়ার, টাইগার শেয়ার, লেপার্ড শেয়ার, জ্যাকেল শেয়ার ও তার-পর ক্রমানুসারে ক্যাট, র্যাট ও ব্যাট শেয়ার । লায়ন অর্থাৎ সিংহ ভাগ নির্দিষ্ট বড়োসাহেবের, টাইগার—ছোটসাহেবের লেপার্ড—বড়োবাবুর এবং তারপর যথাক্রমে মেজ সেজ ছোট ও মুন্সিবাবুর মধ্যে বাকি শেয়ারগুলি ভাগ হ’ত । আমি ছোটবাবু অর্থাৎ মর্বাদার দিক থেকে র্যাট, যদিচ কোনোদিনই ওদের

তালিকাভুক্ত হইনি। রাড্রে রোঁদে বেরিয়েকোকেন ডেন পরিদর্শন করে সকলেই প্রাপ্য গ্রহণ করতেন ছোটো-বড়ো পদমর্যাদা অমুখ্যায়ী; কুড়ি দশ পাঁচ বরাদ্দ হিসাবে। কারো-কারো কাছে জুয়াড়ীরা শীল-করা খামে প্রাপ্য পাঠিয়ে দিতো। সিপাহী-জমাদাররা ঠাট্টা করে এঁদের বলতো : ‘খানেগুয়ালা বাবু।’

কংগ্রেসী আন্দোলনে উর্বরতনরা ব্যস্ত থাকার ফলে তদারকী-ব্যবস্থা অব্যাহত থাকে নি। এজ্ঞা কিছু কর্মী অধঃপতিত হওয়ায় একরা ঘটনা মধ্যে-মধ্যে ঘটতো। রাজনৈতিক আন্দোলনে পুলিশ-কর্মীদের আশঙ্কা দিলে এরকম অবস্থা হয়ে থাকে। এজ্ঞা বহুদেশে সাধারণ-পুলিশকে রাজনৈতিক আন্দোলন-দমনে নিযুক্ত করার রীতি নেই।

কিছু পুলিশ-কর্মী এই সুযোগে প্রলোভন ইত্যাদির শিকার হন বটে কিন্তু অল্প-দিকে ওঁরাই আবার বহু প্রশংসীয় গুণের অধিকারী ছিলেন। চোর ও গুণ্ডাদের প্রতি তাঁরা অত্যন্ত কঠোর ও নির্দয়, কিন্তু ভদ্র-গৃহস্থদের সেবায় তাঁরা কখনও কপর্দকও টংকোচ গ্রহণ করেন নি। বরং দরিদ্র ও অনাহারী ব্যক্তিদের কিছু কিছু দানদান করেছেন; জুয়া ও কোকেন ব্যবসাস্ফেত্র হতে ওঁরা কেউ-কেউ অর্থের ভাগ নিতেন, ছুর্বৃত্তদের এই-সব স্থানে আনাগোনা থাকায় তাদের জানতেন ও চিনতেন। এজ্ঞা পোত দ্রব্যাদি দ্রুত উদ্ধার করে অপরাধের কিনারা করতে সক্ষম ছিলেন। অবশ্য কোকেন জুয়া ও সরাবের দ্রুত অপপ্রত্যক্ষ অপরাধ বাড়তো ও গৃহস্থেরা ক্ষতিগ্রস্ত হ’ত।

[ ওঁদের বৃহৎ গুণ এই-যে ওঁরা নারীদের সম্মান করতেন ও শিশুদের অত্যন্ত ভালোবাসতেন। হারানো শিশুরা মপ্তাহ-ভর খানায় থেকেছে; ওঁদের খেলনা আহার ওঁরা কিনে দিতেন। খোঁজাখুঁজি করে ওঁদের অভিভাবকদের ঢাকা হ’ত। হারানো-শিশুদের সংবাদ তৎক্ষণাৎ প্রতিটি খানায় জানানো হ’ত। প্রতিদিন জমাদার ওই শিশুদের সঙ্গে বোরয়ে তাদের বাড়ির হদ্দিস নিতো। ]

কিন্তু টেগাট সাহেবের সরেজমীন দৌরাগ্যোর ফলে এইভাবে উৎকোচ-গ্রহণ বন্ধ হয়ে যায়। আমার জ্যেষ্ঠতাত ও অতেরা এবিষয়ে তাঁকে সাহায্য করেছিলেন। একবার বড়োদিনে আতর ভিজানো তুলো ধুনে সিন্ধের ওয়াড় দিয়ে লেপ তৈরি করে অফিসররা অল্প দ্রব্যাদি সহ মিছিল করে জর্নৈক ইংরাজ-ডেপুটিকে উপহার দেন। চালস টেগাট অল্প সময়ের মধ্যে তা জে. টেলিফোনে সেই ডেপুটিকে দূর-স্থানে বদলি করেন।—কোনও এক নিম্নপদস্থ কর্মী জুয়াড়ীদের ধমকে ধমকে বলেছিলেন, ‘কাহে নেহি কাম চালাতা? এই লেও’ রূপোয়া। চালাও।’

ভদ্রলোকের এইভাবে দানদান দিয়ে এলাকার মধ্যে জুয়ার আড্ডা বসানোর সংবাদ

তার কাছে পৌছতে বেশি দেরি হয় নি। তিনি মাত্র সন্দের বশবর্তী হওয়ায় তাঁকে কর্মচ্যুত করেছিলেন।

[এই পাপ কর্মগুলি শহর হতে উচ্ছেদ করতে প্রভাত মুখার্জি, সত্যেন মুখার্জি সহ আমাকে ও অন্য একজনকে নিযুক্ত করা হয়েছিল। আমরা সবাই মিলিত প্রচেষ্টায় এই কর্মগুলি এলাকা হতে সম্পূর্ণরূপে উচ্ছেদ করেছিলাম। তার পরোক্ষ প্রভাবে শহর হতে অপরাধের সংখ্যা অত্যন্ত কমে যায়। আমার বৃহৎ প্রতিবেদনের পর সরকার ডেপুটি ম্যাজিস্ট্রেট এ্যাক্টি বিধিবদ্ধ করেন। কোকেনের প্রত্যক্ষ কুফল সম্বন্ধে এই প্রতিবেদনটি ছিল আমার একটি উল্লেখযোগ্য খসিস।]

খানার বড়োবাবু আমাকে অনেক কিছু বললেন ও শোনালেন। তিনি একটি পুলিশী প্রবাদ উল্লেখ করে বলেছিলেন, ‘কাক কখনও কাকের মাংস খায় না। খানার ভিতরের খবর খেন বাইরে না যায়। এখানে দেওয়ালেরও কান আছে। অতএব চোপ আর কান খোলা রাখবে কিন্তু মুখ বন্ধ রাখবে সর্বদা। মুকুব্বীর জোর যতোই থাকুক কর্জেন্টের আশ্রয় কদাচ নয়। এখানে ক্ষমা নামক কোনো বস্তু নেই। বাগে পেলে কেউ কাউকে ছাড়ে না।’

ইংলিশ স্কুল শিক্ষা আমার শেষ হ’ল। এবার ফিল্ড ওয়ার্ক-এ যেতে হবে। বড়োবাবু আমাকে সঙ্গে নিয়ে বেরলেন। চিংপুর রোড ধরে আমরা এগিয়ে চলেছি। রাস্তার দু’ধারে টোটে-রঙ গালে খড়ি পরনে সস্তা জাপানী সিকের শাড়ি শীর্ণকায়া হত ভাগিনীরা অপেক্ষারতা। এ অঞ্চলে আমি আগে কখনও আসিনি। বড়োবাবুকে জিজ্ঞেস করলাম, ‘এরা কারা?’—বড়োবাবু আমার দিকে তির্যক দৃষ্টিতে তাকালেন এবং পার্টা প্রশ্ন করলেন এই-যে, আমার বয়স কতো এবং আমি কতোদিন এই শহরে আছি। আমি উত্তর দেবার আগেই একজায়গায় একটা ভিড় দেখে তিনি ঠেঙাতে শুরু করলেন। শুনলাম, গুরা টপ্কা ঠগীর দল। শিকারের জন্য এখানে অপেক্ষা করছিল। আমাদের সাথী হাফ-উর্দি সিপাহীর দল ওদের কজনকে ধরে বেঁধে ফেললো।

বড়োবাবু এবার আমাকে বুঝিয়ে বললেন, ‘ঠেঙাতে মায়া করবেন না। নচেৎ এলাকার ক্রাইমের সংখ্যা বাড়বে। তাতে উপরতনদের কৈফিয়ত দিতে হয়। তবে লোক চিনে ও বুঝে ও-সব করতে হয়। স্লেট-পরা ঠগীও কিছু-কিছু খানায় আসে। আগাঙ্ক বড়ো অফিসর নাকি মামুলি ব্যক্তি, ইনসিওরেন্সের এজেন্ট নাকি সে এক প্রতারক তা তীক্ষ্ণ দৃষ্টিতে বোঝা চাই। প্রয়োজনে বুড়ি বুড়ি মিথ্যা কথা বলবে। গুটা হচ্ছে একধরনের ট্যাক্ট অর্থাৎ কায়দা। গুর মধ্য হতে এক বুড়ি যত্নে সংগ্রহ করে রাখবে কোয়াটারে জীর নিকট পান্নাইয়ের জন্তে। ক্লিয়ার?’



আমি বিধিবদ্ধ আইনের 'প্রশ্ন তুললে তাঁর ব্যাখ্যা : 'ন' আর মেনি বাট ফিউ আর ফলোড্'। অনেকটা বস্তুটা ইন্-পারপাস থাকলেই হ'ল। ন'-এর ওয়াডিঙ না-নিয়ে ওর স্পিরিটটা শুধু নেবে। মামলা সত্য বোঝার পর সাক্ষীর অভাবে যেন মুক্তি না পায়। মোড়ে-মোড়ে পানওয়ালা, ভুজাওয়ালা ও গরীব বাড়িওয়ালা আছে। প্রয়োজন-মতো ওদের সাহায্য নেবে। উন্নাসিক ভদ্রলোকের কোনও সাহায্যেই আসে না। এক-পা থানায় আর অন্য-পা জেলখানায় রেখে আমরা কাজ করি।' এ-সব তত্ত্বখায় আমি মূষড়ে পড়েছিলাম। বড়োবাবু-আমার পিঠ চাপড়ে বলে-ছিলেন, 'ডোন্ট ওয়ি। ভূমি ঠিক টিকে যাবে।'

রাস্তার ওপারে রঙমাপা নারীরা পুলিশ দেখে ঘোড়দৌড় শুরু করে দিলো। কেউ আছড়ে ফুটপাতে পড়লো, উঠে আবার মে দৌড়ায়। পুলিশ তাদের জাপটে ধরে একজায়গায় ঝড়ো করে। একজন ঘরের তক্তাপোষের নিচে লুকিয়েছিল। তাকে পাজাকোয়া করে বাইরে আনা হ'ল। চোখের জল ওদের গাল বেয়ে গড়িয়ে পড়ছে। কিন্তু মূষে প্রতাবাদের ভাষা নেই। হতভাগিনীরা দরিদ্রতম রূপোপ-জীবনীর দশা। অভিজাত মেষ্ঠা-রমণীদের মতো এদের বাঁধা উকীল নেই। এরা খরিদারের অপেক্ষায় রাস্তার ধারে দাঁড়ায়। তাই রাস্তাবন্দীর অপরাধে অপরাধিনী। মোক্তার ও দাশাল এসে ওদের জামিন হবে। কোটে গিয়ে পরদিন এরা জরিমানা দেবে। দৈনিক উপার্জনের দশগুণ গুণাগার। ফলে তাদের উপর্যুপরি কয়েকদিন অনাহার। বাড়িউনির কাছে দেহগুণ শুধু বন্ধক থাকবে। সেই দেনা বহুকাল পরিশোধও হবে না। ওদের হাড়-জিরজির দেহ। হাত দিলে ব্যথা লাগে। এই-সব পেটিকেস হতে সরকারের বড়ো-রকম আয়। থানার স্ট্যাটিসটিকস্ ঠিক রাখতে হলে এর প্রয়োজন। মামলার সংখ্যা কমলে কর্তৃপক্ষের নিকট ডাবাবুকে কৈফিয়ত দিতে হবে।

আমি এই কুলটা নারীদের প্রাতঃসহাযুতিশীল হয়ে পড়ি। শীতের রাতে ওদের গায়ে পাতলা শাড়ি আর পুলিশ মোটা বনাতের ঝড়ারকোট পরে ওদের ধরেছে, শীতে এবং ভয়ে ওরা কাঁপছে। রাত দশটা পর্যন্ত রাস্তায় দাঁড়িয়ে দু-টাকাও উপার্জন হয় না। পুলিশের সন্মার ভয়ে প্রধান খরিদার মুটে-মজুরেরা ও-পথ মাড়ায় না।

থানায় পশুশ্রেণি নিবারণী অর্থাৎ ঘা-ওয়ালা পুলিশকে ( সি এস পি সি এ ) দেখেছি। গবাদি পশুদের জন্য এক শ্রেণী লোক চিন্তা করে। কিন্তু এই পশুদের প্রতি সকলের শুধু ঘৃণা ও অবজ্ঞা। এদের পুনর্বাসনের বা আশ্রয়ের চিন্তা কারোরই নেই। আমার মনোভাব ও বিষয়তা বড়োবাবুর নজর এড়ায় নি। তিনি অল্পক্ষণ কি-যেন ভাবলেন তারপর একটু ইতস্তত করে জমাদারকে বললেন, 'এই ছোট-

বাবু বহুৎ ঘাবড়া গয়া। আজ উনলোককো ছোড় দেনে বোলো।’—ছাড়া পেয়ে চটিজুতোর পটপট শব্দ করে ওরা দৌড়ে ঘে-ঘার ঘরে ঢুকলো। ওদের ছেড়ে দিতে পেরে সিপাহীরাও খুশি। (পরে, চেষ্টা করেও আমি এই প্রথা উচ্ছেদ করতে পারি নি।)

প্রতিদিন থানায় দলে-দলে ফুটপাত-অবরোধী সর্জাওয়াল ফলওয়াল ফুচকা-ওয়াল ভুজাওয়াল প্রভৃতিকে সিপাহীরা ধরে এনে হস্তাপূর্তি করে। ঝুড়ি ও চুবড়িতে থানার মেঝে গুলি ভর্তি। পচনশীল দ্রব্য থাকায় ওগুলো থানাতেই নিলাম হবে। উচিত-মূল্যের সিকিভাগও ওঠার সম্ভাবনা নেই। ওগুলো সবই আইনমত বাজ্যেয়াপ্ত হয়ে গেল।

আদালতে ‘হাঁ’ বলবার আগেই ওদের জরিমানা হয়ে যায়।

‘আসামী মাথুরাম বাপকো নাম নাথুরাম রাস্তামে ফল বিক্রি কিয়া?’

‘নেহী হুজুর’

‘দো রুপেয়া’

কোথাও কমা পূর্ণচ্ছেদ নেই। এক বাক্যে ও এক নিশ্বাসে বিচার শেষ। বেশি কথা কইলে জরিমানার বহর বাড়ে। মামলা লড়লে পড়তা পোষায় না। তাই সকলে দোষ কবুল করে ঝাট্টা এড়ায়। এটা ওদের কাছে ফুটপাত ভাড়ার মতো। আমি বড়োবাবুকে এই বিষয়ে কিছু বলেছিলাম। ফুটে বসার আগেই তো ওদের সরানো যায়। ভোরবেলা লোক পাঠিয়ে তাড়ানো হয় না কেন? এতদিনে তাহলে ওরা বিকল্প জীবিকার সন্ধান করতো এবং পেয়ে যেতো। এখন অযথা পুনর্বাসনের প্রশ্ন উঠবে। পথ-অবরোধ বন্ধ করার এখন একটিমাত্র উপায় ক্রেতাদের ধরে থানায় আনা। তাহলে ক্রেতার অভাবে ওরা এমনি অন্ত্র চলে যাবে।

বড়োবাবু একটু ভেবে আমাকে তত্ত্বকথা ভুলে যাবার জ্ঞান দিলেন। তিনি আরও বললেন যে আমি ওয়েলার্স হর্স। কিন্তু এখনও যথাযথভাবে ব্রেক পাইনি।—আমি অবাক হয়ে ভাবি যে ফুটপাতে বসতে দেবো অথচ তারপর ধরবো। মদ যথেষ্ট বিক্রি করবো, অথচ মাতালহলে তাকে ধরবো, এ কেমন রীতি। বড়োবাবুর মতে ওগুলো সরকারের দ্বিমুখী আর্থিক আয়ের ব্যবস্থা মাত্র।

[ক্ষমতায় আমার পর আমার এলাকায় মুচী ও নাপিত গ্রেপ্তার বন্ধ করি। পরে কর্তৃপক্ষ প্রয়োজনীয়তা বুঝে ওদের পথ অবরোধের আওতা থেকে মুক্তি দেন।] হঠাৎ আমার থানার কাজ শেখা বন্ধ হ’ল। আমাকে পিকেটিঙ ডিউটিতে না-দেওয়ায় কর্তৃপক্ষ রুষ্ট। শুনলাম, ‘আই অ্যাম আনডার ওয়াচ।’ পরদিন হতে সদানুশং ও মনোহর দাস কাটরা অঞ্চলদ্বয়ে আমার ডিউটি পড়লো।

বিঃ দ্রঃ—বড়বাজারে মহিলা ও বালক-পিকেটারদের সংখ্যাই বেশি। অ্যাংলো-সার্জেণ্টদের বিরুদ্ধে অশালীনতার কিছু অভিযোগ আসে। এজন্য একজন সচরিত্র ও ভদ্রকর্মীকে এই কাজে নিযুক্ত করার হুকুম। কিন্তু এজন্য আমাকে কেন বাছা হ'ল তা বুঝলাম না। আমি নিজে যা-দেখেছি ও করেছি এবং যা-শুনেছি তা-ই মাত্র এখানে উল্লেখ করবো। কলকাতা-সহ বাংলার অন্ত্রও এরকম ঘটনাই ঘটে থাকবে। এ হতে আইন-অমাণ আন্দোলনের একটি নিখুঁত চিত্র পাওয়া যাবে। বড়বাজার তখন ভারতের সর্বপ্রধান বস্ত্র-ব্যবসায় কেন্দ্র। এখানকার প্রতিটি ঘটনার প্রতিক্রিয়া সমগ্র ভারতে পড়তে বাধ্য। বোধে আমেদাবাদ প্রভৃতি দেশীয় বস্ত্রের মিলগুলি তখনও যথেষ্ট জোরদার নয়। বিলাতী বস্ত্রের প্রতিযোগিতায় তারা টিকে থাকতে চায়। তাই বড়বাজারের আন্দোলনে তারা কেউ-কেউ যথেষ্ট টাকা দিতো। মেদিনীপুর প্রভৃতি অঞ্চলে এই আন্দোলন দেশপ্রেমের সঙ্গে যুক্ত। কিন্তু বড়বাজারে অর্থনৈতিক স্বার্থ জড়িত। তবু ব্যবসায়ীরা মজুত-মাল নষ্ট হতে দেবে না। ওদিকে ম্যাগেস্টারের স্বার্থে ব্রিটিশ-শাসকরা উদগ্রীব। তাই মূল সংঘাত বড়বাজারের বিপণন কেন্দ্রগুলিতে বেশি হয়।

## আইন অমাণ

এইদিন থানায় বহু কংগ্রেসী পিকেটার বালকদের ধরে আনা হয়েছে। তাদের মধ্যে অনেকেরই বয়স দশ-বারো মাত্র। উঁচু লরীতে তারা নিজেরা উঠতে পারে না। দু'হাতে এক-একজনকে তুলে লরীর ভিতর ছুঁড়ে দেওয়া হচ্ছিল। ভিতরের পাটাতনে পড়ে ওরা যন্ত্রণাদায়ক কঁোক কঁোক আওয়াজ করছে। লরী ভর্তি হলে ওদের কোনও দূরখানে ছেড়ে দেওয়া হবে। কারণ জেলখানায় আর তিল-ধারণের জায়গা নেই। গন্তব্য স্থানে নিয়ে গিয়ে এমনি করে আবার পথের ওপর ছুঁড়ে ফেলা হবে। আমি এতটা সহ্য করতে না-পারায় অ্যাংলো-সার্জেণ্টদের সঙ্গে কলহ শুরু হ'ল। একজন সার্জেণ্ট তো চেষ্টায়েই বললে, 'দেন্ জয়েন দি আদার ক্যাম্প।' বড়োবাবু আমাদের উভয়কে শাস্ত করে আমাকে একান্তে ডেকে বললেন, 'মাথা গরম কোরো না। সাহেবদের কানে উঠবে। গোপন নথীতে দাগ পড়বে : সিমপ্যাথেটিক।'

থানা-বাড়িতে একদিকে কংগ্রেসী পিকেটার ও অন্যদিকে সাধারণ আসামী। খোঁয়াড়ের হাঁসমুর্গির মতো ঠাসাঠাসি সকলে মেঝের উপর বসে। সাধারণ আসামীরা দলে-দলে জামীনে বেরিয়ে গেল। কিন্তু কংগ্রেসী পিকেটারদের কেউ

জামীনে মুক্তি চায় না। তাঁরা জেলগুলি ভর্তি করতেই এসেছেন। তাঁদের স্থান সংকুলানের জন্য চোর ও বদমায়েসদের ছেড়ে দেওয়া হচ্ছে। জেলে পাঠানোর আগে পঞ্চাশ-ষাটজন পিকেটার সকলেরই বিবৃতি লিখতে হবে।

কিন্তু কাজটি অত্যন্তেই দুরূহ হলেও এঁদের বেলায় খুবই সহজ। এঁরা নিজেদের নামটি শুধু বলবেন, পিতার নাম ও ঠিকানা উহঁ থাকে। অতএব শুধু একটি করে ইংরাজি ছত্র লিখলেই কাজ শেষ। নিচে মন্তব্য : ‘দে রিফিউজড্ টু মেক্ স্টেটসমেন্টস।’ অর্থাৎ এঁরা কেউ বিবৃতি দিতে রাজী নন। পঞ্চাশ-ষাটটি নাম লিখে মাত্র দুটি পাতায় ডায়েরি লেখা শেষ হ’ল।

সার্জেন্ট সাহেব কিন্তু আমার নামে রিপোর্ট করেছিলেন। ইংরাজ ডেপুটি-কমিশনার আমাদের উভয়কে ডেকে পাঠালেন এবং বললেন, ‘ডোট কোয়ার্লস্ অ্যামঙ্গ ইয়োরসেল্ফ।’—সার্জেন্ট সাহেব আমার সঙ্গে সেকথাও করে বললেন, ‘ফরগত অ্যাণ্ড ফরগেট।’—ট্রীমে-বাসে আমাদের দুজনের মধ্যে কিছুটা আলাপ হ’ল। উনি তাঁর ইংল্যাণ্ডবাসিনী মায়ের কথা শোনালেন। ভারতে আসার সময় তাঁর মাকি দুটি উপদেশ দিয়েছিলেন। উপদেশ দুটি হ’ল এই : ‘কিপ্ ই ওর হেড কভার্ড অ্যাণ্ড ই ওর বাওয়েলস্ ক্লিন্ড।’—মাথা ঢেকে রাখবে এবং কোষ্ঠ পরিষ্কার রাখবে।

সদাশ্রুণ ও মনোহরদাস কাটিরার বিলাতী বস্ত্রের দোকানগুলিতে পিকেটারদের দৌরাড্যা বেশি। সমগ্র ভারতে এখান থেকেই বিদেশী বস্ত্র সরবরাহ হয়। দোকান-গুলিকে অবরুদ্ধ করে রাখাই তাদের উদ্দেশ্য। তাহলে অস্ত্র-কোথাও বিলাতী বস্ত্র-পাঠানো সম্ভব হবে না।

কিন্তু আশ্চর্য্য এই-যে পিকেটিঙের স্থানে প্রাপ্তবয়স্ক কোনও পুরুষ নেই। কেবল নারী ও শিশু, বালক ও কিশোর। বহু নারীর জোড়ে শিশু। বয়স্করা ইতিমধ্যে জেলখানা ভর্তি করেছে। মেদিনীপুরের বহু নারী ট্রেন-বোঝাই হয়ে শহরে আসে। বাকী গুজরাটী নারী আর বাঙালী মহিলা।

শহরের মধ্যে বহু হল ও ঘর ভাড়া নেওয়া হ’ত। এগুলোকে বলা হ’ত—সিক্রেট ক্যাম্প। এই-সব ক্যাম্পে বালক ও কিশোরদের এনে জমা করা হ’ত আর এখান থেকেই তারা পিকেটিঙে বেরুতো। ধরা না-পড়লে ফিরে আসতো এই-সব ভাগ্যগতেই এবং পরদিন আবার পিকেটিং। ওদের আহাির কারা যোগাতো কেউ তা জানে না। এই সিক্রেট ক্যাম্প আবিষ্কার করতে পারলে অফিসররা ক্যাম্প-প্রতি একশ টাকা বকশিস পেতেন।

বিঃ দ্রঃ—আমি খবর পেয়ে অস্ত্রদের সঙ্গে ভোররাত্রে একটি সিক্রেট ক্যাম্পে হানা

দিয়েছিলাম। একটি হল-ঘরে কজন কিশোর ধরা পড়ার পর আর কাউকে পাই নি। ওদের কিছু বালক হজুগে মেতে এসেছিল। গৃহ-পলাতক বালকের সংখ্যাও কম নয়। একজন তার বন্ধুকে ফেলে জেলে যেতে চায় নি। সে আমাকে চুপিচুপি ছাদের অগ্নি এক কক্ষে যেতে বললে। সেখানে গিয়ে আমরা তার বন্ধু-সমেত আরও আটজন বালককে ধরতে পেরেছিলাম।—কিন্তু ওই হল-ঘর কারা ভাড়া করেছে তা বহু চেষ্টা সত্ত্বেও জানতে পারি নি।

মহিলারা কিন্তু এভাবে একস্থানে জমায়েত থাকতো না, অগ্নি কোথা হতে আসতো। বয়স্ক-পুরুষেরা তাদের লরী-ভর্তি করে ভোররাত্রে আনতো এবং সুবিধাজনক স্থানে নামিয়ে দ্রুতগতিতে সরে পড়তো। তাদের কেউ-কেউ ট্রামে-বাসেও আসতো। কিন্তু বাড়ির ঠিকানা তারা কখনও কাউকে দেয় নি।

ওঁর সকলেই নিরুপদ্রব অসহযোগী ও আইন অমান্যকারী। ওঁদের গ্রেপ্তার করে থানার ঠিকানা বলে দিলেই হ'ল। সঙ্গে করে কাউকে থানায় যাবার প্রয়োজন নেই, বরং নিজেরাই সংশ্লিষ্ট থানায় উপস্থিত হতেন।—একদিন এই প্রথার ব্যতিক্রম ঘটলো। দোকান-মালিকের নিয়োজিত পুলিশরা বিলাতীবস্বের গাঁট ঝেলাগাড়িতে তুলছে, একদল হিন্দীভাষী মহিলা তাদের আটকে দিলেন। তাঁরা গ্রেপ্তারও হবেন না। মহিলাদের গায়ে হাত দেবার রীতি নেই। অথচ তাঁদের গ্রেপ্তার করতে হবেই। দূর হতে অ্যাংলো-সার্জেন্টরা আমাকে ওয়াচ করছে। কাছেই বাঙালী মহিলাদের একটি দল পিকেটিং করছিলেন। কিছু নাথালিকা এবং শিশুকোড়ে মহিলাও-আছেন সেই দলে। তাঁদের নেত্রীদের নিকট আমি সাহায্য চাইলাম। গান্ধীজীর নীতির বিষয়েও আমি তাঁদের বোঝানো।

নেত্রীদ্বয় মোহিনী দেবী ও প্রতিভা দেবী এসে ওঁদের কিছুটা বকলেন। ওঁদের সাহায্যকারিণীদেরও আমি পুলিশ-ভানে তুললাম। জনৈক বৃদ্ধা উঁচু ভ্যানগাড়িতে উঠতে পারছিলেন না দেখে তাঁর সাহায্যার্থে একটি নিচু ট্রল এনে দিলাম। এক-জনের একপাটি স্লিপার ভ্যান হতে নিচে পড়ে গেল। চতুর্দিকে তাকিয়ে দেখলাম যে কেউ দেখছে কিনা তারপর চট করে স্লিপারটি গাড়িতে তুলে দিলাম।

এই সময় থানার এক উপরতন-অফিসর পরিদর্শনে এলেন। জেলখানা থেকে আপত্তি এসেছে সেখানে ছোট শিশু বা কন্ডমসী বালক যেন পাঠানো না হয়। এই সাহেব একজন বাঙালী মহিলাকে বললেন, ‘আপনার খোকার বাবার নাম বলুন। খোকােকে তাঁর কাছে রেখে আসবো।’—কিন্তু ভদ্রমহিলা স্বামীর নাম বা বাড়ির ঠিকানা বলতে অস্বীকার করলেন, তিনি ওই শিশুপুত্র কোড়েই জেলে যেতে বন্ধপরিকর। অফিসরটি ভীষণ রেগে চোঁচিয়ে উঠলেন, ‘এই কে আছো, এ-

দিকে এসে। বাচ্চাটাকে ট্রায়ের তলায় ফেলে দাও।’—ভদ্রমহিলা শিউরে উঠেও সামলে নিলেন। অকম্পিত কণ্ঠে বললেন, ‘ঠিক আছে। তাই হোক। গোলামের সংখ্যা না-ই বাড়লো।’—একটি বালক তার মাসীর ঝাঁচল কিছুতেই ছাড়বে না। সে কান্না শুরু করে দিলো। মাসীর সঙ্গে সে জেলে যাবে। জর্নেক সার্জেন্ট তার সেই ঝাঁচল চেপে-ধরা হাতে উপযুঁপরি বেত্রাঘাত করলো। তবু সে হাত সরালো না। এদিকে জেলখানায় দারুণ স্থানাভাব। অতীতকালে বালক ও শিশুরদল জেলে যাবার জন্যে আবদার ও কান্না আরম্ভ করেছে। বলা হ’ল যে পরদিন তাদের জেলে পাঠানো হবে, তবু তারা থানা পরিত্যাগ করতে চাইলো না। তখন তাদের কলার গুঁতো দিয়ে ঠেলে থানা থেকে বার করে দেওয়া হ’ল।

আ্যাংলো-সার্জেন্টরা ঠেঁঙাতে ওস্তাদ হলেও ফরিয়াদী হতে নারাজ। পরদিন শাস্তি আদালতে থাকতে হবে। সাক্ষী দিয়ে ফিরতে দেয়ি হয়ে যায়। তাতে তাদের বলড্যান্স ও ককটেল পার্টি মাটি। বড়োই অসুবিধা। তবে আদালতে অভিযুক্তদের কেউ বড়ো-একটা আত্মসমর্থন করেন না। সংশ্লিষ্ট পুলিশ-কর্মীর জেরাহীন সাক্ষাতেই তাদের ছমাস জেল।

থানায় নাবালক-সাবালক বাছাও মুশকিল হচ্ছিল। সেজ্ঞা মাপকাঠি হিসাবে একটি কচি বাঁশ আড়াআড়ি টাঙানো হ’ল। কারো মাথা তাতে আটকালে তাকে তাড়িয়ে দেওয়া হ’ত। কিন্তু যাদের মাথা ঠেকে গেল তাদের সাবালক বুঝে ঠেঁঙিয়ে হাজতে পূরে দেওয়া হ’ল। গান্ধীজীর মনঃসমগ্র দেশটাই তখন জেলে যেতে উৎসুক। এদিকে-জেল-কর্তৃপক্ষ বারে বারে বলে পাঠাচ্ছেন : ‘ঠাই নাই ঠাই নাই ছোট এ তরী।’

প্রতি সন্ধ্যায় বহু মহিলাকে থানায় আনা হয়। নিজেদের বায়ে তাঁদের ও তাঁদের বাচ্চাদের চা লস্টি মিষ্টি ও লড্জেন্স দিই। টেবিলের চতুর্দিকের বিশখানি চেয়ারে লাল নীল ও সবুজ শাড়িতে ভিতি হয়ে যায়। পরের দিন ওদের কোর্টে পাঠানো হবে। আত্মপক্ষ সমর্থন না করলে ওদের প্রত্যেকের ছমাস জেল বরাদ্দ।

[ কোনও পিকপকেটার ধরা পড়লে সে বলতো : ‘হুজুর, হামকে পকেটমারীমে মাত ভেজিয়ে, হাম লোককো পিকেটিংমে দে দিয়ে। ইস্‌মে ভী ছ’ মাহিনা উসমে ভী ছ’ মাহিনা, লেকেন উসমে খানা আচ্ছা মিলতা।’ ]

ফুটফুটে চৌদ্দ বৎসরের এক বালিকা মহিলাদের মধ্যে ছিল। তার উপর আমার থকটু মায়া হ’ল। তাকে এক বাটি দুধ খাওয়ানাম ও বললাম, ‘খুকি, বাড়ি যাও। তোমাকে আমরা চাই না। জেলে গেলে তোমাকে কেউ বিয়ে করবে না।’

—আমি ভালো মনে কথাগুলি বললেও বালিকাটি ক্ষেপে উঠে বললে, ‘আমার

ওপর এতো দরদ কেন ? গভর্নমেন্ট অফিসরকে বিবাহ করতে আমরা তৈরি হই নি । আমাদের বিবাহ করবার জন্যে অন্য বহুলোক আছে ।’

পরদিন আদালতে হাকিম ওয়াজ্জেদ আলীকে আমি বলেছিলাম যে ওই নাবালিকা-টিকে মুক্তি দিলে আমাদের আপত্তি নেই । কিন্তু তার জেলে যাবার বড়ো ইচ্ছা । সে অদ্ভুতভাবে ক্ষেপে উঠে প্রকাশ আদালতে বললে, ‘গ্রেপ্তার করার পর থেকে আমার প্রতি ওঁর বড়ো দরদ । কী মতলব উনি স্পষ্ট করে বলুন ।’—আদালত-স্থল লোক হতবাক । কেউ-কেউ হেসে উঠলেন । হাকিম-সাহেব মুচু হেসে জিজ্ঞেস করলেন, ‘স্টিল ইউ রেকম্যাণ্ড হার রিলিজ ?’ পরে কি-ভাবে ওই বালিকাকে তিনি মুক্তি দিয়েছিলেন । মেয়েটি কবার আমার দিকে অগ্নিদৃষ্টি হেনে তাকালো তারপর গজগজ করতে করতে নিচে নেমে গেল ।

[ বিঃ দ্রঃ—উপরোক্ত ঘটনার প্রায় ছ’বছর পর কলেজ স্ট্রীট মার্কেটের সামনে আমি দাঁড়িয়ে আছি, হঠাৎ একটি মোটর কিছুদূরে ব্রেক কবে থেমে গেল । একটি স্ত্রী সুবেশ যুবক গাড়ি হতে নেমে আমাকে জিজ্ঞাসা করলেন, ‘স্বাঃ, আপনার নাম কি মিঃ ঘোষাল ? ছ’বছর আগে আপনি কি বড়বাজার থানায় ছিলেন ? আমার স্ত্রী ওই গাড়িতে বসে রয়েছেন, তিনি আপনার সঙ্গে একটু দেখা করতে চান । আপনার গল্প তিনি পায়ই আমাদের বলেন ।’—তাঁর কথা শুনে আমি তো অবাক । গাড়ি হতে নেমে শাড়ি-সিঁদুরে বলমলে এক বধূ আমার পায়ের ধুলো নিলো । পরে তার পরিচয় পেয়ে আমি সত্যই বিস্মিত । শুনলাম, ওর স্বামী একজন মুনসেফ । তখন হেসে তাকে আমি জিজ্ঞেস করলাম, ‘তাহলে মুনসেফ কি গভর্নমেন্ট সার্ভেন্ট নন ?’

মহিলাটি আমার সেই প্রশ্নের উত্তর দিতে পারেন নি । লজ্জায় .র মুখ লাল । সময়ের ব্যবধানে তাঁর ব্যক্তিত্বের আয়ুর্ পরিবর্তন ঘটেছে । ওঁরা আমাকে ওঁদের বাড়িতে নিমন্ত্রণ করলেন । কিন্তু ওঁদের ঠিকানা নেওয়া সম্ভবও সেই নিমন্ত্রণ আমি আর রক্ষা করতে পারি নি । ]

জৈনকা বিহুযী কুমারী তরুণী একদিন রাস্তার মোড়ে শুয়ে পড়লেন । স্বরাজ না-পাওয়া পর্যন্ত তিনি এলভাবে পথ অবরোধ করে থাকবেন । ভদ্রঘরের সুন্দরী বাঙালী তরুণীকে সিপাহীদের দ্বারা সরাসরি বিবেকে বাধলো । আমার ডান হাতে ষ্টিক ছিল, বাম হাতে তাঁর হাত ধরে ফুটে তুললাম । মেয়েটি ফুটপাতে উঠলো, কিন্তু আমার পিছন ছাড়তে চায় না । আমার সঙ্গে সঙ্গে আসে আর বলতে থাকে : ‘আমার হাত যখন ধরেছেন তখন আমাকে সঙ্গে করে নিতে হবে ।’ ব্যাপার দেখে অত্যন্ত মেয়েরাও হইচই করে উঠেছে । চট করে মাথায় একটা বুদ্ধি

এসে গেল। আমি বেশ জোরেই বললাম, ‘আমি আপনাকে বামহাতে ধরেছি, ডানহাতে নয়। স্ত্রীরা আপনার কোনও ক্রম থাকতে পারে না।’—ওদের সকলকে অতঃপর ভ্যানে পিকআপ করে থানায় এনেছিলাম। পরদিন হাকিম অবশ্য সাবধান করে ছেড়ে দিয়েছিলেন।

কদিন বাদ ওই মেয়েটি একগোছা নিষিদ্ধ প্রচারপত্র-সমেত ধরা পড়লো। সে আমার হাতে কিছু লিফলেট গুঁজে দিয়ে বললে, ‘চলুন। থানায় চলুন।’ এই শ্রেণীর মেয়েরা সাধারণতঃ বাড়ির ঠিকানা বলে না বলে’ আমাদের খুব স্তম্ভিত। বাড়ি তল্লাসীর হাঙ্গামা থেকে রেহাই পেয়ে যাই। কিন্তু এই-প্রথম তার ব্যতিক্রম ঘটলো। সে সহজভাবেই ঠিকানা বললে। ওটা নারী-কর্মীদের একটি সিক্রেট ক্যাম্প। ক্যাম্পের সভ্যরা সবাই জেলে, নেত্রীরূপে সে-ই শুধু বাইরে।

একটা নড়বড়ে কার্টের সিঁড়ি ও তার সংলগ্ন কার্টের বারান্দা। সিঁড়িতে ভারী শরীরের ভার সহ্য হয় না। সিপাহী দুজনকে নিচে রেখে বারান্দায় উঠে এলাম। হঠাৎ একটি স্থান মচ মচ করে উঠলো। রেলিঙটা একপাশে কাত হয়ে পড়লো। আমি ভয় পেয়ে বললাম, ‘ভেঙে পড়বে না তো।’—সে কাছে এগিয়ে এসে হাসি-মুখে বললে, ‘এইবার যদি আপনাকে ধাক্কা মেরে ফেলে দিই?’ মেয়েটির আগমনে সত্যি সত্যি রেলিঙ কাঁপতে লাগলো। আশ্চর্যের জ্বলে আমি হাত বাড়িয়ে ওকে ধরে ফেললাম। সে কাছে এসেছিল আমাকে সাহায্য করবে বলেই, আমি ক্ষমা চাইলাম অহেতুক ভয়ে ওকে জড়িয়ে ধরবার জ্বলে। সে একটু হেসে বললে, ‘এবার কিন্তু আপনিই অপরাধী!’

তার কক্ষে কোনও নিষিদ্ধ প্রচারপত্র পাওয়া যায় নি। মেয়েটি বললে যে সে চা তৈরি করবে এবং আমাকে খেতে হবে। আমি অস্বীকৃত হলে মেয়েটি শাস্ত অথচ দৃঢ়স্বরে বললে, ‘যা বলি শুনুন। নইলে চোঁচাবো।’—ক্ষিপ্রহাতে সে স্টোভ জেলে চা তৈরি করলো এবং আমাকে তা গ্রহণ করতে হ’ল অনন্তোপায় হয়ে। ভাঙা-সিঁড়ি বেয়ে সাক্ষীরা ও সিপাহীরা উপরে উঠতে পারে নি। আমি তখন মেয়েটির হেপাজতে অসহায়।

তাকে আর না-বাঁটিয়ে আলাপ শুরু করলাম। জানা গেল, সে ধনাঢ্য জমিদার ও ব্যবসায়ীর অতি-অশ্রদের একমাত্র সন্তান। গ্র্যাজুয়েট। ঢাকায় ও কলকাতায় ওদের কয়েকটি বাড়ি আছে। পরিশেষে হেসে যা বললে তার অর্থ এই : এখন সে আমাকে দাদা বলছে বটে কিন্তু পরে এই সম্বোধন থাকবে কিনা নিশ্চয়তা নেই।—বেশ প্রাণোচ্ছল ও স্পষ্ট-চরিত্রের মেয়ে। দুঃসাহসিকাও বটে।

এই সময়ে জেলে স্থানাভাব হওয়ায় মুচলেখা লিখে বন্দীদের মুক্তি দেওয়া হ’ত।



আমি প্রস্তাব দিলাম। সে বললে, ‘সংগঠনের পক্ষে নিয়ম-বহির্ভূত হলেও আমি এই প্রস্তাবে রাজী।’—প্রকৃতপক্ষে সে এসব ছেড়ে পড়াশুনায় মন দেবার পক্ষপাতী। তাদের বালিগঞ্জের বাড়ির ঠিকানা দিলে, বললে, ‘আমাদের বাড়িতে অবশ্যই একদিন যাবেন। নইলে এপথে আমি আবার নামবো।’—রীতিমত হুমকি। সাংঘাতিক মেয়ে! এই ধরনের মেয়েদের কাছ থেকে দূরে থাকাই উচিত। কিছুদিন পরে যথারীতি ঘটনাটি আমি ভুলে যাই।

[বিঃ দ্রঃ—এর বেশ কিছু পরবর্তীকালের ঘটনা। শহরে ১৪৪ ধারা জারী হয়েছে। পথে মিছিল নিষেধ। আমি অন্তদের সাথে প্রতিরোধার্থে ডিউটিতে আছি। দেখলাম একটি বিরাট মিছিলের সঙ্গে মারমুখী জনতা। সম্মুখে একটি মেয়ে পতাকা-হাতে নেত্রী দিচ্ছে। ওদের রোখা শক্ত বুঝে হেড-কোয়ার্টারসে ফোন করলাম : এফেক্টিভ কার্যারিও ছাড়া রোখা অসম্ভব।—হুকুম আমার পূর্বেই ইষ্টক বর্ষণ শুরু হয়েছে। জনা-দশেক সশস্ত্র শাস্ত্রী আহত। হতাহতের সংখ্যা বেশি হলে বাহিনীর মনোবল ভেঙে পড়বে এবং ওরাও আমাদের আয়ত্তের বাইরে চলে যাবে। দলনেত্রী মেয়েটি প্রাণপণে জননাকে শাস্ত করতে চাইছে। কিন্তু তারা তখন আর আয়ত্তে নেই।

ওদের ভয় দেখিয়ে পিছু টানোর উদ্দেশ্যে হুকুম দেওয়া হ’ল : ‘টু স্পেসেস্ টেপ ব্যাক। ওনলি টু রাউণ্ড। ওপেন ফায়ার।’—পূর্বাপর ঘটনায় আমরা কিঞ্চিৎ নার্ভাস হয়ে পড়েছিলাম, ফলে অসতর্ক মুহূর্তে একটা গুলি ছিটকে বেরিয়ে অঘটন ঘটালো। জনতা তখনই ছুটছুটি হাওয়া। একমাত্র দলনেত্রী মেয়েটি পথে মুখ খুঁড়ে লুটিয়ে পড়েছে। তাকে দেখে আমার আর বাকস্বরণ হয় না। একটা চলন্ত গাড়ি থামিয়ে দুহাতে তার রক্তাশ্রুত দেহটা তুলে সেই গাড়ির মধ্যে রাখলাম। সে চোখ মেলে অশ্রুটস্বরে বললে, ‘আপনি ? আপনার কোনো ক্ষতি হয়নি তো ! আপনি ভালো আছেন ?’

রাজ্যে হাসপাতালে তার স্টেটমেন্ট নিতে নিজেই গিয়েছিলাম। অপারেশন সাকসেসফুল হলেও সে তখনও অর্ধ-অচৈতন্য। তার কপালে হাত রেখে বুঝলাম ক্ষতের জ্ঞান জর এসেছে। সে একবার চোখ মেলে আমার হাত মুঠি করে চেপে ধরলো। একজন নার্স ছুটে এসে আপত্তি জানিয়ে বললে, ‘ওঁকে এখন বিরক্ত করবেন না। এখন ওঁর বিবৃতি দেবার কোনও ক্ষণ নেই।’—খাতা-পেনসিল গুটিয়ে নিয়ে আমি থানায় ফিরে এলাম।

হুদিন পরে টেলিফোনে জানলাম যে মেয়েটির জ্ঞান ফিরেছে এবং কথা বলছে। এখন তার বিবৃতি নিতে কোনও অস্ববিধা নেই। হাসপাতালে তখন তার বহু

আত্মীয়-স্বজন। হাসপাতাল-সংলগ্ন রাস্তায় মোটর গাড়ির সারি। ওদের ম্যানেজার-ভবনলোক ছুটাছুটি করছেন। আমাকে দেখে ওর পিতা উত্তেজিত হয়ে বললেন, ‘ইউ—ইউ—ইউ আর চাট ইনস্পেক্টর।’ মেয়েটি ক্ষীণকর্ণে বাধা দিয়ে বললে, ‘ওর দোষ নেই বাবা, উনি গুলি হোঁড়েন নি।’ কন্ঠার কাছেই মাতা দাঁড়িয়ে-ছিলেন। জগদ্ধাত্রীর মতন চেহারা। তিনি বললেন, ‘ওদের আর দোষ কি। ওরা পেটের দায়ে চাকরি করে। বাবা, তুমি এমন সুন্দর ছেলে, এই নোংরা চাকরি ছেড়ে দাও।’

বহিঃপ্রাঙ্গণে তখন তরুণ কংগ্রেসী নেতারা চিৎকার করছিল : ‘বন্দে মাতরম।’ আমারই সম্পর্কিত পিতামহ এই মন্ত্র দেশকে দিয়ে গিয়েছেন, কিন্তু তা উচ্চারণ করার অধিকারও আমার নেই। আমি অধোবদনে ওদের মধ্যে দিয়ে বেরিয়ে এলাম। ডাক্তারদের অভিমত : মেয়েটি বাঁচবে না। (‘এজ্ঞা আমরা কি নারী-হত্যার জন্য দায়ী বলা যায়?’)

ওদিকে বড়বাজারে পিকেটিং এতটুকুও বন্ধ হয় না। কর্তৃপক্ষ শীঘ্রই বুঝলেন যে গ্রেপ্তার করে আন্দোলন বন্ধ করা যাবে না, অত্যাচার প্রয়োজন। দলে দলে পিকেটার-বালকদের খানায় আনা হচ্ছিল। অ্যাংলো-সার্জেন্টদের হাতে মোটা খেঁটে। পরক্ষণে মার-মার-মার। ওরা অজ্ঞান হয়ে পড়ছিল। ‘জল আন, জল আন।’ ফাস্ট এড-ও দেওয়া হচ্ছে। চকমিলান থানা-বাড়ির উপরের তলগুলির চতুর্দিক ঘিরে অফিসরদের কোয়ার্টারস। সেখানে জানলায়-জানলায় পুলিশ-গৃহিণীরা দাঁড়িয়ে নিচের উঠোনে কাণ্ড দেখছেন ও ডুকরে কঁদে উঠছেন। গৃহিণীদের কারো-কারো হাতে সূতা-কাটা তকলি দেখা যায়। পুত্রেরা গোপনে বাড়িতে চরকাও এনেছে। গান্ধীজীর ডাক পুলিশ-পরিবারের অন্তঃপুরেও পৌছেছে। রক্তাক্ত কলেবর বালকের দল জ্ঞান ফেরামাত্র টোঁচয়ে উঠলো, ‘বন্দে মাতরম।’ আবার মার, আবার তারা অজ্ঞান। বারে বারে একই ঘটনারই পুনরাবৃত্তি। তাদের মুখের হাসি কিন্তু প্রতিবারেই অটুট থেকেছে। কাউকে কটুক্তি করতে পর্যন্ত শোনা যায় নি।

যারা এমনি করে চূপ করে মার খেতে পারে তারা একবার ঘুরে দাঁড়ালে নিশ্চয়ই ছুঁবার হ’ত। কিন্তু ওদের মধ্যে এতটুকু বিদ্বেষের ভাব দেখি নি।

অধিকাংশ দেশীয় অফিসররা নীরব দর্শক। (অবশ্য তা বলতে বিবেকে বাধে।) একটা শুকনো বেতের ছড়ির মাঝখানটি আমি চিরে রেখেছিলাম। কর্তাদের স্ক্রুমে যদি মারতে হয় তাহলে বিশেষ লাগবে না, অথচ ফটাফট শব্দ বের হবে। তাতে সাহেবরা বুঝবেন যে অত্যাচারের মতো আমিও একজন লয়েল-অফিসর। ক্রমে

ক্রমে পুলিশ-কর্মীরাও ওদের প্রতি সিমপ্যাথেটিক হয়ে উঠেছে। (সিমপ্যাথেটিক শব্দটি পুলিশে তখন শোধনবাদী শব্দের মতো ভয়ংকর।) ওদের তাড়া করে ধরতে বললে সিপাহীরা লাঠি ঠুকে কিছুদূর এগোয় ও ফিরে এসে বলে, ‘না মিলি। ক্যা কর।’ মুসলিম-সিপাহীরা নির্লিপ্তভাবে মুখ ঘুরিয়ে বলেছে যে এখন তাদের রোজা, মিথ্যে সাক্ষী তারা দেবে না।

[আশ্চর্য!—এই বে-আইনী মারধоре আদালতে কোন পুলিশ-কর্মী দণ্ডিত হন। জনৈক প্রধান-হাকিম আমাকে বলেছিলেন, ‘আস্ক ইওর অফিসর টু বি কেয়ার-ফুল।’ আমাদের অধিকর্তা ইংরাজ ডেপুটি-কমিশনার সম্পর্কেই তিনি একথা বলেছিলেন। এই-সব হাকিমদের দূর চট্টগ্রামে বদলী অনিবার্য ছিল।]

একদিন সন্ধ্যায় বিশজন মহিলা-সত্যাগ্রহীকে গ্রেপ্তার করে থানায় এনেছিলাম। অভিযোগ-বইয়ে ওঁদের নাম লিখতে হবে। কিন্তু ওঁরা অসহযোগী হওয়ায় নাম বলতে নারাজ। পীড়াপীড়ির ফলে একজন বলেন, ‘আমার নাম—শ্রীমতী ব্রিটিশ-শক্তনী দেবী।’ অন্য জনের উত্তর : ‘আমার নাম—কুমারী সাম্রাজ্য-ধ্বংসী দেবী।’—কী সাংঘাতিক। এই-সব শব্দ কানে শোনাও মহাপাপ। বাধ্য হয়ে আমরাই ওঁদের একটি করে নাম রাখি। যেমন—ললাটিকা, ললন্তিকা, মহাশ্বেতা, নবনীতা ইত্যাদি। পরিশেষে ভালো নাম ফুরিয়ে গেলে এই-সব নাম রাখি : ভগদম্বা, ক্ষেমং-করী, নৃত্যকালী, মহাকালী ইত্যাদি। কিন্তু আদালতে এই-সব নামে ওঁরা সাড়া দিতেন না। ফলে, পরদিন সনাক্ত করাও আমাদের পক্ষে মুশকিল হ’ত।

একদিন বড়বাজারে সোরগোল পড়ে গেল।—চামুণ্ডা দেবী! চামুণ্ডা দেবী! মহাবলী গোরা-সার্জেণ্টরাও তাঁর ভয়ে ভীত। এক অ্যাংলো-সার্জেণ্টের ঘড়িসূঁজ কবজি একবার তিনি চেপে ধরায় হাতটি ফ্র্যাংচার হয়ে যায়। বার বন্দে-মাতরম বলার পর সার্জেণ্টটি মুক্তি পান এবং হাসপাতালে ভর্তি হন। ছ’ফুট লম্বা এই দেহাতি মহিলার মধ্যে-মধ্যে আবির্ভাব ঘটে। কিন্তু কোথা থেকে এসে কোথায় চলে যান কেউ তা জানে না। তাঁর হাতে হাণ্ডার থাকতো বলে তখন তিনি সাধারণভাবে হাণ্ডারওয়ালী নামে পরিচিত।

হঠাৎ তিনি বড়বাজারে কাটরা-অঞ্চলে এসে উপস্থিত। বিলাতী বস্ত্রের গাট-বাহী কুলিদের পিঠে গুম করে কিল বসিয়ে তাদের পিঠ দুমড়ে দিচ্ছিলেন তিনি। আমরা ব্যাপার দেখে একটা ভারী শতরশ্মি তাঁর মাথার উপর দিয়ে ছুঁড়ে ফেলে সকলে চেপে ধরলাম। তিনি সব কজনকে শতর, ঈ-সহ উল্টে দিয়ে সোজা হয়ে দাঁড়ালেন এবং কুলিদের পিঠে আবার গুম গুম কিল বসাতে লাগলেন। জনৈক কংগ্রেসী নেতা সেই সময় সেখানে এসে পড়েছিলেন। তাঁর বোঝানোর ফলে

তিনি গ্রেপ্তার হতে সম্মত হন। আমরা তাঁকে থানায় নিয়ে এলে তিনি পুনরায় নিজস্বাধীন ধরে টেবিল-চেয়ার উল্টাতে আরম্ভ করে দিলেন।

আমাদের ইনচার্জবাবু গোলমাল শুনে তাঁর ঘর হতে বেরিয়ে এলেন এবং আসামীকে দেখে বললেন, ‘আরে ঠুঁকে ধরেছো কেন? ঠুঁকে গ্রেপ্তার করা বারণ। এখনই সব চেয়ার-টেবিল ভেঙে তছনছ করে দেবে।’—বড়োবাবু কংগ্রেসী ফাণ্ডে দশ টাকা চাঁদা তাঁর হাতে দিলেন এবং তিনি থানা হতে বেরিয়ে গেলেন। ঠুঁর টাকার দরকার পড়লে এইভাবে তিনি আবির্ভূত হন। শুনলাম যে জেল-কর্তৃপক্ষও ঠুঁকে জেলে রাখতে চান না। তাই গ্রেপ্তার না-করে কোনোমতে তাড়িয়ে দেওয়াই হুকুম। একবার তো বেয়নেটের খোঁচায় তাড়াতে হয়েছিল।

কোনো স্থানে একজোড়া তরুণ-তরুণী ঘনিষ্ঠভাবে বসে পিকেটিং করছিল। আমি প্রত্যহই তাদের দুজনকে একসঙ্গে একই স্থানে পিকেটিং করতে দেখি। বিচিত্র ভাবের বশবর্তী হয়ে আমি অভিভাবকের ভূমিকা গ্রহণ করে একদিন বলি, ‘উহু’। এটা ঠিক হচ্ছে না। আপনারা একটু দূরে দূরে বসবেন।’ ওরা অপ্রতিভ দৃষ্টিতে আমার দিকে তাকিয়েছিল। বেশ কিছুকাল ওদের আমি প্রতিটি কাটরায় বুখাই খুঁজেছি। দিন-পনেরো পর ওদের আবার একসঙ্গে পিকেটিং করতে দেখলাম। সেদিন মেয়েটির সিঁথিতে সিঁথুর আর ছেলেটির হাতে কাঁচা ছুরীর রাখী দেখে সন্তোষবিবাহিত দম্পতি বুঝে অবাক হয়ে গিয়েছিলাম।

এই সময় পুলিশ এবং পিকেটারস ও ব্যবসায়ীদের মধ্যে একটি অলিখিত ভদ্র-লোকের চুক্তি গড়ে ওঠে। সন্ধ্যার পর পিকেটিং হবে না, দোকানীরা দোকান বন্ধ রাখবেন এবং পুলিশও বিশ্রামার্থে নিজ-নিজ থানায় ফিরবেন—এই হ’ল চুক্তি। কিন্তু লোভাতুর কিছু ব্যবসায়ী দোকান সামান্য ফাঁক করে ভিতরে বসে থাকতেন খরিদারের আশায়।

জর্নৈক প্রৌঢ় রায়বাহাদুর এক দোকানে গোপনে কিছু বিলাতী বস্ত্র সঞ্চয় করতে এলেন। পুলিশ এবং পিকেটাররা চুক্তিমতো অহুপস্থিত। চতুর্দিকে বিজলী-বাতি-গুলি নিবছে একে-একে। লোকজনের কলরব স্তিমিত।

‘আমার দাছ আপনাকে ডাকছেন। তিনিও কাপড় কিনতে এসেছেন।’ একটি চতুর্দশী বালিকা যুক্তিগ্রাহ্য ভাবে তাঁর কাছে নিবেদন করলো : ‘দাছর পায়ে গাউট হয়েছে বলে তিনি দোকান থেকে উঠে আসতে পারলেন না, আমাকে পাঠালেন। আমার সঙ্গে আপনি ওদিকের দোকানে গেলে তিনি খুশি হবেন।’ দাছর নাম শুনে তিনিও খুশি। ঠুঁর উভয়ে বন্ধু এবং উচ্চপদস্থ অবসরভোগী রায়-বাহাদুর। অতএব উৎসাহিত হয়ে তিনি বালিকাটির সঙ্গী হলেন এবং তাঁর

নির্দেশমতো একটি গলির মধ্যে প্রবেশ-মাত্র অপেক্ষারত ছেলের দল তাকে পাকড়াও করলো। একজন} নাপিত তাঁর সমস্ত-লালিত দীর্ঘ সাদা দাড়িগোফ ধরধর করে কামিয়ে দিলো। তাতে বাটির জল যতো-না ছিল, চোখের জল মিশে-ছিল তারচেয়ে বেশি। ওদের প্রত্যেকের হাতে ধারালো ছুরি। অল্প-একজন তো চটপট তাঁর কান বিধিয়ে এবং আয়োডিন লাগিয়ে প্রতি-কানে একটি করে পিতলের মাকড়ি এবং দুহাতে কিছু কাচের চুড়ি পরিয়ে দিলো। বাকী ছিল পরনের ধুতি। সাজ সম্পূর্ণ করার জন্তে সেই ধুতি খুলে শাড়ি ও ব্লাউজ পরিয়ে তাঁকে একটা রিকশায় তুলে দিলো এবং চালককে নির্দেশ দিলো তাকে যেন নিকটবর্তী থানায় পৌছে দেওয়া হয়।

ভদ্রলোক তো পানায় এসে উপস্থিত। কেউ কিছু জিজ্ঞাসা করার আগেই তিনি হাঁটুমাউ করে বললেন, ‘মশাই, আমি স্থ্রীলোক নই। আমি রায়বাহাদুর অমুক চন্দ্র অমুক।’—পানায় তৎক্ষণাৎ হুলস্থূল পড়ে গেল। এমনটি এই এলাকায় কখনও পটে নি। তার প্রতিবেদন ডাকাতি-মামলা রজু করা হ’ল। বড়োসাহেব ছুটে এলেন এবং কিছুক্ষণ চেষ্টানোচ করলেন। সংবাদ পেয়ে ডেপুটি-সাহেব এলেন ওসব দেখে অবাক হলেন। কোয়ার্টারস হতে ওঁর জন্তে ধুতি ও চাদর আনা হ’ল, তিনি শাড়ি ও ব্লাউজ পরিবর্তন করলেন। আমি দৌড়ে ঘটনাস্থলে গেলাম এবং সেখান হতে তাঁর ক্ষৌরীকৃত দাড়ি ও গোফ সংগ্রহ করে আনলাম। সেগুলি একত্রে একটা তার দিয়ে বেঁধে তাতে লেবেল এঁটে লেখা হ’ল : একসজ্জিবিট নং ১। শাড়ি ব্লাউজ ও চুড়িগুলিকে দুভাগে আলাদা করে যথাক্রমে লেখা হ’ল দুই ও তিন নম্বর একসজ্জিবিট। অল্পগুলিকে চার নম্বরের একসজ্জিবিটের টিকিট সঁটি হ’ল।—পরে আদালতে কেস উঠলে মামলার প্রদর্শনী দ্রব্যরূপে এগুলো দেখানোর সুবিধার জন্ত এই ব্যবস্থা।

একদিন এলাকায় হরতাল ডাকা হয়। অজুহাত—পুলিশী জুলুম। হারিসন রোড হরতালের জন্ত ফাঁকা। ফুটপাতে চেয়ার ও বেঞ্চ পেতে বসে আমরা অপেক্ষা করছি। সিপাহীরা এখানে-ওখানে বসে গোঁফে তা দিচ্ছে, খৈনি খাচ্ছে, জমাদাররাও আছে। আমাদের আশংকা, মিছিল যদি আসে তাহলে এলাকা নিরুপদ্রব না-ও থাকতে পারে।

পুলিশ-ঘেঁষা লোক সব সময় কিছু না-কিছু থাকে! সেই রকম এক পরিচিত ভদ্রলোক সেখানে এলেন। পুলিশী-ভাষায় এঁদের বলা হয় : পুলিশ ফ্রেণ্ড। ইনি ধনীর পুত্র, নিজস্ব গাড়ি ও বাড়ি দুইই আছে। গাড়িটি কেউচাইলেই ব্যবহার করতে দেন। প্রয়োজনে পুলিশের পক্ষে সাক্ষী হন। তাঁর রায়বাহাদুর পিতার মতো তিনিও

বিশেষভাবে রাজভক্ত। পরনে ফিনফিনে বিলাতী ধুতি ও পাঞ্জাবি। তিনি একজন হেড-কনস্টেবলের কাছে গিয়ে ভাব জমালেন এবং বললেন, ‘ইনে লেড়কা লোককো পিটনে চাহী। ইংরাজলোক হামলোককো কিত্নী উপ্কারকিয়া। এহী বেইমান লোক উন্কোহটানে মাওতা।’—জমাদার ওসব শুনে গৌফ মুচড়ে যা উত্তর দিলো তা এই-যেসেকথা তো ঠিকই, কিন্তু আপানও একজন বাঙালী। কোনও বাঙালীর মুখে এরকম উক্তি জমাদারের কাছে অপ্রত্যাশিত ছিল।—একটু দূরে এক অ্যাংলো সার্জেন্ট ওদের কথাবাতার ধরন লক্ষ্য করাচ্ছিল। এইবার তিনি কাছে এগিয়ে এসে জমাদারকে জিজ্ঞাসা করলেন যে ওই বাবু তোমাকে কী বলছিল? জমাদার দাঁড়িয়ে উঠে সত্যি কথাই বললে, ‘উনি স্বদেশীদের সম্বন্ধে কিছু কথাবাতা বলছিলেন।’ আর যায় কোথা! সার্জেন্ট সাহেব তাই শুনে দারুণ ক্ষেপে তার গালে এক চড় কষিয়ে দিলেন এবং তাতেও তৃপ্ত না-হয়ে মাটিতে ফেলে ক্রমাগত বুটের ঠোঁকর দিতে লাগলেন। আমি দূর থেকে হাঁ-হাঁ করে ছুটে আসছিলাম, কিন্তু তার আর দরকার হ’ল না। ঘটে গেল একটা অপ্রত্যাশিত ঘটনা।

### কংগ্রেসী ষাঁড়

একটি প্রকাণ্ড ষাঁড় বড়বাজারের ফুটপাথে নির্বিবাদে ঘুরাচ্ছিল। এক কংগ্রেসী বালক মজা করবার জন্তে কাগজে করে একমুঠো কড়া নগ্নি তার নাকের নিচে ধরলো। ঘুমন্ত ষাঁড় ঘন নিশ্বাসে তার সবটুকু নাকের মধ্যে টেনে নিলো এবং শুরু হ’ল প্রতিক্রিয়া। যাকে বলে এলাহী কাণ্ড। ষাঁড়টি ক্ষেপে গিয়ে কেবল হাঁচে আর দিক্‌বিদিক জ্ঞানশূন্য হয়ে দৌড়ায়। সে প্রথমেই ওই সার্জেন্ট সাহেবকে গুঁতিয়ে চিং করে ফেললো। তারপর পরোয়া না-করে বন্দুকধারী শাস্ত্রীদের উপর ঝাঁপিয়ে পড়লো। পালাও—পালাও। বন্দুকধারী শাস্ত্রীদের সকলেই হিন্দু ও গুর্খা—হাতে অস্ত্র থাকার-সঙ্গেও তাদের কেউ গো-বধে রাজী নয়। ফলে, ষাঁড়টির লক্ষ্যবিন্দু একটুও কমলো না। তার লাল-পাগড়ির উপরেই যেন বেশি রাগ। ভয়ে পুলিশও দৌড়ায় জনতাও দৌড়ায়। হারিসন রোড কয়েক মুহূর্তে একেবারে জনমানবশূন্য।

কী বিচিত্র শিক্ষা! সার্জেন্ট সাহেবটি তো টিট হলেনই, পরদিন সেই রাজভক্ত ভদ্রলোকটিকে দেখে আমি তো অবাক। পরিবর্তন তাঁর মধ্যেও। ফিনফিনে বিলাতী ধুতি ও পাঞ্জাবির পরিবর্তে আজ তার পরনে মোটা খদ্দের ধুতি আর মাথায় খাদি গান্ধীটুপি। ষাঁড়ের অযাচিত শিক্ষা তিনি এমনভাবে গ্রহণ করেছেন যে

সেদিন থেকেই তাঁকে কংগ্রেসের বিশ্বস্ত কর্মী হতে দেখা গেল। এমন-কি মোটা অঙ্কের টাকাও তিনি কংগ্রেস ফাণ্ডে দিয়েছিলেন।

বিঃ দ্রঃ—প্রকাশ্যে প্রহার দ্বারা নিয়োগকারীদের যথেষ্ট ক্ষতি করা হয়েছিল। এই প্রহার যারা দেখে বা শোনে তারাও ব্রিটিশ-বিরোধী হয়। প্রহৃত ব্যক্তির মতো তার বন্ধু, আত্মীয় ও পড়শীরাও গভর্নমেন্ট-বিরোধী হয়। এয়ুগের পুলিশ-কর্মীদেরও তা স্মরণ রাখা উচিত। শৈশবে আমি এক থানায় এক নারীর চুল ধরে এক দারোগাকে প্রহার করতে দেখেছিলাম। তাতে আমার মনে পুলিশ-বিরোধী মনোভবের (কমপ্লেক্স) সৃষ্টি হয়েছিল। পরে বহু উৎপীড়ন ও প্রহারাদি দেখেছি কিন্তু শৈশবে-দেখা সেদিনের ঘটনাটাই আমাকে বেশি ব্যথিত করে। এজ্ঞা শিশুদের সম্পর্কে পুলিশদের বেশি সাবধান হওয়া উচিত।

আমাকে একদিন জনৈক ইংরাজ উর্দুতন অফিসর বলেছিলেন, ‘তোমাদের মতো ভদ্র ও সদ্যবহারকারী কর্মী যতো বেশি হবে আমাদের জনপ্রিয়তা ততো বাড়বে! আমাদের রাজ্য-শাসনও ততো দীর্ঘায়িত হবে। কিন্তু উৎপীড়ক ও প্রহারকারী অফিসররা প্রকারান্তরে আমাদের বিদায় অর্য্যবিত করবে। এদের ব্যবহারের জন্তই তোমাদের দেশ তাড়াতাড়ি স্বাধীন হবে। প্রকৃতপক্ষে ওরাই এই ঘুমন্ত দেশের চোখে জাগিয়ে দিচ্ছে।’

থানা-বাড়িতে আচমকা ভূতের উপদ্রব শুরু হ’ল। ‘ঠিক দুপুর বেলা ভূতে মারে ঢেলা’ নয় বরং ‘ঠিক দুপুর রাতে ভূতে ঢেলা নিয়ে মাতে’-গোছের ব্যাপার। চকমিলান থানা-বাড়ির উঠোন ইঁটের টুকরোয় ভরে যাচ্ছিল। মাঝরাত থেকে ভোররাত পর্যন্ত ক্রমাগত ইষ্টক বর্ষণ। কিছুক্ষণ তাতে জখম হ’ল। প্রতিবেশীদের ছাদে পাহারা বসানো হ’ল। তাঁর সার্চলাইট জেলে চতুর্দিক নোজা হয়েছে। কিন্তু ইঁট উৎক্ষেপের উৎপত্তির স্থান বুঝতে পারা যায় নি। আমরা থানা-বাড়ির উঠোনটা তারের জাল দিয়ে আবৃত করলাম, তবু প্রতিরোধ করা গেল না। এক জমাদার তো ভূতের ওবা ডেকে আনলো, মাঝরাতে তার সে কী মন্ত্র আউরানো! আশ্চর্য, তাক করে ঠিক তার মাথাতে ঢিল। মন্ত্র-টন্ত্র সব ভুলে, প্রাণ বাঁচাতে সবাই অস্থির। অতএব ভূত ধরা সম্ভব হ’ল না।

ডেপুটি-সাহেব সব শুনে আমাকে বললেন, ‘বাট ইউ আর এ সায়ান্স স্টুডেন্ট!’—তার নির্গলিতার্থ ছাড়াও আমি বুঝেছিলাম যে অত্যন্ত চতুর কংগ্রেসী কর্মীদের দ্বারাই এ অ-ভূতকর্ম। পরব করবার জন্ত কজন ধরা-পড়া পিকেটার বালককে উঠোনে সারারাত্রি বসিয়ে রাখা হ’ল। ব্যস! সেই রাত থেকেই ইঁট-বর্ষণ বন্ধ। এই বুদ্ধি বার করার জন্ত আমি কুড়ি টাকা পুরস্কার পেয়েছিলাম।

একবার একটি বে-আইনী কংগ্রেসী মিছিল জোর করে ভেঙে দেওয়া হয়। তুচ্ছ একদল জনতা থানার সামনে এসে ইষ্টক বর্ষণ শুরু করলো। তখনও পুলিশের পক্ষ থেকে গুলি-বর্ষণের রীতি নেই। থানায় কোনপ্রকার আগ্নেয়াস্ত্র থাকতো না। লাঠিই ভরসা। ওই অস্ত্রে দাঙ্গাকারীদের রুখতে কনস্টেবলরা প্রায়ই আহত হ'ত। পরে উভয়পক্ষ হাসপাতালের পাশাপাশি শয্যায় শুয়ে সুখ-দুঃখের গল্পও করেছে। পুলিশের জনৈক কর্তাব্যক্তি এসে হুকুম দিলেন, 'চার্জ লাঠি।' তারপর সাহেব বিরক্ত হয়ে জিজ্ঞাসা করলেন, 'আরে এ কী-রকম লাঠিচার্জ হচ্ছে। কেউই এখনও ইন্জিওর্ড হ'ল না। কারো এতটুকু রক্ত বেরুচ্ছে না। হাসপাতালে পাঠানোর মতো একটা কেসও তো নেই। হুম্। দেখছি, সবাই সিমপ্যাথেটিক।' সাহেব কোমর থেকে নিজস্ব পিস্তল বার করলেন। এক কিশোর এগিয়ে এসে জামা খুলে বুক পেতে দাঁড়ালো। বললে, 'মারুন।'—সাহেব লজ্জা পেলেন এবং পিস্তলটি যথাস্থানে গুঁজে রাখলেন।

খবর পেয়ে কংগ্রেসী-কর্মীরা ছুটে এসে জনতাকে ঠাণ্ডা করলেন। ইট-বর্ষণ সম্পূর্ণ বন্ধ হয়ে গেল। এইটুকু ভায়োলেন্সের জন্য কংগ্রেস-কর্মীরা দুঃখিত ও দারুণ লজ্জিত। ইংরাজ ডেপুটি-কমিশনার গাড়ি থেকে নেমে ভিড় ঠেলে থানায় ঢুক-ছিলেন। তাঁকে অপদৃশ্য না করে সম্মানে তারা পথ ছেড়ে দিলো।

একবার এক পিকেটার-বালক এগিয়ে এসে একটা লজেন্স ডেপুটি-সাহেবের হাতে গুঁজে দিয়েছিল। ইংরাজ-সাহেব পরিষ্কার বাংলা ভাষায় বলেছিলেন, 'সে কী! এটা তুমি আমাকে য়েতে দিলে? আচ্ছা, আমি গ্রহণ করলাম।'—লজেন্সটি তিনি পকেটে পুরে রাখলেন। পিকেটার-বালকেরা আমাদের মুখে প্রায়ই লজেন্স গুঁজে দিতো ও বলতো, 'সেদিন বড্ডো মেরেছিলেন। এই নিন। আপনি একটা লজেন্স খান।'।

কোনও জেলে তখন আর কয়েদী রাখার জায়গা নেই। স্থান-সংকুলানের জন্য পুরানো দাগী কয়েদীদের ছেড়ে দেওয়া হচ্ছে। তাতে এলাকায় চুরির সংখ্যা অসম্ভব বেড়ে যাচ্ছে। আমার উপর একদিন উর্ব্বতন কর্তাদের হুকুম হ'ল, এক-দল মহিলা ও কিশোরীকে লরী করে দূরে কোথাও ছেড়ে দিয়ে আসতে হবে। আমার সঙ্গে সেই রাত্রে একজন মাত্র ড্রাইভার ছিল। শহর থেকে ষোল-সতেরো মাইল দূরে এক জায়গায় ওদের আমি নামালাম। কিন্তু ওরা ওই জঙ্গলের মধ্যে কিছুতেই পড়ে থাকতে চাইলো না, সবাই মিলে আমাকে ধরে একটা সাঁকোর উপর বসিয়ে দিলো। একা আমি ও ড্রাইভার তাদের কবল থেকে মুক্ত হতে পারলাম না। ওরা আমাদেরই দেশের মা ও ভগিনী। উপরন্তু অতজ্ঞনের সঙ্গে



লড়াই করাও অসম্ভব। সুতরাং ওদের সঙ্গে একটি গোপন-সন্ধি করতে হ'ল। আমরা নিকটের একটি রেল-স্টেশনে ওদের পৌছে দিলাম। আমাদের শতাব্দ্যায়ী ছ'পক্ষের কেউই এ-ঘটনা কাউকে প্রকাশ করি নি।

[ এইখানে ভরূপ শিক্ষিত পুলিশ-অফিসরদের অস্থবিধা বেশি হ'ত। লাঠিচার্জের হুকুম হলে জনতাকে তাড়া করা হ'ত। ওই জনতার মধ্য বহু আত্মীয়-স্বজন, সহ-পাঠী ও পরিচিত পড়নীদের মুখ দেখা যেতো। উত্তত যষ্টি তাদের মাথায় বসানো সম্ভব হ'ত না। ]

রাত্রিদিন অবিরাম ডিউটি। শরীর প্রত্যেকের ভেঙে পড়েছে। বহু অফিসর ও সিপাহী পৌড়িত হয়ে হাসপাতালে ভর্তি হয়েছে। আন্দোলন আরও কিছুদিন চললে শাসন-ব্যবস্থা ভেঙে পড়তো। একদল মহিলা থানায় ঢুকে বন্দে মাতরম ধ্বনি তুললেন। জনৈক রাজভক্ত অফিসর তখন ক্ষেপে উঠে বললেন, 'মেথরানী ! টাট্টিকো কাটা লে আও।' থানার মেথরানী কাটা নিয়ে এলো। কিন্তু তাঁর পরবর্তী আদেশ প্রতিপালন করলো না। এদিকে অল্প কজন অফিসর প্রতিবাদ করায় নিব্বোধের মধ্য কলহ বেধে গেল। সহানুভূতিতে দেশীয় কর্মীদের মধ্য আনুগত্যও প্রতিদিন কমে আসছিল।

প্রধান হাকিম খুটিতে ছিলেন। তাঁর স্থলে এক শিনিয়র হাকিম কাজ চালিয়ে যাচ্ছিলেন। তাঁর একমাত্র পুত্রটি প্রতি বৎসর পরীক্ষায় প্রথম হয়, কিন্তু পিকেটারদের সঙ্গে সে-ও গ্রেপ্তার হয়েছিল। ওই বিচারপতি তাঁর পুত্র সম্বন্ধে কি-রকম বিচার করেন তা দেখে একটা প্রতিবেদনের জন্ত কর্তৃপক্ষ আমাকে আদালতে পাঠান। হাকিম-সাহেব একবার মাত্র নিজের পুত্রের পানে তাকালেন তারপর মুখে কলম কামড়ে একমুহূর্ত বোধহয় চিন্তা করলেন যে বাড়িফিরে স্বীকে কী বলবেন। তিনি অল্পদের সঙ্গে পুত্রটিকেও ছ'মাসের মেয়াদ দিয়ে টলতে-টলতে এজলাস ছেড়ে পাস-কামরায় চলে গেলেন। পর বৎসর দেখা গেল তিনি রায়-বাহাদুর খেতাব লাভ করেছেন।

হুসংবাদ এলো ৮ মার্চ ১৯৩১ গান্ধী-আরউইন প্যাক্টসমাপ্ত। অ্যাংলো-সার্জেন্টরা তাই শুনে ক্ষেপে উঠে বলেছিল, 'এরকম অপদার্থ বড়লাট ভারতে আগে আর-একজনও আসে নি।' আগের দিন বহু তেরঙা বাণ্ডা ও কংগ্রেসী ফেসটুন থানায় এনে বিনষ্ট করা হয়েছিল, আজ সেই-সব পতাকা ও ফেসটুন ফেরত দেবার হুকুম এলো। অগত্যা রঙিন কাগজ কিনে তাই দিয়ে পতাকা ও ফেসটুন তৈরি করে ওদের ফেরত দেওয়া হ'ল। কিছু পরে বড়বাজারের শিখাধারী কংগ্রেসী-কর্মীরা ঝুড়ি-ঝুড়ি মিঠাই এনে আমাদের বিতরণ করলো।

আইন-অমান্য আন্দোলন তখন সম্পূর্ণ বন্ধ। কিন্তু সিক্রেট ক্যাম্পগুলিতে তখনও বহু বালক মজুত। এদের মধ্যে অনেকেই গৃহ-পলাতক বালক। বাড়িতে ওদের আশ্রয় নেই। তারা খায়-দায় আর জেলখানা ঘুরে আসে। এখন মুশকিলে পড়লো। এখন তাদের কেউ আর খবর নেয় না। পুনর্বাসনের কোনো ব্যবস্থাও নেই। নেতা ও উপনেতাদের তারা পান্ডা পায় না। কোনো কাজ নেই। না-লেখাপড়া না-গৃহপ্রত্যাবর্তন। ফলে কিশোর-অপরোধীদের সংখ্যা অত্যন্ত বেড়ে গেল।

এই বে-ওয়ারিশ বালকদের সম্বন্ধে আমি সরকার-বরাবর একটি প্রতিবেদন পাঠিয়ে-ছিলাম। ওদের সে-সময়ে বাড়ি-ফেরার গাড়ি-ভাড়াও নেই। আমি ব্যবসায়ীদের কাছ থেকে চাঁদা তুলে কয়েকজনকে রেলভাড়া দিয়েছিলাম। পরে গভর্নমেন্ট থেকে ওদের সংগ্রহ করার হুকুম আসে। কিন্তু তখন কাউকেই আর খুঁজে পাওয়া যায় নি।

এই আন্দোলনে পুলিশদেরও খেটে আঁসারা দেওয়া হয়েছিল। তাদের মারমুখী স্বভাব সংযত করা কঠিন হয়ে ওঠে। পূর্বস্বভাব ফিরায়ে আনতে কর্তৃপক্ষকে খেটে বেগ পেতে হয়েছিল। বহুদিন পর্যন্ত ওদের আইনালুগত করা সম্ভবপর হয় নি। প্রকৃতপক্ষে পুলিশ দিয়ে রাজনৈতিক আন্দোলন দমন করতে গেলে এরকমই হতে থাকে।

কার্যোদ্ধার সম্পূর্ণ হয়ে যাবার পরদিনই দেখা গেল ইংরাজ-উর্দুতনরা ভিন্নমুখি ধরেছেন। ৮ মার্চের দিনই ‘রিপোর্ট রুনে একজন অ্যান্ডো অ্যান্ডিসটেন্ট কমিশনার জর্নেক নতুন ভর্তি স্নাতকোত্তর তরুণ কর্মীকে ধমক দিয়ে বলেছিলেন, ‘ইয়া! ইউ আর এম-এ-সি (এম-এস-সি)। ইউ মাস্ট আন লার্গ হিয়ার হোয়াট ইউ লার্গত দেয়ার।’—সেই সঙ্গে তিনি আরও কয়েকটি আপত্তিকর কটুক্তি করেন। তরুণ-কর্মীটি তৎক্ষণাৎ প্রতিবাদ স্বরূপ কর্মে ইস্তফা লিখে দিয়েছিলেন। উপস্থিত ইনচার্জবাবুরা তাঁকে বুঝিয়ে শাস্ত করেছিলেন। তাঁরা বলেছিলেন :

‘আরে এ কী করছো! আমরা এখানে দশজন নিম্নপদস্থ কর্মচারী উপরওয়াল। যদি গালি দেয় তাহলে বিশটা পাবলিককে আমরা গালি দেব। তাতে নিদ্রাও ভালো হবে আর মনের জ্বালাও মিটবে।’ অন্য একজন বাঙালী প্রোট ইনচার্জ সাক্ষ্য দিয়ে বলেছিলেন, ‘আরে শব্দ হচ্ছে ব্রহ্ম! তার কোনো আকার নেই, অর্থও নেই, যা-হোক একটা-কিছু মানে করে নিলেই হ’ল। জাপানে ড্যাম মানে গোলাপ ফুল, এখানে তার অর্থ গালাগালি। তাছাড়া গরু ডাকে, ঘোড়া ডাকে, বাঘ ডাকে। ডাকে তো? মনে করো এখানে সেই রকম কেউ-কেউ

ডাকছে। তাতে কী রাগ করতে আছে? ছেলেবেলায় বাবা আমাকে বকলে আমি কী ভাবতাম জানো?—বাঁড় ডাকছে!’

[কোনও এক নতুন অফিসর সংস্কৃতে এম-এপাশ বলায় তাঁর প্রৌঢ় ইনচার্জ বলে-  
ছিলেন, ‘সে কী! সংস্কৃত শিখে থানায় চাকরি করলে কার-কি উপকারে আসবে।  
তার চাইতে কোথাও একটা টোল খুলে বসলে না কেন?’]

যাদের আত্মসম্মান জ্ঞান নেই তারা মানুষও খুন করতে পারে। উর্দুতনরা এভাবে  
ওদের আত্মসম্মান বোধ বিনষ্ট করে অনেককেই তাদের মতো ‘অসদ্ব্যবহারী এবং  
উৎপীড়ক করে তুলতো।

এতদিন বলা হ’ত নরম্যাল ওয়ার্ক বন্ধ করো। এখন নরম্যাল ওয়ার্ক না-করার  
জন্তে কৈফিয়ৎ। শুদিকে ইংরাজ-ডেপুটিরা ক্লাব-জীবনে ফিরে গেছেন। অফিসাররাও  
সিনেমা দেখতে ও নিমন্ত্রণ-রক্ষা করতে সক্ষম। কিন্তু শীঘ্রই বোঝা গেল যে পূর্ব-  
দিনগুলিই ছিল ভালো। বড়োনাহেব এসে থানার মালখান। পরিষ্কারের হুকুম  
দিনে। চোখের মাগনে এক নিদারুণ ঘটনা ঘটতে দেখলাম। বাংলায় লেখা  
বহু বাঁধানো কেতাব বাইরে এনে জড়ো করা হ’ল। গুপ্তলিতে সুন্দর হস্তাক্ষরে  
সরল পরিভাষা-সমূহ লেখা। কলিকাতা-পুলিশের স্থাপনা-কাল হতে ১৯১০ খ্রীঃ  
পর্যন্ত থানার কাজ বাংলা ভাষায় সমাধা করা হ’ত। নিম্নয়োজন মনে করে গুপ্তলি  
প্রাঙ্গণে পুড়িয়ে ফেলা হ’ল। দুশো বছরের অমূল্য সম্পদ এভাবে ভয়ীভূত হতে  
দেখে আমি হতবাক।

[একই কেতাবে পর-পর নম্বর-সহ ভূত্যাচৌর্য, গৃহচৌর্য, প্রবঞ্চনা ইত্যাদি বহু  
অপরাধের অভিযোগ। সিপাহীদের বেয়াদবী, ও গাফিলতির। ও ও তাতে রয়েছে।  
কে কাকে কি গালি দিয়েছে বা কে হুকুম তামিল করে নি—কেতাবগুলির পাশে  
বাংলা ভাষায় উর্দুতনদের লেখা মন্তব্যও ছিল।]

মা ঠিক সময়ে খেতে ও ঘুমাতে বলেছিলেন। কারো মনে কষ্ট দিতে ও মারামারির  
মধ্যে যেতেও তাঁর বারণ ছিল। কিন্তু এখানে তাঁর প্রতিটি উপদেশের বিপরীত  
কাজই করতে হয়। বিপদজনক কাজে ঝাঁপিয়ে কতবার প্রথম হয়েছি। মা-র  
নাগাল হতে ছেলে ছিনিয়ে কতবার গ্রেপ্তার করেছি। বাইরে বেরুলে লিখতে  
হ’ত কোন্ সময়ে বেরুলাম ও কখন ফিরলাম; কিজন্তু কোথায় গিয়েছি ও  
সেখানে কি-কাজ করেছি। বেরুবার আগে ও ফিরবার পরে ডায়েরি বইয়ে ও  
প্রতিবেদনে তা লেখা চাই। ছ-রাত্রি রাউণ্ডের পর একরাত্রি বিশাম। ঢুলতে  
ঢুলতে যাওয়া এবং ঢুলতে ঢুলতে ফেরা। কখনও সারাদিন তদন্তে থাকি। সাক্ষী  
দিয়ে কোর্ট হতে বিকালে ফিরি। সকালের খাবার বিকালে খেতে হয়।

[ পরে সাহেবদের বুঝিয়ে আমিই দু-রাত্রির বদলে একরাত্রি অন্তর রাউণ্ডের ব্যবস্থা করেছিলাম। এর আগে এবিষয়ে প্রতিবাদ করতে কেউ সাহসী হয়নি। ]

বড়োসাহেব একবার থানায় এসেছিলেন। উনি দারুণ চোঁচামেচি করে গেলেন। জুনিয়র-অফিসর শুক্লসাহেব বড়োবাবুকে বললেন, ‘আপনি রোঁদে আছেন বললে উনি হয়তো বিশ্বাস করলেন না। চোঁচাতে দাও। ওতে মন শান্ত হবে।’—বড়োবাবু একটুও ভীত না-হয়ে বললেন, ‘একসঙ্গে দুজনে আগে কাজ করেছি। এখন উনি উচ্চপদস্থ হলেও পরস্পরের দুর্বলতা জানি। জবরকে ডেকে বলো, কিছুদিন বন্ধ রাখুক। আমাকে উনি বেশি ঘাঁটাবেন না। তবে তোমরা একটু সাবধানে থেকো। এখন তিনি বাড়িউলি হয়ে পূর্বজীবন ভুলে গেছেন।’ (এ রকম কথা-বার্তা তখনও আমার কাছে দুর্বোধ্য।)

শীঘ্রই বুঝলাম যে পুলিশ-বিভাগ এক গহন স্তম্ভবনের সঙ্গে তুলনীয়। সেখানকার কাকড়া-বিছা মাঝে মাঝে দংশন করবে। ডাঁশ মশার কামড়ে উত্যক্ত হতে হবে। শুধু দেখতে হবে সাপের দংশন বা বাঘের আক্রমণের মতো ফেটাল-কেস যেন না হয়। জরিমানা, ধমকানো ও বরখাস্ত ওখানে সাধারণ ঘটনা।

এছাড়া একপ্রকার অদৃশ্য জীবাণু আছে যা অজ্ঞাতে ফুসফুস ফুটে করে শরীরে একেজো করে। ডাক্তারী শাস্ত্রে তার নাম যা-ই থাক পুলিশ-শাস্ত্রে তার নাম, গোপন নথী (C. C. Role), যা আরও সাংঘাতিক। কখনও কখনও বহুকাল পরে তার অস্তিত্ব ক্রিয়াশীল হয়।

পুস্তক-বিক্রেতা ভোলানাথ যেন এক মুস্লিম তরুণ কর্তৃক কলেজ স্ট্রীটে নিহত হলেন। তাঁর অপরাধ, তিনি ভুল করে একটি পুস্তকে হজরত মহম্মদের প্রতিচ্ছবি ছেপেছিলেন। খ্রিসত্যেন মুখার্জি ও আমি তাকে চিংপুরের এক মসজিদ হতে গ্রেপ্তার করলাম। আমি অতর্কিতে কাঁপিয়ে পড়ে তাকে নিরস্ত্র করি। ফাঁসির হুকুম দিতে গিয়ে হাইকোর্টের ইংরাজ জজ লিখেছিলেন : ‘সাম্প্রদায়িক বা রাজ-নৈতিক কোনও হত্যাতে রেহাই নেই।’

পর-পর কয়েকটি বড়ো অপরাধের সাক্ষর কিনারা করতে পারায় জোড়াসাঁকোর ইনচার্জ সত্যেন্দ্র মুখার্জি আমাকে তাঁর কাছে টেনে নিলেন। মৎপ্রণীত ‘পকেটমার ও অন্ধকারের দেশে’ চিনায় ওই সকল দুর্ভহ মামলার উল্লেখ আছে। বড়বাজার পান হতে আমি জোড়াসাঁকো থানায় বদলি হলাম।

## তৃতীয় অধ্যায়

জোড়াসাঁকো থানায় প্রবেশ করে বুঝতে পারি যে সেখানে পরিবেশ সম্পূর্ণ ভিন্ন। এক-এক ইনচার্জের প্রমোশন এক-একরকম হয়। সত্যেন মুখার্জির মতো ছুঁদে, কর্মক্ষম ও সেই সঙ্গে সৎ অফিসর সে-যুগে দুর্লভ ছিল। কড়া ও সৎ উর্ধ্বতনদের আমারও পছন্দ। এঁদের কাছে ভালো কাজের স্বীকৃতি পাওয়া যায়।

‘আমি কাঁচাথেয়ে ফেলবো। আজই একজনকে খাবো।’—ইনচার্জ-অফিসর সত্যেন মুখার্জি কজন নিম্নপদস্থ কর্মীর উদ্দেশে চোঁচাচ্ছিলেন, ‘পারেন তো ছুটি নিন কিংবা বদলি হয়ে যান, নইলে আপনাদের পতন করে দেব। রহমত মিয়ার জুয়া ও কোকেন ব্যবসা চলছে কী করে—য়া? আপনারা কিস্থ করেন না, কিস্থ দেবেন না?’

ইতিমধ্যে এক ধনীব্যক্তি মোটর থেকে নেমে, প্রদর্শনীর মতো আঙুলের হীরের আংটিগুলি উচিয়ে থানায় ঢুকলেন এবং সত্যেনবাবুকে বললেন, ‘আপনি এ-থানায় এসেছেন শুনে আলাপ করতে এলাম। হ হ হ। আপনাদের ওপর ওয়ালারদের সঙ্গেও আমার খাতির আছে। আপনি নিশ্চয় আমার পরিচয় শুনে থাকবেন। আমি—’ সত্যেন্দ্রনাথ মুখার্জি চেয়ার হতে লাফিয়ে উঠে তৎক্ষণাৎ বললেন, ‘মশায়, আপনি তো একজন অ্যারিস্টোকেট দালাল। নিম্নপদী ও নবাগত কর্মীদের নষ্ট করে চরিত্রহীন করাই তো আপনাকে কাজ। আপনি ফের এখানে এলে ফাটকে বন্ধ করে দেবো। এই দালাল-শ্রেণী আর বাস্তব-উকীলদের আমি থানায় ঢুকতে দিই না। কিয়ার?’ [থানা প্র্যাকটিশ-করা কিছু উকীল ছিল।]

জোড়াসাঁকো এলাকার মতো দুর্ধর্ষ গুণ্ডা-অধ্যুষিত এলাকা অতীত ছিল না। রাত্রে একটি বাড়িতে তল্লাসীর জগ প্রবেশ করলাম। হঠাৎ মন্ডি থেকে শব্দ পেয়ে সিপাহীরা নিচে গড়িয়ে পড়লো। ওরা যেখানে হাত দিয়েছে সেখানে হাইভোল্ট ইলেকট্রিক সংযুক্ত ছিল। এরপরই ডালকুতাদের আদার উপর ছেড়ে দেওয়া হ’ল। সঙ্গে সঙ্গে ইষ্টক-বর্ষণ শুরু। ফলে আমাদের বহুজনকে হাসপাতালে যেতে হ’ল। পরে ওরা কৈফিয়তস্বরূপ বলে যে তারা আমাদের ডাকাত ভেবেছিল। জলের বারি করে ওরা কোকেন ড্রেনে ফেলেছে।

বাতাসী-বিবির ডেরাতে দুজন জোয়ান স্বামী কাম (Cum) রক্ষী ছিল। তাদের ঘরের দেওয়াল ঘুরিয়ে ওরা পালাতে পারতো। নিচে কোনও লোকজন নেই। একতলার ছাদ থেকে আউটা টানলে দেওয়ালের চৌকো অংশসহ একটি মই নিচে নেমে আসে, অথচ মনে হবে ওই আউটা কোনও-কিছু টাঙাবার জন্য তৈরি করা হয়েছে। উপর হতে নারকেল-মালা নেমে এলে কোকেন-খোর ব্যক্তি তাতে মূল্য রাখে। তারপর মালাটি উপরে উঠে গেলে মূল্য তুলে নিয়ে সেই পরিমাণ কোকেনের পুরিয়া নিচে নামে। মাঠকোটীর দেওয়ালে ছোট ফুটো-মারফত কোকেন বিক্রি হয়। কে বা কারা বিক্রি করলো তা ওই বাড়িতে ঢুকে প্রমাণ করা যায় না। (সনাক্তির জন্য রঙ-ছোঁড়া পিচকারি ব্যবহার করতাম।) ...জর্নৈক নেতা শয্যায় দেহ এলিয়ে পিস্তলের গুলিতে বাল্ব ভেঙে আলো নেবাতেন। মংপ্রণীত ‘অধস্তন পৃথিবী,’ ‘খুনরাঙা রাত্তি’ ও ‘অন্ধকারের দেশে’ প্রভৃতি রচনায় এদের বিষয় হুবহু বলেছি। বস্তি-অঞ্চলে ধরে এনে গুম-করা গুদের সাধারণ ঘটনা।

কোনও এক গুণ্ডা-সর্দার উঠানে নিদ্রা যেতো। রৌদ্র উঠলে কেউ তার চোখে ক্রমাল চাপা দিতো। কিছু পরে চারজন তরুণী তাকে খাটিয়া-সুন্ধ ঘরে তুলে নিয়ে যেতো। সেখানে সে খাটিয়ায় বসে গড়গড়া মুখে দিতো। তার পাঞ্জা দেখালে দলের লোকেরা তাকে মদত দিয়েছে।

একবার এক মুস্লিম গুণ্ডাকে নাম জিজ্ঞাসা করা হলে সে বললে, তার নাম সেখ করীম; বাবাব নাম সেখ আবদুল। কিন্তু ঠাকুরদার নাম জিজ্ঞেস করলে সে বলেছিল, ‘ওস্কো নাম ছোঁড় দিজিয়ে হজুর। ও শালে হিন্দু থে।’...বন্ধু-কর্মী মহম্মদ মহসীন তা শুনে ক্ষুব্ধ হয়ে বলেছিল, ‘দেখ। এদের মধ্যে এজেন্ট-প্রপোগেটর কাজ করছে।’ হালিডে পার্কে মুস্লিম এবং গিরিশ পার্কে হিন্দু বক্তা সাম্প্রদায়িকতা প্রচারে রত। বন্ধু মহসীনের সাত-পুরুষের ভিটায় পাতকুয়া খুঁড়ে বহু দেবদেবীর মূর্তি পাওয়া যায়। বাড়ির লোকেরা মূর্তিগুলি লুকোবার চেষ্টা করলে সে বাধা দেয়। কলিকাতার প্রত্যেক পুলিশ-কর্মী অসাম্প্রদায়িক ছিল। কারণ, তারানুজ্জ্বের হিন্দু বা মুস্লিম না-ভেবে কেবল পুলিশ হিসাবেই ভেবেছে, যার কোনো জাত নেই।

তবে জোড়াসাঁকোর নতুন সমস্তা-সংকুল থানা গোটা ভারতে আর ছিল কিনা সন্দেহ। জর্নৈক তরুণ মুস্লিম দুহাত পেটে চেপে থানায় এসে বললে, ‘মেরি বুনাটু দিল্লিগি করবকে ছুরি মার দিয়া।’—জোর করে তার হাত পেটের উপর থেকে সরানো মাত্র নাড়িভূঁড়ি বেরিয়ে পড়লো। থানা-সুন্ধ লোক অপ্রস্তুত,

হতভম্ব ।...কৌচড়ে ইট পুরে মান্তানরা ‘আফ্রিকা স্পিক্’ ফিল্ম দেখছে । হঠাৎ ঘাঘের গর্জন শোনা মাত্র ‘মার শালে বাঘ’ বলে কৌচড় শূন্য করে ইট ছুঁড়লো । তাতে বাঘ অবশ্য মরলো কেননা পর্দা শতচ্ছিন্ন । তাই সত্যেন মুখার্জির মতো ব্যক্তিকে এখানে বহাল করা হয়েছিল ।

এই এলাকায় আমার প্রধান আকর্ষণ—রবীন্দ্রনাথ ঠাকুরের বাড়ি । ওই বাড়ির ঠাকুর-দালানে আমি ‘নটীর পূজা’ নাটকে তাঁর অভিনয় দেখেছিলাম । এইখানে কবিগুরু রবীন্দ্রনাথ ও শিল্পীগুরু অবনীন্দ্রনাথ ঠাকুরের সঙ্গে কথাবার্তা বলার সুযোগ ঘটে । এই বাড়ির এক কক্ষে অবনীন্দ্রনাথ আমাকে ও হেমেন্দ্রকুমার রায়কে ‘শব্দকল্পদ্রুম’ প্রভৃতি কয়েকটি লেখা পড়ে শুনিয়েছিলেন ।

### রবীন্দ্রনাথ ঠাকুর

ব্রাহ্মসমাজ ঐমিক-সেবার পরিকল্পনা মতো রবীন্দ্রনাথ ঠাকুর প্রথম জীবনে একটি ঐমিক-সমাজের সভা তে হলে ইংরাজ-বণিক-সভার বিরাগভাজন হয়েছিলেন । তাঁর বঙ্গভঙ্গ-আন্দোলনে সক্রিয় অংশগ্রহণও ব্রিটিশ-গভর্নমেন্ট পছন্দ করেন নি । ওঁরা রবীন্দ্রনাথের গতিবিধির উপর লক্ষ্য রাখবার জন্য জোড়াসাঁকো থানার সারভেলেঞ্চ-রেজিস্টারে তাঁর নাম নথিভুক্ত করেছিলেন । এ সম্বন্ধে কোনও এক ইংরাজ-রাজপুরুষ নিম্নোক্ত রূপ একটি প্রাতবেদন লেখেন :

‘এই দীর্ঘকায় গৌরবর্ণের শ্মশ্রুযুক্ত ভদ্রলোককে হঠাৎ দেখলে ধীশুশ্রীষ্ট বলে ভ্রম হয় । এই একটিমাত্র কারণে তিনি বহু ইংরাজ-পণ্ডিতকে বিভ্রান্ত করতে পেরেছেন । বহু যুরোপীয় ভদ্রলোক না-বুঝে তাঁর বাড়িতে গত্যাত করেন । তিনি স্বয়ং জমিদার হওয়া সত্ত্বেও প্রজা-দরদী । ধনীপুত্র হয়েও তিনি বোলপুরে একটি ক্ষুদ্র বিদ্যালয়ে শিক্ষকতা করেন ।’

একাদিন এক জমিদার থানায় ফিরে এসে বড়োবাবুকে সংবাদ দিচ্ছিল : ৩ নং দাগী রবীন্দ্রনাথ ঠাকুর বাড়িতে হাজির নেই । এই-সময় জনৈক ভারতীয় ডেপুটি ম্যাজিস্ট্রেট থানায় উপস্থিত ছিলেন এবং তা শুনে স্তর যত্নাথকে গল্পচ্ছলে বলেন । ঘটনাটি প্রকাশ পেলে, ইনচার্জ-অফিসরকে কৈফিয়ৎ দিতে হয় এবং তৎক্ষণাৎ কবিগুরুর নাম ওই তালিকা হতে বাদ দেওয়া হয় ।

রবীন্দ্রনাথের সঙ্গে হেমেন্দ্রকুমার রায় ও কালিদাস নাগের মাধ্যমে আমার পরিচয় । ডঃ নাগের গ্রেটার ইণ্ডিয়া মুভমেন্টে আমি ছাত্রাবস্থায় যুক্ত ছিলাম । আমার পরিচয় দিতে সংকোচ হচ্ছিল । ডঃ নাগ তার কারণবোঝাতে চাইলেন ।

গুরুদেব তখন বললেন, ‘মানুষের কাছে মানুষের পরিচয় দিতে লজ্জা হয় এমন কি ব্যাপার থাকতে পারে।’ আমি স্থানীয় পুলিশ-কর্মী শুনে তিনি বলেছিলেন, ‘থানা তো কাছেই ছিল। পুলিশ একেবারে বাড়ির ভিতর! অতঃপর থানা-পুলিশে জড়িয়ে না পড়ি।’ তাঁর রসিকতা যাই হোক, উপস্থিত গুণীব্যক্তিদের জোড়া-জোড়া চোখ আমার দিকে নিবন্ধ হ’ল। আমি বিব্রতবোধ করে একটু একটু করে পিছিয়ে সেই স্থান ত্যাগ করি।

তাঁকে কৈশোরে ভবানীপুর ব্রাহ্মসমাজ হল-এ প্রথম দেখি। ‘প্রবাসী’-সম্পাদক রামানন্দ চট্টোপাধ্যায় সভাপতি ছিলেন। রামানন্দবাবু বক্তৃতা-প্রসঙ্গে বলেন, ‘আমি যৌবনে বহু কবিতা লিখেছি। অতি অল্প সময়ে ওই কবিতাগুলি প্রশংসা-লাভ করে। কিন্তু আমার কবিতার খাতাটি হারিয়ে গেছে।’—রবীন্দ্রনাথের ভাষণটি আমার স্পষ্ট মনে আছে। তিনি বক্তৃতা দিতে উঠে বললেন, ‘রামানন্দ-বাবুর কবিতাগুলি স্বল্পকালে প্রশংসিত হয়েছিল এবং স্বল্পকালেই লোকে তা ভুলে গেছে। এমন-কি খাতাটি পর্যন্ত তিনি হারিয়ে ফেলেছেন। কিন্তু আমাকে কবিরূপে স্বীকৃতি পেতে চল্লিশ বৎসর অপেক্ষা করতে হয়েছে। তাই স্বীকৃতি একটু দেরিতে আসাই ভালো। তাতে লেগে থাকা যায়, চর্চা করা যায়।’ রবীন্দ্রনাথ পুলিশের প্রতি স্নেহশীল ও সহানুভূতি ছিলেন। তাই ‘মুকুট’ নাটকে তিনি লিখে গিয়েছেন যে পুলিশ কারো পা জড়িয়ে ধরলে লোকে মনে করে জুতো-জোড়াটা সরাবার মতলবে আছে। পুলিশ-সম্পর্কে জনগণের অত্যাচার সন্দেহ তাঁকে ব্যথিত করতো। অন্তদের মতো তাঁরও বহু অসুবিধা ছিল। তাই একটি পত্রে তিনি দুঃখ করে লিখেছিলেন : ‘আমার মধ্যে যেটুকু আগুন আছে তা দিয়ে সারাবাড়ি আলোকিত হয় না, ঘরের কোণে একটি প্রদীপ মাত্র জালানো যায়।’—তিনি শেষদিকে কথ্যভাষার পক্ষপাতী হন। সাধুভাষায় লেখা পুস্তক স্থায়িত্ব পাবে কিনা তাঁর সন্দেহ ছিল। ‘নৌকাডুবি’ সাধুভাষায় লেখা বলা হলে তিনি বলেছিলেন, ‘তাহলে ওটা ডুবলো।’ একটি সভায় ( E. N. Club ) কবি জলীমউদ্দীন ও অত্যাচার মুসলিম কবি-সাহিত্যিকদের সভা করার জন্তু ঠেকে বলতে শুনেছিলাম। শান্তিনিকেতনে তরুণ চিত্রশিল্পীদের তিনি বলেছিলেন, ‘যদি আমপাতা একে তলায় লেখে কাঁঠাল পাতা, তাহলে তা আমও নয় কাঁঠালও নয়, সে হবে তোমার মনের পাতা।’—তাঁর মুখনিঃসৃত প্রতিটি বাক্য অমৃত আশ্বাদযুক্ত ছিল।

এক পত্রিকা-সম্পাদক তাঁর একটি কবিতা উদ্ধৃত করেন : ‘তোদের চক্ষু যত রক্ত হবে মোদের আঁখি ফুটেবে। তোদের বাঁধন যত শক্ত হবে মোদের বাঁধন টুটেবে।’



তৎকালীন পুলিশ ওই সম্পাদকের বিরুদ্ধে মামলা ঠেকেছে। কিন্তু মূল লেখক রবীন্দ্রনাথকে তার জ্ঞাত তারা বিরক্ত করে নি। ( অধুনা পুলিশ-ক্লাব লাইব্রেরিতে একটি রবীন্দ্র-শাখা আছে। ) রবীন্দ্রনাথ উঠে-বাওয়া পুরনো পত্রিকাগুলি পুনর্জীবিত করা পছন্দ করতেন না। তাঁর মতে ওদের কাজ শেষ হয়ে গেছে। মাহুষের মতো ওদেরও জীবনদান অসম্ভব। তাতে পূর্বভাবধারা পুনঃপ্রবাহিত হয় না।

[ অবনীন্দ্রনাথ আমাদের বলেছিলেন যে শেষ-জীবনে তাঁর আঁকা ছেড়ে লেখা এক রবীন্দ্রনাথের লেখা ছেড়ে আঁকার ইচ্ছা। তিনি আরও বলেছিলেন যে রবীন্দ্রনাথের পরমায়া তাঁর অপেক্ষা বেশি। কারণ, তাঁর মধ্যে মহর্ষির প্রত্যক্ষ অস্তিত্ব রয়েছে। ] কথাশিল্পী শরৎচন্দ্র চট্টোপাধ্যায় আমাদের বহুবার বলেছিলেন, ‘রবীন্দ্রনাথ আমাদের জ্ঞাত লেগেন আর আমরা তোমাদের জ্ঞাত লিখি। উনি যুগের চাইতে বহুদূর এগিয়ে আছেন বলে তাঁর সব লেখা তোমাদের বোধগম্য হয় না।’

বিঃ দ্রঃ—গুরুদাস চট্টোপাধ্যায় এণ্ড সন্স-এর উত্তরাধিকারীদের মুখে শুনেছিলাম, রবীন্দ্রনাথের প্রথম পুস্তক তাঁবাই প্রকাশ করেন। তৎকালে লেখকদের সংখ্যা অতি নগণ্য ছিল। তাঁরা এক-একজন লেখকের প্রাপ্য অর্থ এক-এক রঙের কোটোয় রাখতেন। রবীন্দ্রনাথ পুস্তক-বিক্রির সংবাদ নিতে এলে তিনি বলেছিলেন, ‘তুমি রবীন্দ্রনাথ? ঠিক আছে। তাহলে হলদে কোটো। একখানি পুস্তক বিক্রি হয়েছে। কমিশন বাদে তোমার প্রাপ্য দু-আনা।’—রবীন্দ্রনাথ নাকি সবিনয়ে বলেছিলেন, ‘কেতার নাম ও ঠিকানা যদি দেন তাহলে তাঁকে একদিন বাড়িতে নিমন্ত্রণ করতাম।’

কলিকাতা বিশ্ববিদ্যালয়ের সমাবর্তন-অনুষ্ঠানে রবীন্দ্রনাথের বক্তৃতা এলে আমি ডিউটিতে সেখানে ছিলাম। বক্তৃতার প্রারম্ভে বাংলাতেই তিনি বললেন, ‘শ্রাম-প্রসাদের পিতা আশুতোষ স্নাতকোত্তর বিভাগে বাংলা ভাষা পাঠ্য করেন। এবার ‘ভাইস-চ্যান্সেলার হয়ে তিনি প্রথম বাংলা ভাষাকেই সমাবর্তনের আসরে টেনে আনলেন।’ বিশ্ববিদ্যালয়ের চ্যান্সেলার ইংরাজ লার্টবাহার তাঁর ভাষণে বলে-ছিলেন, ‘রবীন্দ্রনাথকে বিশ্ববিদ্যালয়ের অধ্যাপক করার প্রস্তাবে তিনি বাংলা ভাষায় পণ্ডিত নন বলে আপত্তি উঠেছিল।’ কিন্তু পরবর্তীকালে বাংলা ভাষার স্ট্রাকচারে তিনি স্বীকৃত হয়েছিলেন। ( শরৎচন্দ্র চট্টোপাধ্যায়: একবার আমাদের বলেছিলেন, ‘রবীন্দ্রনাথের সভায় গিয়ে লাভ হয় কী? উনি নিজেই কথা বলেন আর সবাই চুপ করে তা শোনে। কিন্তু আমার বৈঠকে সকলের সমান অধিকার।’ প্রকৃতপক্ষে অত বড়ো ব্যক্তিত্বের নিকট কোনো কথা বলা সম্ভব ছিল না। )

ঠাকুর-বাড়িগুলির মধ্যে অবনীন্দ্রনাথ ঠাকুরের অলংকৃত কাঠের সিঁড়িটি আমাকে মুগ্ধ করতো। উত্তরকালে ওই প্রাসাদের বিলুপ্তি আমাকে মর্মান্বিত করেছিল। তৎপূর্বে অবনীন্দ্রনাথের গৃহত্যাগকালে মর্মস্বন্দ স্বগত-ভাষণটি কেউ জানে না। তিনি গৃহের প্রতিটি কক্ষের আসবাবাদি এবং উঠানের প্রতিটি বৃক্ষের নিকট গল-বস্ত্রে ও করজোড়ে বিদায় গ্রহণ করেছিলেন।—‘হে লতা! হে বৃক্ষ! তোমরা আমাকে বিদায় দাও। হে মৃত্তিকা! হে ইষ্টক! তোমরা আমাকে বিদায় দাও।’ উপস্থিত ব্যক্তির তাকে দেখে চোখের জল সংবরণ করতে পারেন নি।

ঠাকুর-বাড়ির ছুটি চুরির মামলার কিনারা করায় খুশি হয়ে রবীন্দ্রনাথ বলেছিলেন যে মিশনারিদের অপেক্ষা পুলিশের জনসেবার সুযোগ বেশি। আমি তাঁর এই বাণী শ্রবণ রেখে এরূপ প্রতিটি সুযোগের সদ্যবহার করেছিলাম।

এইকালে কলেজ স্ট্রিট মার্কেটে পেশোয়ারীরা বাঙালীদের ফল-বিক্রয়ে বাধা দিতো। আমি ওখানে সিপাহী মোতায়েন করে বাঙালী তরুণদের দোকান বসিয়েছিলাম। মার্কেট-সুপারিনটেনডেণ্ড রঞ্জনবাবু এ-ব্যাপারে আমার সহায়ক হন। বাঙালী বেকার তরুণদের চা বিপণি ও হোটেলের অজস্র লাইসেন্স মঞ্জুর করি। রামবাগান বেস্তাপল্লীর নারীদের সুরক্ষণ ও তাদের শিশুদের জন্ম একটি প্রাথমিক বিদ্যালয় স্থাপন করেছিলাম। জর্নৈক উৎপীড়ক অফিসরকে বড়বাজারে বহলি করে ওই এলাকার ভার আমাকে দেওয়া হয়। ওদের পুত্রকন্যাদের বিবাহ দ্বিয়ে তাদের গৃহস্থ করার ব্যবস্থা আমি করেছিলাম। আমার কাজের স্বীকৃতি-স্বরূপ নিম্নোক্ত গানটি বেস্তাপল্লীতে প্রায়ই গীত হ’ত। গায়িকা ইন্দুবালা এই গানটি প্রথম গেয়েছিলেন :

‘বড়োবাজারে অমুকবাবু

খাচ্ছে বসে মেওয়া।

পঞ্চু বোম্বালকে করলে রাজা

রামবাগানের বেওয়া।’

ধানার প্রবীণ সিপাহী ও জমাদাররা ওইকালে কর্মদক্ষ ছিল। বহু তদন্তে অফিসরদের সাহায্য করে ওরা তাঁদের সুনাম এনে দিতো। জর্নৈক স্নেহপ্রবণ জমাদার নিজে আমাকে বলেছিল, ‘ছোটবাবু, কুছ কুছ ছোটউটি গ্যফিলি হামিলোককে লিয়ে করবেন। আপকো ভালাইকো বাস্তে ম্যায়লোক দলিল-খাট চুকেগা। নেহি তো ইসকো বাড়ে আপকো আপদ আসবে। আউর ইসমে বড়িয়া কৈফিয়ৎ দিতে

হবে।’—কোনও তরুণ অফিসরকে নারীর প্রতি মনোযোগী বুঝলে তারা বাধা দিয়ে বলেছে : ‘উহ্’। আপ বড়ি ঘরকি লেড়কা। ঘরমে আপকো বহু-বেটি আছে।’ ...এদের নিকট পুলিশ-লাইনের কতকগুলি পরিভাষা আমি রপ্ত করেছিলাম যেমন ফর্জেকি = উপর চালাক, হুন্দো = এলাকা, মেরামতি = টাইট দেওয়া, খানে-ওয়ান লড়নেওয়ান। ঝাটিয়া রামধোলাই শ্রামধোলাই কোচোয়া ধোলাই। ফালতু আদমি, মোক্কা = কিল, হাফ উর্দি অর্থাৎ ধুতির উপর যুনিফর্মের কোট ( জরুরি হাল্লাতে ওই ব্যবস্থা ), পেটি = বেল্ট, বে-পেটি, বে-উর্দি, রে’দ অর্থাৎ রাউণ্ড ইত্যাদি।

[ বহু কুসংস্কারও থানায় প্রচলিত ছিল। কারো হাত থেকে লাঠি বা হাতিয়ার মাটিতে পড়ে গেলে তার অর্থ—ঝামেলা বাড়বে। তখনই প্রতিবেদক হিসাবে ওতে জ্বল ঢালা হ’ত। কারো শাসপেণ্ড বা বদলির পর নতুন অফিসর এলে তাঁর টেবিল অর্থাৎ ঘুরিয়ে নিতেন। ]

শিব্রাম চক্কারবর্তী নামে এক তরুণ লেখক এলাকার এক মেস-বাড়িতে থাকতেন। স্বদেশী-ওয়ান মন্দে করে তাঁর গতিবিধির উপর নজর রাখার হুকুম হ’ল। তাঁকে ফলো করে এক হোটেলে গেলাম ও একসঙ্গে কিছু খেলাম। পরে তিনিই একদিন আমাকে ফলো করে থানায় এলেন ও কিছু টাকা কর্জ চাইলেন। যাবার পূর্বে আপশোষ করে তিনি বললেন যে তাহলে পুলিশের পরই কাবুলিওয়ালার কাছে যেতে হয়। একদিন কাবুলিওয়ান তাড়িত হয়ে তিনি থানায় আশ্রয় নিলেন। আমরা ওই কাবুলিওয়ানকে চেপে ধরে হাজতে পুরলাম। ফলে ভারত-গভর্নমেন্ট ও আফগান-গভর্নমেন্টের মধ্যে পত্রালাপ শুরু হয়েছিল ! কৈফিয়ৎ স্বরূপ আমি কাবুলিদের শতটাকায় শতটাকা হুদ ও তদজ্ঞানিত অত্যাচারের ফিরিস্তি সহ প্রতিবেদন পাঠালাম। কিন্তু স্বলেখক শিব্রামবাবু সাক্ষী দিস্ত চাইলেন না। তাঁর মতে ওরা জনগণের উপকারী বন্ধু। সেইদিন পুলিশ বিরূপ হলেও ওরা তাঁকে টাকা দিয়েছে। তাঁকে জ্বরদিস্তি ডেপুটির কাছে হাজির করতে আদিষ্ট হলাম। কিন্তু ততদিনে তিনি নিখোজ হয়ে গেছেন।

এই উপলক্ষে কাবুলিদের উৎপাত সম্বন্ধে দেশব্যাপী তদন্ত চললো। গভর্নমেন্ট আফগান মানি লেণ্ডিং অ্যাক্ট পাশ করলেন। তার কয়েকটি ধারায় উল্লেখ আছে উৎপীড়ন করলে তা পুলিশ-গ্রাফ অপরাধ-গ্রাফ অপরাধরূপে গণ্য হবে। উচ্চহারে হুদ গ্রহণও তার দ্বারা বন্ধ করা হয়।

গান্ধী-আরউইন প্যাক্ট ভেঙে গেলে কংগ্রেসকে বেআইনী ঘোষণা করা হয়েছিল। সাব-ইনস্পেকটরদের ও তার উচ্চপদস্থ অফিসরদের নিকট ছাপানো কমিটেট

অর্ডারের বহু ফর্ম থাকতো। তাঁরা সন্দেহ হওয়া মাত্র যে কোনও ব্যক্তিকে হাকিমের নিকট উপস্থিত না-করে নিজেরাই তাতে সই করে জেলে পাঠাতে পারতেন। এত ক্ষমতা পুলিশকে আগে কখনও দেওয়া হয় নি। কিন্তু এই ক্ষমতা পাওয়া সম্বন্ধে আমরা কলেজ স্ট্রীট মার্কেটে বেআইনী কংগ্রেসের বাৎসরিক অধিবেশন বন্ধ করতে পারি নি। আমি বুঝা অপেক্ষা করে সিপাহীদের মধ্যাহ্ন-ভোজের জন্ত ছেড়ে দিয়েছিলাম। হঠাৎ বাজারের মধ্য হতে খালি-হাতে খন্দর ও গান্ধী-টুপি পরা কংগ্রেসী প্রতিনিধিরা পথে নেমে সভা শুরু করে দিলেন। গান্ধী-টুপি-গুলো পকেটে থাকায় আমি ওদের স্বরূপ বুঝতে পারি নি। ছুটে গিয়ে গ্রেপ্তার করার পূর্বেই সভাপতি মশাই তাঁর ভাষণের পুরোটাই পড়ে ফেলেছিলেন।

ওঁরা নির্বিবাদে থানায় এসেছিলেন। ইংরাজ ডেপুটি সংবাদ পেয়ে থানায় এসে জিজ্ঞাসা করলেন, ‘এদের বডিলা ট্রিটমেন্ট করা হয়েছে?’ আমি বিব্রত হয়ে মিথ্যা করে বলেছিলাম, ‘হ্যাঁ।’ নগ্ন-গাত্র সৌম্য-যুঁতি সভাপতি মশাই ডেপুটি-সাহেবের প্রশ্নের উত্তরে বলেছিলেন, ‘আপনি ঠিকই আমাকে চিনেছেন, আমি বর্ধমানের সেই নটি-বয়।’—আমরা দেরি না-করে সবাইকে প্রিজন্ ভ্যানে পুরে লালবাজারে পাঠিয়ে দিয়েছিলাম।

নতুন আইনে সিমলা ব্যায়াম-সমিতি সবচেয়ে বেশি ক্ষতিগ্রস্ত হয়। ওরাই প্রথমে বারোয়ারির পরিবর্তে সর্বজনীন নামে দুর্গোৎসব করেন। ওদের সমিতিতে সর্ব-ধর্মের লোক-গ্রহণে আপত্তি ছিল না। অথচ ভর্তির সময় হুম্মানজির পূজা দেবার নিয়ম ছিল। আমরা ওদের প্রদর্শনী-ক্ষেত্র থেকে ব্রিটিশ-বিরোধী পুতুল-সহ বার-বেল ডায়েল ও আসবাবপত্র তুলে এনে থানার সম্মুখে রাখলাম। বহুকাল ধরে বৃষ্টিতে ভিজে ওগুলো ব্যবহারের অযোগ্য হয়ে গিয়েছিল।

পরের দিন কলেজ স্ট্রীট মার্কেটের দ্বিতলের একটি বিপণি হতে প্রত্যেককে গ্রেপ্তার করে আনার হুকুম হ’ল। কিন্তু সেখানে গিয়ে অবাধ হয়ে দেখি, অন্দের সাথে অচিন্ত্যকুমার সেনগুপ্ত বসে রয়েছেন। মুন্সেফ চাকুরিতে মধ্যে মধ্যে ছেদ পড়লে তিনি ওখানে গিয়ে তাস খেলতেন ও বন্ধদের সঙ্গে গল্প করতেন। শ্রদ্ধাস্পদ অচিন্ত্য বাবুর জন্মই আমি কর্তব্য সাধন না-করেই ওখান থেকে চলে এসেছিলাম।

### কাজী নজরুল

প্রথম-রাত্রে রাউণ্ড পডলে কাজী নজরুল ইসলামের সঙ্গে সাক্ষাতের সৌভাগ্য হ’ত। তিনি প্রায়ই গ্রামোফোন কোম্পানী হতে হেঁটে অত রাত্রে বাড়ি

কিরতেন। চাঁদনি রাতে নয়-রাস্তায় ফেলে-রাখা বিরাট পাইপগুলোর উপর বসে কিছুক্ষণ উভয়ে গল্প করতাম। আমার এক সহকর্মী তাঁর কথার সংগীত-শিক্ষকরূপে কাজী সাহেবকে রাজী করাবার জন্ত আমাকে অহুরোধ করলেন। কাজী সাহেব রাজী হলেন। কিন্তু তাঁকে গোপনে পিছনের দরজা দিয়ে উপরে নিয়ে যেতে চাইলে তিনি রাজী না-হয়ে বেরিয়েছিলেন। ‘আমি সর্বদা সদর রাস্তা দিয়ে হাঁটি। খিড়কির পথে আমার যাতায়াত নেই।’ (সর্বসমক্ষে গুঁকে উপরে নিয়ে গেলে বিপদ হ’ত।)

এক সপ্তাহ পরে স্পেশাল ব্রাঞ্চ হতে মেসেঞ্জ এলো : এলাকার একটি বাড়ি ভোররাত্রে তল্লাসী হবে। গোয়েন্দা-পুলিশের রক্ষার্থে উর্দি-পরা পুলিশ যেন মজুত থাকে। গোয়েন্দা-কর্মীদের নির্দেশে কাজী নজরুলের বাড়িটি ঘেরাও করলাম। হুমুখের বাড়ির বারান্দা হতে জনৈক বালিকাকে বলতে শুনলাম : ‘ও দাদি, শীপ বাজাও। অতিথি এসেছে।’ গোয়েন্দা-নেতা কাজী সাহেবের সঙ্গে আমার পারচয় কারনে দিয়ে বললেন, ‘ইনি বিখ্যাত বিপ্লবী-কবি কাজী নজরুল ইসলাম।’ আমরা দ্রুত পরস্পরকে না-চেনার ভাব দেখিয়েছিলাম। প্রাতটি কক্ষের বাস ও শয্যা লগুতও করে খোজা হ’ল। কিন্তু কোথাও একটি মাত্রও আপত্তিকর দ্রব্য বা পত্র পাওয়া গেল না :

হঠাৎ জনৈক আফিসর একটি তালাবন্ধ পুরনো বাসের ডালা খুলতে চাইলেন। কাজী সাহেব তৎক্ষণাৎ শশব্যস্তে সোঁদকে ছুটে গিয়ে বললেন, ‘না-না-না।’ অফিসররা তাতে সন্দেহ হয়ে ওই বাসটি ভেঙে উপুড় করলেন। কতকগুলি পেলনা, ছোট জামা ও অল্প দ্রব্য মেঝের উপর গাড়িয়ে পড়লো। কাজী সাহেব তা দেখে আতকে উঠেছিলেন। তাঁর দুই চোখ দিয়ে জল গড়াচ্ছিল। আমরা সকলে অশ্রুত। ‘আগ্নীপীঠ’র কবির চোখে আগুনের বদলে জল ! ওইগুলি ছিল তাঁর মৃত-পুত্র বুলবুলের ব্যবহৃত দ্রব্যাদি। তার মৃত্যুর পর এই প্রথম বাসটি খোলা হয়েছিল।

## যামিনী রায়

এই উপলক্ষে অল্প একটি বিখ্যাত পুলিশী তল্লাসীর বিষয় উল্লেখ্য। পরবর্তীকালে আমি শ্রামপুর থানায় থাকার সময় সেটি ঘটে। বাগবাজারে আনন্দচ্যাটার্জি লেনে এই রকম ভোররাত্রে গোয়েন্দা-পুলিশের সঙ্গে আমি একটি বাড়ি ঘেরাও করি। স্পেশাল ব্রাঞ্চের ইন্সপেক্টর ডেপুটি-কমিশনার স্বয়ং থানা-তল্লাসীতে উপস্থিত। সন্দেহ : ওই বাড়িতে একজন মহাবিপ্লবী বাস করছেন। ভোররাত্রে নিচের

ঘরে আলো জ্বলতে দেখে ওরা বুঝলেন যে খবর ঠিকই পাওয়া গেছে। সকলে পিস্তল উঠিয়ে হুড়মুড় করে ভিতরে ঢুকছিল, ইংরাজ ডেপুটি সাহেব বলে উঠলেন, 'আরে তোমরা এ কোথায় এসেছো? এ যে একটা টেম্পেল (অর্থাৎ মন্দির।) ওপেন ইয়োর স্ক'স্ (জুতো খুলে প্রবেশ করো।)'

সমগ্র দেওয়ালে ও মেঝেতে অপূর্ব নকশা ও আলপনার কারুকাজ। বড়ো বড়ো জালা ও ঘটে এবং পিড়ির গায়ে লতাপাতা ফুল ও পাখি। বিচিত্র পদ্ধতিতে অংকিত দেবদেবীর মূর্তি ও ছবি থাকে-থাকে সাজানো। তাদের টানা-টানা চোখ, গোল-গোল মুখ। আর রঙের কী জৌলুস! ডেপুটি-কমিশনার ওই মন্দিরের পুরোহিতের সঙ্গে দেখা করতে চাইলেন। পুরোহিত-মন্ড ব্যক্তিটি অত ভোরে চাদর-গায়ে নিবিষ্টচিত্তে ছবি আঁকছিলেন। প্রকৃত বিষয় প্রকাশ পেলে কমিশনার নিজেই বললেন, 'একেই বলে বেঙ্গল স্কুল অফ আর্টস।'

ডেপুটি সাহেব শিল্পরসিক ব্যক্তি। তিনি ওখান থেকে আর ফিরে আসতে চান না। অসংখ্য স্খাংকিত ছবি বাইরে ফেলে দেওয়া হয়েছিল। শিল্পী বললেন যে, 'একদিন মনে হ'ল ওগুলো ঠিক আঁকা হয় নি তাই বাইরে ফেলে দিয়েছি।' কিন্তু আমাদের চোখে ওগুলো অপূর্ব নেগেছিল। ডেপুটি সাহেব অফিসে ফিরে তাঁর প্রতিবেদনে লিখেছিলেন : 'হি ইজ এ রেভোলিউনিষ্ট। বাট নট ইন আর্মস, হি ইজ সো ইন আর্টস।'—এই শ্রদ্ধেয় শিল্পী যামিনী রায়। তখন থেকে মৃত্যুকাল পর্যন্ত তাঁর আমি স্নেহহীনা ছিলাম।

[চারজন যুরোপীয় পণ্ডিত স্বাধীনতা-উত্তরকালে যামিনী রায়ের ঠিকানার খোজে কলিকাতা-কমিশনারের শরণাপন্ন হলে এক তরুণ দেশীয় ডেপুটি বলেছিলেন, 'আমাদের সর্বভারতীয় পরীক্ষায় প্রশ্ন ছিল, যামিনী রায় কে? তিনি সিনেমা না থিয়েটারের আর্টিস্ট মনে করতে না-পেরে আমি শুধু লিখেছিলাম—আর্টিস্ট।' . . ডঃ বিনয় সরকারের নিকট শুনেছিলাম জনৈক পুলিশ-কর্মী তদন্তে এসে জানতে চেয়েছিলেন তিনি এ্যালাপ্যাথি না হোমিওপ্যাথি ডাক্তার?]

জোড়াসাঁকোয় প্রতিরাত্রে রাজনৈতিক তল্লাসী হচ্ছিল। কোনও এক প্রখ্যাত নেতা মাসিক প্রদেয় ৩০০ টাকা গুনে নিতে-নিতে এক দেশীয় অফিসরকে উদ্দেশ্য করে বলতে শুনেছিলাম : 'দাদা-ভাই, একটু-একটু করে একস্পোজড হয়ে যাচ্ছি। আর দেরি না-করে কিছুদিন ঘুরিয়ে নিয়ে এসো।' পরদিন তাঁর বাড়ি তল্লাস করে, গদি ও বালিশ ছিঁড়ে, তাঁকে টেনে-হিঁচড়ে বার করে সর্বসমক্ষে আমরা গ্রেপ্তার করলাম। মুহম্মদ শম্মুদ্বানি, লাজবর্ষণ ও বন্দেমাতরম ধ্বনির মধ্যে তিনি প্রিজন্-ভ্যানে উঠেছিলেন।

একদিন জর্নেক নিম্নপদস্থ গোয়েন্দা-কর্মী পল্লীর এক নেতা কর্তৃক প্রহৃত হলে খানায় নালিশ জানানেন। কিন্তু কর্তৃপক্ষ কর্মীটিকে ট্যাক্টলেশ বলে প্রহারকারীকে গ্রেপ্তার করতে মানা করেছিলেন। উক্ত নেতা সন্দেহ এড়াতে সর্বসমক্ষে বাহাদুরি নিয়েছিলেন। উনি পুলিশের চররূপে দলের লোককে গ্রেপ্তারে সাহায্য করে অর্থোপার্জন করতেন।

এই-সব নিম্নপদস্থ গোয়েন্দা-কর্মীদের জনগণ চিনে এবং সহকর্মীরা না-চিনে পীড়ন করেছেন। ফুটে দাঁড়িয়ে জানলার দিকে তাকাতে দেখলে তাদেরকে মস্তান ভাবা হয়েছে। কেউ বা নজর এড়াতে যত্ন ত্যাগের ছলে পথিপার্শ্বে বসলে টহলদারী সিপাহী তাকে রুলের গুঁতো দিয়ে খানায় এনেছে। পরদিন আদালতে জরিমানা দিলেও তাঁরা কিন্তু আত্মপরিচয় দেন নি। রোয়াকে উপবিষ্ট এক রুগ্ন বিপ্লবীর প্রতি নজর রেখে জর্নেক গোয়েন্দা পানের দোকান থেকে পান ও চুন নিলেন তারপর কাশীর জর্দা আছে কিনা জিজ্ঞাসা করে এদিক-ওদিক তাকিয়ে স্থানত্যাগ করলেন। সেই বিপ্লবী ফেরার থাকাকালে এক তরুণ গোয়েন্দা বন্ধু সেজে তাঁর স্ত্রীর সহিত ভাব ফ্যানোয় উনি জুড়ু। এই সময় একজন প্রকৃত নাগরিক তাঁকে একটি রাস্তার হৃদিস জিজ্ঞাসা করলে উনি খিঁচিয়ে উঠে বলেছিলেন, ‘হারামজাদা! কতদিন তোর চাকরি হ’ল?’ উভয়-পক্ষের গোপন-আহবে জনসাধারণ অতিষ্ঠ হয়ে উঠেছিল। অতীতকালে বিপ্লবীদের প্রতিষ্ঠিত কোনো-কোনো আশ্রমে প্রবীণ পুলিশ-কর্মী না-জেনে গীতার ব্যাখ্যা শুনতে গিয়েছেন। ভগিনীর বিবাহের স্নানকাব-সহ এক বিপ্লবী গ্রামের নিরালা পথে বাড়ি ফিরছেন। তার পিছু-পিছু অস্বস্থসহ ফ্রিগার্ড-রূপী গোয়েন্দাকে দেখে তিনি নিরাপত্তা বোঝ করেছিলেন। বাড়ির নিকট এসে তিনি গোয়েন্দাটিকে সাদর নিমন্ত্রণ করে বলেছিলেন, ‘মশায়, এত রাতে কোথায় যাবেন? আসুন, ভোজন করে ঘুমিয়ে কাল সকালেই বরং যাবেন। আমাদের বাড়ি তো আপনার দেখাই রইলো।’...তল্লাসীর জন্য বাড়ি ঘেরাও হলে কখনও-কখনও শিক্ষিত কুকুরের মুখে পিস্তলাদি গুঁজে নর্দমার বা গলির পথে বার করে দেওয়া হ’ত। তখন সেই কুকুর যথাকালে তাঁদের অত্যাচারে আড্ডায় দ্রব্যাদি পৌছে দিতো। পুলিশ-কর্মীদের মতো নেতাদেরও সশস্ত্র গার্ড ছিল।

জোড়াসাঁকো খানায় বহাল থাকাকালে গোয়েন্দা পুলিশের একটি দক্ষতা দেখে মুগ্ধ হয়েছিলাম। ঘটনাটি করুণ হলেও তাদের কৃতিত্ব আমি অস্বীকার করতে পারি নি। সেই ঘটনাটি সংক্ষিপ্ত আকারে নিয়ে উদ্ধৃত করা হ’ল।

এক বিপ্লবী কিশোরকে স্পেশাল ব্রাঞ্চ পুলিশ জোড়াসাঁকো খানার হাজত ঘরে

পৃথক করে রেখেছিল। বহু অফিসর চেষ্টা করেও তার কাছ হতে স্বীকারোক্তি আদায় করতে পারেন নি। তার সেই এককথা : রক্ত দিয়ে ভূর্জপত্রে প্রতিজ্ঞা লিপিবদ্ধ করে সে নিজেকে দেশমাতৃকার চরণে উৎসর্গ করেছে। তার জিহ্বা ছিঁড়ে নিলে বা চক্ষু তুলে নিলে কিংবা মস্তক চূর্ণ করলেও সে বিশ্বাসঘাতকতা করতে পারবে না। এক অভিজ্ঞ প্রৌঢ় অফিসর তার পিতৃবন্ধু রূপে পরিচয় দিয়ে বললেন, ‘বাবা, আমি পুলিশ-কর্মী হলেও তোমার পিতৃবন্ধু। খবরদার, কারো কাছে কোনও স্বীকারোক্তি কোরো না। এমন-কি আমার কাছেও বেকাঁস কিছু বোলো না।’ পরদিন উনি তার পিতার সঙ্গে এক হাঁড়ি মিষ্টি নিয়ে দেখা করলেন। কিশোরটি বুঝতেও পারলো না যে ওইদিনই তার পিতার সঙ্গে তাঁর পরিচয়। প্রত্যহই তিনি কাপড় বা মাখার তেল প্রভৃতি জিনিস এনে তাকে দিতেন। একদিন নিভূতে ডেকে তিনি তাঁতকে উঠে বলেছিলেন, ‘বাবা, আমি আজ ফাইল দেখে অবাক। তোমাদের দলের বারোজনের মধ্যে তো ‘আটজন তো আমাদের লোক।’ বালকটি ‘অসম্ভব’ বলায় তিনি একটি নাঁথ খুলে তাকে শোনাতে শুরু করেন : অমুখ তাবিখে ভোর ছটার সময় তুমি অমুক দাদার তিনতলার ঘরে অর্গলবদ্ধ করে এই-এই দলনেতার সঙ্গে মিলিত হয়েছিলে। তোমাদের মধ্যে কথাবার্তা পাকা হলে তুমি পত্র ও অস্ত্র অমুক দাদার কাছে পৌছে দাও এবং তিনি এই-এই কথা তোমাকে বলেন। ঠিক কিনা ?... এভাবে ভদ্রলোক তার প্রতিদিনের প্রতিটি মৃত্যুমেট জানিয়ে দিলে সে কাঁপতে-কাঁপতে দলের সমস্ত সংবাদ তাঁকে বলে দেয়। রাত্রিকালে অহুতাপ আসায় বালকটি কাপড়ের খুঁট গলায় আর লকআপের শিকে বেঁধে আত্মহত্যা করেছিল।

কিছু কিশোরীও বিপ্লবী আন্দোলনের সঙ্গে যুক্ত ছিল। বাড়িতে যখন তল্লাসী করা হয় তখন পুলিশ-কর্মী ও তার সাক্ষীদের দেহতল্লাসে সেই বাড়ির লোকেদের আইনী অধিকার আছে। একদিন ইংরাজ-ডেপুটির নেতৃত্বে গৃহে প্রবেশ করলে এক বালিকা আমাদের বললে, ‘পুরুষদের দেহ মেয়েরা তল্লাসে অক্ষম। অতএব মশাইরা, ওখানে সাতখানা গামছা আছে, পেণ্টুলন খুলে ওগুলো পরে ঘরে ঢুকুন।’ এই-সব কথাবার্তার মধ্যে ওরা পিছনের দরজা দিয়ে মালপত্র পাচার করেছিল।

জর্মনেক ভদ্রলোক পুঁটলিতে বোমা বেঁধে হাওড়া স্টেশনে যাচ্ছেন খবর পেয়ে আমরা ঠেকে অহুসরণ করলাম। বাইরে থেকেই পুঁটলির ভিতরকার বোমার গোল-গোল আকার স্পষ্ট দেখা যাচ্ছিল। ভদ্রলোক থামলে আমরা থামি এবং তিনি চলা শুরু করলে আমরাও চলতে থাকি। ওদিকে টেলিফোন-যোগে সশস্ত্র



পুলিশকে পাঠাতে বলা হ'ল স্টেশনে। ভদ্রলোক বিরক্ত হয়ে পুঁটলিটি সজোরে আছাড় দিলেন, ভয়ে আমরা পূর্বশিক্ষামতো স্পিলিঙার এড়াতে প্র্যাটফর্মে শুয়ে পড়লাম। পরে চোখ খুলে দেখি, না, আমরা কেহই আহত বা নিহত হই নি। ফুটি ও তরমুজের বড়ো-বড়ো কয়েকটা টুকরো শুধু চতুর্দিকে ছড়ানো। ওই কলগুলি নষ্ট হওয়ায় ভদ্রলোক আমাদের কাছে মূল্যবান দু-টাকা দাবি করে-ছিলেন।

অহেতুক ভীতি ও সন্দেহ অল্প ক্ষেত্রেও গোয়েন্দা-কর্মীদের বিরত করেছে। এঁরা কখনও এক পথ দিয়ে যাতায়াত করতেন না। মধ্যে-মধ্যে থমকে থেমে দাঁড়িয়ে পড়তেন। পিছনের পাক্ষিক স্মৃশ্বে এগোলে তবে তারা চলা শুরু করতেন। আত্মীয়দের বাড়িতে নিমন্ত্রণ রক্ষা করাও তাঁদের পক্ষে সম্ভব হ'ত না। একরাত্রে স্বাক্ষর ফুটপাতে চলতে-চলতে এক-ভদ্রলোক থেমে দাঁড়িয়ে মুখে মোটা পাইপ গুঁজে অগ্নিসংযোগ করতে যাচ্ছিলেন, তাই দেখে তার গোয়েন্দা-শ্রাবক পিস্তল উঁচিয়ে টিপ করেছিলেন। দেশলাইয়ের কাঠি ঠিক-সময়ে জলে উঠে মুখ আলো-কিত না-করলে ভগিনাপতি হত্যার জ্ঞান ওই ভদ্রলোক দায়ী হতেন।

[ কিন্তু ওই মৃত্যুঞ্জয়ী সর্বভাষী তরুণ-দলের অধিকাংশই যৌবনের প্রগাঢ় ভাবধারা প্রৌঢ় বয়স পর্যন্ত অব্যাহত রাখতে পারেন নি। পরবর্তীকালে তাঁদের কেউ-কেউ সাধারণ ডাকাত ও প্রবঞ্চকের মতো হয়ে উঠেছিলেন। সর্বস্বত্যাগের ব্যর্থতা কারো মধ্যে উদ্ভাসিত না-এনেছিল। কেউ-কেউ পার্টির সম্পদ তছরূপ করে অল্প সদৃশ ধারা নিহত হয়েছেন, কেউ-বা সেই অর্থধারা ব্যবসা ফেঁদে ধনী হয়ে জীবন সার্থক করেছেন। অনেকেরই অবশ্য আদর্শ-নিষ্ঠ হয়ে পরবর্তী জীবনে দারিদ্র্য বরণ করে নিয়েছেন সন্তুষ্টচিত্তে। এঁদের কার্যকলাপ গোপনে সমা . হওয়ায় সেই স্বার্থ-ত্যাগ ও আদর্শনিষ্ঠার কোনও সংবাদই জনগণ বিশেষ জ্ঞানেতে পারেন নি। ]

১৯৩৩ খ্রীঃ কনওয়ার্লিশ স্ট্রিটে ফেরারী বিপ্লবীদের সঙ্গে পুলিশের সংঘর্ষকালে আমি উপস্থিত থাকলেও এই অসম-সংগ্রামে আমি কোনও অংশগ্রহণ করি নি। বিপ্লবী-দের মরদেহ জোড়াসাঁকো এলাকার পুলিশ-মর্গে রক্ষিত হ'ল। গভীর রাত্রে আমি ওঁদের মরদেহ সেন্ট্রাল এন্ডার্নউ ও বিডন স্ট্রিট ধরে নিম্নতলা ঘাটে পৌছে দিয়েছি। শবাবুগামী তরুণদের পুলিশ-সম্পর্কিত উক্তিগুলি আমার কানে পৌছতো। এর আগে কোনও কটুক্তি আমার এতো ভাঃ : লাগে নি।

কলকাতায় বহুকাল জুড়িগাড়ির প্রচলন ছিল। খপ খপ শব্দে এগুনো অশ্বঘরের স্মৃশ্বে একব্যক্তি ছুটতো ও চোঁচাতো : 'তফাৎ যাও ! তফাৎ যাও !' এঁগুলির মধ্যে বনেদী বাড়ির একটি উল্লেখ্য ঐতিহ্য নিহিত ছিল।

কোনও এক বনেদী ধনীর বাড়িতে কেউ পায়ে হেঁটে এলে কোনও ঘণ্টাধ্বনি দ্বারা তাঁর উপস্থিতি ঘোষিত হ'ত না। এক ঘোড়ার গাড়িতে কেউ এলে পেটা-ঘড়িতে একটি মাত্র ঘণ্টা পড়তো। সেই সংকেতে বাড়ির কর্তামশাই অভ্যর্থনার জ্ঞাত কেবল প্রস্তুত হতেন। দুই ঘোড়ার গাড়ি হলে দুটি ঘণ্টা এবং কর্তামশাই সিঁড়ি পর্যন্ত নেমে আসতেন। চার ঘোড়ার গাড়ি চড়ে কেউ এলে তিনটি ঘণ্টা এবং কর্তামশাই নিচে পর্যন্ত নামতেন।

কিছু ধনীব্যক্তির নৈতিক ও চারিত্রিক অধঃপতন শেষ সীমায় পৌছোয়। পূর্ব-পুরুষদের ব্যবসা-বাণিজ্য বহুকাল পরিত্যক্ত। তাঁদের উপার্জিত-বিপুল ধনরাশি উত্তরপুরুষেরা পাল্লা দিয়ে নিঃশেষ করতে চাইছিলেন। কোনও পরিবারের রক্ষিতার সংখ্যাহ্রাস্যী তাঁদের মর্যাদার বিচার করা হয়েছে। তবে মন্দের ভালো এই-যে রক্ষিতাদেরও তাঁরা বাড়ি ও অর্থ দিতেন, তাদের পুত্র-কন্যাদের শিক্ষার ব্যবস্থা করতেন। বিবাহিত স্ত্রীদের গর্ভজাত পুত্রগণ অপেক্ষা রক্ষিতাদের পুত্রেরা বহুগুণে সুশিক্ষিত ছিল। সেই-সব পুত্রদের মধ্যে বহুজনই নামী ও গুণীব্যক্তি হয়ে মূল সমাজে মিশে গিয়েছেন। বিধবা ও পরিত্যক্তদের আশ্রয় না-দিলে তারা বেঞ্জা-সম্প্রদায়ভুক্ত হতে বাধ্য হ'ত। রক্ষিতা ও স্ত্রীদের মধ্যে পারস্পরিক দোষ-সাক্ষাৎ নিষিদ্ধ হলেও, এক বাড়ি হতে অন্য বাড়িতে তর্বাদি ও উপহার পাঠানোর রীতি ছিল। এতে পুরুষদের মন সুস্থ ও আনন্দিত থাকায় তাঁরা যেমন দীর্ঘজীবী ও দক্ষ কর্মী হয়েছেন তেমনি উদার-মনা স্ত্রীগণকেও বেশি করে সুখী করেছেন। এঁদের সন্তানদের মধ্যে সেই একনিষ্ঠতা ও সমর্পণতা না-থাকায় বে-দরদী নারীদের দ্বারা সর্বস্বাস্ত হয়ে পড়েন। শুধু অর্থদ্বারা প্রেম ও শাস্তি মেলে না। এঁদের ক্রমিক অধঃপতনের ইতিহাস 'অপরাধ-বিজ্ঞানে' যৌনজ্ঞ অপরাধ শীর্ষক নিবন্ধে বিবৃত করেছি। পরবর্তীকালে এঁদের বৃহৎ বাড়িগুলিতে নওসেরা-গ্যাক্সের আড্ডা হয়।

[ একালে ভদ্রনারীদের অত্যন্ত সম্মান করা হ'ত। ট্রামে বা বাসে মহিলারা উঠলে তাঁদের না-বসা পর্যন্ত পুরুষ-যাত্রীরা দাঁড়িয়ে থাকতেন। মহিলাদের জ্ঞাত আসন ছাড়তে ভদ্রজন মাত্রই ব্যগ্র হতেন। ]

এই জোড়াসাঁকো থানা-বাড়িটিকে অভিশপ্ত মনে করা হ'ত। এখানে দুজন অফিসরের স্ত্রীবিয়োগ হবেই। জনপ্রবাদ : বহুপূর্বে এক দু'দে ইনচার্জ এক দুর্ধর্ষ বিপুল-বপু গুণ্ডাকে সিঁড়ির নিচে পেড়ে ফেলে তার তুঁড়ির উপর নাচতে শুরু করেন। তাতে বাবতীয় নাড়িভুঁড়ি শুষ্কপথে বার হলে তার যত্ন ঘটে। ইংরাজ ডেপুটি-কমিশনার বড়োবাবুকে খুনের মামলায় গ্রেপ্তার করতে এসে দেখেন যে

তিনি কোয়ার্টারে হার্টফেল করে মারা গেছেন। তারপরও, গভীর রাত্রে সিঁড়ির নিচে উভয়ে মারামারি ও দাপাদাপি করে থাকে। ওই সিঁড়িটা অফিসর ও সিপাহীরা রাত্রিবেলা ব্যবহার করে না।

নয়া-রাস্তার মোড়ে এক জবরদস্ত জমাদারকে ঘোড়ায় গুঁতিয়ে হত্যা করে। মৃত্যুর পরও, ওই জমাদার রাত্রে কোনও সিপাহী ঘুমাল তাকে ঠেলে ফেলে দিয়েছে। মৃত জমাদারের অদৃশ্য তদারকির ভয়ে কোনো সিপাহী ডিউটিতে ক্রটি ঘটাতো না। অবশ্য এর প্রত্যেকটি ছিল ওদের অলীক কল্পনা মাত্র।

[ পূর্বে এক ছুঁদে অফিসর পুরাতন পাপীদের হাজত হতে বার করে দেহ মর্দন করাতেন। ঘুমের আমেজে তিনি চক্ষু মুদ্রিত করেছেন, সেই স্থযোগে একজন আসামী পালালো। উনি কাগজে পড়ে তার মামলা ব্যারাকপুর কোর্টে ট্রান্সফার করে, অতজনকে পলায়নে-প্রতিরোধ না-করার অপরাধে ঘৃষি মারলেন। আচমকা ঘৃষি থেয়ে লোকটা মাটিতে পড়লো এবং হৃদযন্ত্রের ক্রিয়া বন্ধ হওয়ায় মারা গেল। ইনচার্জসবু তাতে না-ঘাবড়ে তাকে হাতকড়ি পরিয়ে ঘোড়ার গাড়িতে তুলে তদন্তে বেরলেন। হাওড়ার পোল বন্ধ থাকায় তিনি তাকে নৌকাতেও তুলেছিলেন। পরে থানায় ফিরে তার লাফ দিয়ে ডুব সাঁতারে পালাবার একটা প্রতিবেদন পর্যন্ত লেখেন। কিন্তু ওই মৃত আসামী মাঝে মাঝে রাত্রে থানায় এসে বড়োবাবুকে খোঁজে। তাই সর্বদা প্রতি ঘরে দুটো করে লাইট জালিয়ে রাখার রীতি। ]

কোনও এক প্রোচ পুলিশ-কর্মী কয়েদীদের ডেকে উপরে নিজেদের কোয়ার্টারে ঠাকুর-ঘরের সামনে এনে বলতেন, ‘ওই আমাদের লক্ষ্মী-মা আর ওই খে নারায়ণ, এঁদের দুজনকে স্পর্শ করে বলছি, তোরা স্তীকার করে জিনিসগুলো বার করলে তোদের মুক্তি দেবো।’ কিন্তু কার্যক্ষেত্রে তাদের সঙ্গে বিশ্বাসঘাতকতাই প্রতিবার তিনি করতেন। সেই-সব পাপ থানা-বাড়ির ইন্টার রক্তে সঞ্চে জমা ছিল।

এইরূপ বহুবিধ প্রবাদ-যুক্ত থানা-বাড়ি থেকে মুক্ত হতে অফিসররা ব্যস্ত হয়। তাঁদের স্ত্রীরা হিষ্টিরিয়া-রোগে ভুগেছে। কারো-কারো ছুরারোগ্য রোগভোগ বা মৃত্যু ঘটেছে। বড়োবাবু সত্যেন্দ্রনাথ মুখার্জি এ-সবে বিশ্বাস না-করলেও সঙ্গে দুজন সিপাহীকে মোতায়ন রাখতেন। কিছুদিন পরে তাঁর স্ত্রী হঠাৎ রুগ্ন হয়ে থানার কোয়ার্টারেই দেহত্যাগ করলেন। তার একমাস পরে সেকেন্ড-অফিসর রহমন সাহেবের নব-পরিণীতা স্ত্রী জুবুদা বিবিও দেহরক্ষা করলেন।

[ এরূপ অঘটন বন্ধের জন্ত থানার মধ্যে মিলাদ শরীফ ও সত্যনারায়ণের পূজার রীতি ছিল। কিন্তু ধর্মনিরপেক্ষতার জন্ত কড়পক্ষের নির্দেশে তা বন্ধ করা হয়। ]

আমরা কোয়ার্টারগুলির অস্বাস্থ্যকর ব্যবস্থার বিষয় বিবেচনা না-করে শুধু প্রবাদ-

গুলির উপরই বিশ্বাস স্থাপন করলাম। দুজনের স্বী-বিয়োগের পরই থানা হতে স্বার্থরীতি বদলির হিড়িক পড়ে। এবারও সেই পঞ্চবার্ষিক ইতিহাসের পুনরুক্তি ঘটলো। বহু স্মৃতিবিজড়িত জোড়াসাঁকো থানা ত্যাগ করে আমরা অতীত বদলি হলাম। সত্যেন্দ্র মুখার্জি লালবাজারে গোয়েন্দা-বিভাগে এবং আমি শ্রামপুত্র খানায় যোগ দিলাম।

## সত্যেন্দ্রনাথ মুখার্জি

তার মতো হৃদয়পুলিশ-কর্মী শুধু ভারতেনয় পৃথিবীতে বিরল। শিকারীবিড়ালের মতো তিনি লহমায় অপরাধী চিনতেন। আমার সৌভাগ্য এই-যে আমার পুলিশ-শিক্ষা তার নিকট পাই। ফলে, ইংলণ্ড ও মার্কিন দেশে প্রকাশিত পৃথিবীর উল্লেখ্য পুলিশ তদন্ত-পুস্তকে সাতটি ভারতীয় মামলার মধ্যে আমার তদন্ত-কৃত তিনটি মামলার স্থান পেয়েছে। তিনি অবসরগ্রহণ করলে তাঁর স্থলে আমি ডেপুটি পুলিশ-কমিশনার ( I. P. S. ) হই।

রায়বাহাদুর সত্যেন্দ্রনাথ মুখার্জি কোচোয়া-ধোলাই ও সত্যেন-মিল্লচারের প্রবর্তক। প্রথমটির দ্বারা শহরের গুওরা বিলুপ্ত হয়েছিল। আর দ্বিতীয়টির দ্বারা স্কুলগামিনী বালিকাদের পশ্চাৎ-অনুসরণকারী মস্তানগণ নিশ্চর হয়। তাঁর ভয়ে উৎকোচ-গ্রহণকারী ও অত্যাচারকারী উর্ধ্বতনরা-ও সংশত হতেন। ( অশ্ব বিঠা + গোময় = সত্যেন-মিল্লচার। )

কলিকাতা-পুলিশের মধ্যে বর্ণ-বিদ্বেষের বিরুদ্ধে তিনি এবং তাঁর সহকারীরূপে আমি প্রথম প্রতিবাদ করি। ইংরাজ-অফিসর ও অ্যাংলো-সার্জেন্টদের ক্লাবে ভারতীয়দের প্রবেশ ছিল না। পুলিশ-অ্যাঙ্কুলেসেও দেশীয়দের উপযুক্ত মর্যাদা নেই। ভারতীয় ও ইংরাজদের বাথরুম ও ল্যাভেটরি পরিস্কার পৃথক। ওদের স্বযোগ-সুবিধাও বহু বিষয়ে বেশি।

আমরা উভয়ে একত্রে এগুলির প্রতিকারে সতর্কতার সঙ্গে নামি। আমাদের প্রচেষ্টায় পৃথক পুলিশ-ক্লাব সৃষ্টি হ'ল। তার অনুসঙ্গ হিসাবে ফুটবল-ক্লাব এবং পুলিশ-লাইব্রেরিও স্থাপিত হ'ল। কলিকাতাবাসী প্রায় প্রতিজন লেখক এই লাইব্রেরিতে পুস্তক-দান করেন। লাইব্রেরিটি আমার প্রচেষ্টায় সর্বাঙ্গসুন্দর হয়ে উঠেছিল। আমরা পৃথক অ্যাঙ্কুলেস-ডিভিশনও তৈরি করলাম। পরে আমি তার কোর্-সুপারিনটেন্ডেণ্ডেও হয়েছিলাম। সত্যেন্দ্রবাবু বাহিরের মহিলাদের সাহায্যে কর্মীদের অভিনয়ের প্রবর্তক। আমি 'কলিকাতা-পুলিশ জার্নাল' প্রকাশ করে

তার সম্পাদক হয়েছিলাম । ( এটি ভারতে প্রথম পুলিশ-পত্রিকা । ) এই পত্রিকায় স্তর যত্নাথ সরকার, ডঃ সত্য লাহা ডঃ নরেন লাহা, ডঃ বিমল লাহা, ডঃ স্বধীর মিত্র, ডঃ হরিপদ মাইতি, ডঃ অর্ধেন্দ্রকুমার গঙ্গোপাধ্যায় সহ ভারতের ও পৃথিবীর বহু মনীষী প্রবন্ধ পাঠিয়েছিলেন । রবীন্দ্রনাথকেও আমরা লেখার জন্য অনুরোধ করি ও বলি : ‘বাংলা-সাহিত্যে পুলিশ হরিজন হয়ে আছে । আপনার পূত-কলমের স্পর্শে তারা উদ্দীপিত হোক । আপনার কাছে তাদের জন্য স্পেশাল ফেবার চাই ।’ উনি লেখা দিতে না-পারলেও একটি উপদেশপূর্ণ পত্র পাঠিয়ে-ছিলেন । কিন্তু সেই পত্রে পুলিশের প্রতি এমন-কিছু উপদেশ ছিল যা তৎকালীন ইংরাজ-প্রভুরা মূঢ়ণ করতে দিলেন না ।

এরপর আমরা উভয়ে কলিকাতা-পুলিশ অ্যাসোসিয়েশনের সৃষ্টি করলাম । এতে অ্যাড্ভিটেটররূপে উভয়ের কিছু বদনাম হলেও বহু গাথা দাবি আদায় করা হয় । পরবর্তীকালে আমি তার অন্যতম প্রেসিডেন্ট হয়েছিলাম । এতদসঙ্গেও আমি ‘পুলিশ-মেডেল’, ‘সেবা-মেডেল’ প্রভৃতি বহু পদকে ভূষিত হই এবং দ্রুতগতিতে পর-পর প্রমোশন পেতে থাকি । ইংরাজ-কর্তৃপক্ষের এই বিষয়ে উদারতা ও সহন-শীলতা লক্ষণীয় । রায়বাহাদুর সত্যেনবাবুও সরকার-প্রদত্ত প্রতিটি ডেকোরেশন প্রাপ্ত হয়ে সর্বোচ্চ পদে ওঠেন ।

বাংলা-পুলিশ থেকেও একটি বেঙ্গল পুলিশ ম্যাগাজিন প্রকাশিত হয়েছিল । পরে, গভর্নমেন্টের নির্দেশে উভয় পুলিশের পত্রিকা একত্রিত করে ‘দি পুলিশ জার্নাল’ বার হলে বাংলা-পুলিশের পক্ষে অমূল্য সমাদার এবং কলিকাতা-পুলিশের পক্ষে আমাদের তার সম্পাদক করা হয় ।

[ স্বাধীনতার পর, ভারত-সরকারের কলিকাতাস্থ ডিটেকটিভ ট্রেনিং-কলেজে ও ফোরেনসিক ল্যাবরেটরিতে আমি ভারতের প্রথম ক্রাইম-মিউজিয়াম স্থাপন করি । আমার দীর্ঘকাল যাবৎ সংগৃহীত প্রদর্শনী-সম্ভার দ্বারা মিউজিয়ামটি সজ্জিত করা হয়েছিল । পরে আমি মাউন্ট আবু কেন্দ্রিয় পুলিশ-ট্রেনিং কলেজে এবং ব্যারাক-পুরস্থ প্রদেশ-পুলিশের কলেজেও সেই সম্ভার পাঠিয়েছিলাম । গড়ের মাঠে পুলিশ-প্রদর্শনীতেও বহুবার এই দ্রব্যগুলি প্রদর্শিত হয়েছিল । ]

রায়বাহাদুর সত্যেন্দ্রনাথ মুখার্জির একজন ধর্মপ্রাণ আদালী ছিল । মাথার টিকিতে গিট বেঁধে, কপালে চন্দন লেপে সে পূজা-র্ষ্য ব্যস্ত থাকতো । তাকে কোনও দিন পুলিশের ডিউটি দেওয়া হয় নি । প্রতিদিন গঙ্গান্নান করে ফেরার সময় সে একজন পকেটমারকে নামাবলীতে এবং দুজন ছিনতাইকারীকে কাপড়ের ‘খুঁটে’ বেঁধে থানায় আনতো । এই লোকটির পুরানো পাপীদের চিনবার ক্ষমতা ছিল

অজুত। অনবরত মুখে সীতারাম-সীতারাম বলে সে ওদেরকে ধরে থানায় আনতো।

[ বিঃ দ্রঃ—কিছু ধর্মপ্রাণ ইনস্পেক্টরও কলিকাতা-পুলিশে ছিল। অফিসে বসার পূর্বে জনৈক ইনচার্জবাবুর এক সিপাহী গঙ্গাজলের ঘাট হাতে অপেক্ষা করতো। ইনচার্জবাবু চেয়ারে ও টেবিলে গন্ধোদক ছিটিয়ে আসন গ্রহণ করতেন। ডিস-পোজাল তথা মড়ার গতির কাগজে সই করতে হলে তিনি হুবার স্নান করতেন। প্রতি সন্ধ্যায় একজন মুসলিম সিপাহী আমজাদিয়া হোটেল থেকে তাঁর জন্ম মটন-চপ আনতো। সেটি ভক্ষণ করে গঙ্গাজলে শুদ্ধ হয়ে তিনি সান্ধ্যস্নান করতেন। ওই সিপাহীটি ছুটি নিলে পরবর্তী জন ভুল করে তাঁর জন্ম বিফ-চপ আনতে থাকে। থানার হাবিলদার তা একদিন লক্ষ্য করে ধমকে বললে, ‘আরে এ ক্যা করতা? তুহর নোকরি বাবে।’—ওই নতুন লোকটি ভুল শুধরে পূর্বের মতো মটন-চপ নিয়ে এলে ইনচার্জবাবু চিৎকার করে বললেন, ‘কাহে খারাপ চীজ লে আতা? তুম কভি আমজাদিয়া-মে গয়া নেহী।’...পরে অণ্ড এক সিপাহী সেই একই মটন-চপ এনে দিলে তিনি সখেদে বলেন, ‘নাঃ। আমজাদিয়া আর ভালো-জিনিস তৈরি করে না।’ ]

ওই রকম ব্যক্তিগত কাজে সরকারী কর্মনিয়োগ এবং সিপাহীদের আদালীকপে ব্যবহার পরে আমি ও সত্যেন্দ্রনাথ মুখার্জি বন্ধ করে দিই। ওদের দ্বারা বাজার-করানো বা ছেলে-ধরানো কাজ করালে ওরা নির্ভয়ে উৎকোচগ্রাহী হ’ত। এমন কি উৎকোচগ্রাহীদের নিকট হতে তারা উৎকোচের ভাগ জোর করে নিতো। অন্তঃপুরের সঙ্গে যোগ থাকায় অফিসররা স্বীদের ভয়ে ওদের কিছু বলতে সাহসী হতেন না।

জোড়াসাঁকো থানায় থাকাকালে পার্শ্ববর্তী স্বকিয়া থানার বড়োবাবু কিছুদিন ছুটি নিলেন। তাঁর কাজ আমি করতাম প্রত্যাহ জোড়াসাঁকো থেকে স্বকিয়া থানায় গিয়ে। হঠাৎ একদিন ইংরাজ ডেপুটির আদালী ফোন করলো : ‘তুম কাহে নেহি মুর্গি ভেজা?’...আমি রেগে প্রতিবাদ করে তাকে কটুক্তি করেছিলাম। একটু পরেই ডেপুটি-কমিশনার স্বয়ং থানায় উপস্থিত হয়ে আমাকে সেখানে দেখেঅবাক হয়ে বললেন, ‘ওঃ তুমি! মমতাজ মিয়া ছুটিতে বটে। আমার আদালীকে তুমি কিছু বলেছো?’ উত্তরে আমি বললাম যে ওর মুর্গির কথা কিছুই বুঝিনি।...শুনলাম, থানা হতে প্রত্যাহ গুর কিচেনে একটি করে মুর্গি পাঠানো হ’ত। ডেপুটি-সাহেব স্থানত্যাগ করলে আমি থানার হাবিলদারকে হুকুম দিলাম : ‘দেখো ভাই, বাজার-সে এক মুর্গি ভেজকে সাহেব-সে দাম লে লেও।’ হাবিলদার আমার

মুটতায় বিস্মিত হয়ে বললে, ‘দাম দেগা তো উনে হী কোহিকো ভেজকে বাজারসে লে-লেতা। দাম-উম সব-কুছ আপ-হি কো দেনে পড়ে গা, বাবুসাব।’

মমতাজ মিয়া-সাহেব থানার প্রাক্ষে খোঁয়াড় করে কিছু লেগহর্ন মুঁগি পুষে-ছিলেন। বিদেশ হতে-আনা এই মুঁগিগুলির দাম সাধারণ মুঁগির চেয়ে অনেক বেশি। আমি ওগুলি হতে একটিকে তুলে সাহেবের কিচেনে পাঠিয়ে দিলাম। পরদিন পূর্বতন ইনচার্জের বিবি তা জেনে খোঁয়াড়ে চাবি দিলেন। আমার হুকুমে জর্নেক সিপাহী রাত্রে বেড়া-টপকে অন্য একটিকে ধরে সাহেবকে পাঠিয়ে দিয়েছিল। স্বীর টেলিগ্রাম পেয়ে মমতাজ-সাহেব ফিরে এসে আমাকে বললেন, ‘ঘুয়লবাবু, এ আপ ক্যা কিয়া? মেরি লেডকা-লোককো জবাহ হয়।’ আমি দুঃখিত হয়ে বললাম, ‘জানি এরা লেডকার মতো প্রাণের জীব। কিন্তু থানার চার্জ বুঝিয়ে দেবার সময় মুঁগির চার্জ বুঝিয়ে দেন নি কেন? মুঁগি কেনার মতো আমার অর্থ ছিল না।’

পরদিন পূর্বের মতো ছোট দেশী মুঁগি দেখে ইংরাজ ডেপুটি-সাহেব অগ্রিমুঁত হয়ে মমতাজ মিয়া-কে ডেকে বললেন, ‘নয়াবাবু অনেস্টম্যান হো-কে আছি স্টাফ ভেজনে শেখা। তুমি ঘুষ খাতা তভি ওইসেন আছি চিজ নেহি ভেজা।’ মমতাজ সাহেব কঁঁউ কঁঁউ করে অল্পশোণ করে ফিরে এসে আমাকে বলেছিলেন, ‘ঘুয়ল-বাবু আপ মেরি সত্যনাশ কর চুকা।’

[ এই সময় চিফ প্রেসিডেন্সি ম্যাজিস্ট্রেট পামার সাহেব পেশকারদের ঘুষ বন্ধ করতে সাইনবোর্ড টাঙিয়েছিলেন : ‘অজ হইতে পেশকারদের আট আনা পয়সা ঘুষ দেওয়া চলিবে না।’ পরদিন পেশকারবাবু মক্কেলদের ডেকে বুঝিয়ে বলে দিলেন : ‘উজ্জ্ব এখন থেকে আট আনার বদলে একটাকা; \*ই দেখুন হাকিমের হুকুম। এখন রেট বেড়ে একটাকা হয়েছে।’ ]

কিন্তু আশ্চর্যের বিষয় এই-যে পেশকারবাবুদের উৎকোচ গ্রহণ হাকিমদের নাকের ডগায় সমাধা হ’ত। বহু হাকিম অবসর গ্রহণ করে তাঁদেরই পেশাকারদের তৈরি বাড়িতে ভাড়াটিয়া হয়ে থেকেছেন।...হঠাৎ পেশকারের হাত থেকে একটা টাকা টঙ করে মেঝেতে পড়লে হাকিম ধমকে বলেছেন : ‘কি হচ্ছে মশাই?’ পেশকারবাবু ‘কাগজ গুছাচ্ছি’ বললে হাকিম আবার বলেছেন : ‘মশাই, ভালো করে গুছান।’

থানার স্বল্পলোভী সিপাহী ও জমাদারদের রেট ষথাক্রমে আট আনা ও একটাকা এবং সার্জেটদের পাঁচটাকা। এর কমে কেউ তাদের হাতে কিছু দিলে তারা অপমানিত বোধ করে তার নামে উৎকোচ-প্রদানের মামলা রুজু করতো।

শোনা গেছে, বহু বিট-কনস্টেবল গাড়োয়ানদের উদ্দেশ্যে বলেছে : ‘এ গাড়োয়ান, একপাশ-মে সাধা বয়েল আউর একপাশ-মে কালা বয়েল না চলি।’

একরাত্রে জর্নৈক ডেপুটি-হাকিম এবং তার মুন্সেফ-বন্ধু ছুটিতে স্টেশন থেকে রিকশা করে বাড়ি ফিরছিলেন। জর্নৈক ডিউটি-সিপাহী রিকশাওয়ালাকে ডেকে বললে, ‘এ গাড়িমে ষাতা কোন ?’ এতে হাকিমবাবু ক্ষেপে উঠে সিপাহী-মহারাজকে ধমক দিয়েছিলেন। ভদ্রলোক বুঝে সিপাহী কিছুটা পিছু হটেছিল। কিন্তু তাঁর গালি না-থামায় সে-ও ক্রুদ্ধ হয়ে তাঁদের দুজনকে রিকশা হতে নিচে নামিয়ে, দুজনের হাত রিকশা-চালকের গামছা দিয়ে বেঁধে, রদা হাঁকাতে-হাঁকাতে থানায় আনলো। সেইরাত্রে থানায় আমি উপস্থিত ছিলাম। সিপাহীটি তাঁদের দুজনকে আমার সম্মুখে এনে একটা অদ্ভুত বয়ান দিয়েছিল :

‘হম নয়্য রাস্তা-মে দো ঘড়িসে চার ঘড়িতক্ ডিউটিল থা। রাত আড়াই বাজে আন্দাজ এহি দো পুরানো চোর উত্তর-সে দক্ষিণ-তরফ যাতি থি। হমকো দেখকে ১নং আসামী ( ডেপুটি হাকিম ) ঝপটসে লপট গয়া ফুটকো পর, গাঁহা কাঙালিলোক শুয়ে থে উনকো বিচমে। আউর দোনাং আসামী ( মুন্সেফবাবু ) এহি গামছা-মে মুখ ছিপাকে গ্যাসকো অন্দরঘুস গয়া। ওহি গামছা-সে ছুনোকো পকড়কে ভুরণ বাঁধ চুকা। নেহিতো রাঁতোমে এলাকামে এক বড়িয়া চুরিউরি হো ষাতা থি।’

পরে এই সংশ্লিষ্ট উচ্চপদস্থ কর্মগণও বিপদে পড়েছিলেন। কারণ, গভর্নমেন্ট ওদের ট্যাকসির বদলে, রিকশা ব্যবহার করায় অত্যন্ত বিরূপ হয়েছিলেন। [ কোনও এক সিভিলিয়ন-সাহিত্যিক ( I. C. S ) অল্প কজন বন্ধু-সেখকের সঙ্গে চিনেবাদাম খেতে-খেতে দ্বিতীয় শ্রেণীর ট্রামে উঠলে আমরা গভর্নমেন্টে রিপোর্ট পাঠাই। তাতে ভদ্রলোক চাকুরি-জীবনে আর একটুও সুবিধা করতে পারেন নি। এ সময়ে পদমর্যাদা-অনুযায়ী যানবাহন ব্যবহারে উচ্চপদস্থদের বাধ্য করা হ’ত। ]

জর্নৈক ইংরাজ ডেপুটি-কমিশনার রাত্রে একজন সিপাহীকে পানের দোকানের স্তম্ভের বেঞ্চে পাগড়ি ও বেল্ট খুলে চুলতে দেখে মোটর থেকে নেমে সেগুলি তুলে গাড়িতে উঠলে, পান-বিক্রেতা সিপাহীটিকে জাগিয়ে দিয়েছিল। সিপাহী মোটরের নম্বরটি টুকে নেয়। তারপর সে উর্দুতে কাদা মাখিয়ে, আমার পকেট ছিঁড়ে, থানায় এসে এজাহার দিলো যে এক মাতোয়াল-সাহেব তাকে মেরে মাটিতে ফেলে জামা ছিঁড়ে তার কোমরের বেল্ট ও মাথার পাগড়ি ছিনিয়ে মোটর-যোগে পালিয়েছে। আমি কোনোমতে তার মোটরের নম্বর টুকে নিয়েছি।...



তদন্তের সময় তার বিবৃতির সমর্থনে একজন মুটে একজন পানওয়ালা ও দুজন ভূজাওয়ালাকে সাক্ষীরূপে পাওয়া গেল। থানায় মোটরের আরোহী সেই সাহেবের নামে ছলিয়া-সমেত পাগড়ি চুরি, রাহাজানি ও পুলিশ-কর্মীকে প্রহার প্রভৃতি অভিযোগও লিপিবদ্ধ হ'ল। পরদিন রিপোর্টক্রমে ডেপুটি সাহেব মামলার বিবরণ ও সাক্ষীসাবৃত্ত শুনে অবাক হয়ে বলেছিলেন যে বিলাতে ছাত্রাবস্থায় ইণ্ডিয়ান পুলিশ সম্বন্ধে বহু বিরূপ মন্তব্য শুনেছিলেন বটে কিন্তু সেগুলি যে এত-দূর নির্মম সত্য তা তিনি কখনো কল্পনাও করেন নি।

অ্যাসিস্টেণ্ট কমিশনার প্রভাতনাথ মুখার্জির নেতৃত্বে সত্যেনবাবু, আমি ও নীহার এই-সব অনাচার ও উৎপীড়ন বন্ধ করতে বন্ধপরিকর হয়েছিলাম। ফলে উত্তর-কলকাতা হতে উৎকোচ, জুয়া ও কোকেন সম্পূর্ণ বন্ধ হয়ে যায়। জনসংযোগের ফলে ওগুলির প্রতিটি সংবাদ আমাদের গোচরে এসেছে। এক থানার কর্মীরা অল্প থানা-এলাকায় মুফতিতে ঘুরে সিপাহীদেরও উৎকোচগ্রহণ বন্ধ করেছিল।

তবে ভদ্র-মতৃপদের প্রতি আমাদের ব্যবহার খারাপ ছিল না। ওইকালে উত্তর-কলকাতায় ৭৯২ জন ভদ্র-মাতাল ছিল। এরা উচ্চাঙ্গের কথা বলতো ও ব্যবহারেও খুব অশিষ্ট হ'ত না। আমরা এদের সাবধানে তুলে বাড়ি পৌঁছে দিয়েছি। তখন লক্ষ্য করেছি যে এদের প্রত্যেকের স্ত্রী সুন্দরী ও ভক্তিমতী। স্বামীদের জগৎ ওই-সব সেবাপরায়ণা স্ত্রীদের ভাবনার অন্ত নেই। এতটা স্ত্রী-ভাগা অ-মতৃপদের মধ্যে বড়ো-একটা দেখি নি। তৎকালে প্রবাদ এই-যে মাতালের স্ত্রীরা এবং পুলিশ-কর্মীদের মায়েরা অত্যন্ত সৎ ও স্নেহপ্রবণ হতেন।

একজন মতৃপ-অভিনেতাকে রাজপথে চ্যালেঞ্জ করলে তিনি বলেছিলেন : 'পবরদার ! হম আলমগীর হ্যায়।' অথ এক অভিনেতা রিকশাচালককে দশটাকা দিয়ে তাকে ওই রিকশায় বসিয়ে নিজের গাড়ি টেনে এক পোড়াল-পাম্পে এসে বলেছিলেন : 'এই গাড়িতে পেট্রোল দাও। ইঞ্জিন ভালো স্টার্ট নিচ্ছে না। গাড়ি বড্ডো টলছে।'...এক নবীন অভিনেতা ধাত্রীপান্না নাটকে অভিনয় করে স্টেজ হতে নেমে এক ব্যক্তির জামার কলার চেপে ছুরি উচিয়ে বলে উঠেছিল : 'এই শালা ! বল, উদয় কোথায় ?'

একরাত্রে পুরু বনাতের ওভারকোট পরে দীর্ঘদেহ সোজা করে ফুটপাতে দাঁড়িয়ে আছি। সেই শীতকালে হঠাৎ হাতের মুঠিতে শীং ব-কণার স্পর্শে ফিরে তাকিয়ে দেখি যে এক মতৃপ আমার পিছনে মূত্রত্যাগ করছে। আমি ক্ষেপে উঠে তাকে ভৎসনা করলে সে-ও অবাক হয়ে বলে উঠলো, 'ও বাবা, তুমি মানুষ, আমি মনে' করেছিলাম ল্যাম্পপোস্ট।'...কোনও এক সুসাহিত্যিক পাত্রের সবটুকু পানীয়

গলায় ঢেলে বন্ধুদের সঙ্গে আমার পরিচয় করিয়ে কাঁদতে-কাঁদতে বলেছিলেন : ‘ইনি এমন এক ব্যক্তি যিনি মদ না-খেলেও মত্তপদের শ্রদ্ধা করেন।’...কোনও এক অভিনেত্রীর বাড়ি তল্লাসীকালে প্রতিবাদস্বরূপ তিনি উদাত্তকণ্ঠে বলেছিলেন : ‘চেনো নাকো মোরে ? শোনো নাই মোর নাম ? পুণ্য হেম যার ঘারে রহিত দাঁড়ায়। আমি নাট্যসাম্রাজ্ঞী, রিজিয়া আমার নাম। আমি আদেশ করিতে জানি, আদেশ শুনি নাই কভু।’

তৎকালীন কলিকাতা-পুলিশ এই শ্রেণীর মাতালদের কখনও অসম্মান করেন নি। বরং সর্বতোভাবে রক্ষণাবেক্ষণ করেছেন ও নিরাপত্তার জগা উদ্ভিগ্ন থেকেছেন। এই-সব প্রতিভাবান ব্যক্তিদের দ্বারা সমাজের বহুবিধ কল্যাণের সম্ভাবনা বুঝে তাঁরা ওঁদের প্রতি বরাবর সহৃদয় ছিলেন। কিন্তু এই বিদেশী-প্রথা মত্তপান-অভ্যাস বহুব্যক্তির চরিত্র শিথিল করে—অনেকেই চরিত্রহীন হয়ে পড়েন। রক্ষিতার বদলে প্রায়শই তাঁরা বেষ্টিয়াসক্ত হন। যে আসক্ত চরিতার্থ করতে মাত্র দশটাকাই যথেষ্ট, অহমিকার বশবর্তী হয়ে কোনো কোনো ক্ষেত্রে হাজার টাকা ব্যয় করতেও তাঁরা বুদ্ধিত হন না। তাঁরা সম্ভোগ করবেন অথচ পূর্বপুরুষদের মতো দায়িত্ব গ্রহণ করবেন না। এতে তাঁদের প্রতিভা নিমূল ও স্বাস্থ্য বিনষ্ট হয়। পরে তাঁরাই পথের ভিখারীতে পরিণত হন। অনেকেই তা হয়েছিলেন।

‘হজুর, একটি সুন্দরী নারীর সন্ধান পেয়েছি। আপনি অনুগ্রহ করে যদি একবার তার প্রতি কৃপাদৃষ্টি করেন...’ মোসাহেবের সবিনয় নিবেদন : ‘কিন্তু একটা সমস্যা হয়েছে, হজুর। বেটিকে আপনার সামনে নিতে আসতে পারতুম, আসতেও সে রাজি, কিন্তু লজ্জায় একেবারে মরে যাচ্ছে। হজুরের উচ্চ কচির কথা। তার জানা আছে, সজ্জিত হতেও সে জানে, মুশকিল হয়েছে এই যে অঙ্গসজ্জার জন্তে একটিও স্বর্ণালংকার তার নেই।’

‘এই কথা ! আমি এখনই সমস্যার সমাধান করে দিচ্ছি।’ বলে জমিদারবাবু চেক বইখানা বার করে খসখস কি লিখে বাড়িয়ে দিলেন মোসাহেবের দিকে : ‘এই নাও। দশ হাজার টাকার সোনার গহনা কিনে ওকে দেবে। মনের মতো সাজতে বলবে। সাজসজ্জা সম্পূর্ণ হলে তুমি এসে আমাকে নিয়ে যেও।’

মোসাহেবের সঙ্গে সেই সুন্দরী বাড়িতে গিয়ে উপস্থিত হলেন জমিদারবাবু। পান খেতে চাইলেন। নিখুঁতভাবে সজ্জিতা সেই সুন্দরী পরম যত্নে পান সেজে দিল। তিনি পান খেয়ে চলে আসতে চাইলেন। সুন্দরী স্বভাবতই তাঁকে আবার আসার জন্তে অনুরোধ করল। তাতে তিনি বিরক্ত হয়ে স্পষ্টস্বরে বললেন, ‘তোমার জানা থাকা ভালো, আমি এক মেয়েমানুষের বাড়িতে ঢুকার যাই না।’

আর-একবার এক জমিদার-পুত্র ময়দানে বেড়াতে গিয়ে এক কুলটা নারী বক্ষ প্রদর্শন করলে তিনি তাকে তখনই আহ্বান করে গাড়িতে তোলেন এবং সোজা থানায় এনে জুজুম্বরে বলেন, ‘এই মেয়েলোকটি ভেবেছে কি। নারীবক্ষ কি আমি দেখি নি? আমার চৌদ্দ বছর বয়স থেকে আমি ও-জিনিস নিয়ে গেলা করছি আর আমাকেই কিনা...’

[ধনী রাজা ও জমিদারদের এই নির্বিচার যৌন মিলন এবং তৎসহ যৌনরোগ অগ্নি বিষয়ে একপ্রকার উপকারে এসেছিল। এতে কোনও রূপে একটি সম্ভানের জনক হতে পারলে ভবিষ্যতে নানান বায়েলা থেকে রক্ষা পাওয়া যেত। এক সম্ভানের ফলেই পুরুষাভুজকে বহুজনের হাতে জমিদারী বিভক্ত হয় নি।]

কিন্তু পুলিশের মুশকিল হ’ত এই যে এই-সব পড়তি ধনীপুত্ররা পূর্বঠাট বজায় রাখতে গিয়ে অনেকক্ষেত্রে নিজেরাই অপরাধী হয়ে যেতো। পরবর্তীকালে এদের বিরটি বাড়িগুলি বিড্-গ্যাম্বলার ও নওসেরা দলের আশ্রয়স্থান হয়।

সেণ্ট্রাল এন্ডেনিউ তখন পুরোপুরি তৈরি হয় নি। চতুর্দিকে বিস্তীর্ণ বস্তি-অঞ্চল। ওই জায়গাটা বৃষ্টিগত পুরানো পাপীদের নিরাপদ আস্তানা হিসাবে পরিগণিত ছিল। সুসংগঠিত অপদলগুলি শহরকে নিজ-নিজ নির্দিষ্ট এলাকাতে ভাগ করে নেওয়ার ফলে এল-এলাকার লোক অগ্নি-এলাকায় ‘কর্ম’ করতে এলে খুনোখুনি ও মারামারি অনিবার্য হয়ে উঠতো। আপন আপন এলাকার খুঁটিনাটি অলিগলি তাদের নখদর্পণে থাকায় তারা গ্রেপ্তার এড়াতে সক্ষম হ’ত। থানার সামনে ঘোরাঘুরি করে পুলিশ-কর্মীদের চিনে নিয়ে সাবধান হয়ে যেতো। নিজেদের কর্ম-পন্থা সাবলীল ও সূক্ষ্ম করবার জন্তে তারা নিজস্ব অফিস বা আড্ডা পর্যন্ত গড়ে তুলেছিল। প্রতি-দলে অধিনায়ক বা সর্দার ছিল একজন করে। সারাদিনের উপার্জন তার কাছে জমা দেওয়া হলে সর্দার প্রতিরাত্রে সকলকে সমান ভাগ দিত। এতে কোনোদিন একজনের আয় কম হলে কিংবা কিছুই না হলে সে দুঃখিত হ’ত না। এরা বিচিত্র চরিত্র।

সায়াম কলেজের ডঃ পালিতের কাঁধ থেকে দামী ছাতাখানা তুলে চোখের নিমেষে একজন উধাও। ডঃ পালিত দুটো ধাক্কা খেয়েছিলেন, সামলে নিয়ে যখন তাকালেন তখন ছাতার টিকিও দেখতে পেলেন না। তিনি জমাদারের কাছে গিয়ে নালিশ করেছিলেন, জমাদার বলেছিল আমি ‘ক’। জমাদারের বয়ান: ‘ইজুর, ইনে আপকো মাস্টার থি। তব তো উনকো ছাতা মিলনে চাহী।’

জমাদার তাঁকে ছোট-করিমের কাছে নিয়ে গিয়েছিল। ছোট-করিম সব শুনে বলেছিল: ‘হাঁ। উ তো হামারি এলাকা হোগা। পিছু দুনো ধাক্কা আপকো

মিলি তো ওহী হামার আদমী থি । আইয়ে—’ বলে সেতাকে একটা মাঠকোঠার নিয়ে এল এবং সেখানে রাশিকৃত ছাতা দেখে তিনি তো অবাক । বহুক্ষণ অস্থ-সন্ধানের পরও তিনি নিজের ছাতাটি খুঁজে পেলেন না দেখে ছোট-করিম বলেছিল : ‘ওটা তাহলে এখনও জমা পড়ে নি । আধঘণ্টা পরে ওই ছাতা নিয়ে যাবেন ।’

পুলিশ-কমিশনার সাহেবের এক বন্ধু মহারাজার জামাতা—তঁার ঘড়িটি গুণ্ডারা ছিনতাই করে নিয়েছিল । ওই ঘড়ি উদ্ধারের কাজে থানার ইনচার্জবাবু বড়-করিমের সাহায্য গ্রহণ করলেন । তবে শর্ত হ’ল এই যে ঘড়ি উদ্ধারের পর কোনও মামলা রুজু করা চসবে না । বড়-করিম জামাতা-বাবাজীকে নিজের আন্তানায় এনে তঁার চোখ দুটো পুরু কাপড়ে বেঁধে ছ্যাকড়া গাড়িতে তুলল এবং কিছুদূরে গহন বস্তি-অঞ্চলে এসে এক মাঠকোঠার সামনে থামল । চোখ খুলে দেওয়া হ’ল । দেওয়ালে বহুসংখ্যক মূল্যবান ঘড়ি টাঙানো রয়েছে দেখে তিনি অবাক হয়ে গেলেন । তার মধ্যে তঁার ঘড়িটিও ছিল । কিন্তু লোভের বশবর্তী হয়ে একটি হীরকখচিত স্বর্ণনির্মিত ঘড়ি সনাক্ত করে নিজের বলে দাবি করায় বড়-করিম তাকে যথেষ্ট গালিগালাজ করে বলেছিল : ‘হামলোকসে তু’লোক বড়িয়া চোর আছে । আপকো ঘড়ি ওই কোণা মে মজুত হয় । একোন্নি ঘড়ি আপকো নেহি মিলেগা । যাও ভাগো—’ তাকে ঠিক সেইভাবে চোখ বেঁধে গাড়িতে তুলে ওরা নয়া রাস্তার মোড়ে ছেড়ে দিয়ে যায় ।

ওরা নিজেদের জ্ঞা একটা নিজস্ব জগৎ তৈরি করে নিয়েছিল । কোনও এক পিকপকেট-সর্দারকে ‘তার রক্ষিতার গর্ভজাত পুত্রকে আদর করে বলতে শুনে-ছিলাম : ‘এশালে হামসে ভি বোড়ো চোর হোবে । এ শালে বেদাগী চোর আছে । হা হা হা ।’ হাজতঘরে রাত্রে জোট বেঁধে বসে এবারকার কাম বা হিম্মত কার কত বেশি তা গর্ব করে নিজেদের মধ্যে বলাবলি করতো ।

প্রিভি-কাউন্সিলে শরীকী মামলার জ্ঞা কিছু সংখ্যক বড় বাড়ি হানা বাড়ি রূপে পরিচিত ছিল । শহরে রোজা না-থাকাতে ভূতের উপদ্রব বন্ধের জ্ঞা পুলিশের ডাক পড়তো । আমি একরাতে এক প্রাক্ষণে গিয়ে দেখি যে এক গোল স্তম্ভের উপর চেয়ারে বসে এক দাড়িওয়া ব্যক্তি পা দুটিকে ঘূষি দেখাচ্ছে । আর ওই নাতি-দীর্ঘ গোলাকার স্তম্ভটি এ-কোণ থেকে ও-কোণে ঘড়ির পেণ্ডুলামের মতো ঝাচ্ছে আর আসছে । প্রকৃতপক্ষে দীর্ঘকায় ব্যক্তিটি বড়ো চেয়ারে ফোকর সৃষ্টি করে এবং কোমর স্থাপন করে লম্বা পা দুটি সাদা অয়েল রূপে জড়িয়ে বিভ্রমকারী স্তম্ভ রচনা করেছিল । তার ঝুলানো পা দুটি কৃত্রিম হলেও হাত মুখ ও দাড়ি নিজেরই ছিল । নবাব সিরাজউদ্দৌলা কলকাতা দখল করে ব্যাঙ্কশাল কোর্টের বাড়িতে নাচ-

গানের আসর করেন। প্রবাদ—তখনও গভীর রাত্রে সেখানে ঘুঙুরের আওয়াজ শোনা যেতো। জর্নৈক কোর্ট ইনস্পেক্টর অধিক রাত্রি পর্যন্ত বকেয়া কাজ শেষে রাখছিলেন। হঠাৎ একজন দাড়িওয়ালা অদ্ভুত আকৃতির খিদমতকার দরজার ফাঁকে উঁকি দিলে তিনি ভয়ে অজ্ঞান হয়ে পড়েন।

বিঃ দ্রঃ—অধিক ক্ষেত্রে এই-সব দৃশ্যমানসিক ভ্রমপ্রসূত হলেও কিছু ক্ষেত্রে গুলির ব্যাখ্যা পাওয়া কঠিন। পুলিশ ভূতে বিশ্বাসী হলে ‘কাওয়াডিস’ অপরাধে চাকুরি বিচ্যুত হ’ত। কোনো বাড়িতে মাংস আনলে তা উধাও হয়ে সেই জায়গায় তরকারির নিষ্কপ্ত হ’ত। এমন-কি এক ওয়ার মন্ত্রের জন্তু আনা শূকরের মাংসও অদৃশ্য হয়ে গিয়েছিল। এগুলি বাড়ির বিপণ্যগামী তরুণেরা স্বল্প স্ততার সাহায্যে সমাধা করেছিল। কিছু ক্ষেত্রে খুলঘুলির মধ্যে দিয়ে দেওয়ালে সিনেমার ছবি ফেলে বা রেডিও রিসিভার ও স্বল্পশক্তি সম্পন্ন ট্রানজিস্টারের সাহায্যেও ভ্রম দেখানো হয়ে থাকে।

এক রাত্রে এক তরুণ কণ্ঠস্বরে থানাতে ফোন এলো যে অতো নম্বর বাড়িতে একজন গলায় দড়ি দিয়েছে। ফোন পেয়ে আমি স্বয়ং এক জমাদার ও এক সিপাহী সঙ্গে নিয়ে তৎক্ষণাৎ তদন্তে চলে গেলাম। বাড়ির নম্বর ও গলির নাম জানা ছিল। গলি ব মোড়ে গিয়ে যখন উপস্থিত হলাম, আমাদের দেখে এক তরুণ বললে, ‘আরে আপনারা তো খুব তাড়াতাড়ি এসে গেছেন। মোজা চলে যান, ডানদিকে মোড় নিলেই পেয়ে যাবেন।’ তাই গেলাম এবং বাড়ি পেলাম। কিন্তু কড়া নাড়তে হ’ল বছর। শেষে এক ব্যক্তি ঘুম থেকে জেগে উঠে উপরের বারান্দায় এসে দাঁড়ালেন এবং আমাদের দিকে দৃকপাত করেই বিরক্তস্বরে বলে উঠলেন, ‘পুলিশ! আমাদের বাড়িতে পুলিশ! আমার বাবা ছি। বরায়বাহাদুর আর আমাদের বাড়িতে কিনা...’ যখন আহুততার বিষয় তাঁকে জানালাম, তিনি আতকে উঠে বললেন, ‘আরারাম রাম! এ কী অলঙ্কারে কথা! কই আহুততার কথা আমরা তো কেউ জানি না...’ একটু পরে অগ্র ঘরগুলিতে আলো জলে উঠল এবং তারপরই বাড়ির মহিলারা চিংকার করে কান্না জুড়ে দিলেন। সত্যি—বাড়ির বারান্দাতে এক তরুণ গলায় দড়ি দিয়ে ঝুলছে। আমরা সেখানে গিয়ে উপস্থিত হলাম এবং মৃতদেহটি দেখে স্তম্ভিত হয়ে গেলাম। যে ছেলেটি আমাদের পথ দেখিয়ে এই বাড়ির হৃদিস দিয়ে দিয়েছিল সেই ছেলেটিই বাড়ির ফাঁক দিয়ে দড়ি গলিয়ে গলায় ফাঁস লাগিয়েছে। তার সেই নাক চোখ ও ব্যাকব্রাশ-করা চুল এবং নাকে প্যাসনে-চশমা পায়ে লপেটা স্পিয়ার গায়ে ডোরা-কাটা সৌখীন নীল হাফসার্ট পরনে কালো পায়জামা।

‘হুম!’—একটু ভাবার পর আমার বিচলিত ভাব কমল এবং খানিক আশ্বস্ত হয়ে বাড়ির কতাকে জিজ্ঞেস করলাম, ‘আমার মনে হয় এরা যমজ ভাই, অন্য ভাইটিকে অলক্ষণ আগে আমি দেখেছি। ডাকুন দিকি তাকে এখানে—’

উত্তর পেলাম : ‘না ওর কোনো যমজ ভাই নেই।’

সুতরাং ফের আমি বিচলিত হলাম। সত্যি বলতে-কি ভয় পেয়ে গেলাম একটু। কী করে এমন ঘটনা সম্ভব? আমি সিপাহীকে পাহারায় রেখে জমাদারের সঙ্গে খানায় ফিরতে চাইলাম। কিন্তু সিপাহী সবচেয়ে ঘাড় নেড়ে জানাল যে তার নোকরি যায় তো থাক তথাপি ওই ভূতুড়ে বাড়িতে একাকী একমুহূর্ত কালান্তিপাত করবে না। প্রকৃতপক্ষে সে দারুণ ভয় পেয়েছিল। আমার বিশ্বাস, ওই বালক আমাদের সংবাদ দিয়ে খিড়কিপথে বাড়িতে ঢুকে আশ্বস্ত করেছিল।

[ প্রকৃত ঘটনা বোঝা অসম্পূর্ণ থাকে বলেই ভুল-বোঝাবুঝির সৃষ্টি। সৃষ্টভাবে তদন্ত করলে ঘটনার প্রকৃত ব্যাখ্যা পাওয়া যায়। আশ্বস্ত বিশ্বাস থাক। ভালো। কিন্তু তার অধিক্য মন্দ। তাতে বিপদ ঘটে। জনপ্রিয়তা উত্তম কিন্তু সস্তা জনপ্রিয়তা দিবাংসী। ]

## প্রভাতনাথ মুখার্জি

রায়বাহাদুর প্রভাতনাথ মুখার্জি কলকাতা-পুলিশের ডেপুটি-কমিশনার পদে অধিষ্ঠিত হয়েছিলেন। এই দীর্ঘদেহী সুপুরুষ ব্যক্তিতে উত্তম শ্রেণীর অভিনেতা ছিলেন—অভিনয়ে প্রচুর প্রশংসা পান। স্যার চার্লস টেগাট গুণদমনে এঁকে নিয়োগ করেন। এই কাজে তিনি সাহায্যকারী হিসাবে নিয়েছিলেন তিনজনকে : সত্যেন্দ্র মুখার্জি, বর্ধন ও আমি। আমাদের সাহায্যে তিনি পুলিশ-বিভাগ হতে দুর্নীতি দমনে বন্ধপরিকর হন। গাছেরও খাবে আর তলারও কুড়োবে—অর্থাৎ উৎকোচ নেবে এবং প্রমোশনও পাবে—এ-ব্যাপারে তিনি অত্যন্ত কঠোর ছিলেন। অপরাধীদের মধ্যে থেকে চর সংগ্রহ তাঁর পছন্দ নয় এইজন্য যে চররা তাতে প্রশ্রয় পায়—তারা নিজেরা দশটি অপরাধ করে বিরোধীদের দুটি বা চারটি অপকর্মের খবর দেয়। উনি সং ও সাধু কর্মীদের ভুলচুক উপেক্ষা করতেন কিন্তু অসাধু কর্মীদের সামান্য ভুলে তাঁর নিকট ক্ষমা নেই।

স্বল্পসংখ্যক পুলিশ-কর্মীদের দ্বারা শহরে অপরাধ-প্রতিরোধ সম্ভব নয়। এজন্য উনি ট্র্যাপিজ অর্থাৎ ফাঁদ পাতা অধিক পছন্দ করতেন। নির্দিষ্ট পথে বা মাঠে দামী ঘড়ি ও আংটি পরে সাংস্কারী স্ত্রীর সঙ্গে পদব্রজে বা শকটে ছদ্মবেশী পুলিশ-কর্মী ঘোরা-

ঘুরি করত। আর দূরে দূরে সশস্ত্র পুলিশ-কর্মীরা থাকত ফেরিওয়ালা প্রভৃতি নানান ছয়বেশে। আরও দূরে মোটর-বিহারী পুলিশ দূরবীন চোখে। ভূয়া বা অলীক ক্রেতা সেজে অপহৃত দ্রব্যাদি উনি প্রচুর উদ্ধার করতেন। ফলে, অপরাধীরা ব্যক্তিমাত্রকেই পুলিশ সন্দেহ করে অপকর্মে বিরত থাকত। এতদ্বারা প্রকৃত অপরাধীদের সহজে খুঁজে বার করা সম্ভব ছিল। এইভাবে একটিও নিরপরাধ ব্যক্তি দণ্ডিত না-হওয়ায় পুলিশ-বিভাগের সুনাম বাড়ে। তদন্ত করে সাক্ষী পাওয়ার পব গ্রেপ্তার করা প্রকৃত পন্থা নয়—গ্রেপ্তারের পর তদন্ত করা উচিত কাজ।

[ অধুনা প্রিভেন্টিভ এ্যারেস্ট, প্রটেক্টিভ এ্যারেস্ট, স্নইপিং এ্যারেস্ট অর্থাৎ বাডু কেম, মাস এ্যারেস্ট প্রভৃতি শোনা যায়। কিন্তু এগুলি পুলিশের অক্ষমতার পরিচায়ক মাত্র। এতে শত্রুকে বন্ধ না করে বন্ধুকে শত্রু করা হয়। ]

পাপের ভার পূর্ণ হলে পতন অনিবার্য। এজ্ঞা দুই ব্যক্তিদের কিছুকাল বাড়তে দেওয়া ভালো। এতে তাকে বধ করার মতো সাক্ষী তৈরি হয়। এক্ষেত্রে শুধু নজর রেখে তথ্য সংগ্রহ করতে হবে। পাপের সংসারে পাপ সহবাস করলেও পুণ্যের সংসারে পাপ অসম্বনীয়। তাই সং-পরিবারের কেউ বৈশ্বাস্কর হলে প্রথমেই সে রোগগ্রস্ত হয়।

আমার উপরোক্ত মতবাদগুলি প্রভাভনাথ মুখার্জি সন্মান্যকরণে সমর্থন করতেন। তিনি বলতেন, ‘আজ হোক কিংবা কাল হোক পাপের প্রায়শ্চিত্ত একদিন তাকে করতেই হবে।’ আমি দু-একটি ক্ষেত্রে তার প্রমাণ পেয়েছিলাম।

কোনও এক মজাপ সহকর্মীর সঙ্গে ভোররাত্রি চারটার সময় তল্লাসীতে বেরিয়েছিলাম। ফুটপাথে এক সন্ন্যাসী তখন নিদ্রামগ্ন। সহকর্মী পা তাকি তাকি তাঁর ঘাড়ের পড়লেন ছমড়ি খেয়ে। রেগে গেলেন খুব। তিনি উঠে দাড়িয়ে স. সীর চুল চেপে ধরে জুতাসহ পদাঘাত করলেন। সন্ন্যাসী নীরবে সহ্য করলেন। প্রহার প্রশমিত হলে তিনি শুধু বললেন, ‘তোমার মঙ্গল হোক।’ তারপর মুলো ঝেড়ে শাস্তভাবে স্থানত্যাগ করে গেলেন, মুখে স্মিতহাসি। আমি প্রতিবাদে ফেটে পড়ে সহকর্মীর সঙ্গে কলহ-রত হয়েছিলাম।

এই সময় পরিচিত এক প্রোট পুণ্যাগী গঙ্গাস্নানে যাচ্ছিলেন। আমাকে কলহ না করে শাস্ত হতে উপদেশ দিলেন। পরে বললেন, ‘ঘোষালবাবু ঠকে কিছু বললেন না। ঠুর রক্ষা নেই। ওই পুণ্যাগী সাধু প্রকৃত হয়ে যদি ঠকে গালি দিতেন তাহলে শোধবোধ হয়ে যেতো। কিন্তু তিনি তা না করে ঠকে আশীর্বাদ করে গেলেন। এ বড়ো ভয়নক জিনিস—’

পর সপ্তাহে পানোম্মত সেই সহকর্মী থানার ডায়েরিতে রাউণ্ড রিপোর্ট লিখলেন :

চ্যালেঞ্জড কনস্টেবল নং ২৪৮০২০ এ্যাট দি জংশন অফ্ কনজাঙসন। ( থানাতে মাত্র ৭০ জন কনস্টেবল বহাল ছিল। ) তারপর এক পথচারীকে পিটিয়ে হাস-পাতালে পাঠালেন। সেখানে ডাক্তাররা সেই ব্যক্তির দেহে গ্রহাঘেরে জখম আছে রিপোর্ট লেখাতে উনি তাঁদেরকেও পিটুনি দিলেন। এই সংবাদ পেয়ে বড়ো সাহেব স্বয়ং তাকে সেখান থেকে ধরে এনেছিলেন। কয়েকদিন যাবৎ বিভাগীয় তদন্তের পর উনি কর্মচ্যুত হন নিজের দোষে। পরবর্তীকালে আমরা তাঁকে শীর্ণস্বাস্থ্যে এর-ওর কাছে অর্থভিক্ষা করতে দেখেছি।

[ স্বল্প সংখ্যক কর্মীর উৎকোচ গ্রহণ মানেই উৎপীড়নের নামান্তর ছিল। তাঁরা উৎকোচের জন্য বহুজনকে ধরতেন ও ছাড়তেন। প্রভাতনাথ মুখার্জি এই ব্যাপার-গুলি জানতে পেরে সংশ্লিষ্ট কমিশনের নিকট কৈফিয়ৎ চাইতেন। এদের কারো কারো শেষ পরিণাম ভয়ংকর হতে দেখেছিলাম। একজন তো অস্থানে গ্রহত ও নিহতও হয়েছিল। এতেরা সম্ভ্রান্ত হয়ে ভয়ে-ভয়ে গোপনে উৎকোচ নিতো এবং উৎকোচদাতার ধনাসাধ্য উপকার করতো। তাঁরা উৎকোচ গ্রহণ করে নিদোষীদের ক্ষেত্রে কোনও ক্ষতিসাধন করেন নি—তাঁদের মধ্যে পাপ-পুণ্যের একটি পৃথক মূল্যায়ন আমি প্রত্যক্ষ করেছিলাম। ]

কিন্তু এতদসত্ত্বেও আমরা সততার জন্য বহু সহকর্মী, কিছু উর্কিল ও জনগণকে শত্রু করে তুলেছিলাম। এজন্য অতীতকালে আমাদেরকে আত্মরক্ষার্থে সদা-সজাগ থাকতে হ'ত। শুধু নিজেরাই সং থাকাটা যথেষ্ট নয়, আমরা অতীতকালে সং থাকতে বাধ্য করেছিলাম। এজন্য কহুজন উৎকোচ-গ্রহণের পর রাত্রে নিদ্রা যেতে পারে নি।

আমার পুলিশী-গুরুরা কোনও মহিলার বাড়ি তল্লাশীতে কিংবা ওদের সহিত নিভৃত-সংলাপে যথেষ্ট সাবধান হতে উপদেশ দিতেন। জন দুই বৃদ্ধ বা জন দুই বিশ্বাসী নারী সম্মুখে রেখে ওদের গৃহগমন বা কণোপকথন বিধেয়। একদিন মাত্র অসতর্ক মুহুর্তে এর বিপরীত কাজ করাতে আমার দুর্ভোগ সীমা ছাড়িয়ে গিয়েছিল।

যত মহারাজার দুই মাড়োয়ারী রানীর মধ্যে জ্বরত তছরুপের বিবাদ। আদালত তল্লাশী পরোয়ানা জারি করেছিলেন। আমি হুকুম-মোতাবেক ছোটরানীর গৃহে তল্লাশীতে গিয়েছিলাম। রীতি-অনুযায়ী দুটি বৃদ্ধকে জবরদস্তি সাক্ষীরূপে সেখানে আনা হয়েছিল।

অপূর্বসুন্দরী গৌরবর্ণা-বিশ্রুতি বর্ষীয়া ছোটরানী দুয়ার খুলে দিলেন। আমাকে দেখে ব্যাপার অস্বাভাবিক করে রীতিমত উত্তেজিত। ঘন ঘন শ্বাস ফেলে ঝড়ের বেগে বললেন, 'নেহি নেহি, তল্লাশী নেহি হোগী। কেতনা রূপেয়া মাঙতা কহিয়ে তুম।



বিশ হাজার—চালিশ হাজার। এ্যা ক্যা বোলত তভি নেহি ?—আমি তাঁর প্রতিটি প্রশ্নাব প্রত্যাখ্যান করি এবং তল্লাসী-কাজে বিলম্ব হচ্ছে বলে ব্যস্ত হয়ে উঠি। তিনি খুব গম্ভীর হয়ে গেলেন, থম-ধরা গলায় বলে উঠলেন, ‘বহত আচ্ছা। ঠিক হায়। তব ভিতরমে আও—’ তর্কাতর্কিতে বিহ্বল হয়ে আমি ঘরে ঢুকে পড়েছিলাম। ক্রুদ্ধ ভদ্রমহিলা মুহূর্তে ঘরের দরজা বন্ধ করে ভিতর থেকে চাবি লাগিয়ে দিলেন। সিপাহী জমাদার সাক্ষী-দুজন আর বড় রানীর উকিলরা বাইরে রয়ে গেলেন।

বন্ধ ঘর। চতুরা মহিলা হঠাৎ ব্লাউজ ছিঁড়ে স্তব্ধ হয়ে উন্মুক্ত করে চিৎকার শুরু করে দিলেন : ‘মেরি ইজ্জত লে লিয়া।’ ঘন ঘন এই চিৎকার করতে করতে তিনি টেলিফোনের নিকট ছুটে গেলেন এবং পর পর ছুটিনাশ্বার ডায়াল করে ব্যারিস্টার বি. সি. চ্যাটার্জি ও এ্যাডভোকেট কেশব গুপ্তকে স্বরচিত কাহিনী নিবেদন করলেন। তাঁর নিবেদনের বয়ান ছিল এই ? ‘এক থানাদার আ’কে মেরি ইজ্জত লে লিয়া’। হুম পচাশ হাজার রুপেয়া পরচা করনে তৈয়ার আপলোক ফৈসন লেকে তুরন্ত ইঠা পর আ’ সাইয়ে।’

আমি তো হতবাক। বিহ্বলভাবে পিছনের একটি সোফায় রূপ করে বসে পড়েছিলাম। বেশ অবশ লাগছিল অঙ্গপ্রত্যঙ্গ এবং ভয় পেয়ে গিয়েছিলাম। আমার রক্তশূন্য মুখভাব দেখে ভদ্রমহিলা করুণার বর্ষবর্ষী হয়ে হাঁক দিলেন : ‘রুকমানিয়া, এ রুকমানিয়া—’ পরিচাবকা রুকমানিয়া পাশের ঘর থেকে সংযোগকারী দরজা ঠেলে এ ঘরে আসতেই তিনি কৃত্রিম ধমকের সুরে বললেন, ‘দেখতা নেহি ? বাবুকে পচনা আতা। পাংখা খুল দেও। হাউর জলদি শরবত বানাকে লে আও।’ পরিচারিকা চলে যাবার পর তিনি আমার পাশেই বসলেন : ‘দুহাতে আমাকে জড়িয়ে আদরে অতিষ্ঠ করে তুললেন। আমি অপ্রস্তুত। আদরকরতেকরতে তিনি বললেন ‘ক্যা বাবু, কাহে মেহি পর নারাজ হো’—আমার দিক থেকে কোনো সাড়া নেই। আমি কোনও কথা না বলে চুপচাপ চোখ বুজে বসেছিলাম। আমার গাওদেশে ইঁহুরের দাঁতের মতো ছোট-ছোট দাঁত কুটকুট করে আলতোভাবে বসে যাচ্ছিল। টোটের নরম স্পর্শ পাচ্ছিলাম। তিনি ইচ্ছামত আমাকে ব্যবহার করছিলেন। আমার তরফ থেকে একটুও সাড়া ছিল না।

হঠাৎ দরজাতে ঠক ঠক শব্দ। ভদ্রমহিলা অসংবৃত বেশবাস সংহত করে নিয়ে দরজা খুলে দিলেন। এ্যাডভোকেট কেশব গুপ্ত ঘরে প্রবেশ করলেন। তিনি আগে থেকে আমাকে চিনতেন ও জানতেন। তাই ছোটরানী কিছু বলার আগেই তিনি বললেন, ‘এ বাবু আপকো ইজ্জত লিয়া ? নেহি, নেহি। ইয়ে বহত আচ্ছা লেডকা।’

ভদ্রমহিলা কিন্তু নরম হলেন না, বেশ উগ্রস্বরে বললেন, 'ইজ্জত তো জরুর লিয়া হয়।—ঘর উনে তল্লাসী কিয়া। উসমেই তো মেরি ইজ্জত গ'য়া। ইয়ে ভদ্রঘর কো বাবু। আউর কৈসন ইজ্জত লেগা।'

এই ঘটনার পর আমি বুঝেছিলাম যে পুলিশ-কর্মীর অবিবাহিত থাকা নিরাপদ নয়। এতে অনর্থক ঝামেলায় জড়িয়ে পড়তে হয়। একদিন এই বিষয়ে একটু অদ্ভুত স্বেচ্ছা এসে গেল। এক সন্ত-আলাপী বন্ধুর সঙ্গে তাঁদের বাড়িতে গিয়েছিলাম। তখন বণাকাল। বৃষ্টি-ভেজা জুতো দুটো বারান্দায় খুলে রেখে ঘরে বসে গল্প করছিলাম। ফেরার সময় ঘরের বাইরে এসে ধোঁখা, আমার জুতো-জোড়া সেখানে নেই। জানা গেল, বন্ধুর কচিলা কনিষ্ঠা ভগিনীর হুকুমে ভূত্য ও-দুটো বাইরে ফেলে দিয়েছে। বেশ করেছে, কিন্তু খালি-পায়ে তো ফেরা যায় না। আমি ওই তরুণীরই শ্লিপারে পা গলিয়ে খানায় ফিরে এসেছিলাম মনে মনে একটা জেদ পুষে। এতই যার কচিলা তাকে আমার জীবনের কচির সঙ্গে ওতঃ-প্রোতভাবে জড়িয়ে ফেললে কেমন হয় ?

বাড়িতে আমাকে বার বার বিবাহের জ্ঞান তাগিদ দিয়েছে। আমি গড়িমসি করেছি। অতএব বাড়িতে অমত হবে না বুঝে তড়িঘড়ি শুভকাজে নেমে পড়লাম। নিমন্ত্রণ-পত্র তৈরি করে ফেললাম একখানা। আত্মীয়-স্বজন আর বন্ধু-বান্ধবদের নামের তালিকা যখন প্রস্তুত করছি তখন মৃত্যুমান ভগ্নদূতের মতো ও-পক্ষের ঘটক এসে জানাল যে পাত্রীর পিসিমার এই বিবাহে ঘোরতর অমত। কারণ ? তিনি লিখিত ভাবে দূরদেশ থেকে জানিয়েছেন, 'সাবরেজিস্টার আবার হাকিম, তেলাপোকা আবার পাখি, ঘোষাল আবার বামন।' বুঝতে পারলাম কুলীন বলে ঠাণ্ডা কুল ভাঙতে কিছুতেই রাজি নন, কিন্তু এই ঔদ্ধত্যের সমুচিত একটা জবাব তো দিতে হবে। আমি লেখাটা কাছে রাখলাম। উকিল পণ্ডপতি ভট্টাচার্য মহাশয়ের সঙ্গে পরামর্শ করে তাঁর মারফৎ একখানি মানহানির পত্র পাঠালাম। তার সারমর্ম এই : 'ঘোষাল ব্রাহ্মণ নয় বলাতে আমার বিবাহ হওয়া ভার হয়েছে। আমি আমার স্বজাতিদের কাছে অত্যন্ত নিচু হয়ে গিয়েছি। আমার দেহের ওজন আট পাউণ্ড কমে গেছে। এই অপবাদে আমার মনোকষ্ট অত্যধিক বৃদ্ধি পেয়েছে এবং মানসিক দিক থেকে অত্যন্ত ক্ষতিগ্রস্ত হয়েছি। অতএব ক্ষতিপূরণ-স্বরূপ দশ হাজার টাকা পত্রপাঠ আমার উকিল-মারফৎ পাঠানো হোক।'

এই অভিনব পত্র পেয়ে ওদের বাড়ি থেকে বিবাহের পুনঃপ্রস্তাব আসে। কিন্তু আর রাজি হই নি।

পরে, বারে বারে এক অদ্ভুত কাণ্ড ঘটে লাগল। বিবাহের উত্তোগ চলছিলই

কিন্তু পাত্র হিসাবে আমাকে খাঁদের পছন্দ আমার পাত্রী পছন্দ হয় না ; আমার আমি যে পাত্রী পছন্দ করি তাঁরা আমাকে পছন্দ করেন না। আমাকে অপছন্দের কারণগুলি শ্রবণস্বত্বকর নয়। দু-একটা নমুনা। কেউ বলে, ‘পুলিশের সঙ্গে বিবাহ কখনও নয়।’ কারো মন্তব্য : ‘বাংলা পাঁচের মতো মুখ।’ কারো বক্তব্য : ‘বাবা, অতো লম্বা লোক। বিয়ে হলে কনেকে তো টুলে উঠতে হবে।’ ফলে, আমি সনাতন বিবাহ-পদ্ধতিতে বিশ্বাসী হই এবং আমার প্রতিভাবকবর্গের উপর পরিশেষে সব ভার অর্পণ করি।

### শ্যামপুকুর থানা

এই থানাতে মাত্র তিন বৎসর-চাকুরি করার পর আমি ইনচার্জ-ইনস্পেক্টর পদে উন্নীত হয়েছিলাম। এই থানায় থাকাকালীন পাগলা-হত্যা ইত্যাদি কয়েকটি দুর্ভাগ্যময় মামলার কিনারা করে সুনাম অর্জন করি। সে-সময় জনসেবার জন্ত আমার জনপ্রিয়তা এমন তুঙ্গে ওঠে যে স্থানীয় অধিবাসীরা শ্যামপুকুর থানাকে পল্লীর নিজস্ব থানা বলে অভিহিত করত। প্রয়োজনবোধে পল্লীর মহিলারাও অসংকোচে পুলিশ-কোয়ার্টারে এসে অভিযোগ পেশ করে যেতেন। এই থানা পরিত্যাগকালে স্থানীয় জনগণ সভা করে একজন পুলিশ-কর্মীকে বিদায়-সংবর্ধনা জ্ঞাপন করেছিল সর্বপ্রথম। রাজনৈতিক কারণে পুলিশ-কর্মীরা জনপ্রিয় নিশ্চয় নয় কিন্তু ব্যক্তিগত-ভাবে এই বিভাগের বহুজন অত্যন্ত জনপ্রিয় ছিলেন।

[একবার এক ভদ্র-পরিবারের সঙ্গে ট্রেনে আলাপ হওয়ার ফলে কথায়-কথায় কর্তব্যব্যক্তিটি তাঁর বালীগঞ্জের বাড়িতে সাদর নিমন্ত্রণ করেছিলেন। ট্রেন হাওড়া স্টেশনে পৌঁছলে তিনি জিজ্ঞাসা করলেন, ‘আপনি তো এখন আত্মীয়দের মধ্যে পরিগণিত। আপনার সঙ্গে আলাপ করে আমরা খুবই মন্থষ্ট। কিন্তু একবারও জিজ্ঞেস করা হয়নি আপনি কী কাজ করেন?’ উত্তরে আমি একজন পুলিশ-কর্মী বলায় তিনি অসতর্কভাবে মন্তব্য করেছিলেন, ‘সে কি! আপনি পুলিশ-অফিসর। আমি মনে করেছিলাম ভদ্রলোক!’

অন্য একদিন এক সভাস্থলে ইউনিফর্ম-পরিহিত অবস্থায় উচ্ছোস্তাদের জন্তরোধে আমাদের আহ্বান গ্রহণ করতে হয়েছিল। আমরা যখন আহ্বাররত, দূর থেকে তা দেখে এক বালক বিশ্বাসে বলে উঠেছিল, ‘ও দাদা ওই দেখ। পুলিশ খাচ্ছে।’ আজীব-জীব পুলিশেরা যে খাদ্য গ্রহণ করে তা তার ধারণার বাইরে ছিল।]\*

শ্যামপুকুর থানা এলাকায় বহু বিশিষ্ট সাহিত্যিকের বাস ছিল। যেমন : সজনীকান্ত

দাস উপেন্দ্রনাথ গঙ্গোপাধ্যায় শৈলজানন্দ মুখোপাধ্যায় হেমেন্দ্রকুমার রায় বিজয়-  
লাল চট্টোপাধ্যায় ব্রজেন্দ্রনাথ বন্দোপাধ্যায় তারাসংকর বন্দোপাধ্যায় বিধায়ক  
ভট্টাচার্য নলিনীরঞ্জন পণ্ডিত মল্লকবি কর্মযোগী রায় চিত্রশিল্পী ষামিনী রায়  
প্রভৃতি আরও অনেকে। হেমেন্দ্রকুমার রায়ের ‘ছন্দা’ উপেন্দ্রবাবুর ‘বিচিত্রা’ সজনী-  
কান্তের ‘শনিবারের চিঠি’ শৈলজাবাবুর ‘পত্রিকা’ এবং কর্মযোগীর ‘রোচনা’ এই  
এলাকা থেকেই প্রকাশিত হ’ত।

সেকালে প্রতিটি পত্রিকাকে কেন্দ্র করে এক-একটি সাহিত্যিক-গোষ্ঠী ছিল।  
পত্রিকা-অফিসে তাঁদের নিয়মিত আগমন ঘটত ও আড্ডা বসত। বাংলা সাহিত্য  
তার ফলে অনেক সমৃদ্ধ হয়েছে। আর-একটা বিষয় লক্ষ্য করা গেছে। প্রতিষ্ঠিত  
সাহিত্যিকদের সঙ্গে সম্পাদকদের মধুর সম্পর্ক তো ছিলই, নবাগতরাও তা থেকে  
বঞ্চিত হতেন না। সম্পাদকেরা উঠতি-সাহিত্যিকদের রচনা মনোযোগ-সহকারে  
পাঠ করতেন ও প্রয়োজন হলে সংশোধন করে পত্রিকায় প্রকাশ করতেন। নতুন  
লেখকেরা তার ফলে রচনা-কার্যে উৎসাহিত ও সম্পাদকগণের প্রতি আন্বিত  
হয়ে উঠতেন।

এই সূত্রে বহু সাহিত্যিক ও সম্পাদকের সঙ্গে ঘনিষ্ঠ সংস্পর্শে আমার সৌভাগ্য-  
লাভ করেছিলাম। তাঁদের নানাভাবে সেবা করার সুযোগ যেমন পেয়েছিলাম  
তেমনি পত্রিকাগুলিতে বহুবিধ রচনা প্রকাশ করে আনন্দিত হয়েছিলাম।  
সাহিত্যিকদের মধ্যে প্রেমেন্দ্র মিত্র বুদ্ধদেব বসু অচিন্ত্যকুমার সেনগুপ্ত দেব-  
দম্পতি বাধারাবীদিদি ও নরেন্দ্রা সৌরীন্দ্রমোহন মুখোপাধ্যায় যতীন্দ্রনাথ সেন-  
গুপ্ত যুবনাথ ও দিনেশ দাসের সঙ্গে আমার পরিচয় ছিল আগে থেকেই। ‘বিচিত্রা’  
পত্রিকার অফিসে সম্পাদক উপেন্দ্রনাথের মাধ্যমে সাহিত্যাচার্য শরৎচন্দ্রের সঙ্গে  
পরিচয় হয় এবং ওই আড্ডায় বহু সন্ধ্যা তাঁর সঙ্গে গল্প করে কাটিয়েছি। আমার  
লেখা প্রকাশের ব্যাপারে আড্ডাধারী এক সাহিত্যিক একদা রসিকতা করে  
বলেছিলেন : ‘ওর লেখা না ছাপলে সম্পাদকের বাড়িতে পুরনো চোয়েরা হানা  
দেবে।’

আমার লেখা বিচিত্রা বসুমতী ভারতবর্ষ কল্লোল পাঠশালা রামধনু মৌচাক  
অর্চনা অত্মদায় শনিবারের চিঠি রোচনা বাঁশরী ছন্দা প্রকৃতি সাহিত্য পরিষদ  
পত্রিকা বঙ্গলক্ষ্মী রত্নমালা এবং পূজাবার্ষিকী আনন্দবাজার ও যুগান্তর প্রভৃতি  
নানা পত্র-পত্রিকায় গল্প উপন্যাস প্রবন্ধাদি নিয়মিত প্রকাশিত হয়েছে।

ডঃ সুনীতিকুমার চট্টোপাধ্যায় প্রফেসর সত্যেন্দ্রনাথ বসু ও ডঃ কালিদাস নাগের  
সঙ্গে ঘনিষ্ঠভাবে পরিচিত হয়েছিলাম অল্প সূত্রে। প্রথম দুজনের সঙ্গে পরিচয়ের

স্বত্র বিস্মৃত তবে ডঃ নাগের সঙ্গে পরিচয় তাঁর গ্রেটার ইণ্ডিয়া মুভমেন্টের সময়। তাঁর আন্দোলন যখন চলছে তখন আমি ছাত্র। সেই আন্দোলনে আমি সাহায্য করেছিলাম স্বতঃস্ফূর্তভাবে। তৎকালে শ্রামপুত্র এলাকাতে দুটি উচ্চ বিদ্যালয় ও একটি সংগীত-বিদ্যালয় প্রধানতঃ আমার চেষ্টাতে স্থাপিত হয়েছিল।

হেমেন্দ্রকুমার রায় মানুষটাই একখানি কবিতা। বাড়িতে অর্থাভাবে বাজার হচ্ছে না—তিনি হঠাৎ পেলেন কুড়ি টাকা। সংসার-খরচের জ্ঞা আট টাকা দিয়ে বাকি টাকায় ফুল কিনে ফেললেন আর জ্যোছনা রাতে নৌকা ভাড়া করে সপরিবারে গঙ্গাবক্ষে বিহার করে বেড়ালেন। পরদিন আবার সংসার-খরচের চিন্তা। তবু, প্রতিদিন তাঁর লেখার টেবিলে কিছু টাটকা ফুল থাকা চাই, সেই-দিকে তাকিয়ে তিনি লিখতে ভালবাসতেন। তিনি প্রায়ই বলতেন যে প্রকাশকদের কাছ থেকে পাওনা টাকা আদায়ের ব্যাপারে এই মৌখিকতা বিশেষ কার্যকর ছিল।

শরৎচন্দ্রের একবার একটি আধুলি হারিয়ে যাওয়ায় তিনি বেশ কিছুদিন শোকাভ হয়েছিলেন। বহু বৎসর পরে, তাঁর উত্তরাধিকারীর বিশ হাজার টাকা মূল্যের মোটরগাড়ি চুরি হয়ে গেলেও তাঁকে কিন্তু উদ্বিগ্ন হতে দেখিনি। শরৎচন্দ্র জীবদ্দশাতে বিখ্যাত হলেও তাঁর গ্রন্থাবলীর বিক্রয়-সংখ্যা বাড়ে মৃত্যুর পরই। তিনি প্রায়ই বলতেন যে বঙ্গমতী সাহিত্য-মন্দির কর্তৃক প্রকাশিত স্মরণ সংস্করণ পুস্তক ও গ্রন্থাবলী তাঁকে সচ্ছন্দ্যদান করেছিল।

বঙ্কিমচন্দ্রের পর সজনীকান্ত স্রাটায়ারধর্মী সাহিত্য-রচনায় সূখ্যাত হন। এজ্ঞা তাঁর পত্রিকার অফিসে যশলোভী লেখকেরা প্রায়ই উৎসাহ করতেন। তাঁর অফিস-ঘরেই সুরেশচন্দ্র মজুমদার প্রফুল্লচন্দ্র সরকার নলিনীকান্ত সরকার দীর্ঘপ-কুমার রায় দেবীপ্রসাদ রায়চৌধুরী প্রমুখের সঙ্গে আমি অন্তরঙ্গভাবে পরিচিত হই। এই সময়ে শুভোষ্ঠাকুরের ‘ভবিষ্যৎ’ এবং আশু চট্টোপাধ্যায়ের ‘অগ্রগতি’ জনপ্রিয় পত্রিকা।

মল্লকবি কর্মযোগী রায়ের বাড়িতে হুমায়ুন কবীর লালমিয়া প্রভৃতি বহু গুণী মানী ব্যক্তি নিয়মিত আসতেন। এঁরা অনেকেই তখন ছাত্র। কবিতা রচনা শিক্ষার সঙ্গে শরীর-গঠনের জ্ঞা কুস্তি ও ডনবৈঠক অভ্যাস করতেন প্রতিদিন। তাঁর এক ছাত্র তার কবিতা ছাপা হয় নি বলে এক সম্পাদককে ঘৃষ্য মেয়ে দিয়ে-ছিলেন।

একরাত্রে তাঁর গৃহে গানের আসর বসেছিল। দিল্লি থেকে ওস্তাদ আজমল খাঁ এসেছিলেন। বহুজনের মতো আমিও সেখানে নিমন্ত্রিত। বাংলার সূখ্যাত গায়ক

অনাথনাথ বসু তবলা সংগতকার। গাইতে-গাইতে ওস্তাদজী হঠাৎ ধমকে উঠে বললেন, ‘বাবু, ছাত পিটাও মাং ।’ প্রতিবাদে অনাথবাবু আসর ত্যাগ করে চলে যান। ওস্তাদজী তখন হাঁটু গেড়ে বসে উপর দিকে আঙুল নির্দেশ করে বলে-ছিলেন, ‘পাংখা বন্ধ কর দিজিয়ে। বাবুজি, গানা উড় যায়গা।’ তারপর দুনাছ দুনাছ দুউ-উ গাইতে গাইতে পার্শ্বে উপবিষ্ট এক ব্যক্তির চোখে আঙুল পুরে দিয়ে-ছিলেন। আহত শ্রোতাটিকে হাসপাতালে পাঠাতে হয়েছিল। এর আগে এক কীর্তন-গায়ককে ভাবাবেগে খোলসুদ্ধ একজনের ঘাড়ে লাফিয়ে পড়তে দেখেছিলাম।

এই-সব গায়কদের উৎপাতের জন্য অমৃত-সমান রবীন্দ্রসংগীতের দ্রুত প্রসার ঘটেছিল।

পুলিশ-কর্মীদের মধ্যে খানসাহেব খান্দকার হোসেন রেজা যতীনন্দ্রনাথ মুখার্জি যতীনন্দ্রনাথ লাহিড়ী রবীন্দ্রনাথ গুপ্ত চন্দ্রশেখর বাগচি শৈলেন মজুমদার মণি বসু জগৎ ভট্টাচার্য প্রভাতনাথ মুখার্জি পূর্ণচন্দ্র লাহিড়ী হেমচন্দ্র লাহিড়ী নলিনী সেন মহেন্দ্র মুখার্জি ও মনোহর পণ্ডিত একালে উল্লেখ্য ছিলেন। এঁদের মধ্যে অধিকাংশ জনই পরবর্তীকালে অ্যাসিস্টেন্ট কমিশনার ও ডেপুটি কমিশনার পদে উন্নীত হয়েছিলেন।

## চতুর্থ অধ্যায়

বোম্বাই শহর ত্যাগ করবার পর লোকে জানলো যে স্তার চার্লস টেগার্ট কল-কাতাতে নেই। অথচ চলে যাবার পূর্বমুহূর্ত পর্যন্ত এমন নিবিষ্টমনে কাজ করেছেন যে কেউ বুঝতেও পারে নি যে তিনি অল্পক্ষণ পরে ভারত ত্যাগ করে অগ্ন্যত্র যাবেন। টেগার্ট সাহেব অবসর গ্রহণ করলে মিঃ এল. এইচ. কলসন কমিশনার পদের দায়িত্ব নিয়ে এদেশে এলেন। সংস্কৃত-শাস্ত্রে তাঁর যথেষ্ট ব্যুৎপত্তি ছিল এবং পুরাণ-বিষয়ে প্রভূত জ্ঞান অর্জন করেছিলেন। এক থানায় হিন্দিভাষী সিপাহীদের জন্মাষ্টমী উৎসবে রামা হৈ গান শুনে তিনি মন্তব্য করেছিলেন : 'এইবার বুঝেছি রুক্ষভী মথুরা ছেড়ে বৃন্দাবনে পালিয়েছিলেন কেন ? নইলে এই-রকম প্রবল-বাঘ উচ্চাঙ্গ-সংগীত শুনে ওই সচোজাত শিশুর আকস্মিক মৃত্যু ঘটান সম্ভবনা অবশ্যই ছিল।'

তিনি যুরোপীয় এবং ভারতীয় কর্মীদের মধ্যে শ্রেণীগত যে বিভেদ ছিল তার মধ্যে কিছুটা সামঞ্জস্য বিধান করেছিলেন।

তাঁর সময়ে ব্রিটিশ-সরকার প্রাদেশিক স্বায়ত্ত-শাসন প্রথা প্রবর্তন করেন। সাম্প্রদায়িক বাঁটোয়ারা দ্বারা বিহার প্রভৃতি স্থানে মুসলমান-সম্প্রদায় হিন্দুদের এবং বাংলাতে হিন্দু-সম্প্রদায় (মাথা-গুনতি সামান্য হেরফেরে) মুসলমানদের অধীন হয়ে পড়েছিল। আশ্চর্য এই যে হিন্দুস্থানে হিন্দুর বদলে বইল শুধু দুটি সম্প্রদায়—মুসলমান এবং অ-মুসলমান। ভোটের জ্ঞাত এক সম্প্রদায়ের অগ্ন্যত্র সম্প্রদায়ের মুখাপেক্ষী না-হওয়াতে সাম্প্রদায়িকতা উগ্র হয়ে শহরকে বিষাক্ত করে তোলে। এই স্বযোগে অসাম্প্রদায়িক কংগ্রেসের পরিবর্তে মুসলিম লীগ ও হিন্দু মহাসভা মাথা চাড়া দিয়ে ওঠে।

: ১৯৩৮ খ্রীঃ ভারত-শাসন আইনের এই পরিবর্তনে পুলিশ-বিভাগের কিন্তু কোনো অঙ্গবিধা হয় নি। কারণ, নিয়ম করা হ'ল যে কোনো মূখ্য বিভাগীয় প্রধানের সঙ্গে ভারপ্রাপ্ত মন্ত্রীর মতভেদ হলে তার শেষ-মীমাংসা করবেন ইংরাজ গভর্নর স্বয়ং। পুলিশ-বিভাগ ইংরাজ অধিকর্তাদের অধীনে একটি মেজর ডিপার্টমেন্ট হওয়াতে এই পরিবর্তনের তিলমাত্র প্রভাব পুলিশ-ব্যবস্থাপনার উপর পড়ে নি।

[কংগ্রেস হাই-কম্যান্ড বাংলা ও পাঞ্জাবে হিন্দু-মুসলিমে কোয়ালিশন গভর্নমেন্ট গোড়ায় করতে দিলে ভারত বিভাগ কোনও দিনই হ'ত না। এই বিষয়ে জিন্নাহকে

তাদের চেয়ে উৎকৃষ্ট কূটনীতিজ্ঞ বলা যেতে পারে। রাজনীতি-ক্ষেত্রে ভাব প্রবণতার কোনও স্থান নেই। এই-সব কথা তৎকালীন আদর্শবাদী কংগ্রেসীনেতারা ভুলে গিয়েছিলেন বোধহয়।]

কলকাতায় জিন্নাসাহেব বহু সভা করেছিলেন। মুসলিম-সম্প্রদায়ের উদ্দেশ্যে তাঁর সাবধানবাণী শুনেছিলাম : ‘বারে বারে আমি ঘণ্টা বাজাচ্ছি। কিন্তু দমকল এখনও পর্যন্ত এল না।’—দমকল পাঠানোর মালিক যারা সেই ব্রিটিশ শাসকবর্গ প্রয়োজন না-হওয়া পর্যন্ত দমকল পাঠাবে কেন? দেশ-বিভাগের প্রাকালে তারা ওই দমকল পাঠিয়েছিলেন যাকে বলে ঠিক সময়েই।

চেঞ্জার ও নো-চেঞ্জার—কংগ্রেস ও স্বরাজ্য পার্টি। শেষে—কংগ্রেস ও হিন্দু মহাসভা, ফরওয়ার্ড ব্লক ও কিছু কমিউনিস্টদের সঙ্গে দলীয় মতবাদে পারস্পরিক দারুণ বিরোধ। জাতীয়তাবাদীদের এই অন্তর্দ্বন্দ্বের স্বেচ্ছা মুসলিম লীগ পুরোপুরি গ্রহণ করতে পেরেছিল। বিভিন্ন পার্কে একাধিক মিটিং-এ এই-সব রাজনৈতিক দলের মধ্যে প্রায়ই হানাহানি মারামারি হয়েছে। ফলশ্রুতি, আহত হয়ে হাস-পাতালে গমন।

আমি কিন্তু নিজ-দায়িত্বে স্থানীয় থানার ইনচার্জরূপে প্রভাত গান্ধুরী সভাপতিত্বে এলবার্ট হল-এর মিটিংয়ের গোলযোগে, যুনিভারসিটি ইনস্টিটিউটে উল্লেখ্যদের মিটিংয়ে মুসলিম লীগের আক্রমণে, টাউন-হলে হিন্দু মহাসভা ও কংগ্রেসের একাংশের বিরোধে ওই সভাগুলি ভেঙে দিয়েছিলাম। আমি দাঁড়িয়ে উঠে ওদের শুধু বলতাম : ‘আই ডিক্লেয়ার দিস মিটিং ইল্‌লিগ্যাল।’ তারপরই ওরা বিনা প্রতিবাদে সভা ভেঙে দিতেন ও চলে যেতেন। ওই-সব বিষয়ে তাঁদের আইনানুগত্যা ও সৌজ্ঞেয়বোধ যথেষ্ট ছিল।

চিরাচরিত প্রথা ত্যাগ করে কলিকাতা পুলিশ-বিভাগে সবপ্রথম তিনজন দেশীয় পুলিশ-সুপারকে বাইরে থেকে ডেপুটি-কমিশনার করে আনা হ’ল। এই তিন-জনের নাম : হীরেন্দ্রনাথ সরকার, ফজল করিম শোভান ও ধর্মদাস ভট্টাচার্য। উত্তর-কলিকাতার জল লীগ-গভর্নমেন্ট একজন মুসলিম ডেপুটি-কমিশনার চাওয়ায় শোভান সাহেবকে উত্তর-কলিকাতার দায়িত্বে বহাল করা হয়।

[পরে শোভান সাহেবের বদলে দোহা সাহেব এবং ধর্মদাসের বদলে হরিশাধন ঘোষ-চৌধুরী ওই স্থলাভিষিক্ত হন। এরই মধ্যে দ্বিতীয় মহাযুদ্ধ আরম্ভ হয়ে যায়।]

তৎকালে—অমৃতবাজার, আনন্দবাজার, বসুমতী প্রভৃতি পত্রিকাগুলি ছিল জনস্বার্থের অতন্ত্র গ্রহণী। হকাররা ফুটপাথ অবরোধ করলে ওরা সমস্বরে লিখে-ছিলেন : ‘পুলিশ অকর্মণ্য ও অপদার্থ। ফুটপাথে পথচারীরা চলাচল করতে পারেন



না।' পরদিন পথ-অবরোধ করার অপরাধে হকারদের পাকড়াও করলে ও কাগজওয়ালারাই আবার লিখেছিলেন : 'পুলিশের একি জ্বর জ্বলুম ! হকার উচ্ছেদ হলে অনাহার ও বেকার বাড়বে।' সংবাদপত্রে প্রকাশিত এই বিরূপ মন্তব্যের কাটিংগুলি উর্ধ্বতন কর্তৃপক্ষের দৃষ্টিগোচর হলে তারা সংশ্লিষ্ট কর্মীদের কাছে প্রায়ই কৈফিয়ত চেয়ে পাঠাতেন। অভিযোগ গুরুতর হলে তাঁরা তৎক্ষণাৎ তদন্ত করে ব্যবস্থা গ্রহণ করতেন।

[ বলতে বাধ্য হচ্ছি কিছু-সংখ্যক সাংবাদিক ধর্মের ষাঁড়ের মতো। তাঁরাসকলকে যথেষ্ট গুঁতোবেন, কিন্তু তাঁদেরকে কেউ গুঁতোলে মহা-অপরাধ। অভিযোগ ওঠে, স্বাধীনতা-উত্তরকালে একবার পুলিশ নাকি গুঁদের গুঁতিয়েছে গড়ের মাঠে। প্রণব সেনের নেতৃত্বে আমি সেখানে উপস্থিত ছিলাম। এই অভিযোগের মধ্যে কোনও সত্য ছিল না। এনকোয়ারি কমিশনের রায় প্রকাশিত হলে তা মিথ্যা প্রমাণিত হয়। ওই কমিশনের স্বমুখে আমি নিজেও সাক্ষী দিয়েছিলাম। ]

### কমিশনার ফেয়ার ওয়েদার, এম. এ.

পুলিশ-কমিশনার কলসন সাহেব বিদায় নিলে সেই পদে এলেন সি. এস. ফেয়ার ওয়েদার, এম. এ.। তিনি কলিকাতা পুলিশ-বিভাগকে লণ্ডন পুলিশের মতো জনপ্রিয় ও হুর্নীতিমুক্ত করতে চেয়েছিলেন। লণ্ডন পুলিশ-বিভাগের পুরনো ধারা পার্টিসে ওই নতুন আদর্শে চালিত করতে গিয়ে একদা বহু কর্মীকে কয়েক বৎসরের জন্ম বরখাস্ত হতে হয়েছিল। কমিশনার ফেয়ার ওয়েদার ওই পদ্ধতিতে কলিকাতা পুলিশ-বিভাগকে দক্ষ ও সং করতে চেয়েছিলেন।

তাঁর প্রস্তাব ছিল, নেভি ও আর্মির মতো চৌদ্দ বৎসর বয়স্ক বালকদের অফিসর পদের জন্ম উপযুক্ত শিক্ষায় শিক্ষিত করে তোলা। যুক্তি এই : বালকদের মন ও শরীর সুগঠিত থাকে না বলে ক্রমে তাদের যথাযোগ্যরূপে গড়ে তোলা সম্ভব। কিন্তু তৎকালীন গভর্নমেন্টের এই প্রস্তাব মনঃপূত হয়নি।—লণ্ডন পুলিশ বিভাগে কিন্তু এই পদ্ধতিতে কিশোরদের ভর্তি করে তাদের শিক্ষার ভার নেওয়া হয়।

### গ্রেট পার্জিও

এঁর সময়ে কলিকাতা পুলিশ-বিভাগে কিছু দলবদ্ধী তথা ক্লিকবাজি ছিল। এক-একজন দেশীয় উর্ধ্বতন-কর্মী অল্পগত কর্মচারীদের নিজ-নিজ দলভুক্ত করে নিয়ে-

ছিলেন। তার ফলে এক-এক এলাকার কর্মীরা ভিন্ন এলাকার উর্ধ্বতন-কর্মীর অহুগত হয়ে পড়েন বাংলা পুলিশ-বিভাগে এই-রকম ঘটনার কথা জানতে পারলে কর্মচারীদের দূর-দূর জেলায় বদলি করে দল ভাঙা হ'ত। কিন্তু যান্ত্রিক যুগে কালীঘাট ও শ্রামবাজার এপাড়া-ওপাড়া। উনি কিছু অফিসরকে বাংলা-পুলিশে বদলি করতে চেয়েছিলেন। কিন্তু তা আইনসংগত না-হওয়ায় ওই ব্যবস্থা শেষ পর্যন্ত বাতিল হয়।

উনি পার্জিও পদ্ধতি দ্বারা কলিকাতা পুলিশকে লগুনের অনুরূপ সং করতে চাইলেন। এই কাজের জন্ত উনি প্রমাণের অপেক্ষা না-রেখে কর্মীদের রেপুটেশন অর্থাৎ সুনামের উপর নির্ভরশীল ছিলেন। জনসাধারণ এবং উকিল ও সহকর্মীদের মধ্যে কিছু-সংখ্যক পুলিশ-কর্মীর এরূপ স্বীকৃত সুনাম থাকেই। উপরন্তু কর্মীদের সততা সম্বন্ধে গোপন তদন্তে উনি তা জানতে পেরেছিলেন। সততা ও দক্ষতা এই উভয় গুণের উপর উনি একত্রে গুরুত্ব দিতেন। অসং অথচ দক্ষ কর্মীদের দ্বারা যুদ্ধ জয় করা যায়, কিন্তু সং অথচ অদক্ষ কর্মীদের দ্বারা তা সম্ভব নয়। সেইজন্ত অদক্ষ অথচ সং কর্মীদের উনি করণিক-সুলাভ কর্মে নিযুক্ত করেন আর সং ও দক্ষ কর্মীদের বেছে-বেছে উচ্চপদে প্রমোশন দেন। ওঁর মতে শুধু নিজেরাই সং ও দক্ষ হলে হবে না, অধীনস্থ কর্মীদেরও সং ও দক্ষ হতে বাধ্য করতে হবে। এই পদ্ধতির ফলে বহু প্রবীণ কর্মী বরখাস্ত বা পদাবনত হন আর আমি ও আরও কয়েকজন বহু উর্ধ্বে উঠে যাই।

কোনো এলাকা দুর্নীতগ্রস্ত হলে সাধারণত আমাকে সেখানে পাঠানো হ'ত। আমি শ্রামপুত্রদের পর—আমহার্স্ট স্ট্রিট, টালিগঞ্জ, বহুবাজার ঘুরে বালিগঞ্জে এলাম। এইখানে এসে অবসর-সময়ে আমি গোপনে বিবিধ বিজ্ঞান-বিষয়ক গবেষণা-কর্মে মনোনিবেশ করি। আমার গ্রন্থগুলিও এই সময় এক-একে প্রকাশিত হতে থাকে। বিজ্ঞানী ও সাহিত্যিকরূপে আমার প্রতিষ্ঠা তখন থেকেই।

আমার একটি লজ্জাস্বর কাজ এইখানে অনুতাপের সঙ্গে লিপিবদ্ধ করি। আমি বালিগঞ্জ সারান্স কলেজে জুওলজির ছাত্র ছিলাম। কলেজের বাৎসরিক উৎসবে বিজ্ঞান-প্রদর্শনীর প্রথা প্রথম আমি সৃষ্টি করি। ইচ্ছা ছিল, জুওলজিক্যাল সার্ভিসে অথবা অধ্যাপনা-বৃত্তিতেই যুক্ত হব। কিন্তু অধ্যাপক দুর্গা মুখার্জি ও ডঃ জ্ঞান ভাদুড়ীর হাতে কম নম্বর পাওয়ায় স্নাতকোত্তর পরীক্ষাতে অল্পের জন্ত প্রথম হতে পারি নি। তার ফলে উক্ত বাঞ্ছিত ক্ষেত্রে চাকুরি পাওয়ার সুযোগ নষ্ট হয়ে যায় এবং আমাকে কলিকাতা পুলিশ-বিভাগে ঢুকতে হয়।

এই চাকুরি পাওয়ার পর সঞ্চিত রাগের কারণে ওই দুজন পরীক্ষকের নাম আমি

সেসন-কোর্টের জুরীর তালিকাভুক্ত করে দিই এবং জানতাম, খুঁই যোগ্য লোক পাওয়ায় গভর্নমেন্ট ওঁদের নাম তালিকা থেকে বাদ দেবেন না। হ'ল তাই। জুরীর কাজে আটক পড়ে ডঃ ভাতুড়ীর গবেষণা-কার্য ব্যাহত এবং অধ্যাপক মুখার্জির জুওলজি-সংক্রান্ত পুস্তক-রচনাও বাধার সৃষ্টি হয়।

হঠাৎ দ্বিতীয় বিশ্বযুদ্ধ শুরু হওয়ায় আমার জনপ্রিয়তা কুঁপুসের নিকট দোষ না হয়ে গুণরূপে দেখা দিল। জাপান যুদ্ধে না-নামা পর্যন্ত এহঁ মহাবৃদ্ধের গুরুত্ব বোঝা যায় নি। পুলিশ-ক্রাব হতে আমি একটি গ্যাস-মাস্ক স্কোয়াড তৈরি করলাম। কর্তৃপক্ষ এ সময়ে আমার মতো জনপ্রিয় অফিসরদের সাহায্য নিয়েছিলেন। আমি শ্রমগ্র শহরে ঘুরে-ঘুরে সিভিক গার্ড, এ. আর. পি. ফোর্স্ট এড এবং ফায়ার-ফাইটিং বাহিনীগুলিতে যোগদানের সার্থকতা সম্বন্ধে তরুণ-সম্প্রদায়কে বুঝিয়ে বলি এবং তাদের সংগ্রহ করি।

চীনে জাপানী অটোক্রেশী সম্বন্ধে বহু ছোটগল্প ও অগাথা নিবন্ধ সমূহ কলিকাতা বেতারে পাঠ্য করেছিলাম।

আমি সভা করে জনগণকে এই বলে বোঝাতাম যে ব্রিটিশদের শোষণ-শক্তি নিঃশেষ হয়ে গিয়েছে। কিন্তু জাপানীরা এলে উভয়পক্ষ থেকে আবার তা শুরু হবে। এই দুমুখী শোষণে আমদের সর্বনাশ অনিবার্য। জনগণের মনোবল অক্ষুণ্ণ রাখার জন্য আমি আরও বলেছিলাম যে সিঙ্গাপুর ও বর্মার পতন ঘটেছে। কিন্তু ওই দেশ-গুলি ও অবশিষ্ট ভারতের মধ্যে আছে বাংলা দেশ। এ দেশে বাস করে দুর্ভব বাঙালী জাতি। বাঙালীদের পর্যুদন্ত করে জাপানীরা এগোতে পারবেন না।

বলতাম বটে কিন্তু এ-রকম বক্তৃতা সর্বত্র সমান সমাদৃত হ'ত না। এক সভায় জনৈক প্রৌঢ় ব্যক্তি চিৎকার করে বলেছিলেন, 'তের হয়েছে মশাই। এর দেখাবেন না। হবে আর কি। মুসলিম আমলে বামদিক থেকে ডানদিকে লেগে আস করছি। ইংরাজ-আমলে ঠিক উল্টো—ডান থেকে বামে। ওঁদের আমলে না-হয় লিফট উপর থেকে নিচে।'

আমার এক ভায়রাভাই কর্নেল পতিতপাবন চৌধুরী, এম. ই., আরি. এম্. এস. (পরে—মেজর-জেনারেল) ওঁদের মেডিকেল চমর শেষ ব্যক্তি হিসাবে সিঙ্গাপুর থেকে ক্রুজারে ভারতে ফিরেছিলেন। তাঁর মুখে ইংরাজদের পরাজয়ের কিছু-কিছু কারণ জানতে পেরেছিলাম। ভারতীয় বাহিনীর ওঁকদের পরিচ্ছন্ন রাখার মানসে ব্রাসো দিয়ে যখন জামার বোতাম চকচকে করানো হচ্ছে বা উর্দু অপরিষ্কার দেখতে পেয়ে ইংরাজ-কর্তারা যখন দাঁত খিঁচিয়ে দণ্ড দিতে বাস্তু তখন জাপানী সৈন্যগণ নগ্নপদে হাফ প্যাণ্ট ও গেঞ্জিমাত্র পরিধান করে, কাদামেখে, মাথায় টমি-

গান ধারণ করে জলাভূমি পার হচ্ছে। শুধু তাই নয়, ব্রিটিশ ফৌজীরা যেখানে যন্ত্রশকট না-হলে পাদমেকং নড়তে চায় না ও ভূরিভোজ না-হলে তৃপ্তি পায় না সেখানে জাপানীরা ঝোলার মধ্যে ভাতের মণ্ডন ও চাটনি মাত্র সম্বল করে ক্রমাগত দিনযাপন করেছে।

[এ সময়ে পার্ক সার্কাস অঞ্চলে ওয়াজেদ আলি সাহেবের অলক্ষ্যে তাঁর আবাসে একটি বাঙালী মুসলিম-সংস্কৃতি-কেন্দ্র গড়ে ওঠে। আমি ওই সাংস্কৃতিক কেন্দ্রের সাপ্তাহিক সভায় বহুবার যোগদান করেছিলাম। এই কেন্দ্রের সকলেই তরুণ মুসলিম বাঙালী সাহিত্যিক। তাঁরা প্রত্যেকেই নিজেদের বাঙালী বলে এক দারুণ অভিমান পোষণ করতেন। সম্ভবত ওই দলে শেখ মুজীবর রহমনকেও আমি দেখেছিলাম। প্রকৃতপক্ষে ম্যাজিস্ট্রেট ওয়াজেদ আলি সাহেবের ওই গৃহেই মুসলিম বাঙালী জাতীয়তাবাদের জন্ম হয়।]

ইঠাং প্রতি থানায় নকসা-সহ গোপন নথি ও হুকুমনামা এল এই মর্মে যে ব্রিটিশরা রাঁচিতে সেকেণ্ড ডিফেন্স-লাইন খুলছে, প্রয়োজনে কলিকাতা-পুলিশকে ওখানে সরিয়ে নেওয়া হবে। কোন্ কোন্ রুট ধরে আমরা পালান তা-ও ওই নকসায় বলা হয়েছিল। এলাকার প্রত্যেকের ব্যক্তিগত সাইকেলগুলিও নশ্বর-যুক্ত করে রেজিস্টারি করা হয়। দরকারে ওগুলো সংগ্রহ করে তার সাহায্যে কিছু লোক শহর ত্যাগ করতে পারবে।

ওই গোপন সারকুলার পাওয়ার পর আমি অগ্নাত সহকর্মী ইনচার্জদের সঙ্গে যোগাযোগ করে একান্তে পরামর্শ করলাম। স্থির হ'ল, নাগরিকদের অরক্ষিত অবস্থায় রেখে পালিয়ে না-গিয়ে বরং আমাদের তৈরি সিভিক গার্ড, এ. আর. পি. থানার সিপাহী ও জনগণকে স্তম্ভিত করে আমরা তাঁদের রক্ষা করব।

দীর্ঘদেহী কিছু-সংখ্যক বাঙালী তরুণকে কলিকাতা-পুলিশে ভর্তির ব্যাপারে আমি সাহায্য করেছিলাম। পাগড়ি বাঁধা ও পরা তাঁরা পছন্দ করত না। এজন্য উর্ধ্বতন কর্তৃপক্ষের কাছে আমি তাঁদের শিরদ্বাণ বদলের জন্য কিছু নকসা-সমেত প্রতিবেদন পাঠিয়েছিলাম। কিন্তু লাল-পাগড়ির পরিবর্তে বিকল্প ব্যবস্থা হিসাবে টুপির ব্যবহারে গভর্নমেন্ট রাজী হলেন না। এই বছরে আমি গড়িয়াহাট এবং রাইফেল রোড ফাঁড়িদ্বয় স্থাপন করেছিলাম।

একদিন আমার অধীনে কড়িয়া থানা থেকে বিপদবার্তা এল। কড়িয়া রোডের যুরোপীয় বেস্টালয়ে উৎপাতের জন্য দুজন মার্কিন-সৈন্যকে ওখানকার সার্জেন্ট-সাহেব থানায় ধরে এনেছিলেন। একগাড়ি মাতাল মার্কিন-সৈন্য সেখানে গিয়ে ড্রাম পিটিয়ে ঘোষণা করেছে : 'আমেরিকা ডিক্লেয়ার্স ওয়ার অন কড়িয়া ফাঁড়ি।'

আমি দ্রুত ঘটনাস্থলে উপস্থিত হয়ে তাদের উদ্দেশ্যে বলি : ‘আই ডু নট অ্যাক-সেপ্টেইট।’ অর্থাৎ আমি তোমাদের যুদ্ধ-ঘোষণা গ্রাহ্য করি না। তারপর মার্কিন মিলিটারী পুলিশ-বিভাগে খবর পাঠালে তাঁরাও দ্রুত চলে আসে এবং দাঙ্গা-হাঙ্গামাকারী দলটিকে ধমকে সেখান থেকে সরিয়ে নিয়ে যান।

সামরিক বাহিনীর এই রকম কিছু সৈন্যকে আমাদের এ সময় সামাল দিতে হ’ত। তাছাড়া সাইরেন বাজানো, নিষ্প্রদীপ আরোপ করা-ও পুলিশের অগ্রতম কর্তব্য ছিল। সিভিক গার্ড, এ. আর. পি. প্রভৃতি বাহিনীর সঙ্গে সংযোগ রক্ষা করে তাদের পরিচালনাও পুলিশকে করতে হয়েছে। সাইরেন বাজা মাত্র যুরোপীয় স্পেশাল কনস্টেবলরা থানায় চলে আসতেন, তাদের দেখ-ভাল করা পুলিশের কাজের মধ্যেই ছিল।

কমিউনিস্ট পার্টি তখন সবেমাত্র সরব হচ্ছে। কিন্তু জনগণের মধ্যে তখনও তাদের বিশেষ সমাদর নেই। উপরন্তু আমাদের মতো তাঁরাও জাপানীদের রুখবে ঘোষণা করায় লোকে তাদের তাড়া করে। মিথ্যা করে রটানো হয় যে গভর্নমেন্ট থেকে অর্থ দিয়ে তাদের গড়ে তোলা হয়েছে। জেলখানায় রাজবন্দীদের কমিউনিস্ট লিটারেচার ছাড়া অণু কিছু পড়তে দেওয়া হ’ত না বলে তাঁরা ধীরে ধীরে কমিউনিস্ট মতবাদে আকৃষ্ট হচ্ছিলেন।

[ বিঃ দ্রঃ—কমিউনিজম উদ্ভূত হলেও ভারতীয় কমিউনিস্টরা সেভাবে গ্রহণ করেন নি। ভূমি সম্পর্কে একজনের মালিকানা কেড়ে অন্য একজনকে তার মালিক করা হয়। কিন্তু প্রতিটি ভূমিখণ্ড রাষ্ট্রের সম্পত্তি বললে লোকের বিরাগ-ভাজন হতে হবে। ভূমি টুকরো টুকরো হলে কৃষিকর্ম লাভজনক হয় না। আমেরিকা, রাশিয়া ও অস্ট্রেলিয়ায় কৃষিজমি প্রচুর। ও-সব দেশে দ্রেন দ্বারা বীজ ছাওয়া ও ট্রাক্টর দ্বারা জমি কর্ষণ করে প্রচুর শস্য উৎপন্ন করা হয়। অথচ লোক সংখ্যা জমির অনুপাতে নগণ্য। ভারত বা চীন থেকে রাশিয়ায় বাড়তি লোক পাঠালে যুদ্ধ বেধে যাবে। এক্ষেত্রে গালভরা আন্তর্জাতিক সাম্যবাদ শব্দ দুটি শ্রবণ সূখকর হলেও সম্পূর্ণ অর্থহীন। প্রাচীন যুগের ভূতারা এখন ওদেশে রাষ্ট্রের ভূত। কিন্তু পূর্বের মতো তাদের ব্যক্তি-স্বাধীনতা নেই এতটুকু। ]

কলকাতাতে ওই সময় যত্র তত্র লুকুম-দখল করে বাড়ি নিয়ে নেওয়ায় সাধারণ-ভাবে বাড়ি-ভাড়া পাওয়া অত্যন্ত কঠিন হয়ে পড়ে। এই অসুবিধা বোঝাতে গিয়ে জনগণ নিম্নোক্ত গল্পটি সৃষ্টি করে।

গড়ের মাঠে নিরুলা এক পুকুরে মৎস্য-শিকাররত এক ভদ্রলোক সহসা উলটিয়ে পুকুরের জলে পড়ে গেলেন। পথচারী এক ভদ্রলোককে তিনি চিৎকার করে

বললেন, ‘মশাই, ডুবে যাচ্ছি। শিগগির সাহায্য করুন।’ ওই পথচারী ভদ্রলোক বুকে জানতে চাইলেন, ‘আপনার বাড়ির ঠিকানাটা কী বলুন তো?’ ডুবন্ত ভদ্রলোক বাড়ির ঠিকানা জানালে তিনি বলেছিলেন, ‘ঠিক আছে। এবার আপনি ডুবুন। আমি আপনার বাড়িটা ভাড়া নিতে চললাম।’

ঠিকানা-মতো তিনি সেই বাড়িতে এসে হাজির। কিন্তু দেখতে পেলেন, অণু এক ব্যক্তি মালপত্র সমেত বাড়ির ভিতরে ঢুকতে উগত। বিস্মিত ভদ্রলোক জিজ্ঞেস করলেন, ‘ব্যাপার কী মশাই? বাড়িটা তো এইমাত্র খালি হ’ল, আপনি এত তাড়াতাড়ি খবর পেলেন কী করে?’

ভাগ্যবান ব্যক্তিটি একগাল হেসে উত্তর দিলেন, ‘বুঝতে পারলেন না? আরে মশাই, আমিই তো ওকে ঠেলে জলে ফেলে দিয়েছিলাম।’

শহরে জাপানী উড়োজাহাজ হতে মৃদু বোমাবর্ষণে বিপরীত দৃশ্য দেখা গিয়েছিল। শহর পরিত্যাগ করে দলে-দলে ‘ক্যালকেসিয়ান’-রা গ্রামের আত্মীয়দের বাড়িতে ভীড় করে। অণুদিকে কিছু অবাঙালী সিপাহী কতৃপক্ষকে না-বলে মোজা মুল্লুকে চলে যায়। গ্রামের আত্মীয়রা শহরবাসী আত্মজনদের কিভাবে অভ্যর্থনা করেছিল জানি না কিন্তু পলাতক সিপাহীদের প্রত্যেকেরই বিচার হয় এবং বিচারে ছ’বছর করে মেয়াদ হয়।

যুদ্ধের প্রথমদিকে জার্মানীদের প্রাথমিক সফলতায় ইংরাজ উর্ধ্বতন-কতৃপক্ষের মন হতে দাঙ্গিকতা সরে গিয়ে মুখ বিবর্ণ হয়ে যায়। রাশিয়া যুদ্ধে ষোণ দিলে তাঁদের সাহস ফিরে আসে। অ্যাংলো মার্জেন্টরা হিটলারকে উপহাস করে কিছু গণ-গল্প সৃষ্টি করেছিল।

এক বাল্যবন্ধু নাজী হতে অস্বীকার করলে হিটলার তাকে হত্যা না-করে তার বাড়িতে মেথরের কাজ বন্ধ করে দিয়েছিল। একদিন বাল্যবন্ধুটি হিটলারকে দেখে নাজী কায়দায় উর্ধ্বে হাত তুললে হিটলার তাকে জড়িয়ে ধরে উচ্ছ্বসিত হলেন : ‘বন্ধু, তাহলে এতদিন পরে তুমি আমার কথা রাখলে—নাজী হলে শেষ পর্যন্ত।’ অত্যন্ত ঠাণ্ডা গলায় আলিঙ্গনাবদ্ধ ভদ্রলোকের প্রত্যুত্তর : ‘আরে না না। তা কেন? বিষ্ঠা জমে কতো উঁচু হ’ল হাত তুলে তাই তোমাকে বোঝাচ্ছিলাম?’

কিন্তু এত সত্ত্বেও যুরোপীয় মেম-সাহেবদের মধ্যে বর্ণ-বিদ্বেষ দূরীভূত হয় নি। জর্নেক ক্রম্‌বর্ণ পলিশ-কর্মী তদন্তে গেলে এক ইংরাজ-মহিলা তাকে ঢুকতে না-দিয়ে বলেন, ‘আই ডোন্ট ওয়াণ্ট এ ব্ল্যাক অফিসর। সেও এ ব্রাউন অর ফেয়ার অফিসর।’ পাণ্টা অন্বেষণ করে আমি তাঁকে বলি : ‘ম্যাডাম, বাইবেল ইজ রিটিন ইন ব্ল্যাক ইঙ্ক অর হোয়াইট ইঙ্ক?’

## আগস্ট বিপ্লব

নেতাদের গ্রেপ্তারের পর স্বতঃস্ফূর্তভাবে আগস্ট বিপ্লব শুরু হয়ে যায়। তখন দেশের অধিকাংশ যুবক-যুবতী যুদ্ধোত্তম-সম্পর্কিত নানান কর্মে লিপ্ত। পল্লী-অঞ্চলের বেকারবৃন্দ সিভিক গার্ড, এ. আর. পি. ফায়ার ফাইটিং, ফাস্ট এড প্রভৃতি বিভিন্ন কর্মকাণ্ডে নিয়োজিত। তখন মানুষ চাকুরি খোঁজে না, চাকুরিই মানুষ খোঁজে। যিনি ফিসারী একসপার্ট তিনি রাতারাতি স্ট্রল-কনট্রোলার হচ্ছেন। চুরি অপেক্ষা আমেরিকান সৈন্যবাহিনীর কুলি হলে উপার্জন অনেক বেশি। এ অবস্থায় আগস্ট বিপ্লবের জগৎ তরুণ-সম্প্রদায় কোথায়? তবু, আগস্ট বিপ্লব শহরে গুরুতররূপে সংঘটিত হয়েছিল। নেতৃত্ববিহীন এই আন্দোলন শহরে কিশোরদের দ্বারা স্ব-সম্পাদিত হয়। তারাই পোস্ট-অফিস ও ট্রাম পুঁড়িয়েছে, ট্রামের বিজলী তার কেটেছে। তারাই মিলিটারি-গাড়ি আটকে গুলি খেয়ে মরছে। ‘স্ম্যুট অ্যাট সাইট।’—এই ছকুম তখন পুলিশকে দেওয়া হয়। টেলিগ্রাফ পোস্টের উপর হতে বহু কিশোরকে গুলি খেয়ে রক্তাপ্লুত অবস্থায় মাটিতে মুখ খুবড়ে পড়ে থাকতে আমি দেখেছি।

## সিভিক গার্ড

প্রতিটি থানার প্রতিটি বিটে একদল উদ্ভূষিত সিভিক গার্ড নিজেদের গ্রুপ-কমান্ডারের অধীনে নিযুক্ত থাকতো। স্থানীয় অধিবাসী হওয়ায় বিটের অলি-গলির সন্ধান তারা জানতো। তাদের ভয়ে জুয়া, চোলাই ও চুরি বন্ধ। পুলিশ উৎকোচ গ্রহণ করলে কিংবা উৎপীড়ক হলে তারা কর্তৃপক্ষকে সেই সংবাদ জানাবে। স্থানীয় জনগণের পারস্পরিক বিবাদ তারা স্থূঁভাবে মিটিয়ে দেয়। ফলে একটিও প্রাইভেট মামলা আদালতে যায় না। থানা-ইনচার্জরা এই বাহিনী গড়ায় উভয়-পক্ষের সম্ভাব অক্ষুণ্ণ। পুলিশ ও সিভিক গার্ড পরস্পরকে সংবত করতো। উভয়-পক্ষের মধ্যে সহযোগিতা ছিল অত্যন্ত বেশি। খুবই বাছাবাছ করে ওদের ভর্তি করা হয়েছিল।

[ পরবর্তীকালে প্রণব সেন সৃষ্ট স্পেশাল কনস্টেবল-ব্রাঞ্চ কিছুটা এদের মতোই কার্যকর হয়। কিন্তু এদের মতো সাধারণ-শ্রেণী থেকে সংগ্রহ না-করে বিত্তবানদের মধ্য হতে ওরা সংগৃহীত হওয়ায় ওরা অতো জনপ্রিয় হতে পারে নি। ]

যুদ্ধকালীন মনোবৃত্তি-প্রসূত অসততার শিকার তখন বহুলোক। সকলেই অত্যা

মুনাফা ও উৎকর্ষ উৎকোচ খুঁজে বেড়ায়। যুদ্ধোত্তম অব্যাহত রাখতে হবে বলে এদের কিছু বলা হয় নি। গভর্নমেন্ট স্বরেও চূড়ান্ত ও নির্লজ্জ পক্ষপাত ও স্বজন-পোষণ। তখন পদের জন্য লোক-নিয়োগের বদলে লোকের জন্য পদ তৈরি করা হ'ত। যুদ্ধ শেষ হয়ে গেলে এদের ব্যাঙ্ক-ব্যালেন্স ও ধন-সম্পত্তির হিসাব দিতে হয়েছিল। তাদের বিরুদ্ধে বহু মামলা রুজু করা হয়।

[ বিখ্যাত এস. কে. ঘোষের বর্মা-রিফিউজি তছরূপ মামলার আমি একজন প্রধান তদন্তকারী ছিলাম। এক কোটি টাকার এই মামলার সফলতা অর্জন সম্ভব হয়েছিল আমার সংগৃহীত সাক্ষ্য-প্রমাণাদির জন্য। প্রমথেশ বড়ুয়া প্রমুখের সাক্ষ্য সংগ্রহের জন্য আমি বোম্বে পর্যন্ত ছুটাছুটি করেছিলাম। ]

## আমেরিকা

আমেরিকানরা বাংলাদেশে অর্থের বলে আর-খাই করুক, বিমান হতে ডি-ডি-টি ছড়িয়ে ম্যালেরিয়াবাহী মশককুল ধ্বংস করতে তারা সাহায্য করেছিল। তারা এদেশে বহু পথঘাট পাকা করেছে এবং নিজেদের প্রয়োজনে কিছু পাকা-বাড়ি নির্মাণ করে চলে যাবার সময় সেগুলি রেখে যায়। আগস্ট বিপ্লবকালে তাদের গাড়িগুলি এবং নিজেরা ইষ্টকাঘাতে আহত হলেও তারা প্রতিশোধ গ্রহণ করেনি। এই মহাযুদ্ধ বাংলার সমাজ-ব্যবস্থায় এক বিরাট পরিবর্তন এনে দেয়। ওই সময় চাকুরিয়া গৃহস্থ-কন্যাদের বহুজনই আর গৃহস্থী হন নি। সেই থেকে ওয়ার্কিং গার্লস ( working girls ) বাংলায় একটি নতুন উল্লেখ্য পরিভাষা। একশ্রেণী তরুণেরা চাকুরিয়া স্ত্রী চায়। অথচ স্ত্রীরা পরপুরুষের সঙ্গে কথা কহিলে স্বামীদের মনে সন্দেহ। মেয়েরা চাকুরি পেলে চাকুরে-ছেলেদেরই বিবাহ করে। তাদের পুত্রকন্যারা মাতৃস্নেহ হতে বঞ্চিত হয়। উভয়ে চাকুরি করার জন্য কোনো-কোনো ক্ষেত্রে স্বামী-স্ত্রী মহাভোগী। অতীতকে বেকার-যুবকদের চাকুরির অভাব হয়।

## নেতাজী স্মৃতিচিহ্ন

বিশ্বরাজনীতি-ক্ষেত্রে অনন্তচারিত্র দেশপ্রেমিক মহাপুরুষ নেতাজী স্মৃতিচিহ্ন বহু স্নেহভাজন হবার সৌভাগ্য আমার হয়েছিল। স্থানীয় এলাকার ইনচার্জরূপে আমাকে ও নীহার বর্ধনকে তাঁর এলগিন রোডের বাড়ির উপর নজর রাখতে বলা হয়। সেই বাড়িতে তাঁর অবস্থানকালীন প্রতিদিনই আমরা 'হাজির' লিখে যেতাম।



ফলে তাঁর অন্তর্ধানের সুবিধা হয়। অবশ্য তাঁর প্রতি ভক্তির জ্ঞানই আমাদের এই শৈথিল্য।

নজরবন্দী, শ্রম-দণ্ড বন্দী বা যে কোনো বন্দী পলায়ন মানেই প্রশাসনের ক্ষেত্রে চরম ব্যর্থতা। এজন্য সংশ্লিষ্ট বিভাগের কোনো না-কোনো কর্মীর দণ্ড অনিবার্য ছিল। আমরা ভয়ে আড়ষ্ট হয়ে খাই। এ ব্যাপারে স্পেশাল ব্রাঙ্কের ডেপুটি-কমিশনারেরও যৌথ দায়িত্ব। তাঁকে বহুবার সংশ্লিষ্ট দপ্তরের পর তিনি এলেন এবং বললেন, ‘আমি জানি উনি মাধু হয়ে চলে গিয়েছেন।’ এত বড়ো অন্তর্ধান-ঘটনার গুরুত্ব সম্বন্ধে আমরা অবহিত ছিলাম, কিন্তু বিশ্বাসের ব্যাপার এই-যে এজন্য জলপথে বা স্থলপথে কোনও জাহাজ উড়োজাহাজ বা ট্রেন খামানো হয় নি। কোনও তল্লাশী হয়েছে বলে শোনা যায় নি। এমন-কি কাউকে গ্রেপ্তার করে জিজ্ঞাসাবাদও করা হ’ল না।

[ বিঃ দ্রঃ—ছত্রপতি শিবাজী নজরবন্দী-দশা থেকে পালিয়ে যাবার পর ২৪ ঘণ্টার মধ্যে মোংল-রক্ষীরা দেশের বিভিন্ন স্থানে ঢোল পিটিয়ে ওই সংবাদ প্রচার করেন। কিন্তু আমরা তাঁর অন্তর্ধানের ২৪ দিন পরেও কোনরূপ প্রচার-প্রচেষ্টা করিনি। ]

একদল ইংরাজ মনে করতেন নেতাজী ভারতে থাকলে তাঁদের পক্ষে বিপদজনক। অত্যাচারের ধারণা, তাঁর ভারতের বাইরে যাওয়াই ক্ষতিকর। জনৈক ইংরাজ-সহ-কর্মী একদিন আমাকে বলেন, ‘সুভাষচন্দ্র পালিয়ে গিয়েছেন।’ প্রত্যুত্তরে আমি জানাই : ঠিক কথা। তবে তাঁর পূর্বে আরও দুজন পালিয়েছিলেন। একজন ছত্রপতি শিবাজী। ফলে, মোংল-সাম্রাজ্যের পতন। দ্বিতীয়জন মহামতি লেনিন। ফলে, রুশ-সাম্রাজ্যের পতন। আমার মনে হয়, সুভাষচন্দ্রের পলায়নের মধ্যে ইতিহাসের সেই ধারার ইংগিত স্পষ্ট, তাঁর ঋণী ব্রিটিশ-সাম্রাজ্যের পতন হবে।’

আজাদ হিন্দ ফৌজের নেতৃবর্গকে দিল্লিতে এনে ঐতিহাসিক বিচারের পর মুক্তি দেওয়া হয়। কিন্তু সামান্য অপরাধে বাঙালী বিপ্লবীদের রেজুনেই ফাঁসি দেওয়া হয়েছিল। শোনা যায়, সমর-নেতারা নেতাজীকে জাপানীদের সাহায্যে ভারতে আসার বিরুদ্ধে পরামর্শ দিয়েছিলেন। নেতাজী বিদেশী জাপানৈক-সহ ভারতে পৌঁছলে তাঁর ব্যক্তিত্বের প্রভাবে ভারত অখণ্ড থাকতো। সেই সময় তিনি অগ্রসর হলেই ব্রিটিশ কালকাতা ত্যাগ করে পাটনা অথবা রাঁচিতে সরে যেতে প্রস্তুত ছিল। তাঁর অভিযান জার্মান ও জাপানের পরাজয়ের পূর্বমুহুর্তে সংঘটিত হওয়ার জন্য তা ব্যর্থ হয়ে যায়। কারণ—ততোঁ। নাইস-মার্কিন বাহিনী পাটনা আঘাতের জন্য প্রস্তুত হতে পেরেছিল।

আশ্চর্যের বিষয় এই যে নেতাজীর সহযাত্রীদের কেউ ‘প্লেন-দুর্ঘটনায়’ নিহত হলেন

না—হলেন কিনা একমাত্র তিনি। স্বভাষচন্দ্র স্বদেশে ফিরে আসুন মিত্রশক্তির তা কাম্য ছিল না। তাঁকে কোনো গুপ্তবাতক হত্যা করে থাকতে পারে এরূপ সন্দেহও কেউ-কেউ পোষণ করছিলেন। অধিকাংশ জ্ঞানীগুণীর স্চিন্তিত অভিমত যে তিনি এখনও জীবিত।

[ বিঃ দ্রঃ—আজাদ হিন্দ ফৌজ প্রমাণ করে যে ব্রিটিশরা দেশীয় বাহিনীর উপর নির্ভর করতে পারবে না। আমার মতে, তখন দেশের যা পরিস্থিতি তাতে ব্রিটিশরা আরও কিছুদিন দেশীয় বাহিনীর উপর নির্ভর করতে বাধ্য হ'ত। তাছাড়া, হিন্দু-মুসলিম সাম্প্রদায়িক ভেদ সৃষ্টি করে টিকে থাকার অসুবিধা ছিল না। প্রকৃতপক্ষে বিশাল ভারত-রক্ষার অর্থশক্তি ব্রিটিশের তখন ছিল না। হিটলার যুদ্ধ না-বাধালে এশীয় দেশগুলি এতো সহজে স্বাধীন হ'ত কিনা সন্দেহ।

সে-সময়ে ইংরাজ ও মার্কিনরা ভেবেছে চেম্বারলিন কিংবা চার্চিলই ভুল করেছেন। জার্মানী ও রাশিয়া উভয়ের যুদ্ধশক্তি ক্ষয় হলে তাঁদের পক্ষে ভালো হ'ত। শক্তিশালী জার্মানীর কতো প্রয়োজন আজ তাঁরা বোঝেন। সমগ্র জার্মান-জাতিকে একত্রিত করার দাবী হিটলারের গাঘা ছিল। ]

বিঃ দ্রঃ—স্বভাষচন্দ্রের জনপ্রিয়তার প্রমাণস্বরূপ বহু গণ-গল্পের সৃষ্টি হয়। তাঁর মিভিলিয়ান পরীক্ষায় প্রদত্ত প্রশ্নোত্তর তরুণদের কণ্ঠস্থ ছিল। যথা :

প্রশ্ন।—ডিফারেন্স বিটুইন প্রিন্স এণ্ড ফুটবল ?

উত্তর।—ওয়ান ইজ থ্রোন টু দি এয়ার, আদার ইজ হেয়ার টু দি থ্রোন।

প্রশ্ন।—ডিফারেন্স বিটুইন স্টেশন মাস্টার এণ্ড স্কুল মাস্টার ?

উত্তর।—ওয়ান মাই ওস দি ট্রেন, আদার ট্রেনস দি মাইও।

জওহরলালজী সম্বন্ধে এরূপ বহু গণ-গল্প একদা মুখে মুখে প্রচারিত হয়েছিল। যেমন : তাঁর পরিচ্ছদগুলি ইংলণ্ড হতে কাচিয়ে আনা হ'ত। উনি প্রিন্স অব ওয়েলস-এর ক্লাস-ফ্রেণ্ড ছিলেন। প্রিন্স অব ওয়েলস ভারতে এসে তাঁর খোঁজ করলে তিনি তখন জেলে শুনে ভীষণ ক্রুদ্ধ হন। নেহেরু-পরিবার হতে তার প্রতিবাদ সত্ত্বেও জনগণের মন হতে এই বিশ্বাস মুছে যায় নি।

## পিউটিনি ট্যাকস

আগস্ট আন্দোলনের সময় সর্বপ্রথম পিউটিনি ট্যাক্স প্রবর্তন করা হয়। কোনও স্বাম্যে ঘটনা ঘটলে স্থানীয় প্রত্যেক পরিবারকে জরিমানা দিতে হ'ত। বালিগঞ্জের একস্থানে ঘটনার পর গুট জায়গা থেকে বিশজন তরুণকে গ্রেপ্তার করার হুকুম

হ'ল। কিন্তু—সেখানে সমসংখ্যার অধিক তরুণী পাওয়া গেলেও তরুণ পাওয়া যায় মাত্র দুটি। ওখানকার তরুণেরা তখন যুদ্ধ-উপলক্ষে পৃথিবীর বিভিন্ন প্রান্তে কর্মরত। বাড়িতে ছিলেন স্ত্রীলোক, প্রৌঢ় ও বৃদ্ধেরা। তাঁরা বলেছিলেন, ‘পিউ-টিনি ট্যাক্স যুদ্ধরত পুত্র...কর্নেলের নিকট আদায় করা হোক।’

আমার কনিষ্ঠ সহোদর ডঃ হিরণ্ময় ঘোষাল পি-এইচ-ডি যুদ্ধের সময় পোল্যান্ডের ওয়ারশ' য়ুনিভার্সিটির ভাষাতত্ত্বের অধ্যাপক ছিলেন। তিনি স্নাত ফাইলোলজির ডক্টরেট ও যুরোপীয় বহু ভাষায় সুপণ্ডিত। তাঁর একদা ছাত্রী ও পরে জীবন-সঙ্গিনী শ্রীমতী হালিনা এম-এ, এম-এল সহ যুরোপ হয়ে তুরস্কের মধ্য দিয়ে তিনি ভারতে এসেছিলেন আশ্রয়ের জ্ঞ। তাঁরা আমার গৃহে ওঠার ফলে আমার গৃহেই স্পেশাল ব্রাঞ্চের ওয়াচ বসলো। পরে তাঁকে আমার এলাকার ডেপুটি সাহেব ডেকে পাঠালে তিনি পান্ট। তাঁকেই তাঁর কাছে আসতে বলেন। আমার অসুবিধা হবে বুঝে তিনি সেইদিনই অগত্যা বাড়ি-ভাড়া নিয়েছিলেন। তাঁর আত্মসম্মান ও ব্রাহ্মণ্যবোধ অসামান্য। যুরোপে তাঁকে প্রতি বছর উপনীত পাঠাতে হয়েছে। এত সিন্ধু অভিযোগ ছিল, যুরোপে থাকাকালীন তিনি ভারতের স্বাধীনতার দাবী উল্লেখ করে য়ুনিভার্সিটিগুলিতে বক্তৃতা দিয়েছেন। অধিকন্তু, এক ইংরাজ-সার্কাস পার্টি পোল্যান্ডে কিছু ব্যাঘ্র ও সিংহ সহ দুজন বাঙালী ঈণ্ডিয়ানকে দেখানো হ'ব বিজ্ঞাপন দেওয়ায় তিনি ভুমূল প্রতিবাদ করেছিলেন। অগত্যা—আমার মাধ্যমে ইংরাজ-ডেপুটি পত্রদ্বারা তাঁর বাড়িতে স্বামী-স্ত্রী উভয়কেই আহ্বারের নিমন্ত্রণ জানান। কিন্তু ডেপুটি ও তাঁর স্ত্রী উপর থেকে নিচে নেমে এসে তাঁদের অভ্যর্থনা না-করায় প্রতিবাদ স্বরূপ তাঁরা স্বগৃহে ফিরে এসেছিলেন। পরে ডেপুটি-সাহেব পুনরায় নিমন্ত্রণ জানালে তিনি উদাত্তক বলেছিলেন যে ওঁরা স্বামী-স্ত্রী উভয়ে এসে তাঁদের নিয়ে যেতে হবে। ভাষা ও উ-ভাষাবিদ ভ্রাতাটির কাছ থেকে এও জানতে পারি যে ডেপুটির কথাবাতার বরন-ধারণ থেকে স্পষ্ট বোঝা গেছে উনি ওয়েলস-এর বিশেষ এক জেলার জটনিক ধোপার পুত্র। এদিকে ওঁদের মান-অভিমানের চক্রে ঈপ্স হয়ে আমার চাকুরি রাপা দায় হয়ে ওঠে। এই পব চুকে গেলে—আরও উর্ধ্বতন-কর্তৃপক্ষের অন্তরোধে ত্রাতাটি এ্যাটি-এয়ার-রেডের উপদেষ্টারূপে নিযুক্ত হন।

বিশ বছর পরে ফিরে তিনি দেশীয় আচার-ব্যবহারগুলি সহজভাবে গ্রহণ করতে পারেন নি। য়ুনিভার্সিটি থেকে ফিরে এসে, একদিন তিনি বলেছিলেন, ‘দাদা, বিশ্ব-বিদ্যালয়গুলিতে দেখি এক-একজন মোহান্ত বসে আছেন!’ চোখে যা-কিছু অসং-গত ঠেকে তা সংশোধনে তৎপর হন। ঝড়ে হেলে-পড়া গাছটিকেও তিনি সোজা

খাড়া করে দিতে চান। পথচারীকে কমলালেবুর খোলা পকেটে পুরে দূরে ডাস্ট-বিনে ফেলতে উপদেশ দিতেন। কেউ হাঁচলে তাঁকে নাকে হাত বা কুমাল চাপা দিতে বলতেন।

একদিন তিনি আমাকে রেগেই বলেছিলেন, ‘দাদা, আর তো এই কেষ্টপেন্টুর দেশে থাকতে পারি না। আমার শিশুপুত্র দেবদান ও তোমার বৌমাকে নিয়ে যুরোপে ফিরেই যাব। মহাজ্ঞানী বুদ্ধদেবসাতটি ঘটনার পর গৃহত্যাগী হয়েছিলেন, আমি মাত্র তিনটি সত্ত্ব-সংঘটিত ঘটনার পরই দিব্যজ্ঞান লাভ করে দেশত্যাগী হবো ঠিক করেছে।’ বলে তিনি ঘটনা-ক্রম বিবৃত করলেন একে-একে :

‘প্রথম ঘটনা।—প্রতিবেশী কেষ্ট সমবয়স্ক তরুণ পেণ্টুকে সঙ্গে করে এনে বলল, ‘স্মার, গত তিন মাসের বিলের দরুণ মাত্র কুড়িটি টাকা জমা না-দেওয়ার জন্য এই পেণ্টুদের বাড়ির ইলেকট্রিক তার কোম্পানির লোক এসে কেটে দেবে।’ প্রতিবেশীদের বিপদে সাহায্য করা তো নাগরিক কর্তব্য, অতএব কুড়িটি টাকা। আমি ওদের দিলাম সপ্তাহ দুই পরে ফেরত পাবার প্রতিশ্রুতিতে। কিন্তু দুমাস কেটে যাবার পরও ওদের কারুরই দেখা নেই। আমি রেডিওতে প্রোগ্রাম করে যা পাই তাতেই মাসিক একটা বাজেট খাড়া করে দিন কাটাচ্ছিলাম। রাহাখরচ, ডাক্তার খরচ, বাড়ি ভাড়া, বাজার খরচ প্রভৃতি ওই সামান্য টাকা নিঃশেষ হয়ে যেতো। এর মধ্যে পেণ্টুর সঙ্গে বাজারে একদিন দেখা। সে বলল, ‘টাকাটা আপনি পান নি? সে কি! আমি তো কেষ্ঠার হাত-মারফত আপনার কাছে পাঠিয়ে দিয়েছিলাম।’ গতকাল সকালে পথে কেষ্ঠার সঙ্গে দেখা হ’ল। সে খুব লজ্জা পেয়ে বলল, ‘স্মার, আপনাকে আর কি বলব, পেণ্টু লজ্জা পেয়ে ওকথা বলেছে। প্রকৃতপক্ষে সে এখনও টাকাটা জোগাড় করে উঠতে পারে নি।’

দ্বিতীয় ঘটনা।—শিশুপুত্র দেবদানকে হাসপাতালে দেখানোর জন্য ওর মা হালিনাকে তৈরি হতে বলে আমি একটা রিকশা ডেকে এনেছিলাম। রিকশাটি আমাদের বাড়ির দোরগোড়ায় অপেক্ষা করছিল। এমন সময় দুই প্রৌঢ়া মহিলা ভিক্সে-কাপড়ের পুঁটলি-সমেত ওই রিকশায় উঠে বসামাত্র রিকশাওয়ালা তাঁদের নিয়ে চলে গেল। আমার ডেকে-খানা রিকশায় ওঁরা উঠলেনই-বা কেন আর রিকশাওয়ালাই-বা কেন আমাকে কোনো কথা না-বলে গাড়ি টেনে উধাও হ’ল কেন? এরপরেও কি তুমি এদেশে আমাদের থাকতে বলবে?

তৃতীয় ঘটনাটি ঘটেছে আজ সকালে। বেলা আটটার সময় রেডিওতে প্রোগ্রাম করতে হবে বলে বেকুবের জন্মে তৈরি হচ্ছি—দেখি পোল্যাণ্ডে তুমারপাতের মতো গল-গল করে ঘরে ফি-যেন ঢুকছে। র‍্যাপার কী? বারান্দায় বেরিয়ে এসে নিচে

রাস্তার দিকে তাকাতেই সব পরিষ্কার হয়ে গেল। এক মধ্যবয়সী ব্যক্তি উদ্যোগে ফুটপাথে জাঁকিয়ে বসে ধুতুরী দিয়ে মনের আনন্দে পুরনো তুলো ধুনছে। নিচের তলার বাসিন্দার আহ্বান মতো ছেঁড়া বালিশ ও ছেঁড়া তোষক হতে রাজ্যের তুলো বার করে সে শীতকালের জন্ম লেপ তৈরি করবে। তা করুক। কিন্তু ওখানে বসে কেন? আর কি জায়গা নেই? এভাবে ঘরের সামনে বসে তুলো-ধোনার ফলে ফুটপাথের যত ধুলোবালি আর বীজাণু ঝুঁদের অন্তঃপুরে গিয়ে ঢুকবে। বাতাসে বেগ থাকার জন্মে আমার ঘরেও তার অহুপ্রবেশ ঠেকাতে পারব না। আমি উপরের বারান্দা থেকে চোখে-চোখে তাকিয়ে বোঝাতে চেষ্টা করলাম এভাবে কাজ করা উচিত হচ্ছে না। কিন্তু এ দেশের লোকেদের চোখ দিয়ে কথা বললে একেবারেই বোঝে না—মুখ দিয়ে স্পষ্ট করে বলতে হয়। তাতে রাগারাগির সম্ভাবনা এবং সময় নষ্ট। আমার হাতে অত সময় ছিল না। আমি লোকটিকে ক্ষমা করে আমার কাজের উদ্দেশ্যে বেরিয়ে পড়লাম এবং ঠিক করে ফেললাম যে এদেশে আর-একটা দিনও নয়।’

পরিহাস করে কথাগুলি বললেও তাঁর মর্মবেদনা অব্যক্ত থাকে নি। তিনি প্রথমে বোম্বে তারপর আবার লণ্ডন-অভিমুখে পাড়ি দিয়েছিলেন। চল্লিশটি ভাষায় স্তম্ভিত এই ব্যক্তিটিকে এদেশ ধরে রাখার কোনই প্রয়োজন বোধ করে নি।

[ দেশ স্বাধীন হলে তিনি মঙ্কোতে ভারতীয় দূতাবাসের ফার্সি সেক্রেটারি এবং পরবর্তীকালে অল্প একদেখে অ্যামবেসেডারও হয়েছিলেন। ]

গভর্নমেন্ট এই সময়ে বিমান-আক্রমণ এড়াবার জন্মে শহরে নিষ্প্রদীপসহ রাত্রি শাসনে শব্দাহ বন্ধ করেছিলেন। তাতে এই কেটেবাবু প্রাচীন বাদ্যরূপ সকলকে জ্বরদস্তি শব্দাহ করতে বলেন। তাঁর প্রস্তাবে কেউ রাজি না হলে হিন্দু-আচার ও পারলৌকিক-ক্রিয়া রক্ষার্থে তিনি চিতা সাজিয়ে তার উপর শুয়ে নিজেই পুড়তে চাইলে আমরা তাঁকে ধরে থানায় এনেছিলাম।

তিলজলার রবিদাস-এলাকায় এক মসজিদে হিন্দুদের জিদ অগ্রাহ্য করে মুসলিম-ধর্মের অঙ্গ হিসাবে কোরবানীর ব্যবস্থা আমি করে দিয়েছিলাম। এতে উৎসাহিত হয়ে জর্নেক মোলভী রাসবিহারী-গড়িয়াহাটের মসজিদে গো-কোরবানী করতে বন্ধপরিকর হন। পিছনে এক লীগ-মন্ত্রী নির্দেশ থাকা-সত্ত্বেও এই কাজের বিরুদ্ধে ঘোরতর প্রতিবাদ জানিয়ে তা বন্ধ কবেছি। ‘ম। ওই মন্ত্রীর এক দুঃচরিত্র ভাগিনেয়কে তাঁর বাড়িতেই অপহৃত্য নাবালিকা-সহ গ্রেপ্তার করেছিলাম বলে আমি তাঁর বিরাগভজন হই। তিনি আমাকে চাটগাঁ-অঞ্চলে বদলি করতে চাইলেও জন-বিক্ষোভের ভয়ে শেষ পর্যন্ত পেরে ওঠেন নি। ডঃ সুনীতিকুমার চট্টোপাধ্যায়ের

নেতৃত্বে ডঃ কালিদাস নাগ, কবি যতীন্দ্রমোহন বাগচি, কবি নরেন্দ্র দেব, রায়-বাহাদুর যোগেশচন্দ্র সেন ও অন্যান্য স্বধী ব্যক্তির আমাকে প্রভূত সাহায্য করেন। ডঃ সুনীতিকুমার তো ওই মৌলভীকে 'গো-কোরবানী' বন্ধ করে অল্প কোরবানীর জন্যে দুটি রামছাগলের দাম ধরে দিয়েছিলেন।

প্রত্যেক ব্যক্তি যাতে যুদ্ধে সাহায্য করতে বাধ্য হয় সেইজন্য পরিকল্পনা-মতে। দুর্ভিক্ষ সৃষ্টি করা হয়েছিল। কারণ—একমাত্র যুদ্ধের চাকুরিতে র্যাশন-হিসাবে সুলভে খাওয়াভ্যাস সম্ভব। যুদ্ধের জন্য উদ্যোগ-শিল্পের প্রয়োজন। তাই শ্রমিকদের খাওয়া সরবরাহ করা হয়েছে। কিন্তু—গ্রাম-অঞ্চলের কৃষিজীবীরা হা-অন্ন হা-অন্ন করে শহরে ছুটে এসেছে। চতুর্দিকে নরনারী ও শিশুদের কাতর ক্রন্দনধ্বনি। 'মা, দুটো খেতে দাও গো।' খাবারের দোকানের পাশে ওই কৃষিজীবী নরনারী অসহায়ভাবে মৃত্যুবরণ করেছে তবু দোকানের সাজানো খাবার-সামগ্রী তারা লুণ্ঠ করে নি। কারখানার শ্রমজীবী-সম্প্রদায় হলে তারা নিশ্চয় লুণ্ঠ করতো।

আমরা পুলিশের পক্ষে টাকা তুলে স্থানীয় ব্যক্তিদের অগ্রণী করে প্রতি এলাকায় অন্নসত্তা খুলতে সাহায্য করি। বাড়ি-বাড়ি মুষ্টিভিক্ষা করে অন্নসত্তার স্থানে এনে খিচুড়ি তৈরি করা হ'ত। চাউলের দাম মণপ্রতি ছ-টাকা ওঠায় নাগরিকেরা বিপন্নবোধ করে। আমরা চাউলের দোকান থেকে উদ্ধৃত চাউল সংগ্রহ করে সাধারণের মধ্যে বিতরণ করেছিলাম। আমাদের ও অল্প বহুজনের বাড়িতে রান্না-করা ভাত ওরা গ্রহণ করেছে।

বাংলা-পুলিশকর্মীরা তদন্তের জন্য গ্রামে গেলে গ্রামবাসীরা তাঁদের ঘিরে ধরতো বলে তাঁরা ব্যক্তিগত র্যাশন ও অর্থ দান করতেন। তাঁরা স্পষ্টত কতৃপক্ষকে বলে-ছিলেন যে খাওয়া ও অর্থ সাপে না-দিলে গ্রামে তদন্তে যাওয়া সম্ভব নয়।

[ তৎকালে—চন্দ্রশেখর বর্মন, দিনেশচন্দ্র চন্দ, শিবচন্দ্র চ্যাটার্জি, জ্ঞান দত্ত, বীরেন মুখার্জি, নীহার বর্মন, খলিলুর রহমান, মহম্মদ মহসীন, অমিয় দত্ত, অবনী গুপ্ত এবং সেই সঙ্গে আমারও যথেষ্ট স্নানাম ও খ্যাতি ছিল। ]

আমি কয়েকটি দুর্ভিক্ষ মার্ভার, আগলারি এবং চাঞ্চল্যকর বহু গ্যাঙ-কেসেরকিনারা করে খ্যাতি ও স্নানাম অর্জন করি। উপরন্তু দাঙ্গা-হাঙ্গামা দমন ও স্তম্ভ প্রশাসনেও আমার উল্লেখযোগ্য ভূমিকা লিপিবদ্ধ আছে। কর্তৃপক্ষ আমাকে অত্যন্ত একস্পোর্ট-রূপে গোয়েন্দা-বিভাগে বদলি করলেন। আমি ওই সময়ে তিনটি থানার উর্ধ্বতন-রূপে বহাল ছিলাম। প্রত্যক্ষ-সংগ্রাম বাধানোর সুবিধার জন্য আমাদের মধ্যে বাছা-বাছা কয়েকজনকে থানা থেকে সরিয়ে আনা হয়েছিল।

[ গোয়েন্দা-বিভাগে যুদ্ধোপকরণ উদ্ধারার্থে একটি বিভাগর কর্তৃত্ব আমাকে দেওয়া

হয়। আমি বহু গোপন আড্ডা, ডক ও অন্যান্য স্থান হতে প্রায় দু'কোটি টাকার বিভিন্ন সামগ্রী উদ্ধার করি। এজন্য বারে বারে দুর্ধ্ব সাংলারদের সঙ্গে সশস্ত্র সংঘর্ষে লিপ্ত হতে হয় এবং তার ফলে একবার গুরুতররূপে আহত হই।

এই ধরনের অন্য একটি উল্লেখযোগ্য কাজ হ'ল : বিখ্যাত অ্যাংলো-ইণ্ডিয়ান গ্যাং-কেসের মার্ক তদন্ত ও নিষ্পত্তি। যুদ্ধ-ফেরত প্রায় দুইশত অ্যাংলো-ইণ্ডিয়ান ও ভারতীয় একত্র হয়ে কলিকাতা ও চতুঃপাশ্বৰ্ত্তী জেলাগুলিতে বিভীষিকার সৃষ্টি করে। গাড়ি ও পেট্রল চুরি, ডাকাতি ও হত্যা এবং পথ হতে নারীদের তুলে নিয়ে গিয়ে বলাংকার প্রভৃতি অপকর্ম প্রায় প্রতিদিন ও রাত্রির ঘটনা। গ্রেপ্তার করার পরও তাদের একদল আদালত ও লালবাজার লক-আপ ভেঙে পালায়। তাদের সঙ্গে সশস্ত্র সংঘর্ষকালে আর-একবার আমি সাংঘাতিক আহত হয়ে-ছিলাম।]

### হীরেন্দ্রনাথ সরকার, ও-বি-ই

ইনি কলিকাতা গোয়েন্দা-বিভাগের প্রথম ডেপুটি পুলিশ-কমিশনার। স্বাধীনতার পর ইনস্পেক্টর-জেনারেল অব পুলিশ হয়েছিলেন। তিনি পূর্বতন ক্রিমিনাল রেকর্ড সেকশনটি ভেঙে বৈজ্ঞানিক পদ্ধতিতে উন্নত করে মোডাস্ অপারেগডাই বিভাগের সৃষ্টি করেন। উত্তর ও দক্ষিণ কলিকাতায় দুটি বাড়ি ভাড়া করে গৃহহীন পুরনো পাপীদের আশ্রয়ের জন্য দুটি ছজ-হাউস স্থাপন করেছিলেন। কিশোর-অপরাধীদের জন্য লালবাজারে একটি শিক্ষণ-কেন্দ্রও স্থাপন করেন। এই-সব কাজে আমি তাঁকে সাহায্য করেছিলাম।

[ উনবিংশ শতাব্দীতে কলিকাতার নাগরিকবৃন্দ এই উদ্দেশ্যে গিরজনারস এইড-হাউস তৈরি করেছিলেন। এটিকে 'চোর-হাউস' বলা হ'ত এবং এখানে জেল-ফেরত লোকেরা আশ্রয় পেতো ও বাড়ি ফেরার রাহা-খরচ নিতো। স্বাধীনতার পর এটি পুনর্জীবিত হলে গভর্নমেন্ট ওই সংস্থার একজন এক্সপার্ট মেম্বররূপে আমাকে মনোনীত করেন। ওই সময় দিল্লিতে সর্বভারতীয় সোস্টিয়াল-ওয়েলফেয়ার কনফারেন্সে যোগদানের জন্য এই রাজ্যের পক্ষে মনোনীত ডেলিগেটরূপে আমাকে পাঠানো হয়। ]

উর্বতন কর্তৃপক্ষদের ত্রৈমাসিক সভায় আমি প্রস্তাব রাখি যে, গ্রামে-গ্রামে রিক্রুটিং পার্টি পাঠিয়ে বাঙালী কৃষকদের মধ্য হতে কলিকাতা-পুলিশের জন্য কনস্টেবল সংগ্রহ করা হোক। অনেকেই বাঙালী-কনস্টেবল নিয়োগের বিরুদ্ধে অভিযত

প্রকাশ করেন, কিন্তু হীরেন্দ্র সরকার দ্ব্যর্থহীন ভাষায় আমার প্রস্তাব সমর্থন করে  
মন্তব্য করেছিলেন : ‘আমরা আর কতোকাল বহিরাগতদের দিয়ে প্রশাসন চালু  
রাখবো ?’ দৈহিক উচ্চতার প্রশ্ন উঠলে আমি তাঁদের বলেছিলাম, তাহলে গুর্খাদের  
ভর্তি করা হচ্ছে কেন ?

যুদ্ধোত্তমে সাহায্যের জন্য তাঁর নেতৃত্বে আমি ও সত্যেন্দ্রনাথ মুখার্জি কলিকাতার  
বণিক-সম্প্রদায় ও অগ্ৰাণ্য নাগরিকবৃন্দের নিকট থেকে রেডক্রসের জন্য বাৎসরিক  
দু-লক্ষ টাকা চাঁদা তুলেছিলাম । হায়, এতোসত্ত্বেও আমরা ইংরাজ-প্রভুদের পক্ষ-  
পাতিত্ব নিবারণ করতে পারি নি !



## পঞ্চম অধ্যায়

উদ্দেশ্য সিদ্ধির ক্ষেত্রে শোভান সাহেবকে প্রতিবন্ধক বুঝে দোহা সাহেবকে তাঁর স্থলে কলিকাতায় ডেপুটি-কমিশনার করে আনা হ'ল। কিন্তু এঁকেও আমি উগ্র সাম্প্রদায়িক বলতে রাজি নই। এঁকেই আবার পরে বহু বদনামের ভাগী হতে হয়েছিল।

অতীতকে—প্রত্যক্ষ-সংগ্রাম বা মহাদাঙ্গার নায়ক জনাব নাজিমুদ্দিন হলেও হুসাবদি সাহেবকে তার জ্ঞান দায়ী করা হয়। ইংল্যাণ্ডে অবস্থানকালে নাজিমুদ্দিন সাহেব ঘোষণা করেছিলেন যে তাঁর ভারতে প্রত্যাবর্তনের পূর্বেই প্রত্যক্ষ-সংগ্রাম শুরু হবে। হুসাবদি সাহেব তৎকালীন অবস্থার ক্রীড়ানক হতে বাধ্য হয়ে-ছিলেন। তিনি পূর্ব-মত হতে ফিরে এসে বাংলাকে অখণ্ড রাখার মানসে গান্ধী-ক্রীড়া শরণ নিয়েছিলেন। কিন্তু সেই সময়কার গণ-উদ্বোধনায় তাঁর ও শরণচন্দ্র বসুর সকল শুভ-প্রচেষ্টা ব্যর্থ হয়ে যায়।

[ সকলের ভয় হয় যে তাহলে বিহার ও অগ্ন্যায় রাজ্য হতে মুসলিমদেব এনে পশ্চিমবঙ্গকেও মুসলিম-প্রধান করা হবে এবং হিন্দু-বাঙালীদের উদ্বাস্ত করে ভারতের বিভিন্ন রাজ্যে পাঠানো হবে। বাঙালীরা নিজ বাসভূমে পরবাসী হয়ে থাকেবে। ]

কেবলমাত্র জিন্না সাহেবকে সর্ববিষয়ে দায়ী করা অগ্ন্যায়। ঐতিহাসিক কারণে দাঙ্গা উপাদান সমূহ সুপীকৃত অবস্থায় ছিল, তিনি তা উদ্বেলিত করে অগ্নিসংযোগ করেছিলেন। ভুল ইতিহাস পঠন-পাঠনই ভ্রান্ত-ধারণার জ্ঞান দায়ী। বহিরাগত ধর্মাবলম্বী ও বিদ্বেষপরায়ণ মুষ্টিমেয় মুসলিম-সম্প্রদায়ের কার্যকলাপ দেখে সকল দায়িত্ব-ভার ধর্মপরায়ণ বিপুল-সংখ্যক মুসলিম-সমাজের উপর গুলু করে তাঁদের অযথা দোষারোপ করা হ'ত। অথচ ধর্মপরায়ণ গরিষ্ঠ মুসলিম-সমাজকে তাঁদের পূর্ব-পুরুষদের বীরত্ব ও ঐতিহ্য সম্বন্ধে অবহিত না-করে বরং বর্ষিত করা হয়েছে।

সেই সময় এক অভূত মতবাদ প্রচারিত হতে থাকে : বাঙালী হিন্দু ও বাঙালী মুসলমান দুই পৃথক জাতি। কিন্তু ভিন্নভাষী ও বৈরিত্ব হওয়া সত্ত্বেও পাঞ্জাবি শিখ ও পাঞ্জাবি মুসলিম একজাতি। অথচ খৃষ্টান হলেও জার্মান ও ইংরাজ দুই জাতি। সাম্প্রদায়িকতা ও ধর্মাবলম্বিতার জ্ঞান উভয় সম্প্রদায়ই শিকার হয়েছিলেন। এই সুযোগে ইংরাজরা সাম্রাজ্য-রক্ষার শেষ হাতিয়ার হিসাবে কলিকাতায় মহা-

নিধনযজ্ঞ তথা গ্রেট ক্যালকাটা কিলিঙের ব্যবস্থা করলেন। সেজ্ঞ দীর্ঘদিন যাবৎ নির্লজ্জের মতো তাঁদের প্রস্তুত হতে হয়েছিল। নিম্নে তার একটি ক্রমিক-তালিকা পেশ করা হ'ল।

### প্রস্তুতি-পর্ব

এক. কলিকাতা-পুলিশের সূপ্রাচীন ঐতিহ্য ডেপুটি পুলিশ-কমিশনারদের নিজস্ব এজলাস 'রিপোর্ট সিস্টেম' বাতিল করা হ'ল। একমাত্র আমি সংশ্লিষ্ট পুলিশ-সভায় এর প্রতিবাদ করি। আমাকে সমর্থন জানান বাংলা-পুলিশ থেকে সন্ম-আগত ডেপুটি কমিশনার দোহা সাহেব। তখনও পর্যন্ত ষড়যন্ত্রের মধ্যে না-থাকায় তিনি উর্বতন-কতৃপক্ষদের ওই সভায় বলেছিলেন : 'কলিকাতা-পুলিশে এই সিস্টেমটাই সববেয়ে ভালো জিনিস।' জনগণের স্বার্থের পরিপন্থী হবে জেনেও কমিশনারগণ ওটা বাতিল করবার জন্য গভর্নমেন্টের কাছে প্রতিবেদন পাঠালেন।

[ বিঃ দ্রঃ—প্রশাসনিক অদল-বদল সুবিবেচনার সঙ্গে না করলে প্রভূত ক্ষতি হয়। এই ভুল লক্ষণসেন প্রথম করেছিলেন মহাসামন্ত পদগুলি বিলোপ-সাধন করে। ফলে তদারকির অভাবে অধীনস্থ সামন্ত-রাজারা তাঁর আয়ত্তের বাইরে চলে গিয়ে-ছিলেন। এই ভুল বহুদিন পরে কলিকাতা-পুলিশের 'রিপোর্ট সিস্টেম' বাতিল করে দ্বিতীয় বার করা হ'ল। ফল হ'ল এই-যে পুলিশের উপর থেকে জনগণ আস্থা হারালো। দৈনিক তদারকির অভাবে অসাধুতা ও স্বৈচ্ছাচারিতা বেড়ে যায়। ]

দুই. থানাওয়ারী সিভিক-গার্ডদের হঠাৎ বাতিল করা হ'ল। এদের ভিতরকার হিন্দু ও মুসলিম সদস্যরা অসম্প্রদায়িক ছিল। এরা পল্লীতে-পল্লীতে সক্রিয় থাকলে কোনও সাম্প্রদায়িক দাঙ্গা কিছুতেই হতে পারতো না। যুদ্ধ বন্ধ হলেও এদের স্থায়ী করার যে প্রস্তাব ছিল তা অগ্রাহ্য করে সকলকেই বাতিল করা হয়।

[ এদের বিদায়-সভায় পুলিশ-কমিশনার যে ভাষণ দেন সেটি আমি ইংরাজী হরফে বাংলা ভাষায় লিখে দিয়েছিলাম। ]

তিন. থানা-ইনচার্জদের মধ্যে তখনও অধিকাংশ হিন্দু। বহু মুসলিম অফিসারকে দ্রুত ভর্তি করা হলেও তখনও তারা জুনিয়র। সিনিয়রদের টপকে তো তাদের ইনচার্জ করা যায় না সেজ্ঞ প্রতি তিনটি থানার উপর একজন ডি. ডি. ওয়ান ইনস্পেক্টরের পদ সৃষ্টি করা হ'ল। বাহুউদ্দেশ্য—অ্যাডমিনিস্ট্রেশন, ও ইনভেস্টিগেশন পৃথক করা। কিন্তু মহাদাঙ্গার মধ্যেই এই অবাস্তব ডি. ডি. ওয়ান প্রথা বাতিল করা হয়। হিন্দু অফিসারদের প্রমোশন দিয়ে গোয়েন্দা-বিভাগের ইনস্পেক্টর কিংবা

উপরোক্ত ডি. ডি. ওয়ান ইনস্পেক্টর করে থানা হতে সরিয়ে প্রায় প্রতি শৃঙ্খলানে জুনিয়র মুসলিম কর্মীদের ইনচার্জ করা হয়েছিল। স্বল্পকালীন চাকুরির জ্ঞান অভাবতই এরা অনভিজ্ঞ। অন্তত মহাদাঙ্গা থানামানোর মতো অভিজ্ঞতা এদের কারোরই ছিল না।

[ কিন্তু তখনও কলিকাতা-পুলিশে কোনও সাম্প্রদায়িক বোধ অংকুররূপেও দেখা দেয় নি। সমগ্র পুলিশ-বাহিনী নিজেদেরকে পৃথক পুলিশ-সম্প্রদায় বলে মনে করতো। ]

চার. উপরোক্ত কারণে বিহার ও পাঞ্জাব হতে বহু মুসলিম-অফিসার এবং সেই সঙ্গে সশস্ত্র পাঠান পুলিশ-বাহিনীকে নিয়ম-বাহিনীভূতভাবে কলিকাতা-পুলিশ-বিভাগে আমদানী করা হ'ল। কারণ আর-কিছু নয়, বাঙালী মুসলিম পুলিশ-অফিসারদের অনেককেই সংশ্লিষ্ট পক্ষ বিশ্বাস করতে পারছিলেন না। দোহা সাহেবকে লাল-বাজারে অতিরিক্ত হেড কোয়ার্টারস-এ ডেপুটি করা হ'ল। এই পদটি তখনই প্রথম তৈরি করা হয় এবং দাঙ্গার পর বাতিল করা হয়।

পাঁচ. ট্রান-কোম্পানার অল্পকরণে লালবাজারে প্রথম কন্ট্রোল-রুম স্থাপিত হ'ল। ইনচার্জদের বলা হ'ল যে কন্ট্রোল-রুম থেকে হুকুম না-এলে কোথাও যেন ফোর্স পাঠানো না হয়। উদ্দেশ্য—ঠিক সময়ে পুলিশকে নিষ্ক্রিয় করে রাখা। অধিকাংশ হিন্দু অফিসর ও অল্প কর্মীদের কন্ট্রোল-রুমে এনে জড়ো করা হ'ল।

উল্লোম-পর্ব এইভাবে পরিকল্পনা-মতো সম্পন্ন করা হয়। কিন্তু—সকল উর্ধ্বতন ইংরাজ-অফিসার এতে সম্মতি দেন নি। তাঁরা একে-একে ভারত ত্যাগ করতে বাধ্য হলেন।

কমিশনার ফেয়ার-ওয়েদার সাহেব হঠাৎ চলে গেলে তাঁর স্থলে রে (Rey) সাহেব স্বল্পকালের জ্ঞান আসেন। তাঁর পরে পুলিশ-কমিশনার হয়ে এলেন হার্ডিক সাহেব। কার্য উদ্ধারের জ্ঞান এঁকেই উপযুক্ত ব্যক্তি মনে করা হয়। অতীতকে—দরদী অস্ট্রেলিয়ান গভর্নরকে বিদায় দিয়ে তাঁর স্থলে বারোজ সাহেবকে নিযুক্ত করা হ'ল।

এতকাল কলিকাতা উত্তর ও দক্ষিণ বিভাগে বিভক্ত ছিল। এবার মধ্য বিভাগ সৃষ্টি করে একজন মুসলিম ডেপুটির অধীন করা হ'ল। উত্তর বিভাগটি পূর্ব হতেই জনৈক মুসলিম ডেপুটির অধীন ছিল।

কলিকাতায় মহাদাঙ্গা বাধানোর অল্প একটি উদ্দেশ্য ছিল। সম্ভবত সমগ্র ভারতে গুঁরা অল্পরূপ একটি দাঙ্গা বাধাতে চেয়েছিলেন। তৎপূর্বে ফিলার (Feeler) দ্বারা তার ফলাফল বোঝাবার জ্ঞান ল্যাবরেটরি পরীক্ষার প্রয়োজন হয়। কলি-

কাতা শহর বস্তুত একটি মিনিয়োচার ইণ্ডিয়া, এখানে হিন্দু-মুসলমান-শিখ-খৃষ্টান-বৌদ্ধ-অচ্ছুৎ প্রভৃতি বিভিন্ন ভাষাভাষী লোকের বাস। ভারতের প্রত্যেক প্রদেশের নিজস্ব সংস্কৃতি ও কৃষ্টির বিচিত্র সমন্বয় সাধন এই শহরেই। বিশাল ভারতের সামান্যতম ভূ-ভাগ এই শহরে সম্ভব ভাগ হিন্দু এবং তিরিশ ভাগ মুসলিম বাস করে। এজন্য শহর-সীমানার বাইরে হাওড়া ব্যারাকপুর ও বারাসাত প্রভৃতি স্থানে দাঙ্গা বাধে নি। পরীক্ষা দ্বারা কর্তৃপক্ষ বুঝতে চাইছিলেন যে সজ্জবদ্ধ প্রস্তুতিপূর্ণ লড়াই মুসলিম সংখ্যা-লঘুর আক্রমণ অত্যাধিক কতো শীঘ্র প্রতিরোধে সমর্থ হয়। ওই বিপদে হিন্দু-শিখ-মাদ্রাজী-ওড়িয়া-মারাঠী প্রভৃতি অ-মুসলিম সম্প্রদায় একত্রিত হয় কিনা! সমগ্র দেশব্যাপী দাঙ্গা বাধালে তার ফলাফল বুঝতে এটি তাঁদের জরুরি পরীক্ষা।

কলিকাতা দাঙ্গার ফল প্রভুদের আশারূপ হয় নি। হিন্দুরা বারো ঘণ্টার মধ্যে প্রতিরোধ-দল তৈরি করে অস্বশেষে সজ্জিত হয়। হিন্দু শিখ বাঙালী মারাঠী মাদ্রাজী গুজরাটী প্রভৃতি সকল হিন্দু এক হয়। অত্যাধিক—বাঙালী মুসলিমরা উসকানি সত্ত্বেও সক্রিয় অংশ নিল না। বিপাক বুঝে ব্রিটিশ এই মহাদাঙ্গা থামাতে শহরে মিলিটারি নামালেন। এও স্থির করলেন যে তাহলে দেশটা বিভক্ত করতে হবে। তাঁরা পরিস্কার বুঝতে পারলেন যে হিন্দু-মুসলিম পরস্পরকে লড়িয়ে দিয়ে সাম্রাজ্য রক্ষা আর সম্ভব নয়। লীগ-নেতারা ব্রিটিশ ও মুসলিমদের সমবেত শক্তির বিরুদ্ধে হিন্দুদের জয়ী হতে দেখে, শংকিত হয়ে, পাকিস্তানের দাবিতে আরও স্বেচ্ছাচার হলেন। রাজনীতিকের ধর্মান্ততার পংকিল আবর্তে ডুবিয়ে তখন এক নতুন মানসিকতার সৃষ্টি করা হয়েছিল।

### জৈনিক কায়স্থ অফিসর

দুজন মুসলিম-কর্মী অফিস-বিলডিঙের একস্থানে হঠাৎ নমাজী হয়ে জায়গাটিকে নমাজের স্থান করে নিয়েছিল। উক্ত অফিসর-ভদ্রলোক একদিন তাঁর সহকারী মুসলিম-কর্মীটিকে বললেন, ‘এতদিন যা হয় নি তা করতে আমি দেবো না। অফিসের সময়ে পুলিশ-কর্মীদের এই ওজুহাতে ঘুরে বেড়ানোও চলবে না।’ সহকর্মীটি ইংরাজ-কমিশনারের নিকট তাঁর বিরুদ্ধে অভিযোগ করলেন। ইংরাজ-কমিশনার অফিসারকে ডেকে ধমক দিয়ে বললেন, ‘আপনার জানা উচিত, কারো ধর্মে হস্তক্ষেপ করলে আমরা তা বরদাস্ত করব না।’ তিনি মাথা হেঁট করে ফিরে এলেন।

কিন্তু কায়স্থ বুদ্ধি!—পরদিন তিনি অফিসে এসে দুপুরবেলা ইউনি-ফর্ম ছেড়ে পট্ট-বস্ত্র ও নামাবলী পরিধান করলেন এবং টেবিলের উপর রাখা কোষাকুশি হতে

গজাজল ছিটিয়ে কুশাসনে উপবিষ্ট হয়ে জোরে-জোরে মস্ত্র আউড়ে পূজা শুরু করে দিলেন : ‘ওঁ । ভূরভূরবো ওঁ ।’ অফিসে মস্ত্রোচ্চারণ শুনে সকলে দৌড়ে এলেন । তিনি তাঁদের যেতে বলে ঘোষণা করলেন, ‘খবরদার ! আমার মধ্যাহ্ন-আহ্নিকের সময় বিরক্ত করো না । ওঁ ভূরভূরবো ওঁ... ।’ তাঁকে কমিশনার-সাহেবের কক্ষে নিয়ে যাওয়া হলে তিনি পালটা অভিযোগ করে বলেছিলেন, ‘শ্রার, এঁরা আমার ধর্মে হস্তক্ষেপ করেছে । আপনি বিচার করুন ।’

কমিশনার-সাহেব সব-কিছু বুঝতে পারলেন, হেসে দললেন, ‘তোমরা ভুলে যেও না যে তোমরা হাজার-হাজার বছরের সভ্যতার উত্তরাধিকারী ।’ অবশ্য এ-কথাও তিনি তাঁকে বলেছিলেন যে এই সাহস অণ্ড্র দেখালে উনি কনডেমেনড ও সাসটেন-ডেনড না-হয়ে পুরস্কার পেতেন ।

[ একবার এক কনস্টেবল নিহত হলে অণ্ড্র কনস্টেবলরা ক্ষেপে গিয়ে সংশ্লিষ্ট বস্ত্রের দোকানটি লুণ্ঠ করে । তাতে ইংরাজ ডেপুটি-কমিশনার স্বয়ং থানা-বাড়ি ও কোয়ার্টার-গুলি তল্লাসী করেন । এক কনস্টেবলের কক্ষে ঢোকামাত্র ডেপুটি-সাহেব চিৎকার করে পিছিয়ে গিয়ে বলেন, ‘পুট অন ইওর ক্লথস্ ।’ কনস্টেবলটি নাক্ষা অবস্থায় পিপ্সুল ও মদের দোতল হাতে নিয়ে তাঁকে বলেছিলেন, ‘উজ্ প্রাইভেট কোয়ার্টার-এ এভাবেই আমার থাকা অভ্যাস ।’ ]

বস্তুত, দেশ-বিভাগের পূর্বে অফিসের টেবিলগুলি পর্যন্ত বিভক্ত হয়ে গিয়েছিল । তবে সৌভাগ্যের বিষয়, তখনও জাতিধর্ম-নির্বিশেষে বহু পুলিশ-কর্মী অসম্প্রদায়িক ছিল । প্রত্যক্ষ-সংগ্রাম শুরু হওয়ার পর কিছু ক্ষেত্রে এই মানসিকতার পরিবর্তন ঘটে ।

### প্রত্যক্ষ সংগ্রাম

ছুটি ঘোষণা করায় মুসলিমরা গড়ের মাঠে বিরাট সভার আয়োজন করলো । হিন্দুরা আতংকগ্রস্ত হলেও সাংঘাতিক বিচ্ছু ঘটনার আশংকা করে নি, সেজন্য কোনও রকম প্রস্তুতি গ্রহণের প্রয়োজনও বোধ করে নি । আমরা পোয়েন্দা-বিভাগের কর্মী হওয়ায় আমাদেরও ছুটি । রমা রোডের বার-বারান্দায় দাঁড়িয়ে দেখছিলাম একটি মুসলিম প্রেসেশন ঝাণ্ডা উচিয়ে মাঠের দিকে চলেছে আর ক্ষুদ্র এক উৎসুক হিন্দু জনতা তার পিছন-পিছন । মিছিল থেকে ধ্বনি উঠছিল : ‘লড়কে লেঙ্গে পাকিস্তান ।’ অহুসরণকারী হিন্দু-বালকেরা উত্তর দিচ্ছিল : ‘নেহী দেঙ্গে পাকিস্তান । নেহী দেঙ্গে পাকিস্তান ।’ বস্তুত পাকিস্তান শব্দটিই তখন হিন্দু বাঙালীকে প্ররোচিত

করার পক্ষে যথেষ্ট। মাত্র এক পুরুষ পূর্বে এই হিন্দুরাই বঙ্গ-ভঙ্গ রদের জন্য প্রাণপাত করেছে। সেদিনের স্মৃতি কি সহজে কেউ বিস্মৃত হয় ?

মিছিল দূরে চলে গেলে হঠাৎ একটা লণ্ড-ভণ্ড কাণ্ড নজরে পড়লো। পথচারীদের মধ্যে সন্ত্রস্ততা। বহুলোককে এদিকে-ওদিকে ছুটতে দেখি। ব্যাপার কি বুঝতে পারি নি। শহরের প্রতিটি মহল্লা শূন্য করে মুস্লিম জনতা মাঠে জমায়েত হয়। সেখানে লীগ-মস্জিদবন্দ ও মুস্লিম নেতৃবর্গ যে বক্তৃতা দিয়েছিলেন খবরের কাগজে তা প্রকাশ পায় নি। কোনও স্পেশাল ব্রাঞ্চ বা অন্য কোনও গোয়েন্দা-কর্মী অথবা খবরের কাগজের রিপোর্টার ওখানে যেতে সাহস পান নি। একমাত্র ভারত-সরকারের গোয়েন্দা-কর্মী প্রফুল্ল মণ্ডল বুদ্ধি করে মাথায় গামছা বেঁধে, লুপ্তি ও গেঞ্জি পরে, কোমরে ছুরি গুঁজে যথারীতি বরিশালের বুলি আউড়াতে-আউড়াতে ছন্নবেশী মুস্লিম সেজে ওখানে উপস্থিত হয়েছিলেন। কিন্তু বাঙালী মুসলমানদের মধ্যে স্বল্পসংখ্যকই ওই সভায় যোগদান করেছিলেন। তাঁরা উদ্বেগজনক খবর পাওয়ায় সেই সময় পরিবারবর্গকে অগত্যা সরিয়ে দিতে ব্যস্ত। আমিও টেলিফোনে কিছু আত্মীয়-স্বজনকে পার্ক সার্কাস অঞ্চল থেকে অগত্যা সরে যেতে বলি। কারণ পুলিশ ও সৈন্যদল লীগ-গভর্নমেন্টের আয়ত্তে, তাদের সাহায্য লাভ তখন আশার অতীত ছিল।

লীগ-নেতারা সভাস্থলে উত্তেজনা সঞ্চার করে সরাসরি নির্দেশ দিয়েছিলেন : ‘যাও, আপনা-আপনা মহল্লা বাঁচাও। হিন্দুলোক শুরু কর দিয়া।’ গুণ্ডাদের পারিবারিক প্রীতি অল্প, বরং লুণ্ঠপাটের দিকেই তাদের মনোযোগ বেশি। ইংগিত ও নির্দেশ পেয়ে তারা পথের দুধারে দোকানগুলি লুণ্ঠ করে আগুন ধরিয়ে এগিয়ে চললো। রাতের অন্ধকারে মহাদাঙ্গা ওরাই শুরু করে দিলে। কমলালয় প্রভৃতি বড়ো-বড়ো প্রতিষ্ঠানগুলি লুণ্ঠের পর চৌরঙ্গীতে বন্দুকের দোকানগুলিও লুণ্ঠিত হ’ল।

চতুর্দিকে শুধু আগুন আর চিংকার। নারী আর নারীদের করুণ আর্তনাদ। দোকানগুলির দুয়ার ভাঙার খটখট শব্দ আর লুণ্ঠীদের সহর্ষ উল্লাসধ্বনি। ভয়াবহ নবনারী থানায় কোন করলে তাদেরকে লালবাজারে কন্টেইন্স-রুমে যোগাযোগ করতে বলা হয়। কলিকাতা নিধন-যজ্ঞে যে বর্বরতা দিল্লিতে নাদিরশাহী হত্যাকাণ্ডকেও লজ্জা দেয়। সুপরিকল্পিত ভাবে পুলিশকে নিষ্ক্রিয় করে রাখা হ’ল। এ অবস্থায় নিয়ম-শৃংখলার অজুহাতে আমরা তিনজন কিন্তু নীরব থাকতে পারি নি।

আমি, হীরেন্দ্রনাথ সরকার ও সত্যেন্দ্র মুখার্জি কলিকাতা-পুলিশের একটি বিশেষ আতাতে অস্ত্রভূক্ত ছিলাম। হীরেন্দ্র সরকার ও সত্যেন্দ্র মুখার্জি আমাকে অত্যন্ত

স্নেহ ও বিশ্বাস করতেন। দাঁকার মধ্যে এসে ওঁরা দুজন রাজিবেলা আমাকে বাড়ি থেকে তুলে নিয়েছিলেন সঙ্গী হিসাবে। কর্তৃপক্ষের ইচ্ছাকে সমীহ না-করে আমরা তিনটি দলে বিভক্ত হয়ে তখন বেরিয়ে পড়েছিলাম। কখনও প্রধান সভকে পল্লীর অভ্যস্তরে উদ্ধার মতো জিপ-গাড়ি ছুটিয়ে গুলিবর্ষণ করে ওই রাজিটা যথাসম্ভব সামাল দিয়েছিলাম। এই সুযোগে একপক্ষের অতর্কিত-আক্রমণে বিহ্বল অগ্নিপক্ষ তৈরি হতে পারলো। আমরা তখন উভয়পক্ষকে তফাৎ করতে ব্যস্ত হয়ে পড়লাম। সারকুলার রোডের পূর্বপার হতে এতক্ষণ দূর ছিল শুধু—‘আল্লা হো আকবর।’ এবার পশ্চিমদিক হতে শোনা যেতে লাগল—‘বন্দে মাতরম।’

কন্ট্রোল-রুমে কিছু আগে পর্যন্ত শুধু হিন্দু-নাগরিকদের একতরফা টেলিফোন আসছিল : ‘হ্যালো কন্ট্রোল-রুম ! শান্তি আসুন। আমরা মৃত্যু-মুখে। রক্ষা করুন।’ লীগ-মন্ত্রীরা কন্ট্রোল-রুমে বসে নীরবে তা শুনছিলেন। এইবার মুসলিমদেরও একটানা আহ্বান আসতে লাগল। শুধু তাই নয় টেলিফোনে সকল শ্রেণীর নাগরিকদের করুণ আর্তনাদ। ইংরাজ-কর্তৃপক্ষ তখনও নিষ্ক্রিয় হয়ে থাকলেও লীগ-নেতারা সতভয়। এ কী হ’ল ? এ যে প্রবল পাণ্টা আক্রমণ ! নিজ-নিজ বাড়ির ভাবনায় তারা বিভ্রত হয়ে উঠলেন। যে ঘণ্য অপশক্তিকে তাঁরা জাগ্রত করেছেন তার ভয়াবহ প্রসার ও ক্ষয়ক্ষতি সম্বন্ধে বিচলিত। বাস্তবিক উভয় সম্প্রদায় তখন মহা-তাণ্ডবে মোহিত। আমরা তিনজনে যতদূর-সম্ভব বিভিন্ন এলাকায় ঘুরে এই তাণ্ডব সংহত করার চেষ্টা করেছি।

[ সেই রাত্রে আমাদের প্রসাদ মুখোপাধ্যায় ও ফজলুল হক সাহেব ব্যতীত অল্প কয়েক লীগ বা কংগ্রেসী নেতাকে আমরা রাজপথে দেখি নি। ওঁরা উভয়ে একত্রে উত্তেজনা শাস্ত করার জন্য পথে-পথে ব্যর্থ অত্যাধিকার করছিলেন। সে-রাত্রে পথে জনগণ কোথায়, শুধু গুলীদেরই তাণ্ডব নৃত্য। বাঙালী মুসলিমরা তাতে সক্রিয় অংশ গ্রহণ না-করলেও বাঙালী হিন্দুদের মতো তাঁরাও যথেষ্ট ক্ষতিগ্রস্ত হন। ]

পরদিন কর্তৃপক্ষ সব-কিছু বুঝে হীরেন্দ্র সবকার ও সত্যেন্দ্র মুখার্জিকে কন্ট্রোল-রুমে আটক করে ফেললো। তার মানে তাঁদের দুজনকে নিষ্ক্রিয় করে ফেলা হ’ল। আমি বা আমার মতো অনেকের খোঁজ-খবর কেউ আর রাখে না। সেই সময়ে আমি, মহম্মদ মহসীন, নীহার-রঞ্জন বর্ধন ও দিনেশচন্দ্র চন্দ এক-পল্লীতে বাস করতাম। এই চারজনে একত্রিত হয়ে তখন পরামর্শ করলাম। পরামর্শ মতো আমরা চার বন্ধু-অফিসার ব্যক্তিগত যুনিফর্ম ও পিস্তল সজ্জিত হয়ে অধীনস্থ কয়-জন কর্মীকে সংগ্রহ করে এক দল তৈরি করলাম। তারপর শ্রীজয়দাকারের নিকট হতে আটখানি বাস সংগ্রহ করে আমরা শহরে বেরলাম। আমরা চারদিন ধরে

দিনরাত্র হিন্দু এলাকা হতে মুসলিমদের এবং মুসলিম এলাকা হতে হিন্দুদের উদ্ধার করে স্থানান্তরিত করেছিলাম।

পথে-ঘাটে তখন উভয় সম্প্রদায়ের সংখ্যাহীন মৃতদেহ। কাউকে অস্বাভাব্যে কাউকে ঠেঙিয়ে মারা হয়েছে। পথ এমন অবরুদ্ধ যে গাড়ি থেকে নেমে মৃতদেহগুলি ছপাশে সরিয়ে তবে এগোন যায়। চতুর্দিকে দগ্ধ গৃহ ও গৃহহীনদের করুণ দৃশ্য। থানাগুলির বেষ্টনীর মধ্যে বহু পরিবার তখন আশ্রয় নিয়েছে।

পথে দুটি অদ্ভুত দৃশ্য দেখে আমাদের বাসগুলি থামাতে হ'ল। চাঁদনি-মার্কেটের ঘাঁটি হতে মুসলিম-গুপ্তারা অতর্কিতে বার হয়ে পথচারী হিন্দুদের ছুরিকাঘাত করে ভিতরে ঢুকে যাচ্ছে। অ্যাংলো-ইণ্ডিয়ান পথচারীগণ ছুরিকাঘাত সত্ত্বেও যারা জীবিত তাদের হাসপাতালে বহন করছে। প্রাতি ঘটনার পর অরিত-গতিতে ঘাঁটিতে ফিরে তারা চিৎকার করে উঠছিল : 'লটি তগদীর লটি তগদীর।' কিন্তু ওরা ভুল করে বাঙালী মুসলিমদেরই বেশি ছুরিকাঘাত করছিল। বেশভূষায় বাঙালী মুসলিম নাকি হিন্দু চেনার ক্ষমতা ওদের ছিল না।

এর ঠিক উলটে দিকের গলির পার্শ্ববর্তী খাটালটি দেহাতীদের একটা ঘাঁটি। কর্পোরেশন স্ট্রিট হতে একজনকে ধরে সেখানে পুরে তারা চিৎকার করছিল : 'ব্রজরঙবলী-কি জয়।' খানিকক্ষণ ধপাধপ শব্দের পর নীরবতা। তারপর একটি করে মৃতদেহ ধর্মতলা স্ট্রিটে ফেলে দিয়ে তারা স্বস্থানে ফিরে যাচ্ছিল।

আমরা এই দুটি ঘাঁটি হতে গুপ্তাদের উচ্ছেদ করবার জন্ত থানায় গবর দিনে কর্তৃপক্ষ আমাদের বলেছিলেন যে কন্ট্রোল-রুমের হুকুম ছাড়া তাঁদের করণীয় কিছু নেই।

[বালিগঞ্জের যশোদা-বিলডিং ও মিলিটারী কর্তৃক সত্ত্ব-পরিত্যক্ত আরও কয়েকটি বাড়ি তখন খালি পড়েছিল। আমরা বহু হিন্দুকে উদ্ধার করে 'ওই বাড়িগুলিতে ঢুকিয়ে আশ্রয় দিয়েছিলাম। অদৃষ্টের এমনই পরিহাস যে স্বাধীনতার ক-বছর পরে কর্তৃপক্ষের হুকুমে সেই-সব আশ্রিত জনদের উচ্ছেদ করতে হয় আমাকেই। জনৈক তরুণী আমাকে তা স্মরণ করিয়ে দিয়ে বলেছিলেন যে সেদিন সে একটি ছোট্ট মেয়ে ছিল। আমি তাকে দুহাতে উঠু করে ধরে লরীতে তুলেছিলাম। এখানে এসে সে একটু একটু করে বড়ো হয়ে এখন কলেজে পড়ছে।]

স্ববোধ সাহা নামে এক ব্যক্তি ফুটপাথ ধরে হেঁটে যাচ্ছিলেন। হঠাৎ একজন তার পেটে ছুরি মেরে পিছিয়ে দাঁড়ালো। ভদ্রলোকের নাড়িভূঁড়ি বেরিয়ে পড়ে। তিনি দুহাতে নাড়িভূঁড়ি সামলে ভিতরে ঢুকিয়ে দিচ্ছিলেন। তাঁর আততায়ী তাই দেখে পুনরায় ছুরি তুললে আমি গুলি ছুঁড়লাম। আহত ব্যক্তিকে তারপর হাস-



পাতালে নিয়ে গেলে তিনি ক্রমে আরোগ্যলাভ করেছিলেন। ( ভঙ্গলোক প্রতি সপ্তাহে আমার সঙ্গে দেখা করতেন। )

কজন কিশোরের একটি দল ইটের ঘায়ে পড়ে-যাওয়া এক প্রৌঢ় ব্যক্তিকে খেঁটে-লাঠি দিয়ে ঠেঙিয়ে জ্ঞানহারী করে ফেললো। ওদের মধ্যে হঠাৎ একজন বলে উঠলো, ‘আরে নড়ছে রে নড়ছে।’ তাই শুনে লুঙ্গি ও লাল গেঞ্জি পরা ও কানে বিড়ি গোজা এক যুবক এগিয়ে এসে ছুরি বসিয়ে তাকে একেবারে নীরব করে দেয়। কিন্তু লরী হতে নেমে ছুটে ওদের কাউকে ধরতে পারি নি।

অন্যত্র এক ভ্রাগয় দেখি, সমগ্র পরিবারকে ম্যানহোলের মধ্যে পুরে উপরে কর্তা-ব্যক্তিটিকে দাঁড় করিয়ে তাঁর গলায় ঢাকান পরিষে গুণ্ডারা নাচছে আর তাঁর গলা একটু একটু করে কাটছে। এক্ষেত্রেও আমি গুলি করে ওদেরকে উদ্ধার করেছিলাম। গুঁরা বাড়ি ফিরে যাবার পর ওদের এক বয়স্ক কন্যাকে ভোগ-দখলের ইচ্ছায় দৃদলে কাড়াকাড়ি করাছিল। ঠিক সময়ে সেখানে উপস্থিত হয়ে তাকে আমি রক্ষা করতে পেরেছিলাম।

টেরেটি বাজারের এক মসজিদে হিন্দুদের আশ্রয় দেওয়া হলে কাটাকাটি শুরু হয়ে যায়। কিছু চীনা এসে ওদের উদ্ধার করতে অপারগ হওয়ায় আমরা সেখানে গিয়েছিলাম। মেঝের উপর নিহতদের এমন পুরু রক্ত যে আমাদের জুতোর কিছু অংশ তাতে ডুবে যায়। চীনারা মিশ্র ভাষায় আমাদের কাছে ঘটনার বিবরণ দিয়ে বলে, ‘উনলোক ইনলোককো এইচে এইচে কাট তা। অউর তুম পুলিশ-লোক কুচো দেখতো না।’

মাঝখানে একবার আমরা দাঙ্গার মধ্যে পড়ে যাই। রাজপথে উভয় দিক হতে ঢেউয়ের পর ঢেউ আছড়ে পড়ছে। কিন্তু আমাদের গুলিবর্ষণ ওরা পিছিয়ে যায়। এ রকম জমাট-বাঁধা গুণ্ডা-বাহিনী আগে কখনও দেখিনি : যাবা গেল উল্টো বোঝানো হয়েছে। মধ্যে-মধ্যে ওদের তাড়া করে আমরা বহুদূর এগোই। তারপর বহু নরনারী ও শিশুকে উদ্ধার করে আনি।

আশ্চর্য এই যে উদ্ধারের সময় মহিলাগণ প্রয়োজনীয় দ্রব্যাদির সহিত আচারের হাড়িগুলি পর্যন্ত সঙ্গে নিতে ভুলতেন না।

এক বাড়িতে এক প্রৌঢ় ব্যক্তি টবের পেয়ারা গাছটি ফেলে কিছুতেই এলেন না। তাঁর বক্তব্য হ’ল ওই পেয়ারা গাছটি প্রত্যহ আট বালতি জলে থেয়ে থাকে। টব নিয়ে তবে তিনি আমাদের সঙ্গে এসেছিলেন।

এতদসত্ত্বেও আমরা কিন্তু মুসলিম ও হিন্দু পল্লীর বাড়িগুলি সাময়িক একস্কেঞ্জের ব্যবস্থা করেছিলাম। মুসলিম পাড়ায় হিন্দুরা এবং হিন্দু পাড়ায় মুসলিমরা বাড়ির

বারান্দা থেকে আমাদের দেখে উদ্ধারের জ্ঞা চোঁচাচ্ছিলেন। আমরা তাঁদের উদ্ধার করে নিরাপদ স্থানে পৌঁছে দিয়েছিলাম। রাজপথে তখন আমরা ছাড়া কোনো পুলিশ নেই। যত্র তত্র এই কাজে যাওয়া-আসার ফলে আমি বার-কতক ইটের দ্বারা জখম হই। কিন্তু হাসপাতালে না-গিয়ে ক্ষতস্থান ক্রমাল দিয়ে বেঁধে নিয়েছি। একজন অবসরভোগী পুলিশ-অফিসারকে রক্ষার জ্ঞা একবালপুরে যেতে হয়। সামান্য বিলম্ব হওয়ায় ওই বাড়ির সকল বয়স্ক-পুরুষদের হত্যাকাণ্ড শেষ। বাড়ির মহিলাদের উদ্দেশ্যে আততায়ীরা অবজ্ঞা বলে, ‘আপলোককো ডর নেহী। আপলোক যাইয়ে।’ একটি মহিলা শিশুপুত্রকে আঁচলের তলায় লুকিয়ে আনছিলেন। ওরা তা বুঝতে পেরে তাকে ছিনিয়ে নিয়ে মাটিতে আছড়ে মেরে ফেলে। স্বামীপুত্র-হারা মহিলারা ওই শিশুর উপর উপড় হয়ে পড়েছিল। ঠিক এই সময় আমরা সেখানে উপস্থিত হই ও বাকি পরিবারগুলিকে উদ্ধার করে আনি। ওই মহিলারা প্রতিদিন দুপুরে টালিগঞ্জের বাড়ি-বাড়ি ঘুরতো আর সব-হারানো কাহিনী শোনাতে।

বিঃ দ্রঃ—এজ্ঞা দাদার পরে পুনর্বাসনকালে পূর্বস্থানে অজ্ঞা হিন্দুরা ফিরলেও, স্বামী পুত্র অথবা স্ত্রী-হারাদের স্বস্থানে কোনও দিন ফেরানো সম্ভব হয় নি।

[ ভূ-কৈলাসের রাজবাড়ির গড়টি এই সময় বিশেষভাবে কাজে লেগেছিল। ওই গড়ে মুসলিম-পল্লীর বহু হিন্দু-পরিবার আশ্রয় নিয়েছিল। ]

জৈনক মুসলিম-অফিসারদের স্ত্রীকে সিংহুর পরিয়ে উত্তর-কলিকাতার এক হিন্দু-অফিসারের স্ত্রী আশ্রয় দিয়েছিলেন। হিন্দু-গুণ্ডারা তা জানতে পেরে বাড়ি চুকে গৃহকর্তী হিন্দু-বধূটিকেই বার করে আনছিল। আমরা হঠাৎ ভিড় দেখে গুলি করে গুণ্ডাদের তাড়িয়ে সেই বধূকে উদ্ধার করি।

এক মুসলিম-গুণ্ডাকে এইখানে খুন করে টাঙিয়ে রাখা হয়। সেই গুণ্ডা এক হিন্দু-বালিকাকে গুণ্ডাবে টাঙিয়েছিল বলে এটি ছিল হিন্দু-গুণ্ডাদের পক্ষে চরম প্রতিশোধ।

জ্যাকেরিয়া স্ট্রিট হতে এই সময় বহু হিন্দুনারী উদ্ধার করা হয়েছিল। কজন শুভ-বুদ্ধি-সম্পন্ন মুসলিমের সংবাদে ও সাহায্যে এই উদ্ধার-কার্য সম্ভব হয়।

নিজেদের পল্লী টালিগঞ্জে ফিরে এসে দেখি, উন্মুক্ত রূপাণ-হাতে শিখরা কোথা হতে একদল অর্ধ-উলঙ্গ দেহাতী নারী উদ্ধার করে লরী করে সেখানে এনেছে। রাস্তার দুপাশের বাড়িগুলি থেকে বধূরা তাদের লজ্জা নিবারণের জ্ঞা শাড়ি ও ব্লাউজ ছুঁড়ে দিচ্ছিল। তাই দেখে স্থানীয় তরুণেরা উত্তেজিত হয়ে কাছেই নবাবদের ঘড়িঘর ও জাহাজ-বাড়ি আক্রমণ করলো। কিন্তু ওই সুরক্ষিত বাড়ি

দুটি থেকে একসঙ্গে রাইফেল গর্জন করে উঠলো। বহু তরুণ তার ফলে হতাহত হলে কিছু লোক তাদের প্রাইভেট বন্দুক-সহ যুদ্ধে অবতীর্ণ হ'ল। চতুর্দিকে মুহুমূহ রণধ্বনি : 'বন্দে মাতরম।' অ্যামবুলেন্স-গাড়ি করে একদল আজাদহিন্দ ফৌজ এসে তাদের থামাতে চাইল : 'ক্ষান্ত হোন। আপনারা ক্ষান্ত হোন।' শেষে নবাব-পরিবারের কারো প্রেরিত সংবাদে মিলিটারী ও পুলিশ এসে উভয়পক্ষকে শান্ত কবে।

আমাদের বাড়ির গায়ে একটি মসজিদের সিঁড়ি ছুপাশে-হিন্দুনারীরা জলপাত্র-হাতে অপেক্ষা করতো। নমাজীরা নমাজ পড়ে বেরিয়ে সেই পাত্রগুলিতে ফুঁ দিতো। এরূপ জল-পড়া শুধু নিতে সেদিনও বহু নারী সেখানে এসেছে। হঠাৎ তাদের চিংকারে ছুটে গিয়ে একদল আক্রমণোত্তত গুপ্তার কবল থেকে মসজিদটি আর্মি রক্ষা করেছিলাম।

এক হিন্দু-ভদ্রলোক বিচলিত-ভাবে দৌড়ে এসে অভিযোগ করলো যে তাঁদের প্রিয় মাংসওয়ালা রহিম বিপদাপন্ন, তাকে রক্ষা করতে হবে। আমি তাকে সপরিবারে বাড়িতে এনে তুললুম, পরে নিরাপদ স্থানে পৌঁছে দিয়েছিলাম।

এরিয়ান-বেকানীর মুসলিম কর্মীদের আশ্রয় দিয়েছিলেন বলে আমার শ্বশুরালয় বিপন্ন। সংবাদ-পেয়ে আমি তাড়াতাড়ি সেখানে গিয়ে একটা গাড়ি যোগাড় করে ওদের সাইকে থানায় এনে তুলি।

এক মুসলিম-ভদ্রলোক আমাকে ডেকে সঙ্কোভে বললেন, 'দেখুন ব্যাপার, আমার পিতামহ একদা দুর্গাপূজা করেছিলেন আর আজ হিন্দু-গুপ্তারা আমার বাড়ি চড়াও হতে চাইছেন।' তাই শুনে মুসলিম-পল্লী হতে বিতাড়িত এক ভদ্রলোক আক্ষেপ করে বলে উঠলেন, 'তবে শুনুন, আমি নিজে গ্রাম-ওদের কবর-স্থান ও বাজারের জগা এই-সেদিন দুবিধা জমি দান করেছি। আর আপনি তো জানেন ওরা আজ আমার বাড়ির কি দুর্দশা করেছে।'।

কিন্তু এতসঙ্গেও বহুহিন্দু মুসলিমকে এবং বহু মুসলিম হিন্দুকে রক্ষা করতে প্রাণ পর্যন্ত বিসর্জন করতে কুণ্ঠিত হন নি। আশ্চর্য এই-যে সাধারণ খেটে-খাওয়া মানুষ এ-সবের মধ্যে ছিল না। তারা শহরের ব্যবসা-বাণিজ্য অদ্ভুত উপায়ে চালুরেখেছিল। হিন্দু রিকশা ও ঠেলাওয়ালারা মুসলিম-পাড়ার সীমানা পর্যন্ত মাল বহন করে নিয়ে যেতো আর সেখান হতে মুসলিম রিকশা ও ঠেলাওয়ালারা সেই-সব মাল মুসলিম-পল্লীর নির্দিষ্ট ঠিকানায় পৌঁছে দিতো।

## হরেন্দ্রনাথ ঘোষ

যুরতে ঘুরতে আমরা মধ্য-কলিকাতার এক মিশ্র পল্লীতে হরেন্দ্রনাথ ঘোষ মহাশয়ের অফিসে এলাম। ইনিই ইম্প্রেসারিও হিসারে উদয়শংকরকে ভারতে নৃত্যশিল্পীরূপে পরিচিত করান। অনুষ্ঠান-সংগঠকরূপে তাঁর তখন বিশেষ খ্যাতি। তিনি আমাদের চা-পানে আপ্যায়িত করে ড্রয়ার খুলে একগুচ্ছ ঘুঙুর বার করে বলেছিলেন, ‘দেখ, একটা মিষ্টি জিনিস দেখ।’ আমরা তাঁকে এ-অঞ্চলে আর না-আসতে অনুরোধ করলে তিনি সম্মুখে উপবিষ্ট কয়েক ব্যক্তির দিকে অঙ্গুলি-নির্দেশ করে বলেছিলেন, ‘আমার এই মুসলিম-বন্ধুরা থাকতে ভয় কি।’ পরে, ‘ওর গলিত মৃতদেহ এক বাক্সের মধ্যে পাওয়ায় আমরা স্তব্ধ হয়ে যাই এবং মনে মনে প্রতিজ্ঞা করি ওর আততায়ীকে খুঁজে বার করব। আমরা তাকে খুঁজে পাই এবং গ্রেপ্তার করি। তার কাছ থেকেই জানতে পারি কিছু খাওয়ানোর অজুহাতে তাঁকে অফিস থেকে বার করে নিরালো স্থানে এনে হত্যা করা হয়। সেদিন আঙুল দেখানো বন্ধুদের একজনই তাঁকে প্রথম ছুরিকাঘাত করেছিল।

বিঃ দ্রঃ—কোনো এক ইংরেজ-মিলিটারী অফিসার একদা আমাদের বলেছিলেন যে এ দাঙ্গার মতো নির্ভরতা তিনি কোনো যুদ্ধক্ষেত্রেও দেখেন নি। বস্তুত, ভাইয়ে-ভাইয়ে বিবাদে মধ্যস্থতাই একদা নির্ভরতা সম্ভব হয়ে থাকে। আমি একবার আহত হয়ে বাড়ি ফিরলে আমার মা-পুজার আসন ছেড়ে উঠে বলেছিলেন, ‘ভগবান, পৃথিবী থেকে দাঙ্গা যুদ্ধ কি শেষ হবে না?’

মহাদাঙ্গা কিছুটা প্রশমিত হলে কলিকাতা-পুলিশকে কয়েক সহস্র মৃতদেহ শহর হতে সরাতে হয়েছিল। কোনো হত্যা-মামলা রুজু করা অবাস্তব। পোস্টমর্টম না-করে নামধাম না-জেনে তাদের সংকার করা হ’ল। পরিবারবর্গের কাছে তারা চিরতরে নিখোঁজ। একদিন ওদের কেউ ফিরবে এই আশায় তাঁরা হয়তো আজও প্রতীক্ষারত।

মুসলিম-অফিসাররা মৃত ব্যক্তিদের মুসলিম আর হিন্দু-অফিসাররা হিন্দু উল্লেখ করে নিজেদের খাতা ভর্তি করেছেন। উদ্দেশ্য—নিজ-নিজ সম্প্রদায়ের লোক যে বেশি ক্ষতিগ্রস্ত তা প্রমাণ করা। তখন কিছু পুলিশ-কর্মী হঠাৎ সাম্প্রদায়িক হয়ে পড়েছিল। কারণ তাঁদের বহু আত্মীয়-পরিজনও এই দাঙ্গায় নিহত বা ক্ষতিগ্রস্ত। কর্তাদের কেউ-কেউ বোধহয় এরূপ পরিস্থিতি সৃষ্টি করতে চেয়েছিলেন। কোনো হিন্দু পুলিশ-কর্মীর উক্তি : ‘স্মার, ...মিয়া-সাহেব এতোগুলি হিন্দুকে গুলি করে মেরেছে। আমরাও বেরিয়ে কিছু মুসলিম মেরে আসি।’ শুনে আমি তার বিরুদ্ধে রিপোর্ট করেছিলাম।

শোণিত-স্পৃহা একবার জাগলে শঠন: শঠন: তা বেড়ে যায়। এক ব্যক্তিকে জানি সে কজন ভিন্ন-সম্প্রদায়ের ব্যক্তিকে কেটে হত্যা করলো। আরও হত্যার উদ্দেশ্যে সে নৌকা চড়াও হ'ল ভিন্ন-ধর্মী মাঝিদের কাটিবে বলে। তাদের কাউকে না পেয়ে সে একটা ছাগ হত্যা করলো, তারপর জখম করলো গরু। ইতিমধ্যে তার মাখায় খুন চড়ে যাওয়ায় সে নিজের সম্প্রদায়ের লোকদেরই খাঁড়া নিয়ে তাড়া করলো। তাকে নিরস্ত্র করবার জন্য স্থানীয় লোকেরা লাঠির ঘায়ে জখম করে তার হাত থেকে খাঁড়া কেড়ে নিতে পেরেছিল।

সেই সময় অলিভে-গলিতে লুকিয়ে থাকা মনুষ্য-শিকারীদের অপেক্ষা করতে দেখে-ছিলাম।

প্রথম-প্রথম বয়স্ক ব্যক্তির তরুণদের দ্বারা সম্প্রদায়-বিশেষকে মার-ধোর করতে দেখলে সক্রিয়ভাবে বাধা দিতেন। পরে শুধু ভৎসনা করেই কর্তব্য শেষ কর-ছিলেন। অল্প জায়গা থেকে করুণ সংবাদ এলে সক্রিয়তা বিসর্জন দিয়ে নিষ্ক্রিয় হ'লেন। তারপর কিছুদিন পরে দেখা গেল তাঁরাও তরুণের দলে ভিড়ে গিয়েছেন। আদিম শোণিত-স্পৃহা শঠন: শঠন: চরিতার্থ হওয়ায় এটি অগত্যা প্রমাণ। উভয় সম্প্রদায়ের লোকদের মধ্যে কম-বেশি এটা ঘটেছিল।

অন্তত একটি ক্ষেত্রে অভিযোগ এই-যে পাঞ্জাবি-কনস্টেবলরা হিন্দু-বালক ও শিশুকে ধেঁধোর করে লরীতে তুলে মুসলিম-পল্লীর মধ্যে ছেড়ে দিয়ে এসেছে। পরে ওই বস্তির মাটি খুঁড়ে কিছু নর-কংকাল পাওয়া গিয়েছিল। জনৈক ঘুমন্ত হিন্দু-সিপাই স্বপ্নের মধ্যে আক্রান্ত হওয়ার ব্যাপারটি মত্যা হিসাবে গ্রহণ করে রাইফেল-সহ দ্বিতল হতে লাফিয়ে পড়েছিল।

হারিসন রোডের এক বাড়িতে পাঞ্জাবি-সিপাইদের দ্বারা ভদ্রনারীর উপর বলাৎ-কারের সংবাদটির পর বাঙালীরা দেশ-বিভাগে প্রথম নত দেয়। এই সংবাদটি আমরাই শেষরাত্রে খবরের কাগজে পৌছে দিয়েছিলাম।

বিঃ দ্রঃ—আশ্চর্য এই-যে বহু বাড়িতে একাধিক বন্দুক থাকা-সত্ত্বেও সেগুলি ব্যবহারের রীতি তাদের জানা ছিল না। শুধু ভ্যানিটি অফ গ'জিসনের জন্য তাঁরা অস্ত্রগুলির লাইসেন্স নিয়েছিলেন। বন্দুক থাকতেও তাঁদের সর্বস্ব লুণ্ঠিত হয়। সেই-সব বাড়ির মহিলারা জীবন-রক্ষার পর আমাকে বলেছিলেন, 'দৌলতহীন হয়ে আমাদের বেঁচে থেকে কী লাভ।'

এই দাঙ্গায় প্রমাণিত হয় যে বুলেট অপেক্ষা সটগান বেশি উপযোগী। বুলেটে একজন পড়লে অগেরা ছুটে আসে। কিন্তু সটগানের ছররা অনেকখানি স্থান ঘিরে ছড়ায় ও অনেক লোককে একসঙ্গে আহত করে। তার ফলে

লোকেরা একত্রে আহত হয়ে দ্রুত পালিয়ে যায় অথচ কারো জীবনহানি হয় না।

এই মহাদাঙ্গা আর উভয় সম্প্রদায়ের মধ্যে আবদ্ধ রইল না। ওরা নিজেদের ভুল বুঝে সংবিত ফিরে পেয়ে আত্মস্থ হয়েছে। এবার উভয় সম্প্রদায়ের গুণ্ডাদের মধ্যেই শুধু তা সীমাবদ্ধ হ'ল। এরা পরস্পর-বিরোধী সম্প্রদায়ের দ্রব্যাদি লুণ্ঠ করে, কিন্তু স্ব-সম্প্রদায়ের গৃহ লুণ্ঠ করতেও তাদের বাধে না। এই গুণ্ডাদের ভরণপোষণের অর্থ না-যোগানের ফলে ওরা অনর্থ বাধায়।

মিসিটারী নামানোর পরও দাঙ্গা না থামায় মুখ্যমন্ত্রী রাত্রে রেডিও-যোগে জনগণকে এবার ক্ষান্ত হতে বলেন, 'কার দোষ তা পরে বিচার করা যাবে, এখন দয়া করে এই সভ্যতা-বিশ্বাসী দাঙ্গা বন্ধ করুন।' পরদিন প্রত্যুষে এক জাতীয়তা-বাদী সংবাদ-পত্রে এই শিরোনামায় সম্পাদকীয় বেরোয় : 'ফাঁসির আসামী কথা বলিতেছে।' একালে মুসলিম পত্রিকা 'আজাদ' এবং অগ্ন পত্রিকাগুলি পরস্পর সম্প্রদায়কে দায়ী করে লোমহর্ষক ঘটনাসমূহ প্রকাশ করছিল। পরে আবার তাঁরাই পারস্পরিক বন্দোবস্ত মতো সংবাদ বাছাই করে প্রকাশ করলে উত্তেজনার উপশম হয়।

তবে এই হিন্দু-মুসলিম দাঙ্গা উভয় পক্ষের এলাকায় সীমাবদ্ধ থেকেছে। ফলে, যাকিছু লড়াই রাস্তার এপারে-ওপারে। এ পক্ষীর তরুণ অগ্ন পক্ষীতে গেলে তার নিশ্চিত মৃত্যু। ওরা সকলেই বাঙালী ও ধর্ম হিন্দু হলেও শুধু রাজনৈতিক মতবাদে পৃথক।

পূর্বে যে হিন্দুরা মুসলিম-পক্ষী ভয়ে এড়িয়ে যেতো তারা ইং আজার নিরাপত্তার কারণে ওই পক্ষীতেই বাড়ি খুঁজেছে। হিন্দুপক্ষী অপেক্ষা মুসলিম ও খ্রীষ্টান এবং অ্যাংলো ইণ্ডিয়ান পক্ষীতে তারা নিরাপত্তা পেয়েছে। হিন্দু-মহিলারা এই-সব স্থানে বরং নিরাপদে চলাফেরা করেছে।

এই কালে জীবনের মূল্য আরও কমে গিয়েছিল। খুনের নেশায় বহু তরুণ হত্ম হয়ে ঘুরে বেড়িয়েছে। গভর্নমেন্ট বদলের পর পুলিশেরও মরাল বলে কোন বস্তু ছিল না। তারা নিজেরাই তখন প্রাণ বাঁচাতে ব্যস্ত। খানায় ফোন করলে উত্তর পেয়েছিলাম : 'স্বার, ায়গাটা বড্ড খারাপ।' আইন-শৃংখলা রক্ষাকারী সৈনিকদের কর্তব্য-ভীতি দেখে আমরা অবাক হয়ে গিয়েছি।

ততোদিনে কলকাতা মহানগরী তিন ভাগে বিভক্ত : হিন্দু পক্ষী, মুসলিম পক্ষী ও মিশ্র পক্ষী। প্রথমোক্ত দুটি পক্ষীতে দাঙ্গা থামলেও মিশ্র পক্ষীগুলিতে তা অব্যাহত ছিল। হিন্দু ও মুসলিম পক্ষীর অধিবাসীরা মিলেমিশে বহিরাগতের আক্রমণ এক-

সঙ্গে কথেকে। অতঃপক্ষে, মিশ্রপল্লীতে মুন্সিমরা তখনও ছুরি শানাচ্ছে আর হিন্দুরা পাইপগান ও বোমা তৈরি করছে। সারারাত্রি সেখানে পটপট আওয়াজ আর চোরাগোষ্ঠার আঘাত-জনিত আতর্জনাদ। পুলিশ বাড়ি-বাড়ি গিয়ে ইটের সন্ধানে ছাদ তল্লাসী করতো। এজন্য বাড়ির ছাদগুলিতে ইট দিয়ে ঘিরে তুলসী-মঞ্চ তৈরি করা হয়। বাড়ি আক্রান্ত হলে মেয়েরা ওই মঞ্চ ভেঙে ইট ছুঁড়তো। স্ত্রী-পুরুষ-নির্বিশেষে পরিবারের সবাই তখন একটি যুদ্ধবিদ জাতিতে পরিণত। মিশ্র-পল্লীগুলিতে তখন জাতি-বর্ণ ও ধনী-নিধনী ভেদ নেই। বিপদ-কালে বস্ত্র-সুন্দর সবাই স্বধর্মী ধনীর গৃহে সাদরে স্থান পেয়েছে। সকলেই এক হিন্দু জাতির অবিচ্ছেদ্য অংশ হিসাবে এ বাড়ির মেয়েরা বিপদের দিনে অগ্নি বাড়িতে আশ্রয় নিয়েছে। এইভাবে একটি নতুন সমাজ-ব্যবস্থা তখন গড়ে উঠেছিল।

[ পুলিশ তার করণীয় কর্তব্য-কাজ না-করলেও পল্লীগুলিতে প্রাইভেট-পুলিশ তৈরি হয়ে গিয়েছিল। তাদের ভরণপোষণের জন্য চাঁদা উঠতে থাকে। পল্লীর বাস্তবিক পরিস্থিতির সমালোচনা অবিচ্ছেদ্য অংশ হয়। পুলিশের খাতায় তারা প্রতিরোধী দল বা রেজিস্ট্রেশন গ্রুপ রূপে চিহ্নিত হ'ল। ]

বিঃ দ্রঃ—দাঙ্গার অবসানে স্ব-স্ব সম্প্রদায়ের গুণ্ডাদের আর প্রয়োজন থাকেনি। পূর্বের মতো তাদের আর-কেউ আদর করে না। এই-সব লোকদের দাঙ্গা-পরবর্তীকালে পুনর্বাসনের ব্যবস্থা নেই। প্রকৃতপক্ষে গুণ্ডা ও পুলিশের কোনো জাত থাকে না। কিছু পুলিশ-কর্মী স্ব-স্ব সম্প্রদায়ের গুণ্ডাদের আশ্রয় দিয়ে এমন-কি তৈরি করে-ছিল। কিন্তু পরে তাদের দমন করতে তারা বিব্রত হয়ে পড়ে। স্বাধীনতার পর এরা দারুণ সমস্যা সৃষ্টি করে।

গোপালবাবু ও রামবাবু তখন জনগণের রক্ষাকর্তারূপে বিবেচিত ছিলেন। পরে অভিযোগ হয় যে আমি ও সত্যেনবাবু তাদের দুজনকে তৈরি করেছি। এ অভিযোগ আমরা স্বভাবতই অস্বীকার করি। এই বিশিষ্ট ভদ্রলোকদ্বয় জনগণের স্বার্থেই তরুণদের সংগঠিত করেছিলেন।

তৎকালে নিয়ম ছিল এই-যে কোনো জায়গায় বোমাবাজী বা অত্যাচার ঘটনা ঘটলে সেখানকার কিছু ব্যক্তিকে দোষী না-হলেও নির্বিচারে গ্রেপ্তার করে ওপর-মহলকে খুশি করতে হ'ত। এই কারণে গৃহস্থরা অর্থদান না-করলে কিছু দলছুট, উপ-গুণ্ডা বাড়ির সামনে বোমা ফাটিয়ে তাদের বিপদে ফেলতো।

বিঃ দ্রঃ—আমি নির্বিচারে লোক-দেখানো গ্রেপ্তারের পক্ষপাতী ছিলাম না। অথচ কর্তৃপক্ষকে পরিসংখ্যা দেখাতে হয় বলে তার প্রয়োজন। তাই ঘটনার পর স্থানীয় নেতাদের বলতাম কিছু তরুণকে নিজেরাই বাছাই করে গ্রেপ্তারের জন্য পাঠিয়ে

দিতে। কোনো কোনো ক্ষেত্রে কারো মা কান্নাকাটি করছে বলে তারাই আসামী বদল করে অতাকে পাঠিয়েছে।

কিছু নিম্নপদের পুলিশ-কর্মী এই সুযোগে ছুঁইমী শুরু করে দিলো। উচ্চপদস্থ বিহারী মুসলিমগণ স্থানীয় বাঙালী-মুসলিমদের চেহারা দেখে চিনতে পারতেন না। একবার কিছু মারমুখী মুসলিম-জনতাকে অগ্রসর হতে দেখে নিম্নপদের এক হিন্দু-কর্মী উচ্চ-পদস্থ বেহারী মুসলিম-অফিসারকে বললেন, ‘স্মার, টেরিবল হিন্দু-গুণ্ডার দল। মুসলিম-বস্ত্রগুলো এখনই ওরা জালিয়ে দেবে।’ ‘অফিসারটি তাই শুনে ‘থ্যাংকস’ জানিয়ে সশস্ত্র পাঠান-সিপাহীদের হুকুম দিলেন, ‘ফায়ার।’ পরে অফিসার-ভদ্র-লোক স্বজাতি নিধন দেখে হতবাক হয়ে যান।

আমার ভগিনী শ্রীমতী প্রণতি ব্যানার্জি, এম-ডি, এম-বি-বি-এস তখন মেডিকেল কলেজে ছাত্রী ও শিক্ষানবীশ। হঠাৎ দাঙ্গা বেধে যাওয়ায় হিন্দু ডাক্তররা বাড়িতে নিজ-নিজ এলকায় আটকা পড়ে যান। কিন্তু মুসলিম-চিকিৎসকেরা কাছাকাছি থাকায় হাসপাতালে আসতে পেরেছিলেন। তখন রটে যায় যে তাঁদের চিকিৎসার দোষে হাসপাতালে হিন্দু-আহতদের মৃত্যু ঘটেছে। আমার ভগিনী তাই শুনে অতাদের মতো ক্রুদ্ধ হয়ে উঠেছিল। সে রাত্রিবেলা শুধু ‘এইচ’ অর্থাৎ ‘হিন্দু’ টিকিট দেখে রোগীদের প্রতি যথাকর্তব্য সম্পাদন করে উপরে ঘুমতে গেল। কিন্তু ঘুমতে না পেরে বিবেকের দংশনে জর্জরিত হয়ে আবার নিচে নেমে ‘এম’ অর্থাৎ মুসলিম-রোগীদের প্রতিও যথাকর্তব্য সম্পাদন করে নিশ্চিন্ত হ’ল।

এই মহাবিপদ তখন সমাজের রক্তে রক্তে ছড়িয়ে পড়েছিল। ফায়ার-ব্রিগেডের মুসলিম-কর্মীরা এই ব্যাপিকে প্রশ্রয় দেয়। রাইটার্স বিল্ডিং-এও কর্মীদের মধ্যে এটি ছড়িয়ে পড়ে। পুলিশের একাংশও এর দ্বারা আকৃষ্ট হয়। কিন্তু কলিকাতা-পুলিশের অধিকাংশ কর্মী তখনও অসাম্প্রদায়িক ছিলেন। কোনও এক মুসলিম-অফিসারকে মুসলিম-জনতা ‘মারো শালা হিন্দু লোককো’ বললে তিনি বন্দুক নিয়ে তেড়ে গিয়ে বলেছিলেন, ‘আমি হিন্দু নই। আমি মুসলিম। কিন্তু এ কাজ করলে আমি তোমাদের জানু নিয়ে নেব।’

[সিনেমা-শিল্পী কেটবাবুর এক পুত্র আমার স্নমুগেই মিলিটারীর গুলিতে নিহত হন। তখনও তাঁর বাঃ হাতে কেরোসিনের টিন ও ডানহাতে মশাল। মশালের আলোয় সে বিরাট মুসলিম-গুণ্ডাবাহিনী বিভাড়িত করে ফিরে আসছিল।

এঁদের জ্ঞাত্য তো নয়ই, এমন কি যারা ভিন্ন-সম্প্রদায়ের লোকদের রক্ষার জ্ঞাত্য প্রাণ দিয়েছেন তাঁদের কথা স্মরণ করেও কোনোখানে শহীদ-বেদী নির্মিত হয়নি। সেদিনের বহু তরুণকে আজ প্রৌঢ় অবস্থায় খণ্ডিত হাত নিয়ে ঘুরে বেড়াতে দেখি।



তাদের কারোর জন্য সরকারী পেনসনের ব্যবস্থা নেই। অথচ ওরাই একদিন মা-বোনদের ইজ্জত রক্ষা করেছিল।]

জনৈক উচ্চপদস্থ ইংরাজ-সেক্রেটারি সংবাদপত্রে বিবৃতি দেন : ‘সৌভাগ্য এই-যে এখনও পুলিশ দেখে ওরা পালায়। ওরা পুলিশকে এখনও পর্যন্ত আক্রমণের চিন্তাও করে নি।’ এই বিবৃতির ফলে সেদিন থেকেই এক সম্প্রদায়ের অফিসারদের উপর অল্প সম্প্রদায়ের আক্রমণ শুরু হ’ল। পথমে একজন হিন্দু-অফিসার ছুরিকাঘাতে প্রাণ হারালেন। আমার উপরেও চারবার আক্রমণ করে হত্যার চেষ্টা হয়েছিল। মধ্যে মধ্যে শহরে আমার মৃত্যু-সংবাদ ছড়িয়ে পড়তো। জনৈক ব্যক্তি আমাকেই ফোন করে জিজ্ঞাসা করেছিল : ‘ই্যা মশাই, একথা সত্যি মিঃ ঘোষাল নাকি মারা গেছেন?’ ওই সময়ে আমাকে রক্ষাকর্তা বুঝে পল্লীতে গেলে শাঁখ বাজানো হ’ত।

আমার জুনিয়র হক সাহেব গাড়ির মধ্যে স্টেনগানের গুলিতে প্রাণ হারালেন। অথচ এ ব্যক্তিটি অসাম্প্রদায়িক তো ছিলেনই এমন-কি মসজিদের আপত্তি সহ্যেও নিজের দাপ্তারে রেডিও-র গান বন্ধ করেন নি। তাঁরই শবদেহ বহন করে মুসলিমরা নতুন করে হত্যাকাণ্ড শুরু করলো। প্রতিবাদে একদল জীপ-আরোহী হিন্দু কিছু পাঠান-কনস্টেবলকে স্টেনগান স্প্রে করে রাজপথে হত্যা করে শোধ নিলো। পরবর্তীকালে ম’ হায়েছেন এমন কজন ব্যক্তি আমাকে বলেছিলেন, ‘পঞ্চাননবাবু দেখবেন, আমাদের ওপর যেন হামলা না হয়।’ প্রকৃতপক্ষে আমরাই তখন হিন্দুদের একমাত্র ভরসা স্থল।

[ স্বাধীনতার পর মন্ত্রী হেমচন্দ্র নস্কর ও মন্ত্রী কালীপদ মুখোপাধ্যায় নবীন ডেপুটিদের উদ্দেশ্যে বলেছিলেন, ‘তোমরা নবাগত ও বয়সে তরুণ তোমরা জানো না যে সেদিন সত্যেন মুখার্জি ও পঞ্চানন ঘোষাল জীবন ও চারুদের বিপন্ন করে কিভাবে নাগরিকদের রক্ষা করেছিলেন।’ দৈনিক বসুমতী-সম্পাদক বিপ্লবী উপেন্দ্রনাথ বন্দ্যোপাধ্যায় তৎকালীন মন্ত্রী কিরণশংকরবাবু ও অল্প বহুজনকে বলেছিলেন, ‘ওহে, এই একটি লোকের কর্মতৎপরতার জন্য সেবার আমরা বেঁচে গিয়েছিলাম।’—আজকের কলকাতা সেদিনকার কলকাতাকে হুলে গিয়েছে। তাই আজ আমরাও শহরবাসীর স্মৃতিপথে সহজে আদি না। ]

একদিন কিছু মুসলিম-অফিসার হিন্দু আসামীদের গ্রেপ্তার করে থানায় আনছিলেন। পথে কজন হিন্দু-ছোকরা বোমা ফাটালে তাঁরা জ্বল হয়ে গুলি ছুঁড়ে আসামীদের একজনের মাথাই উড়িয়ে দিলেন।

আর-একদিন অ্যাংলো-সার্জেন্টরা বোমা ও পিস্তল সমেত এক গাড়ি লোককে

গ্রেপ্তার করলেন। হঠাৎ জীপে করে কজন যুনিফর্ম-পরা বাঙালী ইনস্পেক্টর এসে সার্জেণ্টদের ডিউটিতে থাকতে বলে আসামী-সমেত ওই গাড়ি নিয়ে থানার উদ্দেশ্যে রওনা হলেন। কিছু পরে সার্জেণ্টরা থানায় এসে বুঝলো যে ওরা অলীক তথ্য ভুয়া-পুলিশ। অত্যন্ত আপত্তিজনক বিষয় এই-যে আমাকে ও অল্প কয়েকজন অফিসারকে সন্দেহ করে সনাক্তির জন্ত লালবাজারে আসতে বলা হয়। কিন্তু সার্জেণ্টরা কেউই আমাদের সনাক্ত করতে পারে নি।

উভয়-সম্প্রদায়ের নেতাদের মধ্যে কিন্তু সৌহার্দ্য ও খানাপিনা এবং আলোচনায় তখনও ছেদ পড়ে নি। এবার ইংরাজ-প্রভুরা বুঝলেন যে তাঁদের নিজেদের ঘরেই আগুন লেগেছে। তাঁরা পূর্ব প্রশাসন-ব্যবস্থা পুনরায় প্রবর্তন করতে বদ্ধ পরিকর হলেন। লীগ-মন্ত্রীরা পথেই রায়বাহাদুর সত্যেন্দ্র মুখার্জিকে নর্থ-ডিসট্রিক্ট ত্যাগ করে এনফোর্সমেন্ট-এর ডেপুটি পদে ফিরে যেতে হুকুম দিলেন। ইংরাজ পুলিশ-কমিশনার ফোনে গভর্নরকে তা জানালে তিনি বলেন, ‘এ হুকুম আমি বাতিল করে দিলাম।’

হীরেন্দ্র সরকার এবং সত্যেন্দ্র মুখার্জির নেতৃত্বে এবার আমরা সন্দেহজনক গুণ্ডাদের বস্তুগুলি খানা-তল্লাসী শুরু করে দিলাম। বস্তুর লোক তাতে অবাক হয়ে বলেছিল, ‘আরে এ ক্যা বাত ? ইয়ে তো হুকুম নেহী থে।’ দশ কোটির উপর মূল্যের অপহৃত দ্রব্য সেখান থেকে উদ্ধার করা হয়েছিল। বড়ো-বড়ো সিন্দুক ও আলমারী ভর্তি হীরা জহরত ও সোনা। পরিত্যক্ত বাড়ির বহু দরজা ও জানলা। সেইসাথে উঠান খুঁড়ে পাওয়া গেল মাহুঘের হাড়গোড় ও মাথার খুলি। সনাক্তির সুবিধার জন্ত সেগুলি ইণ্ডিয়ান মিউজিয়ামে সাজানো হয়েছিল।

গুণ্ডাদের মূল বাঁটি কলাবাগান তখনও বিভীষিকা স্বরূপ। জর্মনেক চিত্রশিল্পী অগ্নমনস্বরশত কর্ণওয়ালিশ স্ট্রীট হতে সর্টকাট কলাবাগানের মধ্য দিয়ে সেন্ট্রাল এভিনিউ-তে এসেছিলেন। গুণ্ডারা তাঁর লম্বা চুল ও বলমলে পাজ্রামা দেখে জাতি-নির্ণয়ের চেষ্টা ব্যর্থ হয়। এবারে এলে তাঁকে দেখে আমি বলেছিলাম, ‘আরে করেছে কি ? তুমি কলাবাগানের মধ্য দিয়ে দিব্যি চলে এলে !’ চিত্রশিল্পীটি ওটা কলাবাগান শুনে আঁতকে উঠে অজ্ঞান হয়ে যান আর-কি।

এই কলাবাগানের মোড়ে সত্যেন্দ্র মুখার্জির গাড়ি দুই শতাধিক ব্যক্তি আক্রমণ করে তাঁর মাথা খাটায়। সৌভাগ্যক্রমে সেই সময় আমি টহলে এসে পড়ায় ও প্রতি-আক্রমণ করায় তারা পালিয়ে যায়। রায়বাহাদুর সত্যেন্দ্রনাথ অপারেশনের পর বহুদিন ভুগে আরোগ্যলাভ করেন।

মুন্সিম-সম্প্রদায় হতে সন্ত-ধর্মাস্তরিত দুজন হিন্দু দৌরাখ্যো চিংপুরের মুন্সিম-

সমাজ বিপন্ন হয়। শুধু হিন্দু নয় হিন্দু-ব্রাহ্মণ হয়ে এরা অতি নির্ভরভাবে হত্যাকাণ্ড ও অগ্নিদাহ ঘটাতো। ধর্মাস্তরিত ব্যক্তির কীরূপ ধর্মবিদ্বেষী হয় তা এদের ব্যবহারে বুঝতে পেরেছিলাম। আমি বাধ্য হয়ে এদের গুলি করে জখম করি দুষ্কর্মের সময়। কোনও এক উগ্র হিন্দু উদর-ক্ষীতিরোগে হাসপাতালে ভর্তি হয়ে বিকারগ্রস্ত হয়ে বলেছিল, ‘আমি দশটি মুসলিম ভক্ষণ করেছি। ডাক্তারবাবুকে চারটে বার করে দিতে বেলো।’

সাম্প্রদায়িকতা যে কীরূপ ভীষণ মনোরোগ সৃষ্টি করতে পারে আমি তার ওই কথা থেকে বুঝতে পেরেছিলাম।

মহাদাঙ্গার কারণ নিরূপণের জন্য ব্রিটিশ গভর্নমেন্ট এনকোয়ারি-কমিশন বসালেন। আমি ওখানে আমার বক্তব্যে প্রমাণ করেছিলাম যে দাঙ্গার প্রথম দিনে ধর্মতলা স্ট্রিটের মুসলিম দোকানগুলিতে এক বিশেষ চিহ্ন আঁকা থাকতে দুয়ার ভেঙে লুণ্ঠন করা হয় নি। প্রতিরোধের জন্য কিছু তদারকি-ব্যবস্থা ওই রাস্তায় মোতায়েন করা হয়। সাক্ষাদানকালে জনৈক ব্রিটিশ অফিসারও দেবজ্যোতি বর্মনের জেরায় ওই চিহ্ন দেখেছেন বলে স্বীকার করেন। আমার উপর গভর্নমেন্টের অভিযোগ : অথবা ট্রান্সফারেন্স অফ পপুলেশন এবং দেবজ্যোতি বর্মনকে জেরার জন্য তথ্য সরবরাহ। অতীতের ঐরা হীরেন্দ্র সরকার ও সত্যেন্দ্র মুখার্জির উপরও বিরক্ত। এনকোয়ারি-কমিশনের সাক্ষ্য সত্যেনবাবু বলেছিলেন যে অ্যাংলো-কর্মীরা দাঙ্গা-কালে ইন্ধন যুগিয়েছে। সরকার-সাহেবের কিছু অপ্রিয় সাক্ষ্যও তাঁদের মনোমত হয় নি।—সরকার-সাহেব দীর্ঘ ছুটিতে ইংলও চলে গেলেন। সত্যেন্দ্র মুখার্জি আঠারো মাস ছুটির জন্য আবেদন পাঠালেন। আমাকে ময়ূরভঙ্গ রাজপ্রাসাদে মিলিটারীদের লিয়ঁসো অফিসাররূপে সেখানে আটকানো হ’ল। প্রভঞ্জনগুপ্তা-রেজিমেন্টের কর্তা ইংরাজ-কর্নেল আমাকে বলেছিলেন যে একমাত্র গুপ্তা-সৈন্যদের বিশ্বাস করা যায়। কিন্তু সেখান থেকে হঠাৎ আমাকে ডেকে কাশীপুরের ও চিং-পুরের যুগ্ম ইনচার্জ করায় আমি সন্দিগ্ধ হয়ে উঠি।

দেশ-বিভাগ ও স্বাধীনতা দুটি ঘটনাই যে অত্যাসন্ন তা আমি বুঝতে পেরেছিলাম। হঠাৎ কড়েরার যুরোপীয় বথেলগুলির নারীদের জাহাজ ভর্তি করে বিলাতে পাঠাচ্ছে দেখে আমি বুঝেছিলাম যে ওদের কোনও কালিমা ওরা এদেশে রেখে যেতে চায় না। ওদিকে ওয়াকিবহাল মুসলিম সিভিলিয়ান ও রাজনীতিবিদরা পরিবারবর্গকে ঢাকায় পাঠাতে শুরু করেছেন। ব্রিটিশ রাজত্বের কলিকাতা-পুলিশের শেষ প্যারেড ট্রেনিং ইন্সট্রলের বদলে লালবাজারে অহুষ্ঠিত হয় গভর্নরের উপস্থিতিতে। কিন্তু ওই প্যারেড কমাও করার জন্য কোনও উর্ধ্বতন কর্তৃপক্ষ

সেখানে উপস্থিত ছিলেন না। তাঁদের অবর্তমানে ওই প্যারেড আমি কমাও করি। হীরেন্দ্র সরকারের স্থলে প্রণব সেন গোয়েন্দা-বিভাগের ডেপুটি হয়ে আসেন। দোহা সাহেবের স্থলে হরিসাধন ঘোষচৌধুরীকে হেড-কোয়ার্টারের ডেপুটি-কমিশনার করা হয়েছিল।

[ হরিসাধন ঘোষচৌধুরী পরবর্তীকালে পুলিশ-কমিশনার হয়েছিলেন। ইনি অদীনস্থ কর্মীদের এলাকায় বসবাসকারী রিটার্ড অফিসারদের খোঁজ-খবর নিতে বলতেন, যাতে তাঁরা ভাবেন যে তখনও তাঁরা পুলিশেরই একজন। তাঁদের পরামর্শ ও অভিজ্ঞতা কার্যে প্রযুক্ত করতে বলতেন। তিনি পুলিশ মেডিকেল ইউনিট ও সংযোগ-ব্যবস্থা প্রভৃতি চালু করা সত্ত্বেও সেগুলি দীর্ঘস্থায়ী হয় নি। প্রণবকুমার সেনও পরবর্তীকালে পুলিশ-কমিশনার হয়েছিলেন। রাজপথের বর্তমান ট্রাফিক-লাইটগুলির তিনিই প্রবর্তক। লালবাজার কন্ট্রোল-রুম ও ওয়ারলেসেরও তিনি উন্নতি-বিধান করেন। বর্তমান স্পেশাল কনস্টেবল-প্রথা তিনিই তৈরি করে গেছেন। কিছু সুন্দর ইংরাজি ফ্রেড তাঁর সৃষ্টি, যথা : লাইফ অফ ভাল্গারিটি, সেন্স অফ ইনসিকিউরিটি ইত্যাদি। ]

চিংপুর থানার যিনি ইনচার্জ তিনি ছুটি বস্তি পুড়িয়ে এবং বহুজনকে হত্যা করে পূর্ববঙ্গে পলাতক। আমি ওখানে ঘাঁটি করে যুগ্ম-ইনচার্জ হলাম। সমগ্র থানা-এলাকা গরম। থানায় আমি একা হিন্দু অফিসার। প্রত্যেক জুনিয়র-অফিসার ও শতকরা আশিজন কনস্টেবল মুসলিম। অ্যাসিস্টেন্ট ও ডেপুটি-কমিশনারও মুসলিম, তাঁরা ছুটিতে পূর্ববঙ্গে যাবার জন্য প্রস্তুত হচ্ছেন। বাংলার মুখ্যমন্ত্রী জনাব সুরা ওয়াড়ি সাহেব।

মিশ্রপল্লী হতে কোনও হিন্দু ভয়ে অত্যাচার চলে গেলে অত্যাচারী হিন্দুদ্বারা ওই বাড়িটি দখল হ'ত। এমনি একটি পরিত্যক্ত বাড়িতে এক উপনেতা সপরিবারে অধিষ্ঠান করেন। তাঁর দুই পুত্র প্রতিরোধ-দলের শ্রেষ্ঠ ওয়ার্কার ছিল।

পুরুষদের অনুপস্থিতিতে ওদের বাড়ি চড়াও হয়ে গুণ্ডাদল এক চতুর্দশী বালিকাকে টেনে রাস্তায় আনে। সংবাদ পাওয়ামাত্র আমি সেখানে উপস্থিত হই এবং একজনকে পদাঘাতে ও অত্যাচারকে ঘুষি মেরে মেয়েটিকে বৃকের মধ্যে টেনে নিই। গুণ্ডারা আমাকে দেখে পলায়নোচ্ছত হলেও শিকার-ত্যাগের বাসনাও ছাড়তে পারে না। আমি অস্ত্র বার করে ফাঁকা-আওয়াজ করায় ওরা ছত্রভঙ্গ হয়ে পলায়ন করে।—মেয়েটি স্বভাবতই ক্রতজ্ঞতাবশত পরবর্তীকালে রাত্রে ও-অঞ্চলে রাউণ্ডে গেলে চা তৈরি করে খেতে অত্যাচার করতো।

এটা লক্ষ্য করে গুণ্ডাদের কেউ বা অত্যাচার কেউ আমার নামে বেনামী পোস্টকার্ড

পাঠায়। তাতে লেখা : ‘মৃত্যুর জ্ঞান প্রস্তুত হও।’ একাধিক চিঠি আসে। আমি সেগুলি লালপাজারে পাঠিয়ে দিলে কমিশনার নটনজন মন্তব্য লেখেন : ‘হ ইজ দিজ ফ্রেণ্ড ?’—একরাত্রে পাবলিক প্রাসিকিউটর রায়বাহাদুর রমণী ব্যানাজির সংবাদে ছুটে গিয়ে দেখি, ওদেরটিনের বাড়িটি জ্বলছে আর দুই ব্যাক্ত সাংঘাতিক-ভাবে আহত। কিন্তু ওই মেয়েটিকে জীবিত বা মৃত বহু বশ্ত তল্লাশী করেও খুঁজে পাইনি। এখনও বক্ষে তার সেই দিনের নির্নিশ্চয়-নিভর কোমল স্পর্শটুকু আমি অনুভব করি।

[ ঠিক ও-রকম আমি একদা একটি মুসলিম-বালিকাকে মেছুয়া-এলাকায় হিন্দু-গুণ্ডাদের কবল হতে রক্ষা করি। তাকে কিন্তু নিরাপদে তার আত্মীয়দের বাড়ি পৌছে দিতে পেরেছিলাম। ]

দুইলোক রটাতে থাকে যে উক্ত ঘটনাবলীর জ্ঞান প্রতিশোধ নিতে অসম্প্রদায়িক হয়েও কিছু গুলিবর্ষণ করি। কিন্তু তার মধ্যে এতটুকু সত্য ছিল না। অত্যাচার প্রতিশোধ বা উৎপীড়নের আমি আদৌ পক্ষপাতী নই।

কিছু দিন-দুই-তিনতার মুসলিম-প্রধান পূর্ব-কলিকাতাকে একটি নগর-রাষ্ট্রে পরিণত করার অভিলাষ। মহাদান্দার সময় পূর্ব-কলিকাতার বহুস্থান হতে হিন্দুবা অত্যাচার চলে গিয়েছে। গঙ্গাকূলবর্তী ফ্রেঞ্চ-চন্দননগরের মতো একটা আউটলেট পেতে ওদের চিংপুর-এলাকাটি প্রয়োজন। এজন্য পরে একটি প্রেবিসাইট করলে সুবিধা হবে। কিন্তু ওদের এই ষড়যন্ত্র আমি ব্যর্থ করে দিই।

আমি সংবাদ পেলাম একটি বিশেষ তারিখে রাত্রি ছুটোর সময় ওরা পাইকপাড়া ও রানী রোড অঞ্চল আক্রমণ করে হিন্দু-বাসিন্দাদের বিতাড়িত করবে। রানী রোডের ওপারে বস্ত্র-এলাকায় লীগের গাড়ি করে বহু বহিরাগত গুণ্ডাদের আমদানি করা হয়েছে। অস্ত্র হিসাবে স্টেনগান ও ব্রেনগান তুলে দেওয়া হয়েছে ওদের হাতে। এ সম্পর্কে একটি প্রতিবেদন পাঠানো সত্ত্বেও তার কোনো ব্যবস্থা গ্রহণ করা হয়নি। আমি স্থানীয় হিন্দু ও কিছু মুসলিমদের সাহায্যে প্রাতরোদে প্রস্তুত হয়েছিলাম।

নির্ধারিত দিন ক্ষণে প্রায় চার হাজার বহিরাগত গুণ্ডাদের আক্রমণ শুরু হ'ল। আমার দেহরক্ষীর উদর ছুঁড়ে বেরিয়ে গেল গুলি। তাকে ধরাধরি করে হাসপাতালে পাঠিয়ে দিলাম। উভয় মহিলার মধ্যস্থলে রানী রোড। আমি সকলকে সীমানা হতে পিছিয়ে আনলাম। এই উদ্দেশ্যে যে আমাদের কেউ যাতে আক্রমণকারী বলতে না পারে। উপরন্তু দ্রুতগতিতে ইট গের্থে একটা রক্ষা-পাচিলও তৈরি করা হ'ল। প্রায় দু-ঘণ্টা ধরে এই যুদ্ধ চলে। প্রথমে দুজন স্থানীয় তরুণ

আহত হয়, একজনের পুরো ডানহাত উড়ে গিয়েছিল। দুজনকেই হাসপাতালে পাঠালাম তৎক্ষণাৎ। ওদের মধ্যে একজন বর্তমানে এ্যাডভোকেট মদন চক্রবর্তী। একজন গুর্খা সিপাই ঘটনাস্থলেই গুলিবিদ্ধ হয়ে মারা যায়। শুরু হ'ল আমাদের প্রতি-আক্রমণ। ওরা বিপর্যস্ত হয়ে পড়ে। ওরা হত বা আহত সঙ্গীদের ঘটনাস্থলে ফেলে রেখেই পলায়ন শুরু করলো। ওদের পশ্চাদ্ধাবন করে আমি আর মৃতের সংখ্যা বাড়াই নি।

কিন্তু কিছু বহিরাগত তরুণ মানা সত্ত্বেও সীমানা পেরিয়ে বস্তুতে অগ্নিসংযোগ করেছিল। আমি গুলিবর্ষণ করে ওদের বিতাড়িত করে ফায়ার-ত্রিগেড ডেকে আশুন নেবাই। আমি ডানপায়ে আঘাত পাওয়ায় ওদের রুখতে পারি নি। উভয় সম্প্রদায়ের কিছু লোকক গ্রেপ্তারও করা হয়। ওই এক রাত্রির ব্যবস্থায় কলকাতার দাঙ্গা সম্পূর্ণ থেমে গেল।

থানায় ফিরে দেখি সেখানে ইংরাজ পুলিশ-কমিশনার ও ইংরাজ গভর্নর স্বয়ং উপস্থিত। কলিকাতা-পুলিশের কোনও থানায় সেই প্রথম ও সেই শেষ বাংলার লাট সাহেবের আগমন। ওঁরা ঘটনাস্থলও পরিদর্শন করেছিলেন। স্থানীয় মুসলিম-অধিবাসীরা তাঁদের বলেছিলেন যে আমিই তাদের রক্ষা করেছি। তবু তাঁরা আমাকে ওই স্থানেই সাসপেন্ড করেছিলেন। আমিই একমাত্র অফিসার যে ওই মহাদাঙ্গার সময় ওঁদের শিকার হয়েছিলাম। আমার বিরুদ্ধে বিভাগীয় তদন্তের আদেশ হয়। হিন্দু-মুসলিম উভয়-সম্প্রদায় এবং অ্যাংলো-দমকল-কর্মীরা আমার পক্ষে শাস্তী দেয়। আমি অনারেবলি এবং রি-ইনস্টেটিভ হয়েছিলাম। প্রণব সেন, আই-পি সক্রিয়ভাবে আমার পক্ষ না-নিলে আমার খুব অসুবিধা হ'ত।

তাছাড়া বহুমতী আনন্দবাজার অমৃতবাজার প্রভৃতি বহু পত্র-পত্রিকায় আমার পক্ষে সম্পাদকীয় লেখা হয়। নাগরিকগণ ও মাণ্ডগণ্য ব্যক্তিগণ ইংরাজ-সরকার বরাবর গণ-দরগাস্ত ও পাঠিয়েছিলেন। আমার পক্ষে শ্লোগান-সহ কয়েকটি মিছিল ও ডেপুটেশনের ব্যবস্থা করা হয়। ফলে আমার অব্যাহতি-লাভ স্ফরাসিত হয়।

এই সময়ে বহুবাজারের নিকট সেন্ট্রাল এভেনিউ-এ এক অদ্ভুত কাণ্ড ঘটে। একটি জীপ-গাড়ির মধ্যে দুটি স্টেনগান ও বহু বোমা-সহ দুই ব্যক্তিকে কজন অ্যাংলো সার্জেট ধরে ফেলে। কিন্তু পথেই দুজন যুনিফর্ম-পরা ব্যক্তি থানার ইনচার্জ-অফিসার ও সেকেন্ড অফিসার-রূপে পরিচয় দেয় এবং বামাল-সমেত আসামীদ্বয়কে-নিজেদের হেফাজতে নিয়ে তাঁদের ডিউটিতে ফিরে যেতে বলে। ওই সার্জেটরা পরে থানায় এসে জানতে পারে যে ও-রকম কোনো আসামী বা অস্ত্রশস্ত্র কেউ থানায় আনে নি।

পরদিন ইরাজ-কর্তৃপক্ষ কজন হিন্দু-অফিসারকে লালবাজারে ডেকে পাঠান। আমাকে বিশেষ করে সেখানে আসতে বলা হয়। আমাদের সকলকে সনাক্তকরণের জন্ত একে-একে ওই সার্জেন্টদের সম্মুখে আনা হ'ল। কিন্তু ওরা আমাদের কাউকেই সনাক্ত করতে পারে নি। এই অপমানজনক ব্যবহারে আমরা প্রতিবাদ করে-ছিলাম।

## মহাত্মা গান্ধী

গান্ধীজী বেলেঘাটায় এক মুসলিমের বাগান-বাড়িতে এলেন। তাঁর উপস্থিতির ফলে শহরের পরিস্থিতির আমূল পরিবর্তন ঘটে। গতকাল যারা হানাহানি করেছে আজ তারা গলাগলি করে শান্তি-মিছিলে সামিল। হিন্দু-মুসলিম আবার ভাই-ভাই হয়ে যায়। ( তাহলে—বাংলা দেশ-বিভাগের প্রয়োজন কী ছিল ? )

[ বিঃ দ্রঃ—গান্ধীজী শীতের রাত্রে এক বারান্দায় নগ্নগাত্রে বসেছিলেন। এক পুলিশ-কর্মী, বার সর্বাপ্র মোটা বনাতের ওভারকোট দ্বারা আবৃত, সলজ্জভাবে তাঁকে জিজ্ঞাসা করে, ‘বাপুজি, আপনার শীত করছে না।’

গান্ধীজী তার মশ্বেব দিকে তাকিয়ে দেখলেন, তারপর মৃদু হেসে পাল্টা প্রশ্ন করলেন, ‘আচ্ছা তোমার নাকটা তো ঢাকা নেই, ওখানে ঠাণ্ডা লাগে না।’

পুলিশ-অফিসার উত্তরে ‘অভ্যাস’ বলায় তিনিও জানান যে খালি-গায়ে থাকা তাঁর অভ্যাস। ]

আমাকে গান্ধীজীর নিকট উপস্থিত করা হয়েছিল। জনাব স্বঃ ওয়ার্দি সাহেব তখন সেখানে উপস্থিত ছিলেন। তিনি গান্ধীজীকে বলেন যে আমরা চিংপুরের এপি-সোডে খুব একটা দোষ নেই। গান্ধীজী আমাকে মুসলিমদের সেবা করার উপদেশ দিয়েছিলেন।

[ গান্ধীজীর নিহত হওয়ার সংবাদে মুসলিম দোকানীরা কাদতে-কাদতে আমাকে বলেছিল, ‘বাপুজি, আপলোক-কো তো বহুত নেতা আছে, লেকেন হামলোক-কো ওহী এক-ই নেতা হায়।’ ]

আমি এই সময় কংগ্রেসী-বন্ধুদের ডিপ্লোম্যাটিক হতে বলি। পাকিস্তান হিন্দুস্থান-বহির্ভূত স্বাধীন পশ্চিমবাংলা চাইলে স্বয়ংসম্পূর্ণতার জন্ত বাংলার অধিকার উপর পাওয়া যেতো। তারপর ভারত-রাষ্ট্রের অঙ্গরাজ্যরূপে যুক্ত হ'ত। তাহলে বাস্তব-হারারূপ কোনো সমস্যা বাঙালীদের থাকতো না। কিন্তু ওরা কেউই বাঙালী-রূপে ভাবতে অভ্যস্ত ছিলেন না।

সৌভাগ্য এই-যে ঠিক সময়ে গান্ধীজী কলকাতায় এসেছিলেন। নইলে, পশ্চিম ও পূর্ববঙ্গ হয়তো উভয়-পাঞ্জাবের মতো যথাক্রমে মুসলিম ও হিন্দুশৃঙ্খ হ'ত। এতে বাস্ত্বহারী সমস্তা পাঞ্জাবের মতো অতি সহজে মীমাংসা করা যেত। বাঙালীদের ভিটাটিয়ার প্রতি অনন্ত মমতা, তবু তাঁরা অন্য বাঙালীদের মতো স্বাধীন বাংলা দেশের অভ্যুদয় পর্যন্ত কোনরূপে টিকে থাকলে ভালো হ'ত। প্রফুল্লচন্দ্র ঘোষ অফিসারদের অদল-বদল ব্যবস্থা গ্রহণ না-করলে বাংলার হিন্দু মুসলিমরা স্ব-স্ব স্থানে হয়তো টিকে থাকতেন। হঠাৎ পশ্চিম বাংলা হতে মুসলিম-পুলিশ এবং পূর্ববাংলা হতে হিন্দু-পুলিশ চলে আসার ফলে জনগণের মনোবল ভেঙে পড়ে। নচেৎ বাঙালী মুসলিম ও হিন্দু ভিটাত্যাগের এতটুকু চিন্তাও করতো না। তা না-হওয়ায় পশ্চিম বাংলায় একমুখী বাস্ত্বহারার আগমনে মহাসমস্তার সৃষ্টি হয়। ব্রিটিশরা দেশ-বিভাগের পরও কিছুকাল থাকলে ভালো হ'ত। তাড়াহুড়া করে জীবদ্-শাতেই স্বাধীনতা ও ক্ষমতা-ভোগে লিপ্সু নেতারা এ বিষয়ে এতটুকু দেরি করতে রাজী নন। তাঁরা সম্ভাব্য সাম্প্রদায়িক দাঙ্গা-হাঙ্গামার বিষয় একটুও চিন্তা কর-লেন না।

দেশবিভাগজনিত পাঞ্জাবের রক্তক্ষয়ী হাঙ্গামার পর দ্বিমুখী বাস্ত্বত্যাগ ও নির্বিচার গণহত্যা এবং বাংলার একমুখী উৎপীড়িত বাস্ত্বহারাদের সম্পর্কে কলকাতার এক জাতীয়তাবাদী সংবাদপত্রে সম্পাদকীয় প্রবন্ধে লেখা হয় : 'ঈশ্বর ওদেরকে ক্ষমা করো। ওরা জানে না ওরা কি করেছে।'

[ আশ্চর্য এই-যে মুসলিম-নেতারা পাকিস্তানে পাড়ি দেবার কালে মুসলিম-জনগণের দিকে তাকিয়েও দেখলেন না। বাস্ত্বত্যাগে অক্ষম মুসলিম-সমাজ নেতাদের ধোঁকা-বাজি বুঝে অবাক হয়ে ভাবে যে এ-সবের প্রয়োজন কি ছিল। নিরাপত্তার অভাব না-থাকায় তারা বাস্ত্বত্যাগ করে নি।

কিন্তু বিহারী নিম্নপদস্থ মুসলিম-সিপাহী পূর্ব-পাকিস্তানে চলে গিয়ে পরে মোহভঙ্গ হওয়ায় আবার ফিরে আসে। আমাদের চেষ্ঠায় তারা কলিকাতা-পুলিশে পুন-বহাল হয়।

অন্যদিকে যে-সব সিডিউল কাস্ট মেম্বাররা লীগ-গভর্নমেন্টের বিশিষ্ট সহায়ক-রূপে পার্টিশনের বিকল্প-ব্যবস্থার পরিপন্থী হন তাঁরাও শেষ অবধি পাকিস্তান হতে বিতা-ড়িত হয়ে ভারতে আশ্রয় নিতে বাধ্য হন। ]

ওই সময় কলিকাতা-পুলিশের এক মুহা-দুঃখবহ দিবস। বহুদিনের বন্ধু মুসলিম-সহ-কর্মীরা পূর্ব-পাকিস্তানে চলে গেলেন। সহকর্মীদের নিকট হতে বিদায় নেবার সময়টুকুও তাঁরা পান না। যুরোপীয় ও মুসলিম উর্ধ্বতন অফিসররা তখন পৌটলা-



বেঁধে তৈরি। লালবাজারে আমার কম্যাণ্ডে শেষ পুলিশ-প্যারেড অফিসানের বক্তৃতায় লীগ-মন্ত্রীরা শেষবারের মতো বিমোদগার করলেন। গভর্নর কয়েকজন কর্মীকে পদক দিলেন এবং বিগত দিনের স্মৃতি ভুলে যেতে বললেন।

পুলিশ-কমিশনার হার্ডিক-সাহেব নটনজনকে চার্জ বুঝিয়ে যুরোপে পাড়ি দিলেন। নটনজনই কলিকাতা-পুলিশের শেষ কমিশনার। প্রথম ভারতীয় পুলিশ-কমিশনার সুরেন্দ্র চ্যাটার্জিকে চার্জ বুঝিয়ে তিনি পূর্ব-পাকিস্তানে প্রস্থান করেন। তখনও পশ্চিম বাংলায় ছাগামন্ত্রী তথা আগার-ট্রেনিং মন্ত্রী ও প্রকৃত মন্ত্রীর দ্বৈত-শাসন অব্যাহত।

লালবাজারে ড্রিলের দিন পরবর্তী মুখ্যমন্ত্রী প্রফুল্লচন্দ্র ঘোষ বক্তৃতা দিতে আসেন। সেইদিনই ভারত পূর্ণ স্বাধীনতা-লাভ করেছিল। মুখ্যমন্ত্রী সেদিন উপস্থিত অফিসারদের বলেন যে পুলিশ হ'ল দৌবারিক, তারা যেন কারো কাছে হাতজোড় না করে। ছুয়ার রক্ষার্থে তাকে উচিত-মতো কঠোর হতেই হবে। তাঁর এই বক্তৃতা আমাদের সকলেরই ভালো লাগে। তিনি আরও বলেন যে আমূলগত্যাহীন অফিসারদের সম্বন্ধে ক'হবে না।

স্বাধীন দেশের মুখ্যমন্ত্রী অতঃপর ড্রিল হল-এ প্রবেশ করলে অফিসররা তাঁকে সম্মান দিতে দাঁড়াবে কি-দাঁড়াবে না তা ঠিক করতে পারেন না। তারা উঠি-উঠি করেও এসে পড়েন। বহুদিনের পুরানো অভ্যাস ত্যাগ করা কঠিন। ইংরাজ পুলিশ-কমিশনার নটনজন তখনও সুরেন্দ্র চ্যাটার্জিকে চার্জ বুঝিয়ে দেন নি। মিঃ নটনজন অফিসারদের দোতুল-মনোভাব দেখেনিজেই হাতের ইশারায় মুদ্রস্বরে বলে উঠলেন, 'আপ ( up )।' পরাধীনতা ও স্বাধীনতার সন্ধি-সীমায় দাঁড়িয়ে অফিসাররা কিংকর্তব্যবিমূঢ়, তাই দ্বিধাগ্রস্ত হয়ে পড়েন।

[ সুরেন্দ্র চ্যাটার্জি কলিকাতা-পুলিশের প্রথম ভারতীয় কমিশনার। তিনি পল্লীতে-পল্লীতে হিন্দু-মুসলিমের যুক্ত মিটিং করে প্রীতি জায়গায় নিজে বক্তৃতা দিতেন। আমি এরূপ বহু সভা সংগঠন করে তাঁর কাজে সাহায্য করেছিলাম। স্ববক্তা কমিশনার-সাহেব এভাবে হিন্দু-মুসলিম সম্প্রতি ফিরিয়ে এনেছিলেন। এই তেজস্বী ভদ্রলোক ব্যক্তিত্বে ও কর্ম-দক্ষতায় অনন্য ছিলেন। ]

বাংলার প্রশাসন ও পুলিশের ইতিহাস এক ও অবিভাজ্য ছিল। এবার তা দুভাগে বিভক্ত হয়ে গেল। এপার বাংলা এপারের এবং ওপার বাংলা ওপারের ইতিহাস পড়বে। তবু পিছন ফিরে তাকালে দেখতে পাবে মূল-ইতিহাস একটাই। আমার মাত্র পনেরো বছরের চাকুরি-জীবনের মধ্যে এক মহা-অঘটন ঘটে গেল সেদিন। সেই কলকাতাকে আজও আমি স্বপ্নের মধ্যে দেখতে পাই।

বাংলা-বিভাগের পরই বোকা গেল যে এর জন্ম বাঙালী-মাত্রই অমৃতপ্ত। সেই মুহূর্তে কোনও নেতা সংযুক্ত বাংলার কথা বললে জনগণ তাঁকে স্বাগত জানাতো। কিন্তু সেইরূপ ব্যক্তিঅপূর্ণ সাহসী নেতা একমাত্র স্বভাষচন্দ্র ছাড়া আর কারই-বা নাম করা যায়। স্বভাষচন্দ্র এই সময় স্বদেশে প্রত্যাবর্তন করলে প্রতিটি সমস্তার পূর্ণ মীমাংসা হ'ত। তাঁর প্রত্যাবর্তন যতই বিলম্বিত হবে এই-সব সমস্যা ততই স্বদূরপর্যাহত হতে বাধ্য। নতুন বংশধরদের পুরনো ঐতিহ্যের প্রতি মমতা বিশেষ থাকবে না। সমগ্র প্রদেশ কেবল কাজী নজরুল এবং নদীর জল-মাছ ও পাখি ছাড়া বিলকুল সব ভাগ হয়ে গেল।

প্রথম প্রথম জনগণ পূর্বের মতো কিছুকাল বিনা পাশপোর্ট ও ভিসায় উভয়বন্ধে যাতায়াত করছিল। দেশ যে বিভক্ত তা অন্তত সাধারণ বাঙালী কিছুতে বুঝতেই চায় নি। উভয় বন্ধের পুলিশও পরস্পরকে মদত দিতো এবং পরস্পরের এন-কোয়ারি-প্লিপের উত্তর আদান-প্রদান করতো। এমন-কি কলকাতা বিশ্ববিদ্যালয় ওপার বাংলার স্কুল-কলেজের পরীক্ষাও গ্রহণ করেছে। এদিক থেকে ওদিকে নোট ও টাকা-পয়সা পাঠানোও হয়। এই ব্যবস্থা আরও কিছুকাল স্থায়ী করা যেতো। কিন্তু শীঘ্রই উভয়-দেশের সরকারী ব্যবস্থাপনায় এই সহজ সংযোগ-সূত্র-গুলি বিচ্ছিন্ন করা হ'ল।

হিন্দু-মুস্লিমের মিলিত শহর কলকাতা আজ অতীতের বস্তু। সিটি অফ প্যালেসের বদলে কলকাতা আজ সিটি অফ হকার্স। শহর-কলকাতাকে যদি আজ জিজ্ঞাসা করা যায়, তুমি কার? তাহলে সে ওপার-বাংলার দিক থেকে মুখ ফিরিয়ে বলবে, অন্তত তোমাদের নই।

অঙ্গচ্ছেদের ফলে আমরা যা হারিয়েছি তা আর ফিরে পাওয়া যাবে না। কিন্তু উত্তরাধিকার-সূত্রে আমরা যে মহান ঐতিহ্যের ধারক ও বাহক তা রক্ষা করা প্রত্যেক বাঙালীর পবিত্র কর্তব্য।

## পরিশিষ্ট

দেশ স্বাধীন হলে পুলিশ-কর্মীরা নতুন করে আবহুগত্যের শপথ গ্রহণ করেছিলেন। মহাদাঙ্গার সময় যে শহরকে তাঁরা রক্ষা করেন সেই শহরে পুলিশের মর্যাদা রাখতে তাঁরা তখন ব্যস্ত। এঁদের প্রত্যেকের গঠনমূলক মনোভাব, সততা ও দক্ষতা তুলনাহীন। ইতিমধ্যে তাঁদের প্রভূত স্বদেশ-প্রেম ও ব্যক্তিগত গড়ে উঠেছে। মুস্লিম ও ইংরাজ-কর্মীরা চলে যাওয়ায় কর্মক্ষেত্রে বিরাট ভ্যাকুয়ামের সৃষ্টি হয়। কলিকাতা-পুলিশকর্মীদের আশা, শহর-রক্ষার পুরস্কার-স্বরূপ ওই-সব শূন্যপদে

তাদের উন্নীত করা হবে। শিক্ষাদীক্ষা ও বংশগরিমায় তাঁরা কেউই কম নন। কিন্তু হঠাৎ দেখা গেল যে পুলিশ-পদগুলিকে শ্রেণীহীন না-করে শ্রেণীযুক্ত করা হ'ল। সর্বভারতীয় মার্ভিসের জন্ম (আই. পি. এস.) তরুণদের ভর্তি করে অভিজ্ঞ প্রবীণদের উপর-ওয়াল করা হ'ল। একজন ইংরাজ-কর্মীকে যে পদে পৌছতে বিশ বৎসর অপেক্ষা করতে হয়েছে সেই-সব গুরুত্বপূর্ণ পদে মাত্র দুই বৎসর অভিজ্ঞ তরুণদের বসানো হ'ল। এঁদের ঠাট্টা করে বলা হ'ত : 'পার্টিশন প্রোডাক্টস্।' ফলে অভিজ্ঞ ব্যক্তির অভাবে পুলিশের দক্ষতা হ্রাস হয়। প্রবীণ কর্মীরা তাঁদের দীর্ঘদিনের অর্জিত ব্যক্তিত্ব একটু-একটু করে হারিয়ে এক অদ্ভুত নির্লিপ্ততার শিকার হয়ে যান। আশাভঙ্গ হওয়ায় এঁদের কেউ-কেউ আগের মতো আখের গুছাতে মন দেন। পরবর্তীকালে অভূতপূর্ব পুলিশ-স্ট্রাইক তার ফলশ্রুতি। সেই সময় কিছু ডিপার্টমেন্টাল পোস্ট সৃষ্টি না-হলে বিপর্যয় ঘটতো। প্রমোটেড্ অফিসরারা ডিরেক্ট রিক্রুট উর্ধ্বতন অপেক্ষা প্রায়শঃ ক্ষেত্রে দক্ষতা অর্জন করেছেন। তবে স্রষ্টা প্রশাসনের জন্ম কিছু-সংখ্যক তরুণ-উর্ধ্বতনদের প্রদ্রোহনীয়তা অস্বীকার করা যায় না। কিন্তু তাঁদের ইংরাজ-উর্ধ্বতনদের মতো নম্র অথচ কঠোর এবং ট্যাক্টফুল নিশ্চয় হতে হবে।

আমি বহু দুঃস্থ মামলা তদন্ত করে হাইকোর্টে বারে বারে প্রশংসিত হই। এক অনভিজ্ঞ তরুণ-উর্ধ্বতনকে একটি মামলায় আমাকে অবাস্তব উপদেশ দেবার স্পর্ধা দেখে অবাক হয়ে যাই। পুঁথিগত অধীত বিজ্ঞান যে শেষ-কথা লেখা নেই তা তাঁরা জানেন না। এতে পুলিশী তদন্তের মানের দ্রুত অবনতি ঘটেছিল। আমার সৌভাগ্য এই-যে আমার পূর্বতন পুলিশী গুরু রায়বাহাদুর সত্যেন্দ্রনাথের বিভাগ থেকে উন্নীত হয়ে পরে এঁদের মতোই উর্ধ্বতন অফিসার হইয়া পেরেছিলাম। তাই অপমানের বোঝা আমাকে কিছুমাত্র বইতে হয় নি।

স্বাধীনতার পর প্রকৃত কংগ্রেসীরা খন্দর ও গান্ধীটুংপ পারিত্যাগ করেন। তাঁদের হলে হঠাৎ একদল দালাল-শ্রেণীর লোক খন্দর ও গান্ধীটুংপ পরে থানাদের উত্থাপন করতে থাকে। এই ভূয়া-কংগ্রেসীদের বক্তব্য এই-যে তারা মন্ত্রীদের প্রিয়পাত্র হওয়ায় কর্মীদের উপকার করতে অক্ষম। স্বাধীনতার পূর্বেই আমি অ্যাসিস্টেন্ট কমিশনার হয়েছি। এই দলটিকে আমার অধীন-থানাগুলি থেকে উৎখাত করতে বেগ পেতে হয়েছিল। বহু মন্ত্রী দীর্ঘকাল জেল খাটায় জনগণকে ঠিকমতো চিন-তেন না। উপরন্তু স্বাধীনতা-উত্তর জনগণের রূপ ছিল ভিন্ন। তাই এই সব-দালাল ভূয়া-জননেতার দাবী মন্ত্রীদেরও বিভ্রান্ত করতো। কিছু উর্ধ্বতন-কর্মীরাও এঁদের প্রকৃত-নেতৃত্বে খুশি করতে অধীনস্থ কর্মীদের হুকুম দিতেন।

মহাদাঙ্গার সময় কোনও শান্তিসেনা না-থাকলেও দাঙ্গাশেষে হঠাৎ বহু পল্লীতে শান্তিসেনা সংগঠিত হয়েছিল। সংলোকের সংখ্যা সর্বদেশে কম। জনসংখ্যা বেশি হলে মন্দলোক আসবেই। তাছাড়া, নবগঠিত শান্তিসেনার প্রত্যেকে ট্রেনিংহীন অজ্ঞাতকুলশীল ব্যক্তি। শ্রীপ্রণব সেন প্রতি থানায় অল্পরূপ একটি ছোট সংস্থা গড়ে নাম-রেজিস্টারের অঙ্কহাতে ওদের হাটিয়ে একটি সমস্তার স্বল্প সমাধান করেছিলেন। এইরূপ ট্যাক্ট তথা কায়দার জ্ঞান তিনি প্রথ্যাত ছিলেন।

বিঃ দ্রঃ—স্বাধীনতার পর আমার অধীন থানাগুলিতে আমি সম্পূর্ণ বাংলা ভাষার মাধ্যমে কাজকর্মের প্রবর্তন করেছিলাম। প্রয়োজনীয় পরিভাষা তৈরি করে কর্মীদের লিখন-ব্যাপারে শিক্ষা দিই। এমন-কি ডিসট্রিক্ট প্যারেডে বাংলা-ভাষায় কম্যাণ্ডেরও প্রচলন করি। যেমন : অ্যাটেনশন = প্রস্তুত, স্ট্যাণ্ড অ্যাট ইজ = আরাম, রাইট টার্গ = ডানে ফ্রো, লেফট হুইল = বামে বৃত্ত ইত্যাদি। কিন্তু আদালতের ভাষা ইংরাজি এই ওজুহাতে কর্তৃপক্ষ পরে তা বন্ধ করে দেন।

যুদ্ধ ও দাঙ্গা থামার আগেই, পরে কি করা হবে তার পরিকল্পনা রচিত হয়েছিল— অথচ দেশবিভাগের মতো এত বড়ো ঘটনার-পরে কি ঘটতে পারে কেউ তার পরিকল্পনা রচনা করলেন না। সংশ্লিষ্ট ব্যক্তিদের বোঝা উচিত ছিল এ-বিষয়ে প্রস্তুত না-হয়ে দেশ-বিভাগের প্রস্তাব গ্রহণ করা যায় না। তারই ফলস্বরূপ পাটি-শনের পর হাজার-হাজার ব্যক্তি উৎপীড়িত হয়ে দেশত্যাগে বাধ্য হ'ল। তখনই, এই একমুখী বাস্তবহারাদের পুনর্বাসনের জ্ঞান কিছু দ্রমি ছকুম-দখল না-করায় এদেরকে বরং জর্জ-দখলে উৎসাহিত করে স্থানীয় লোকদের মনে বিরূপতা এবং এদের মনে অপরাধপ্রবণতার বীজ বপন করা হ'ল। স্থানীয় ব্যক্তিদের ওদের প্রতি পূর্ব-সহানুভূতি হারানোর ফল শুভ হয় নি। অথচ বাস্তবহারারাও খুশি নয়। ফলে উভয়-শ্রেণীর জনগণ ধীরে-ধীরে সরকার-বিরোধী হতে থাকে। কিছু রাজ-নীতিবিদেও এই অবস্থার পূর্ণ স্বযোগ গ্রহণ করেছিল। কংগ্রেসকে গদী হতে হটাবার জ্ঞান হাঙ্গামার সৃষ্টি করা ওদের পক্ষে সহজ হয়।

[ কিন্তু—সাম্প্রদায়িক দাঙ্গা শুরু হয়ে গেলে রাজনৈতিক দাঙ্গা বন্ধ হয়ে যায়। স্বাধীনতার পর জনৈক বাঙালী শিখের হত্যা-উপলক্ষে স্থানীয় সাম্প্রদায়িক দাঙ্গা আমি নিমেষে দমন করেছিলাম। নাড়ীর টান এমনই যে এ-বন্ধে কিছু ঘটলে ও-বন্ধে তার প্রতিক্রিয়া হবেই। ১৯৫২ খ্রিঃ বরিশালে ও পূর্ববঙ্গের অত্র হিন্দু-নিধন শুরু হয়েছিল। বহু হিন্দুনারী অপহৃত হন। পূর্ববঙ্গ থেকে আসা শূত্র ট্রেনগুলিতে শুধু ভাঙা কাচের চুড়ি ও রক্তের দাগ। আমার একদা-অল্পগত পূর্ববঙ্গের পূর্বতন কলিকাতা-পুলিশের কর্মীদের পত্র লিখে আমি বিভিন্ন এলাকার বহু পরিবার ও

অপরূপতা কন্যাদের উদ্ধারে সাহায্য করেছিলাম। এদিকে তার প্রতিক্রিয়া-স্বরূপ মধ্য-কলকাতা অঞ্চলে সাম্প্রদায়িক দাঙ্গা শুরু হলে আমি ও সত্যেন্দ্রবাবু তা কঠোরহস্তে দমন করে স্থানীয় মুসলিমদের রক্ষা করেছিলাম।]

এর মধ্যে মুন্সুকী আইনে অল্প প্রদেশে-বাঙালীদের চাকুরি বন্ধ। গভর্নমেন্টে সাম্প্রদায়িক নিয়োগ হলেও, কলকাতার-ইংরাজ-সওদাগরী অফিসগুলিতে বাঙালী মাঝেই চাকুরি হ'ত। কেউ মারা গেলে ওরা গ্রাম লোক পাঠিয়ে তার পুত্র বা স্বজনকে ডেকে এনে চাকুরি দিতেন। কলকাতার ব্যবসায়ী-সাম্প্রদায় বিদেশী কোম্পানীগুলি ক্রয় করায় এখানেও বাঙালীদের চাকুরি বন্ধ হ'ল। এদিকে মহিলারাও তরুণদের অবশিষ্ট চাকুরিতে ভাগ বসাতে শুরু করেছেন। বহিরাগত কর্মীরা নিজদেশের খাতের চাপ কমিয়ে এই প্রদেশে খাত ভাগ নেওয়া এবং মনি-অর্ডারে মুদ্রকে প্রতি-সপ্তাহে অর্থ পাঠানোয় এখানে খাত ও অর্থের যথেষ্ট অভাব হ'ল।

ফলে এক বিরাট খাত ও অর্থহীন বাঙালী বেকার চমু বিরোধী-রাজনীতিবিদের অন্তর্গত বিক্লেটিং গ্রাউন্ড তৈরি করেছিল। তৎসহ ছিনতাই ও অত্যাচার অপরাধ-কর্মও এরা বৃত্তিরূপে গ্রহণ করে। এদের মধ্যে মাত্র দুই বা চারজন বেপরোয়া তরুণই সমাজ-ব্যবস্থা বিপন্ন করে তোলে। এতে রাজনৈতিক দাঙ্গা-হাঙ্গামা প্রত্যাশীদের যথেষ্ট সুবিধা হয়। কোনো বেকার-যুগ্ম কৃষিকাজ কিংবা ছোট শিল্প বা দোকান করলে তার ফসল বা দ্রব্যগুলি অথ বেকার-যুগ্মের লুণ্ঠন করতো। এই ছোট্ট দেশে সমগ্র ভারতের লোকদের চাকুরি ও ব্যবসায়িক কোনোমতেই সংকুলান-সাধ্য নয়। অথচ স্থানীয় তরুণদের জন্য কোনও রক্ষাকবচের বা অগ্রাধিকারের ব্যবস্থা নেই।

[বাঙালীর ব্যবসা সাম্প্রতিক ঘেরাও-নীতির ফলে বিলুপ্ত হয়ে গিয়েছিল। কোনও এক মাড়োয়ারী শিল্পপতি আমাকে বলেছিল : 'সাময়িক অসুবিধা সত্ত্বেও এতে আমাদের যথেষ্ট লাভ হয়েছে। বহু ছোট ছোট বাঙালী ব্যবসায়ী একত্রে আমাদের সঙ্গে প্রতিযোগিতায় উদ্যোগী হচ্ছিল। আমরা অর্থের দ্বারে টিকে গিয়েছি, কিন্তু ঘেরাও ও কারবার বন্ধের ফলে এখন আমাদের আর কোনো প্রতিযোগী নেই।'

এইরূপ এক অগ্নিগর্ভ পরিস্থিতিতে জন-সিঙ্কনের ব্যবস্থা না-করে আমরা ওদের দমনে ব্যাপৃত হলাম। আমরা কেউ বুঝলাম না যে অল্প কোনো কাজ না-থাকায় ওরা বিক্ষোভে ও মিছিলে যোগদান করতে বাধ্য হয়। আমি আমার কংগ্রেসী বন্ধুদের বলেছিলাম যে আপাতত পথ-ঘাট তৈরি বন্ধ রেখে ওই টাকায় ওদের

জন্ম ফ্যাক্টরি ও ব্যবসার ক্ষেত্র তৈরি করো, ওরা জল-কাদা ভেঙে অফিস-কাছারী না-করলে ক্ষতি নেই।

এই-সব আন্দোলন মধ্য-মধ্যে ভীষণ আকার ধারণ করতো। পলায়ন-বিশারদরা শাস্ত্রবাক্য অমূল্য করে আত্মরক্ষা করলে, পুলিশের প্রতি-আক্রমণে নিরীহ পথচারী বিক্ষুব্ধ হয়ে উঠতো। ফলে সরকার-বিরোধীদের সংখ্যা ক্রমশ বেড়ে যায়। এজন্য আমি ঠিক-ব্যক্তিদের গ্রেপ্তারে অধীনদের উৎসাহিত করি।

ট্রাম ও বাস পোড়ানো দুর্ধর্ম বন্ধের জন্য ট্রাম ও বাসের মধ্যে সশস্ত্র ছদ্মবেশী পুলিশ থাকতো। কেউ দুর্ধর্ম করতে আসামাত্র ওঁরা ব্যবস্থা গ্রহণ করতেন। দুষ্কৃতকারীদের মধ্য হতে গুপ্তচর সংগ্রহ করে ক্ষেত্রবিশেষে আমরা প্রকৃত-অপরাধীদের গ্রেপ্তার করেছি। ওদের গোপন-সভায় ছদ্মবেশী পুলিশ পাঠিয়ে নাটকের গুরু ও তার চেলাদের আমরা গ্রেপ্তার করতাম।

একবার লক্ষ্য করলাম রাত্তিকালে সাংবাদিকদের গাড়ি দেখলে গলি থেকে বেরিয়ে ওরা গাড়ি থামায় ও নিজেদের বক্তব্য রাখে। সাংবাদিকরা সেইমতো পুলিশ-বিরোধী রিপোর্ট পত্রিকাতে বাহির করেন। আমি সাংবাদিকদের সঙ্গে বিরোধের পক্ষপাতী না থাকায় অন্য ব্যবস্থা গ্রহণ করেছিলাম। অঙ্ককারে একটি সাদা-জীপগাড়িতে ‘রিপোর্টার’ লিখে ওদের ঘাঁটিতে গেলে ওরা পূর্বের মতো ছুটে আসে এবং বোমা-সহ ওদের আমরা গ্রেপ্তার করি। পরদিন রাত্রে প্রকৃত-সাংবাদিকরা ওখানে গেলে ওঁরা তাদের পুলিশ মনে করে যথেষ্ট পিটোয়। প্রভাতী পত্রিকার সাংবাদিকরা ওই গুণ্ডাদের দমন না-করার জন্য উলটো অভিযোগ করেন।

একবার বহুজাতার স্ট্রীটের দুপাশে দুটি বাড়ি দখল করে কিছু লোক বোমা-বর্ষণে পথ-চলা অসম্ভব করে তোলে। আমরা বোমা-বর্ষণের মধ্যেই ছুটে গিয়ে ওদের বার করে আনার সময় বোমার স্পিলিঙটার আমাদের শরীরে ঢুকে যায়। আমি রক্তাশ্লীষিত অবস্থায় হাসপাতালে ভর্তি হই এবং অজ্ঞান করে দুবার অস্ত্রোপচার করে। তা সত্ত্বেও কিছু স্পিলিঙটার শরীরের ভিতরে রয়ে যায়। আমার কানটি সেলাই করে আগের মতো করা হয়।

স্বর্গত ডঃ বিধানচন্দ্র রায় আমাকে দেখতে এলেন রাজ্যপালকে সঙ্গে নিয়ে। তিনি আমাকে সাহস দিয়ে বলেছিলেন, ‘আরে, তোমাকে তো কেউ দুকান-কাটা বলবে না!’ জর্নৈক ডাক্তার বাকী স্পিলিঙটারগুলি বার করবার জন্য পুনর্বার অস্ত্রোপচারের কথা বললে তিনি উত্তর দিয়েছিলেন, ‘পরের দেহে সবাই ছুরি চালাতে চায়। এর কোনও প্রয়োজনই নেই।’ তারপর তিনি স্নেহে বলেন, ‘তুমি তো

লৌহ-মানব হে। এতো বড়ো শরীরে একটু স্পিলিটোর থাকলে ক্ষতি নেই। ছত্র-পতি শিবাজী, রাণা প্রতাপ ও মহারাজ রণজিৎ সিংহের শরীরে এমন কতো গোলা-গুলির টুকরো ছিল। কই তাঁদের কাজে-কর্মে তো কোনো ক্ষতি হয়নি। ওহে, তুমি জলদি উঠে পড়ো, কাজ-কর্ম আরম্ভ করে দাও।’ আমাকে ভড়কে যেতে দেখে তিনি বুঝিয়ে বলেন, ‘বাড়িতে অবাস্তিত কেউ ঢুকে পড়লে তোমরা কি করে?—সবাই মিলে ঘিরে ধরো তো। সেই রকম মানুষের শরীরে অবাস্তিত কিছু প্রবেশ করলে চতুর্দিকের সেল (Cell)-গুলি তাকে ঘিরে ধরে শক্ত হয়ে যায়। তারপর ক্রমে ক্রমে অবাস্তিত বস্তু গ’লে রক্তের সঙ্গে মিশে শরীরের মধ্যেই লীন হয়।’ [কখনও খুনে-গুণ্ডা ধরতে গিয়ে, কোনোদিন দাঙ্গা থামাতে, কখনও-বা রাজ-নৈতিক হাঙ্গামা থামাতে গিয়ে আমি বহুবার আহত হয়েছি। আমার অভিজ্ঞতা এই-যে সামান্য আঘাতে ব্যথা পেলেও, বড়ো আঘাতে শক-এর দরুন ব্যথা কম হয়। আমার আঘাত-প্রাপ্ত ঘটনাগুলি আর উল্লেখ করলাম না।]

আমি ক্রিমিনাল সাইকোলজি বিষয়ে গবেষণা করে বহুদূর এগিয়েছিলাম। এ বিষয়ে নতুন পুরনো থিওরী বাতিল করে নতুন থিওরী রচনা করি। সেগুলি একাধিক বিজ্ঞানী স্বীকার করেছেন। এ সম্পর্কে পিওর-লাইন ক্রিমিনাল হেরিডিটি গবেষণার জন্য আমি ছুটি নিয়ে আন্দামানে কিছুদিন ছিলাম। সেখানে পিতা-মাতা উত্তর-পূর্ব এই অপরাধী এমন কেস পাওয়ায় ওই বিষয়ে গবেষণার কাজে সুবিধা হয়। আমি ফিরে এসে আন্দামানে বাস্তুহারাদের পুনর্বাসনের সুবিধার কথা রায়বাহাদুর সত্যেন্দ্রনাথ মুখার্জিকে বলি। তিনি নিজে তারপর আন্দামান ঘুরে এসে ডাঃ বিধানচন্দ্র রায়কে বুঝিয়ে বলেন। কিছুদিন পরে কাগজে দেখলাম যে আন্দামানে বাস্তুহারাদের পাঠানোর ব্যবস্থা হয়েছে। গবেষণার জন্য দ্বিতীয়বার ওখানে গিয়ে বাস্তুহারাদের বসবাসে উৎসাহিত করে এসেছিলাম। আমি ও সত্যেন্দ্রবাবু ওদের বসবাসের ব্যাপারে কিছু অসুবিধার কথা ডাঃ রায়কে জানালে তিনি তার বিহিত করেছিলেন।

এ সময়ে শিল্পক্ষেত্রেও অশান্তির সৃষ্টি করা হয়। বিখ্যাত জোসেফ কোম্পানি এবং অন্য-এক কোম্পানির ইংরাজ ও দেশীয় ম্যানেজারদের নির্মমভাবে হত্যা করা হয়েছিল। আমি মধ্য-কলকাতার এক কারখানায় খণ্ডযুক্ত করে আহত হলেও, অসহায় ম্যানেজারকে ফারনেস-এ ঢোকাবার পূর্বে উদ্ধার করতে সক্ষম হই। প্রতিটি ধর্মঘট ভাঙার পর আমি সেই-সব কারখানা স্থানীয় বেকারদের চাকুরির ব্যবস্থা করেছিলাম। কিন্তু ওদের কেউ-কেউ অল্পগত না-থেকে চাকুরিক্ষেত্রে উৎপাত শুরু করে দেয়।

কলকাতা কর্পোরেশনের সামগ্রিক ধর্মঘটের কালে আমি মধ্য-কলকাতায় পুলিশ ও জনগণকে সমবেত করে থানা-ভিত্তিক বিকেন্দ্রিক পৌর-কর্মের ব্যবস্থা করি। কর্পোরেশনের কিছু ময়লা-ফেলা লরী প্রতি-থানায় রেখে ময়লা সাফ করাই। উপরন্তু, ওদের কাছ থেকে চাষি সংগ্রহ করে প্রতি রাত্রে বিভিন্ন পথের বাতি জ্বালাতে সক্ষম হই।

কিছু উর্বরতন-কর্মীর সং-ব্যবহার বারে বারে আমার মনে পড়ে। হঠাৎ একদিন আমার ৩১ নং জীপগাড়িটির বদলে অত্যা একটি গাড়ি আমাকে দেওয়া হ'ল। ৩১ নং জীপগাড়িটি বোমার আঘাতে বিক্ষত-শরীর হলেও আমি বহুবার ওতে চড়ে নিরাপদে দূরে চলে এসেছি। এই সেন্টিমেন্টের কথা বলে হেড কোয়ার্টারস-এ ডেপুটি রজিষ্ট্রার গুপ্তের নিকট আর্জি পেশ করে ওটা ফেরত চাইলাম। উনি আর্জি প্রত্যাখ্যান করে বললেন যে মাহুঘের মতো কোনো বস্তুও অপরিহার্য নয়। কিন্তু রাত্রি দশটার সময় তিনিই আবার ফোন করে বললেন যে আমি ওটা ফেরত পেতে পারি।

সাউথের ডেপুটি কমিশনার চন্দ্রশেখর বর্মন হল্লা-ডিউটির শেষে সারাক্ষণ বৃষ্টিতে ভিজে প্রতিটি সিপাহীকে ট্রাকে তুলে দিয়ে তবে নিজের গাড়িতে উঠে বাড়ি ফিরে ছিলেন, মনে পড়ে।

পুলিশ-কমিশনার উপানন্দ মুখার্জি তাঁর ডেপুটি-কমিশনারদের কাছে একবার বলে-ছিলেন, 'অধীনস্থ কর্মীদের প্রতি বিরূপতা দেখানো তোমাদের পক্ষে সামান্য ব্যাপার হলেও ওদের পক্ষে যথেষ্ট উৎকর্ষ ও ক্ষতির কারণ হয়। ওদের প্রতি অসম্মানে রূঢ় হলে সর্মগ্র বাহিনী বানচাল হয়ে যাওয়ার সম্ভাবনা।'।

পুলিশ-কমিশনার হরিসাধন চৌধুরী তাঁর ডেপুটিদের প্রায়ই বলতেন যে অধীনস্থ কর্মীদের পারিবারিক অসুবিধা ও অসুখ-বিস্মৃতির ক্ষেত্রে ওদের সাহায্য করবে। রায়বাহাদুর সত্যেন্দ্রনাথ মুখার্জির মতে সাধারণ সিপাহীদের কাছেও পরামর্শ গ্রহণ করা উচিত।

ডেপুটি-কমিশনার খন্দকার হোসেন রেজা অতিথিদের খাওয়ানোর পর নিজে মুসলিম সিপাহীদের সঙ্গে একত্রে ভোজনে বসতেন।

কমিশনার সুরেন্দ্রনাথ চ্যাটার্জি তাঁর ডেপুটিদের বলেছিলেন, 'আমার কাছে তোমরা যে রকম ব্যবহার প্রত্যাশা করো, তোমাদের অধীনস্থ কর্মীদের প্রতি সেই রকম ব্যবহার করবে।'।

আমি থানা-বিভাগ থেকে বদলি হয়ে তারপর এনফোর্সমেন্ট তথা আরোপক বিভাগে এলাম। ব্রিটিশ শাসনে দ্বিতীয় যুদ্ধকালে এই বিভাগ সৃষ্টি হয়। তখন সিভিল



সাপ্লাই থেকে আসা নতুন রিক্রুট দ্বারা ভর্তি অফিসারদের প্রশিক্ষণের ভার আমি নিই। এতদিন পরে উচ্চপদী হয়ে এই বিভাগে যোগ দিলাম।

এইখানে আমি ভেজাল-নিবারণে ও মুনাফা রোধে কিছু ব্যবসায়ীর কাছে বিভী-ষিকাস্বরূপ হয়েছিলাম। কিছু ব্যবসায়ী নির্লজ্জের মতো সরকারকে ভেজাল দেওয়ার পরিণাম বেঁধে দিতে অতুরোধ করে এবং আমাকে লক্ষ লক্ষ মূদ্রার বৃথা প্রলোভন দেখায়। আমি বহুদ্রব্যের কৃত্রিম ঘাটতি প্রমাণ করার কলে কয়েকবার কন্ট্রোল বাতিল করা হয়। আমরা নিজেরাই অফিসে ভেজাল নিরূপণের যন্ত্রপাতির ব্যবস্থা করি! বহুস্থানে প্রদর্শনী থুলে জনগণকে ভেজাল ঔষধ ও পণ্যদ্রব্য চিনতে সাহায্য করি। এই সময় আমাদের সাহায্যে শহরে জনসংযোগেরও ব্যবস্থা করা হয়। শহরের মেসেজ হোম ও নাইট ক্লাবগুলি বন্ধেরও আমরা পথপ্রদর্শক হয়েছিলাম। (টালিগঞ্জ মেডিকেল ইউনিটেরও আমি তখন সেক্রেটারি।)

ভারত-সরকারের অধীন কলকাতার ডিটেকটিভ ট্রেনিং কলেজে আমার সংগৃহীত দুইশত প্রদর্শনী-দ্রব্য সহ ক্রাইম-মিউজিয়মটি স্থাপন করা হয়। আমারই পরি-কল্পিত স্ট্যাণ্ড তৈরি করে শাজানোর কায়দায় সেটি বেশ শিক্ষাপ্রদ হয়েছিল। ক্রিমিন্যাল সাইকোলজি, অ্যাপ্রায়েড ক্রিমিনোলজি, ফরেনসিক সায়েন্স, কমা-শিয়াল ক্রাইম এবং নিষিদ্ধ পণ্য, ভেজাল ও আগারী বিভাগসমূহে ওগুলি বিভক্ত করা হয়। প্রাচ্য, পাশ্চাত্য এবং ভারতের বিভিন্ন প্রদেশের অপরাধীদের ব্যবহৃত যন্ত্রপাতি সমূহের একটি কমপারেটিভ স্টাডির ব্যবস্থা আমি ওখানে করেছিলাম। তাছাড়া, ব্যারাকপুর ট্রেনিং কলেজ এবং মাউন্ট আবু কেন্দ্রীয় পুলিশ-ট্রেনিং কলেজের মিউজিয়মে বহু মডেল, চার্ট ও যন্ত্রপাতি আধার হ'ল আমি দান করি।

উপরোক্ত তিনটি সংস্থাতেই বহুবার মধ্যে মধ্যে অধ্যাপনার কাজও আমাকে করতে হয়। পাবলিক সার্ভিস-কমিশনও কয়েকবার আমাকে পেপার-সেটার ও পরীক্ষকরূপে নিয়োগ করে। এই সময় সরকারের অনুমতি নিয়ে কলকাতা বিশ্ববিদ্যালয়ের সাইকোলজি বিভাগে কয়েকটি পর্যায়ে বক্তৃতা দিই। বিশ্ববিদ্যালয়ের ছাত্ররা আমার অধীনে কিছুকাল গবেষণাও করে। শিবপুর কলেজ থেকে এনভারবমেন্টাল ইঞ্জিনিয়ারিং গবেষণার জন্মও আমার কাছে ছাত্র পাঠানো হয়। বহুস্থানে গভর্ন-মেন্টের পক্ষ থেকে পাবলিক প্রদর্শনী করা হলে আমার সংগৃহীত দ্রব্য ও মডেলাদি সংবাদপত্র ও জনগণ কর্তৃক বিশেষভাবে প্রশংসিত হয়।

সেন্ট্রাল ক্যালকাটা রাইফেল-ক্লাবের প্রতিষ্ঠাতা-সদস্যের মধ্যে আমি ও সত্যেন্দ্র মুখার্জি অগ্রতম ছিলাম।

আমি কলিকাতা-পুলিশের স্পেশাল-ব্রাঞ্চের ডেপুটি পুলিশ-কমিশনার ( আই. পি. এস. ) হয়ে এলাম। তার পরদিনই খবর পেলাম যে কলিকাতা বিশ্ববিদ্যালয় আমাকে ক্রিমিনাল সাইকোলজিতে ডক্টরেট ডিগ্রী প্রদান করেছেন। আমি দীর্ঘ-কাল নীরবে গবেষণা করে গোপনে থিসিস সাবমিট করেছিলাম।

কিছুকাল পরে এনফোর্সমেন্ট ও অ্যান্টিরাউডির ডেপুটি-কমিশনার পদে আমি বহাল হলাম। ততদিনে শহরের উঠতি-গুণ্ডা ও মস্তানদের উপদ্রব বন্ধ করে দিয়েছি। পরে ই. বি. ( হোম ) অ্যান্টিকরাপশনের স্পেশাল-অফিসার হয়েছিলাম। উল্লেখ্য এই-যে গভর্নমেন্ট আমাকে প্রথম কলিকাতা সহ চব্বিশ পরগণা, হাওড়া ও হুগলী জেলাতেও জুরিসডিকশন প্রদান করেন। বহু উচ্চপদী ও নিম্নপদী কর্মীর উৎকোচ-গ্রহণ বন্ধ করেও যোগ্যতা দেখিয়েছিলাম। কিছুকাল পরে অলক্ষ্যে আমি অবসর-গ্রহণ করে জনগণের সঙ্গে মিশে গেলাম। কেউ জানতেও পারলো না যে কলিকাতা-পুলিশে আমি আর নেই।

কিন্তু যাকে বলে অলস জীবন-যাপন তা আমার দ্বারা সম্ভরপর হয় নি। অবসর-গ্রহণের পরেও অনেক বড়ো-বড়ো মিল, ফ্যাকটরি ও কোম্পানিতে জেনারেল-ম্যানেজার বা অম্লরূপ গুরুত্বপূর্ণ পদে বহাল থেকে সুনাম অর্জন করেছি। প্রকৃত-পক্ষে আমি ইউনিফর্মড ডিউটির পক্ষপাতী।

কলিকাতা বিশ্ববিদ্যালয়, বিশ্বভারতী বিশ্ববিদ্যালয়, টাটা স্টাফ ট্রেনিং ইনস্টিটিউট, ইণ্ডিয়ান ল' ইনস্টিটিউট, কলিকাতা ডেফ এণ্ড ডাম্ফ স্কুলের সর্বভারতীয় ট্রেনিং সেন্টার, মাউন্ট আবুর কেন্দ্রীয় পুলিশ ও ব্যারাকপুর ট্রেনিং কলেজে আমি ভিজিটিং লেকচারার-এর কাজ করেছি। অল-ইণ্ডিয়া ইনডাসট্রিয়াল সাইকোলজিস্ট এসোসিয়েশনের সভাপতি নির্বাচিত হই। গভর্নমেন্ট আমাকে স্থানীয় 'জাঙ্গিস অফ পীস'ও করেছিলেন। হাওড়া হুম্মান হাসপাতালের এক্সিকিউটিভ মেম্বাররূপে ওখানে মনোরোগের একটি কেন্দ্র স্থাপন করেছিলাম।

সাহিত্য ও বিজ্ঞানের ক্ষেত্রেও আমার কিছু অবদান আছে। আট খণ্ড অপরাধ-বিজ্ঞান, এক-এক খণ্ড হিন্দু প্রাণীবিজ্ঞান ও শ্রমিক-বিজ্ঞান, কিশোর-অপরাধী, পুলিশ-কাহিনী ( প্রথম খণ্ড ) এবং চল্লিশটি উপন্যাস ও রম্যরচনা ইত্যাদি যথেষ্ট প্রশংসা অর্জন করেছে।

বর্তমানে একটি জেনারেল কলেজ ও এগ্রিকালচারাল স্কুল এবং বেকারদের জন্য কিছু শিল্প-কেন্দ্র স্থাপনের চেষ্টা করছি। এজন্য আরও কয় বৎসর জীবিত থাকা আমার প্রয়োজন।

[ আমি পূর্বে সরকারের নিকট হতে পারমিট গ্রহণ করে একটি টেপ-লুম্ কার-

গানা স্থাপন করে পঞ্চাশ জন বেকারের অনসংস্থান করেছিলাম। কিন্তু দুর্ভাগ্য-  
ক্রমে সম্প্রতিক মার-দাঙ্গাকালে বিবিধ উৎপীড়নে সেটি বন্ধ হয়ে যায়।  
তবু মধ্যবিত্ত শিক্ষিত-সম্প্রদায় দ্বারা কৃষি-ব্যবস্থাটি এখনও চালু রয়ে গেছে।  
এখানে উচ্চবর্ণের তরুণেরাও কৃষিকাজ ও পশুপালন করে থাকে। ]

প্রত্যেক মানুষ বেশি উচুতে উঠলে সমাজের ক্ষতিসাধন হয়। তাতে মূল সমাজ-  
বন্ধন হতে তারা বিচ্ছিন্ন হয়ে পড়ে। আমার জীবনের লক্ষ্যস্থল ছিল খুব উচুও  
নয় খুব নিচুও নয়। তাই জীবনের সীমিত ক্ষেত্রে আমি সফল হয়েছি বলে মনে  
করি।

পরবর্তী প্রকাশন  
বিবেকানন্দ ও সমকালীন ভারতবর্ষ  
শঙ্করীপ্রসাদ বসু